









b. 3.

lon-RUS

2 Wols in ones

3.13.6



★

1610.

- 17 La Mareschalerie de **Lavrent Rvse**, ov sont contenz remedes tres-singvliers contre les maladies des cheuaux: Auec plusieurs figures de mors. En laquelle y auons adiousté vn autre traicté de remedes: le tout nouuellement reueu, corrigé & augmenté sus vn vieil original. Chez Adrian Perier, ruë saint Iacques, au Compas d'Or. A Paris. 1610.

4to. 118 leaves, 64 woodcuts of bits, including title.  
M., 9 in. by 6½ in. Vellum.

This work is bound with "L'Ecvrie dv S. Federico Grison," but is entirely separate.



LA  
MARESCHALERIE  
DE LAVRENT RVSE, OV SONT  
CONTENVZ REMEDES TRES-SINGVLIER S  
contre les maladies des cheuaux: Avec plusieurs figures de mors.

*En laquelle y auons adiouste vn autre traicté de remedes: le tout nouuel-  
lement reueu, corrigé & augmenté sus vn vieil original.*



A PARIS,  
Chez ADRIAN PERIER, rue saint Iacques,  
au Compas d'Or.

M. DC. X.  
*Au cap. Albert van Ecqueren*



MARSHALL

THE

OF THE

OF THE

OF THE

OF THE



OF THE

OF THE

OF THE





A ILLVSTRE ET PVISSANT SEI-  
GNEVR LOYS DE BORDEAVX, SIEVR  
*du lieu, & d'Estouuy, &c. Gentilhomme ordinai-  
de la chambre du Roy, Capitaine de la ville  
& chasteau de Vire, & Enseigne de  
cent hommes d'armes des ordon-  
nances de sa Majesté.*



ONSEIGNEVR,

Je ne vous fay pas ce present, pour  
vous gratifier du liure : mais pour  
le fauoriser de vostre nom, &  
vous donner plustost à luy, que  
de le vous donner. Car aussi a-il  
plus de besoin de vostre authori-  
té, pour estre bien venu entre les Gentils-hommes, que  
vous de son instruction, pour en estre admiré : estant si  
accomply de tant de belles parties, que son artifice n'y  
sçauroit rien adiouster, & si recogneu pour cela, que vo-  
stre iugement de luy en croistra infiniment la bonne  
opinion. Je le vous donne donc, à fin que toutes les per-  
fections, qui se trouueront luy manquer, soient sup-  
plées en vous. & que pour le moins s'il ne vous plaist,  
vous soyez cause qu'il plaise aux autres. Et ne presume



EPISTRE.

en cela rien meriter de vous, mais l'obliger beaucoup,  
attendant plustost pardon, que gré d'une telle hardies-  
se, laquelle vous imputerez à l'assurance que j'ay de  
vostre bonté, & à celle que vous prendriez de mon  
humble seruice, duquel ie prie Dieu,

Monsieur, me faire la grace de vous donner autant  
de preuue que ie desire.

De Paris ce vingt cinquieme iour de Mars 1610.

Vostre tref-humble & affectionné serui-  
teur à iamais Adrian Perier.





# TABLE DES CHAPITRES CON-

*tenu en ce liure de la Mareſchalerie.*

<b>D</b> É la nature du cheual.	chap. 1.
Quels doiuent eſtre les eſtallons & les iuments pour engendrer cheuaux.	chap. 2.
Quelles choſes on doit conſiderer aux eſtallons.	chap. 3.
De la beauté des cheuaux.	chap. 4.
Les couleurs des cheuaux.	chap. 5.
De la bonté du cheual.	chap. 6.
Des ſignes pour cognoiſtre les vertus d'un cheual.	chap. 7.
De quel aage doiuent eſtre les cheuaux pour engendrer.	chap. 8.
En quel aage ſont les iuments ſuffiſantes pour engédrer.	chap. 9.
Quelles choſes il faut aux cheuaux quand on les veut faire ſaillir.	chap. 10.
Combien de iuments on doit ſurmettre à vn eſtallon.	chap. 11.
En quel temps on doit faire ſaillir les cheuaux eſtallōs.	chap. 12.
Combien de temps les iuments portent leur fruit.	chap. 13.
De ce qu'il faut faire quand la iument ſouffre le cheual.	chap. 14.
Comment on doit traiter les iuments apres qu'elles ont conceu.	chap. 15.
Quel temps eſt apte pour concevoir & engendrer les poulains.	chapitre 16.
Quel lieu eſt propre pour faire naiſtre les poulains.	chap. 17.
La maniere de nourrir les ieunes poulains.	chap. 18.
La maniere de les nourrir quand ils ſont grands.	chap. 19.
Comment on les doit attacher premierement.	chap. 20.
En quel temps on doit dompter les ieunes cheuaux.	chap. 21.
Cōment & par quelle cautelle on domtera vn poulain.	chap. 22.
Cōment on les doit garder apres qu'ils ſeront domtez.	chap. 23.
De quelles choſes on doit nourrir vn cheual ieune ou vieil.	chapitre 24.
Comment & quand, & en quelle maniere on doit purger les cheuaux.	chap. 25.
Comment on doit bailler l'auoine aux cheuaux.	chap. 26.
La maniere d'abreuuer les cheuaux.	chap. 27.
La maniere de ferrer les cheuaux.	chap. 28.



D'un cheual sur lequel la lune a rayé.	chap. 83.
Des espaulettes.	chap. 84.
Des barbules ou carboncles.	chap. 85.
De la blessure du garot ou guide.	chap. 86.
Item au mesme chapitre il parle du dos rompu.	
Des puzioles ou petites escorcheures qui aduiennent au dos du cheual.	chap. 87.
Poudre pour guarir le dos ou garrot du cheual.	chap. 88.
De la goutte qui tient aux reins.	chap. 89.
D'un cheual espaulé.	chap. 90.
D'un cheual qui a la poitrine greuee.	chap. 91.
D'un cheual entr'ouuert.	chap. 92.
D'un cheual scalmat ou du mal de la hanche.	chap. 93.
D'un cheual morfondu.	chap. 94.
D'escorcheure.	chap. 95.
Du cheual qui iette le boyau hors du fondement.	chap. 96.
De l'enfleure des couillons.	chap. 97.
De chastrer les cheuaux.	chap. 98.
De l'enfleure des cuisses.	chap. 99.
Des cuisses & jambes c'liquies & tortues.	chap. 100.
Quand l'esperon a piqué le cheual en l'espaule.	chap. 101.
Quand la jambe est blessée.	chap. 102.
Des esperuains.	chap. 103.
Du iauart ou ierde.	chap. 104.
Des courbes.	chap. 105.
De la furine.	chap. 106.
Des epineles ou spinules.	chap. 107.
Des furos.	chap. 108.
Des galles & leurs remedes.	chap. 109.
De l'attainte.	chap. 110.
Des grappes.	chap. 111.
Des creuassies.	chap. 112.
Des creuassies qui sont de trauers.	chap. 113.
De la grisaire.	chap. 114.
Des mules.	chap. 115.
De superpositoire.	chap. 116.
De l'encheuestrure.	chap. 117.





# LA MARESCHALERIE CONTENANT LES MEDECINES ET

CVRES DES CHEVAUX, AVEC PLUSIEURS

*mors de brides cy apres descripts, Composee premie-*

*rement en Latin par Laurent Ruzé Maître*

*Aturoschal: & depuis translatee en lan-*  
*gue Françoisse.*

*De la nature du Cheual. Chapitre premier.*



Le cheual est de nature chaude & temperee: on cognoist la chaleur parce qu'il est leger, hardy, & de plus longue vie qu'autre beste. On cognoist la temperance de sa nature, par ce qu'il est docile, doux & benin à son seigneur, ou à celuy qui le nourrit.

*Quels doiuent estre les estallons, & les iuments pour engendrer  
cheuaux. Chapitre 2.*

Pource que toutes bestes ont accoustumé produire leur semblable tant en corpulence qu'en mœurs & conditions, il est nécessaire eslire bons parens pour auoir bons cheuaux, car d'un bon cheual & beau s'engendrera un beau & bon poulain, & au contraire: ainsi est-il d'un iument. Et si quelque fois le contraire aduient que le poulain ne ressemble à son parent, c'est un cas fortuit, car souuent ils se ressemblent de corps & conditions.

*Quelles choses on doit considerer aux estallons.*

*Chapitre 3.*

Quatre choses sont à cognoistre aux parens, c'est à scauoir la corpulence, la beauté, la couleur & la bonté. En la cor-



pulence on doit considerer vn corps grand, large, solide, & la hauteur qu'elle soit conuenable au corps, le costé long, les cuisses grosses, longues & rondes, la poitrine grande & large, & entr'ouuerte, & tout le corps bien nerué, le pied sec ferme avec vne corne bien cauee, & assez hautement chauffé.

*De la beauté des cheuaux. Chapitre 4.*

**O**N cognoist la beauté d'un cheual quand il a la teste petite & seiche, & que la peau soit bien ioincte aux os de la teste, l'oreille courte & poinctüe, comme d'un aspic, les yeux grands, non enfoncez dās la teste, les narines ouuertes comme enflées, les machouères gresles & seiches, la bouche grande & fendüe, le coll long & gresle pres de la teste, le garrot aigu, droict, & bien roide, le dos court, & quasi plat, les reins ronds & comme gros, les costes & entrailles comme vn bœuf, les hanches longues & esteduës, peu de crins & longs au garrot & à la queue, les croupes larges & bien charnuës tant dedans que dehors, les iarrets assez grāds & secz, les cuisses courbées & grādes, lesquelles vn bon cheual doit tenir cōme vn cerf, les jambes seiches, grosses, & fort veluës, les ioinctures d'icelles grosses, non charnuës, prochaines de la corne, comme celles d'un bœuf, les cornes rōdes, solides & fermes. Et generallyment il faut qu'un cheual ait les membres bien proportionnez au corps tant en grandeur qu'en grosseur: principalement qu'il soit bien releué, à fin qu'il face vne grosseur à la poitrine. Finalement il faut qu'un cheual soit plus haut de derrière que deuant à la semblance d'un cerf.

*Des couleurs des cheuaux. Chapitre 5.*

**L**Es couleurs d'un cheual sont celles-cy, c'est à sçauoir couleur baye, couleur d'or, ou poil de vache, grison, incarnat, gris cendré, poil de cerf, rouen, cheual pommelē, blanc obscur, moucheté, tres blanc, noir, bay, brun. Apres y a des cheuaux de diuerses couleurs, principalement quand y a des taches noires meslées, ou blanches, ou fauues, ou baye meslé avec gris ou autre couleur, cheual taché comme d'escume, cheual marquée & gris brun: mais selon l'opinion de Messire Iourdain, la couleur baye & blanc brun, est à louer sur toutes autres. Le cheual estallon doit estre de couleur gaye, & non de diuerses couleurs comme vne pie. Toutes autres couleurs ne sont à priser, si la



grandeur du cheual, & les membres bien dispos, n'excusent la faute de la couleur.

*De la bonté du cheual. Chapitre 6.*

**L**E merite d'un cheual est en la bonté. Il aduient souuent qu'un cheual est laid, mal fait, de mauuaise couleur, toutesfois il se trouuera bon: & pource il sera cher, car on prend plus tost un cheual à la bonté que beauté. Si nous prenons les choses pour vtilité, la bonté est plus vtile: & pource deuez desirer plus tost un bon cheual qu'un beau: car la bonté excuse la turpitude: combien que s'il les auoit toutes deux, en feroit meilleur. Dauantage faut noter que l'on sçait mieux discerner la bonté & l'effect d'un cheual maigre que gras, car la gresse cache beaucoup de choses. Outre autant y a à considerer es iuments que cheuaux: toutesfois la principale chose est, que les iuments ayent le corps grand, & le ventre long.

*Des signes pour cognoistre les vertuz d'un cheual.*

*Chapitre 7.*

**P**Remierement faut noter, que la beauté & le defect des membres d'un cheual se discerne mieux en un maigre qu'en un gras. Un cheual qui a les machoires grosses, & le col court, est de sa nature difficile à brider, & fort en bouche. Le cheual qui a la teste froide & grosse, & qui la porte pendante & pesamment, avec ce quand il a les yeux gros, & le bout des oreilles pendant & froid, à grand peine iamaïs pourra-il estre gary. Le cheual qui a les oreilles pendantes & grandes & les yeux enfoncez, est pesant, lasche & vain. Un cheual qui a les cuisses courbées, & les iarrets gros: & quand iceux iarrets sont tournez dedans, il doit estre leger & soudain. Le cheual qui a les iarrets courbez, les cuisses grandes, les hanches courbées, est bon pour traual, & naturellement doit bien chemider. Si l'on tire un cheual par la queue, d'autant qu'il est ferme, & que plus fort tire à soy sadiete queue, d'autant est il meilleur, & de grand secours à la guerre. Item tant plus le cuir qui est entre les oreilles où le crin defect, est plus pres ioint aux os, d'autant le cheual est meilleur à la guerre. Un cheual qui a les iointures des iambes pres des pieds naturellement grosses, & les



pasturons cours cōme vn beuf, de sa nature il est fort & puissant. Vn cheual qui a les costes grosses cōme vn bœuf, le vêtre grand & auallé, est de grād trauail & labour. Vn cheual qui a toutes les cornes blanches, iamais ne les aura dures ne fortes. Si vn cheual demeure ferme dessus ses quatre pieds, principalement sur les deux de deuant long temps, tellemēt qu'il n'estende vn pied deuant l'autre, ou qu'il ne se supporte plus sur l'vn que l'autre, & s'estable bien, cela signifie qu'il a les membres inferieurs sains & fermes. Vn cheual qui a les narines grādes & enflées, les yeux gros & non enfoncez, doit estre hardy. Vn cheual qui a la bouche grande & bien fenduë, les maschoires gresles & maigres, le col long, & menu pres de la teste, est assez doux à emboucher. Vn cheual qui tient le tronc de la queuë serré & fort pres des cuisses, doit estre fort, de grand trauail & labour, mais vn peu pesant. Le cheual qui a les jambes & les ioinctures d'icelles assez veluës, & le poil long, est de grand labour, mais gueres leger. Le cheual qui a le dos ou l'eschine longue & grāde, les hanches longues & larges, & qui est plus haut du deuant que du derriere bien souuent est leger à courir. Le cheual qui cloche du deuant, & qui ne marche à terre que du bout de la corne, est blessé à la corne : mais s'il met le pied à terre, c'est signe qu'il est blessé autre part qu'à la corne. Le cheual qui cloche quand il marche, & qui ne plie point les pasturōs ou ioinctures, est blessé en iceux pasturōs & ioinctures. Le cheual qui cloche deuāt, & au destour ou à dextre ou à senestre cloche pl<sup>us</sup> fort, on presume qu'il a douleur aux ars ou aux espaules. Le cheual qui cloche du derriere, & à vn simple destour cloche pl<sup>us</sup> fort, est blessé à la hāche. Le cheual qui a douleur es parties inferieures, & qui en cheminant fait les pas de deuant menus & drus, a douleur à la poiētrine. Le cheual qui cloche du deuant, & qui estend le pied duquel il cloche deuant l'autre quand il est à repos sans aucunemēt se supporter de ceste jāmbe, est blessé à la jambe, ou aux ars ou aux espaules. Le cheual qui cloche du derriere, & lequel en chemināt ne se supporte que du bout du pied de derriere sans courber les ioinctures, mais seulement leue le pied, & le traine, souffre mal à la ioincture. Le cheual qui a tousiours douleur dedans le corps, & qui sans cesse a les auresilles & narines froides, les yeux enfoncez



on l'estime demy mort. Le cheual qui a l'antrac, & si le vent qu'il iette par le nez est froid, & que les yeux luy pleurent tousiours, est proche de la mort. Le cheual qui a la morue ou le farfin, & qui iette tousiours humeurs par les narines, comme eau grasse & froide, à grand' peine pourra-il eschapper. Le cheual qui a la maladie d'arragiat, ou flux de ventre, & qui iette sans cesse de l'eau par le fondement, tellement que rien ne luy demeure au ventre, la maladie tournera en enfonture ou infusion, & mourra bien tost. Le cheual qui a les viues ou auiues, & tout le corps en sueur avec vn tremblement de membres, n'eschappera de celle maladie. Si quelqu'un tient quelque temps les narines d'un cheual, & qu'il mette dedás vn petit d'herbe ou de paille, & que de son vent il la iette loin, n'a aucū mal à la teste de reumes ny catherres. Le cheual qui a la maladie de l'estrangillon, s'il aspire ou respire avec difficulté au milieu du gosier, & avec grand son des narines: avec ce il a le gosier enflé & fort gros, à grand' peine eschappera-il. Le cheual qui de nature a les balsanes pareilles & de mesme hauteur & lōgueur n'engrosfira facilement.

*De quel aage doyuent estre les cheuaux pour engendrer. Chap. 8.*

**P**ource qu'un cheual robuste, fort & bien proportionné fait des poulains pareils & semblables à luy, à ceste cause on doit eslire les cheuaux à tel aage que lon trouuera les membres bien complets avec puissance en eux. Le poulain qui est engendré d'un ieune cheual, naturellement sera debile. Car tous les membres ne sont complets ne solides en iceluy, ne pareillement la vertu parfaicte. Le poulain donc sera imparfait & debile s'il est engendré d'un ieune cheual. Car d'une chose parfaicte, sort vne parfaicte: & d'une moins parfaicte, chose moindre en perfection.

*En quel aage sont suffisantes les iuments pour engendrer. Cha. 9.*

**A** cause que le sexe feminin est plus froid que le masculin, adonques vient il plus-tost à perfection de son aage. On peut soumettre la iument au cheual quand elle a deux ans. Et quand elle a dix ans passez, elle est inutile du tout à concevoir, & si en cét aage elle porte quelque fruiēt, il ne vaudra rien, & sortira trop tard. Et comme l'aage est plus tost parfaict à la femelle



qu'au masse, ainsi plustost s'en va-il & deperit. Qui est la raison qu'après dix ans on les reputé inutiles, par ce que les vertus de-  
faillent en elles, comme estans ja vieilles.

*Quelles choses il faut aux cheuaux quand on les veut faire saillir.*

*Chapitre 10.*

**O**N doit bien nourrir & largement vn estallon quand on le veut faire saillir, & doit estre sans labeur & aucun torment: car le grand labeur desseiche l'humidité, euacuë l'esprit, & debilité la vertu: lesquelles trois choses sont necessaires pour engendrer. Au contraire le repos multiplie l'humidité, & la bonne nourriture augmente l'esprit & la vertu, & du repos la nourriture prend force: dont il aduient que le desir de saillir est plus grand. Toutefois on ne doit laisser le cheual du tout sans labeur, mais tellement le trauailler, que le trauail luy face plus de delectation que d'ennuy. Car le labeur ou l'exercice temperé, seiche la chaleur naturelle, conuome les superfluités, corrobore les vertus & l'esprit: d'auantage il gouuerne la puissance digestiue, & luy aide. Parquoy la geniture sera meilleure de pure semence que d'impure. Et pource que les pures semences sont meilleures pour engendrer que les impures, il est bon que l'estallon soit vn peu exercité. Trop grand repos engendre superfluités, dont la chaleur naturelle & l'esprit sont debilités, le corps & les humeurs se refroidissent, & consequemment la semence. La geniture à grande peine se fera de semence froide & moult humide: & s'il en sort quelque chose, ce sera sexe féminin, car de semence froide & humide le genre féminin sort, & du temperé le masse. D'vne semence trop froide & humide iamais rien ne se conceura: car la chaleur naturelle agent est suffoquee: ainsi est-il d'vne trop seiche, à cause que la matiere ne se peut estendre: ainsi est-il d'vne trop chaude, si elle est seiche elle se brulle: si elle est avec froidure, ne se peut former: mais du temperé se fait la vraye conception. La conclusion donc sera que les cheuaux estallons ne soient trop gras ne humides, ne secs, mais de bon moyen, ce neantmoins plus humides que secs: pource que vn grand corps est engendré d'abondante matiere, & de peu de matiere vn petit corps. Parquoy il faut tellement traiter les



cheuaux estallons, qu'ils soient moyënement gras: car ainsi que petite matiere n'est suffisante, aussi l'abondante n'est trouuée conuenable, & la chaleur agent en grosse quantité ne la peut depurer ny former, ains en agent elle se debilité. Pareillement en moyenne & trop petite chose elle se perd, quand le subiect n'est trouué idoyne. En la chose temperée, elle agit par temperance & equité, librement informe le tout, veu qu'elle trouue subiect bien dispos, lequel elle peut deputer & gouverner. Ce que j'ay dit des cheuaux estallons, doit estre entendu de ceux qui sont és estables, lesquels l'homme fait reposer & exercer à son plaisir. Les cheuaux qui vont paistre avec le bestial, ne peuvent estre sans trauail, veu qu'ils vont çà & là en paissant, & la liberté dispose leur vouloir à leur plaisir. Semblables choses on doit considerer és iuments.

*Combien de iuments on doit soumettre à vn estallon.*

*Chapitre II.*

**T**Out ainsi que les cheuaux sont differents en corpulence, ainsi sont ils en puissance: pource il faut soumettre iuments en grand ou petit nombre, selon qu'on estimera la puissance du cheual estallon: laquelle chose les fera viure longuement: car faillir trop souuent fait vieillir toute beste & defaillir, veu qu'elle perd & consume toute sa substance & humidité, debilité ses vertus, estaint sa chaleur naturelle, & fait esuanouir tous ces esprits, dont la mort s'ensuit. Toutesfois ie trouue qu'on peut soumettre à vn cheual puissant & bien proportionné, douze iuments, ou au plus quinze: aux autres selon la qualité de leur puissance & vertu.

*En quel temps on doit faire saillir les cheuaux estallons.*

*Chapitre 12.*

**V**eu que la nature des iuments est de parfaire leur geniture en douze moys, il faut preueoir que le temps de la conception, responde au temps de la natiuité. Parquoy puis qu'il est nécessaire que les poulains naissent en temps temperé & fertile, & où les herbes croissent, à fin qu'ils ne soient blessez de froidure, ou tariz de chaleur, & à ce qu'ils ayent abondance de lait, semble qu'és pays chauds on les doit faire saillir en Mars & en



Auril, & és lieux froids en May, car ce temps-là conuiendra bien à la natiuité du cheual : dauantage les poulains de ce temps-là trouuent l'air temperé, & abondance de nourriture.

*Combien de temps les iuments portent leur fruit. Chap. 13.*

**O**N dit qu'un agent en vne quantité grande n'aura pas si tost disposé sa matiere, comme si elle estoit petite. Adonques comme la matiere & geniture des iuments soit plus grande pour la quantité grande de leur corps, que d'autres bestes, & avec ce plus humide, il est necessaire que la chaleur ait plus long temps pour informer icelle matiere. Et pource nature baille aux iumés vn an pour parfaire leur progeniture, & en ce est aussi long temps que le soleil fait son cours dans le Zodiac. Il ne faut si long temps és bœufs : car leur matiere & geniture est sèche, pource est elle plus facilement informée. Es ânes, iacoit que la matiere soit moindre, toutesfois elle est moins froide, & pour ce la chaleur met plus long temps à l'informer. Es autres bestes selon que leur matiere & geniture est facile à informer, nature leur a baillé plus long, ou plus brief temps pour accomplir & mener à perfection leur fruit.

*De ce qu'il faut faire quand la iument souffre le cheual. Chap. 14.*

**S**ouuentefois il aduient que la iument souffre sur soy le cheual, toutesfois elle refuse la geniture & semence, qui aduient par faute de chaleur és parties naturelles. Et iacoit que nature l'incite, toutesfois la froidure de ces parties luy fait refuser : & pource les faudra frotter autour d'orties, ou d'une herbe nommée squille ou oignon marin, pour leur exciter nature. Outre il faut noter que les estallons qui sont avec la troupe du bestail, se doiuent separer quelque temps pour les dommages qui pourroient venir pendant leur fureur : car au temps qu'ils saillent, leur furie croist, & l'approcher de l'un à l'autre seroit cause de les faire bleffer.

*Comment on doit traiter les iuments apres qu'elles ont conceu.*

*Chapitre. 15.*

**A**pres que les iuments ont conceu, on les doit separer des masses, & qu'elles ne souffrét faim, froid ne peine : dauantage qu'elles ne soient en lieu estroit ny pressées, de peur d'abortir, & qu'elles ne soient trop maigres ne pareillement trop grasses,



grasses, mais qu'il y ait moyen: car si elles estoient trop maigres, leur fruit pourroit abortir par faute de nourriture, ou s'il seroit, seroit petit & debile. D'autre part, si elles sont trop grasses, la semence ne se pourroit estendre comme il faut, à cause des lieux qui seroient trop replets, & ainsi sortiroit le poulain de petite corpulence. Et vient à noter qu'il faut faire couvrir les bonnes iumets de deux ans en deux ans, c'est à sçavoir celles qui apportent masses, à fin que le poulain ait du lait pur & en abondance: & tousiours leur faut auoir bonne prouision de pasture. Et en hyuer est necessaire qu'elles soient en lieux chauds, comme és forests, où ne pourront estre tant blessées de froidures ne de vents. Toutesfois on doit eiter tant comme lon peut que les iuments ne demeurent és lieux où il y a grande abondance de hestre, pource que le gland du hestre fait abortir leur fruit. En esté on les doit mettre és lieux froids, où il y ait des caues, comme és prez & és lieux où sera abondance d'herbages.

*Quel temps est apte pour concevoir & engendrer les poulains.*

*Chapitre 16.*

Pource que la nature des iuments est telle, comme j'ay dit, qu'elles portent leur fruit vn an entier, il faut eslire le temps de la conception & natiuité bien propice & idoine. Et semble que le nouveau temps, veu qu'il est temperé & abondant en pasture, est fort conuenable à tous deux. Premièrement, car comme il soit temperé, & que toutes humeurs en tel tēps sont temperées és animaux, & que lors le sang domine dedans le corps, semble qu'il n'y a temps plus conuenable à la conception, veu aussi que la temperance des humeurs est necessaire à icelle. D'auantage le temps d'Automne semble estre conuenable: à raison que les ieunes poulains sont tendres, & pource sont bien tost blesez du froid ou de chaleur: mais en Automne la chaleur ne les gaste, ne la froidure les tourmente: aussi qu'ils trouuent herbages rēdres, & s'enforcissent ainsi que les herbes viennent dures: qui est bon pour eux, car ils demandent abondance de lait, sans souffrir faim ne soif pour leur nature tendre & debile, qui demande nutriment de mesme.

*Quel lieu est propre pour faire naistre des poulains.*

*Chapitre 17.*



**L**A coustume est que toute beste se maintiét selon la nature & coustume qu'elle a eu à son commencement, & vit selon ce qui est plus conuenable à son espece : à ceste cause on doit tellement nourrir les poulains en leur ieunesse, qu'ils supportét plus legèrement ce qu'il leur faudra souffrir apres. A ces propos disoit Hypocrates que les choses accoustumées de long-temps, jaçoit qu'elles soient plus dures que celles qui ne sont accoustumées, ne molestent ou tourmentent tant. Or attendu que les poulains sont pour le traüail & labeur, & que les cornes dures & fortes sont necessaires au labeur, & que les lieux doux rendent les cornes tendres & molles, semble vtile qu'on fasse naistre les poulains és lieux rudes & pierreux és montagnes. Par ce moyen les cornes durciront és lieux aspres, rudes & froids : & la tendreté des cornes ne sentira rien és lieux aspres & difficiles, veu qu'ils les auront accoustumez. Les montaiges & places montueuses sont vtils pour deux raisons. Vne est que considéré que le chemin des montaiges est en montant & descendant haut & bas, par ce plus difficile que le plain chemin, à ceste cause le poulain sera plus exercité à labeur en montant & descendant, que s'il alloit tousiours par le plain chemin : aussi les pieds luy viennent plus forts, plus gros, durs & propres. L'autre raison, car par le traüail il se fait plus grand arait de nourriture és membres qui labeurent, & nature s'efforce tousiours à defendre les membres où elle est plus necessitée. Et pour ce que les iambes & pieds labeurent plus que les autres membres, nature y enuoye grosse nourriture pour les corroborer & augmenter, à fin qu'ils supportent plus de labeur : dont à la fin les os des iambes viennent gros, & les cornes des pieds dures. Il sera donc bon que les poulains soient continuellement exercez, quand ils sont au troupeau du bestial : toutesfois en telle sorte qu'on cognoistra estre raisonnable, non pas contre leur vouloir ou pouuoir, sans les fâcher, mais les faisant legèrement courir.

*La maniere de nourrir les ieunes poulains.*

*Chapitre 18.*

**A** Pres que auons parlé de la maniere de nourrir les ieunes poulains, maintenant reste à dire comment il les faut entretenir & endoctriner. Et premierement quand il seront nez,



se faut garder de les attoucher de la main, car par frequent attouchement sont blesez. Dauantage les faudra garder du froid tant que sera de raison, à fin que par froidures ne soient importunéz : semblablement par chaleurs & grand Esté. Parquoy en ces deux temps leur faudra élire lieux propres & idoines, c'est à sçauoir en temps froid les mettre en estables chaudes, & en tēps chaudes en lieux froids & obscurs. Il ne faut qu'ils souffrent aucunement de laim ou soif. Parquoy on ne les separera point de leurs meres. Les juments doiuent estre nourries de bon pasturage à suifance, à ce qu'elles baillent force laiēt, & que les ieunes poulains en puissent succer abondamment à leur plaisir.

*La maniere de les nourrir quand ils sont grands.*

*Chapitre 19.*

**Q**Vand les poulains seront plus grands, sera bon les toucher legerement de la main, à fin que par attouchemens ils se fassent plus doux, plus domestiques, & plus faciles à domter: semblablement à fin que l'on les ferre plus facilement, les faudra mener apres leurs meres par les mōtagnes és lieux pierreux pour les raisons susdites. Outre plus ne les faut mettre dehors, ou separer de leurs meres, qu'ils n'ayent deux ans accomplis: mais cependant faut qu'ils les suiuent par les pastures és lieux cōuenables. Apres deux ans on les doit separer de leurs meres, à cause qu'en iceluy aage ils commencent à estre stimulez de vouloir faillir: parquoy s'ils suyuoient leurs meres ou autres, pourroient faillir sur elles, dont ils deuiendroient pires, & se blefferoient facilement en tous leurs corps. Car si le cheual auoit liberté d'estre aux pastures iusques à l'aage de trois ans sans aucune compagnie de iuments, ce seroit chose bonne & salutaire pour luy, pource qu'il deuiendrait sain, habile & dispos par la liberté qu'il auroit, avec le plaisir qu'il pourroit prendre à courir & sauter par les champs, non seulement en tout son corps, mais aussi en chacun membre: & specialement és iambes & iarrrets, lesquels il seroit nets sans macule, par tout amendez & rendus plus forts.

*Comment on les doit attacher premierement.*

*Chapitre 20.*



**Q**uand les cheuaux s'ont venus en l'age qu'on les doit domter & separer des iuments, il les faut doucement attacher à vn cheuestre au licol gros & fort, fait de laine, car la laine pour sa douceur est meilleure que le lin ou chanure : toutes fois encores est-il meilleur quand il est fait de crins de cheual. Tu commenceras donc à attacher ton cheual en temps vn peu froid, comme en Octobre ou enuiron, pource qu'on les peut plus aisement facher en temps froid que chaud. Et quand tout l'hyuer tu les auras domtez, au mois de Mars ou enuiron leur bailleras à manger du fourrage, & continueras à leur bailler des herbes verdes le plus qu'il te sera possible. La raison est, pource que les poulains femmaigrissent & desseichent dans le corps, pour la facherie qu'ils ont d'estre dotez : parquoy est necessaire leur bailler du fourrage. Aucune fois aussi on leur baille du fourrage au mois de Nouembre & deuant, lequel ne les engraisse point, mais il les purge beaucoup & enfle le corps. Cependant faut bien regarder qu'ils soient en vne estable chaude, & qu'ils n'ayent froid ne vent. Et iacoit que le son ou remule leur soit bon, car il enfle le ventre, toutes fois ne leur en faut iamais bailler avec l'herbe, pource que le son avec l'herbe leur engendre des vers au corps. Je croy que le plus seur soit les attacher le premier iour de May, à cause qu'en ce temps les poulains sont gras pour les herbes qu'ils ont mangé au nouveau temps, & lors ils sont nets dans le corps, & purgez de toute la corruption & chaleur qu'ils auoient : & dauantage lors on a plusieurs petites herbes nouuelles, qui leur sont plaisantes & profitables. Finalement il ne faut commencer à les attacher en temps chaud : car ils s'eschaufferoient & tourmenteroient d'estre ainsi attachez, dont pourroit venir quelque accident, tant en tout le corps que particulierement es membres. Et quand il sera prins, & qu'il aura vn cheuestre de chanure avec vn licol de cuir, il le faudra souvent mener à l'eau, & promener avec d'autres cheuaux, desia domtez, iusqu'à ce qu'il s'accoustume à aller tout seul, puis tu le meneras à pied à l'eau, avec vn frein en la bouche, & vire selle.

*En quel temps on doit domter les ieunes cheuaux.*

*Chapitre 21.*



**O**N peut domter les cheuaux & appriuoiser apres qu'ils ont deux ans: mais il est plus expedient d'attendre qu'ils ayent trois ans complets: car en tel aage on les peut plus facilement traicter, pource que leurs membres sont plus robustes à porter labeur & peine. Et jaçoit qu'apres ledit aage il soit difficile les domter, toutesfois on recite que l'Empereur Frederic ne faisoit iamais domter cheuaux pour la personne qu'ils n'eussent quatre ans accomplis, & disoit qu'ils en estoient plus sains & forts, & que leurs iambes & ioinctures estoient plus nettes, & non tant subiectes à auoir galles & rongnes.

*Comment & par quelle cautelle on domtera vn poulain.*

*Chapitre 22.*

**Q**Vád tu voudras domter vn poulain, faut garder ceste cautelle, qu'il soit attaché à double cheuestre, afin que pour sa malice ne se blesse aux cuissés: & durant le temps qu'il sera en fureur, faudra mettre pres de luy vn autre cheual qui soit domté, par ce moyen on pourra plus facilement approcher de luy. En outre souuent le faudra toucher de la main aux pieds, aux iambes, & par tout le corps: & ne faut au commencement que le gouuerneur se courrouce fort contre luy, à fin qu'il ne le blesse ou quelque autre, mais faut perseuerer avec luy en grand douceur, & le traicter benignement, iusques à ce que par continuels attouchemens & frotemens de la main il se face priué & domté, comme auons dit, tellement qu'ores en auant on le puisse toucher par tout seurement. En especial il faudra éleuer les pieds, & frapper dedans assez fort: dauantage auant qu'ils ayent deux ans ne les faut aucunement attacher pour quelque raison que ce soit, car pour la ieunesse & le labeur qu'ils ont quand on les domte, facilement se pourroient blesser aux iambes.

*Comment on les doit garder apres qu'ils sont domtez.*

*Chapitre 23.*

**A**Pres qu'un ieune cheual est domté, le garderas en ceste sorte: luy mettras vn cheuestre de cuir fort & doux, lequel sera lié à la mangeiere avec deux licols, & aux pieds de deuant luy mettras des entrans de laine, & avec ce vne corde de laine, qui sera attachée au pied de derriere, à fin qu'aucunement il ne puisse aller: cela aussi est pour luy conseruer ses iambes saines:



avec ce le lieu où il sera, ou l'estable, soit de iour bien nette, & qu'il n'y ait nul fient, & de nuit luy feras de la liètiere de paille iusques aux genoux pour se reposer, & soudain au matin la leuer & de bon matin frotter tondiè cheual par tout le corps, & luy nettoyer les iambes avecques vn bouchon ou avec l'estrille, ainsi que mieux te semblera, puis apres le meneras à l'eau tout bellement & doucement, & dauantage le faudra tenir tant au soir qu'au matin dedans l'eau iusques dessus les iârrets ou plus haut, toutesfois que l'eau ne touche aux couillons quand il boira, & ainsi le tenir par l'espace de trois heures, soit eau douce ou salée, c'est à dire l'eau de mer, car la froidure de l'eau douce, & la seichereffe de l'eau marine luy desseicheroit les iambes, en reprimant les humeurs qui y descendent, par lesquelles luy pourroient venir plusieurs maladies. Et quand il sera reuenu de l'eau, ne le faudra aucunement mettre dedans l'estable que ses iambes soient mouillées, ains nettes & desseichées, pource que la fumosité de l'estable par sa chaleur engendre des galles & rongnes aux iambes mouillées. Specialement faut garder vne chose, c'est que ton cheual mange tousiours bas comme pres de ses pieds, tellement qu'à difficulté il prenne son foin ou auoine, à cause qu'en estendant le col & la teste pour mâger, nature fera que par ceste continue extention le col sera gresse, & le cheual sera plus doux à brider, & plus beau à voir. Dauantage tous les iours ses iambes s'engrossiront, car d'autât que plus il se supporte dessus, d'autant elles prendront plus de nourriture, & s'engrossiront.

*De quelles choses on doit nourrir vn cheual ieune ou vieil.*

*Chapitre 24.*

**V**N cheual doit manger du foin, de la paille, de l'herbe, de l'orge, de l'auoine, qui luy sont propres viandes & naturelles. Toutesfois s'il est ieune il doit manger des herbes, ou du foin avec de l'orge, ou semblable chose, ou sans orge: car les herbes & le foin enflêt le ventre & tout le corps & pour leur humidité augmentent naturellement tous les membres. Dauantage toute beste naturellement est humide, soit ieune cheual ou vieil, pource luy faut viandes humides pour luy preseruer sa naturelle complexion. Et quand il sera en aage meure, & en sa force, luy faudra donner choses plus seiches comme paille, orge, &



semblables, & ce moyennement. La paille est seiche, & pource il ne s'engressera si facilement, mais il se gardera en sa bonne disposition & force. Et pource qu'une viande dure est de difficile dissolution, il sera plus prompt à travail, & meilleur, mais une viande tendre facilement se dissout, parquoy le cheual qui en sera nourry, sera beaucoup plus debile. La meilleure disposition du corps du cheual, est de celuy qui est moyen, c'est à sçavoir qui n'est trop gras ne trop maigre. Quand il est trop gras, luy surviennent plusieurs superfluités & mauuaises humeurs, qui causent diuers inconueniens aux iambes & autre part, principalement quand il travaille, car lors les humeurs se dissoluent & vont par tout le corps : de là viennent aux cheuaux plusieurs maladies, & pour l'oppilation des veines & arteres, ils pourroient incontinent mourir. D'autre part, si un cheual est trop maigre, il sera trop debile pour travailler, & ce sera un corps sans ame, & chose mal plaisante & horrible à voir.

*Comment & quand, & en quelle maniere on doit purger les cheuaux.*

*Chapitre 25.*

**P**ource qu'entre toutes les choses qui maintiennent un cheual en bõne disposition, la meilleure est le purger au moins une fois l'année, adonques en est-il plus sain, & quasi se raieunift, à ceste cause ie vous diray aucunes sortes de les purger. Une maniere est avec du fourrage, comme à Rome, en Italie, & en Languedoc, les cheuaux mangent du fourrage par quinze iours, & non autre chose, cela les purge merueilleusement : si on leur en baille dauantage, c'est pour les engreffer, & non pas pour les purger. Autre maniere est : en la Pouille y a des herbes que l'on appelle du tresse, qu'il ne faut semer qu'une fois en trois ans, & tous les ans iettent, & durent tout l'Esté : le cheual se pourra purger & engreffer de ces herbes cõme de fourrage. Es lieux plus froids, cõme en France, Allemagne, Angleterre, on les purge avec les herbes des prez, qui les purgent & engressent, car elles sont plus subtiles, tendres, & verdes qu'ailleurs. Autre sorte de purger est es lieux où y a quantité de pomes, de melons & pions. En ces lieux on les coupe en petites parties, & on leur baille à mâger, ce la les purge, principalement par l'vrine, & les engresse fort, & mieux que leur baille à mâger de l'auoine par quinze iours en quantité.



Et dauantage si vn cheual mäge en abondance de raisins, s'il est pouffif il guarira, & n'y a meilleur remede à la poulce. Il y a vne autre maniere de purger semblable à la precedente, où il y quantité de figues esdits lieux, on leur en baille en abondance. Plusieurs autres manieres y a qui sont fort viles à purger : toutes-fois elles n'engraissent point, & ne sont si seures comme les precedentes, car elles sont comme medecinales. I'en diray doncques deux seulement : Tu prendras tout le ventre d'une tence ou d'un barbeau, & s'il n'y en a assez, tu prendras le dedans de plusieurs, & le rout faudra hacher menu & mesler avecques bon vin blanc, puis le ietter dedans la bouche du cheual avec vne corne, cela le purgera merueilleusement, & medecinalement. Autre maniere: Il faut prèdre du seigle & le faire bouillir en eau de riuere tout doucement, à fin qu'il ne se rompe ou creue, car le cheual n'en mangeroit si volontiers, puis le feras seicher, & bailleras à manger au cheual en lieu d'auoine : cela le purgera, & fera ietter les vers si aucuns en a au ventre. Et ceste maniere est bonne, mais que les cheuaux en veulent manger. Ie dy cecy notamment, pource que i'ay experimenté que les cheuaux sont aucunes fois long temps auant qu'ils en veulent manger. Dauantage faut noter, que quand on purge les cheuaux avec herbes comme i'ay dict, il les faut tenir àcouuert chaudement, & leur mettre sus vne couverture de laine, car les herbes les refroidissent moult par leur naturelle froidure, dont le cheual se pourroit refroidir, & tomber en griefues maladies.

*Comment on doit bailler l'auoine aux cheuaux.*

*Chapitre 26.*

**Q**uand tu voudras bailler à tes cheuaux soit auoine, ou orge, ou autre chose, la faudra si bien nettoyer & cribler qu'il n'y demeure ordure, car la poudre engendre facilement la toux, & desseiche le corps des cheuaux, qui est vne maladie quasi incurable.

*La maniere d'abbreuer les cheuaux.*

*Chapitre 27.*

**L'**Eau pour abbreuer les cheuaux doit estre douce, & vn peu salee & trouble, courante doucement, & cōme si on ne l'aperceuoit point courir. Ces eaues là pour leur grosse substance nourrissent



nourrissent d'auantage, & les cheuaux en sont plus refaits. Et les caues courantes & froides, tant plus sont courâtes, & moins refont vn cheual, & si bien ne le nourrissent. Toutesfois ne sera irraisonnable, si en temps chaud ils boient caues froides, afin qu'elles diminuent la chaleur, & qu'elles humectent la secheresse qui est au corps des cheuaux. Aussi faut considerer la coustume du pays où il a esté nourry: & pour luy desaccoustumer, faut proceder petit à petit, car nature ne peut souffrir soudaines mutations. Et pource que si vn cheual ne boit son saoul & à plaisir, à grand peine peut-il rentrer en chair, luy faudra lauer la bouche par dedans, & luy frotter avec du sel trempé en vin: cela le fera boire & manger plus volontiers.

*La maniere de ferrer cheuaux.*

*Chapitre 28.*

**I**L le faut ferrer de fers bons & cōuenables à son pied, & ronds comme la corne: dauantage que l'extremité du tour du fer soit estroïcte & leger, car plus facilement & legerement il leuera ses pieds, & tant plus le tour est estroit, & plus est fort & large. Il faut scauoir aussi que tant plus on ferre vn cheual ieune, & plus la corne est tendre & foible: & au contraire l'accoustumance d'aller sans fers en ieunesse, nourrit la corne plus grande & plus dure.

*Comment on doit preparer vn cheual quand on le veut cheuaucher.*

*Chapitre 29.*

**Q**Vand on veut cheuaucher son cheual, premierement faut regarder qu'il soit bien ferré, comme deuant est dit, & que la selle ne luy fasse oppression sur le dos, tellement qu'elle ne le blesse, ne pareillement les panneaux ou autre chose dure que l'on pourroit veoir ou sentir. Apres, qu'il soit sanglé à bonnes sangles & fortes, tellement qu'elles ne puissent vaciller ou remuer, & là: autrement le mouuement de la selle luy blessera le dos. Dauantage faut bien regarder que la selle ne serre trop le dos en haut, car cela pourroit engendrer enflures au ventre & costez, & grandement de douleur dans le corps, en contrainnant la ventrière, laquelle ne pouuant sortir, & n'ayant lieux assez amples où elle puisse s'arrester, peut faire beaucoup de mal au cheual: aussi la selle trop estroïcte facilement luy blesseroit le dos. En temps de chaleurs ne leur faut point bailler selle ne panneaux



pesans, à fin qu'ils ne s'eschauffent ou faschent pour la dissolution des humeurs qui se feroit: dauantage le garrot facilement s'eschauffe, dont en viennent plusieurs maladies: & le cheual en deuient vicieux & mauuais. Parquoy luy faut bailler vne selle legere, semblablement tout le harnois le plus qu'il sera possible.

*En quel temps doit trauailler vn cheual, & auquel non.*

*Chapitre 30.*

**I**L est à sçauoir qu'en temps trop chaud, comme depuis la mi-Iuillet iusques à la fin d'Aoust, ne faut trauailler trop vn cheual ne le fascher: car tant pour la grand chaleur que le travail immodéré, il se pourroit desseicher dedans le corps, & du tout élanguir: & pource en ce temps on le doit garder és lieux froids & humides, & luy faire vser d'herbes ieunes, & choses tendres. Semblablement en temps froid, comme en Decembre ou Ianuier, ne le faudra fascher, pource que le cheual eschauffé, & estaint en sueur pour le travail qu'il auroit fait, se peut facilement refroidir. Dauantage trop trauailler vn cheual le soir luy porte grand dommage, à cause que telle sueur pour raison du travail luy peut aduenir, qu'il ne pourra bonnemét essuyer celle nuit qui luy sera courte & ne pourra estre pensée comme il auoit au parauant accoustumé: avec ce que l'air de la nuit est plus froid que celuy du iour, & par ce le pourroit refroidir. Mais le cheuaucher matin est fort louable, principalement pour celle raison que la chaleur lors ne peut nuire.

*Comment on doit garder son cheual apres qu'il a trauaillé.*

*Chapitre 31.*

**I**L se faut bien garder qu'apres que ton cheual aura trauaillé, & sera eschauffé & en sueur, que tu ne luy baillies à manger ny à boire, auant que tu l'ayes couuert de quelque drap, & qu'il soit vn peu promené, à fin que la chaleur se passe, & qu'il soit essuyé: car pour le travail la chaleur naturelle s'estend és membres extérieurs, dont moins en demeure au corps, & cela est qui le fait debile: ainsi aduendroit s'il mangeoit lors, que facilement s'engendreroit vne oppilation & corruption accidentale là dedans, pource qu'il seroit debilité.

*Comment en esté ou hyuer on le doit garder & couvrir.*

*Chapitre 32.*



**E**N Esté ton cheual doit tousiours estre couuert d'une couuerture de lin, de peur des mouches, ou autre pareille vermine: En hyuer d'une couuerture de laine, à cause du froid: & ainsi selon le temps le garderas bien proprement.

*Combien de temps vn cheual dure en sa bonté sil est bien gardé.*

*Chapitre 33.*

**V**N cheual qui sera bien & diligemment gardé, moyennement traouillé selon raison sans trop le cheuaucher, communement demeure en sa bonté & vertu vingt ans.

*Comment il faut endoctriner vn ieune cheual.*

*Chapitre 34.*

**S'**Ensuit maintenât la maniere d'endoctriner vn ieune cheual. Premièrement luy faut vn mors leger & plus doux qu'il sera possible, & quand au commencement on luy mettra, le faut oindre d'un peu de miel, ou autre chose douce: car quand il aura gousté la douceur, il le portera mieux. Adonques (comme i'ay dit au commencement) faut que le mors soit leger & doux, car tant moins fera-il mal à la bouche, & plus facilement le supportera. Et quand sans difficulté il prendra le mors, tu le meneras de la main çà & là soir & matin, iusques à ce qu'il apprenne à suyure celuy qui le mene: puis tout doucement sans selle & sans esperons faudra monter dessus, & le faudra cheuaucher petit à petit, le detournant puis à dextre, puis à senestre, avec vne petite verge ou baguette. Et si tu vois qu'il soit necessaire, pourras le faire mener à la main par vn homme qui sera à pied, & sera le matin, & par les lieux plains & non pierreux, iusques à ce que tu le puisses mener par tout où tu voudras sans conducteur ou guide, & sans compaignie. Et quand tu l'auras ainsi cheuauché par vn moys ou plus où moins, selon que tu verras estre necessaire, lors luy mettras tout doucement la selle sur le dos, & puis cheuaucheras avec la selle iusques à l'hyuer; & quand tu monteras dessus, ne le faut piquer, ny haster, ny faire mouuoir, iusques à ce que tu ayes accoustre les panneaux, & tout ce qui est autour de la selle: car par cela il prendra vne coustume d'estre doux & arresté, par la commodité de celuy qui le cheuauche. Et quand le froid sera venu, le pourras cheuaucher par les champs & montées tout doucement au matin comme i'ay dit, en le detournant plus souuent à la



dextre qu'à la fenestre. Aussi il faut que la branche fenestre du mors soit vn peu plus courte que l'autre : car naturellement vn cheual se tourne plustost à la fenestre qu'à la dextre. Et si tu vois qu'il luy faille vn mors plus fort, le changeras selon la raison, & luy bailleras selon ton vouloir, ou plus facile ou plus rude. Or tu dois donc (comme i'ay dit) le mener plus souuent par môtées & vallées & lieux droicts, que par lieux plains : car pour les montées & la terre mal ordonnée, maintenât basse, maintenât haute le cheual apprend tous les iours & s'accoustume à éleuer les pieds & ployer les iarrets, & avec ce à marcher plus teurement : & il ne sera hastif, & ne chopera point : parquoy ne se pourra bleffer, ne celuy qui le cheuauche. Et quand ton cheual sera par long temps ia habirué à estre cheuauché, & destourné à dextre & à fenestre (comme i'ay dit) & par les lieux susdits, tu pourras en vn petit lieu le faire au matin marcher tout doucement au commencement, & puis peu à peu galopper sans le fâcher & sâs le faire deux ou trois fois courir & galopper pour le commencement car ce seroit ta grâde faute, & par ce pourroit estre retif à iamais. Toutesfois ie te diray vne chose vtile : c'est que celuy qui le cheuauche doit en le faisant trotter, ou galopper, ou courir, tirer tât les renettes de la bride à soy & sur le garrot du cheual, qu'il plie & recourbe son col, & incline sa teste contre sa poiëtrine. Cecy faut faire du commencement tout doucement, & petit à petit, comme on verra estre expedient : & à ce il faut mettre bonne diligence & cautelle, car cela sera sain & vtile au cheual, & par aduenture plus à celuy qui le cheuauche, pource que le cheual quand il porte la teste inclinee assez pres de sa poiëtrine, & qu'il a le col bien courbé en trottant & galoppant, il voit mieux & plus clairement ses pas, & plus facilement on le detourne à dextre ou fenestre, & plus tost on l'arreste : parquoy cecy est bien à louer & à sçauoir, & plus que chose que l'on puisse demander en vn cheual.

*Des manieres de freins & mors utiles tant aux poulains qu'aux cheuaux qui ont escalongnes, & ceux qui n'en ont point, c'est à dire de ceux qui sont edentez ou non.*




**P**ource que la principale partie de ce que j'ay eſcrit au chapitre precedent giſt en la façon des mors, il me ſemble qu'il ſera bon d'exprimer les manieres & formes des mors vtils & neceſſaires. Et pour omettre les mors horribles & difficiles, leſquels pour leur rudeſſe bleſſent fort la bouche des cheuaux, ie prendray ſeulement aucunes ſortes des mors & freins neceſſaires, vtils & delectables aux cheuaux. Il y a des mors qui ſont bons & conuenables aux cheuaux qui ont encores les eſcalongnes, les autres qui ſont bons à ceux qui n'en ont plus. Or ie te diray maintenant les plus vtils, ſans parler de ceux qui ne profitent gueres. Il y a vne maniere de mors fort vtile pour les poulains, que l'on appelle à deux barres ou chaines, qui eſt la meilleure & plus facile que l'on trouue pour les poulains : vne autre forme de mors eſt bonne, tant pour les poulains que pour les cheuaux qui n'ont plus d'eſcalongnes, qu'on appelle au marteau ou à la cloche : en icelle y a au bas vne barre qui tient à boucles ou deux poires, & en haut y a vne barre ſolide, & au milieu d'icelle vne cloche où marteau qui pend iuſques à l'autre barre, mais il n'y touche point. Vne autre forme & maniere de mors eſt bonne, tant pour les cheuaux que pour les poulains, & principalement eſt bonne pour les ieunes cheuaux, on les appelle mors de Paris. Ce mors a en bas vne barre avecques poires ou patenoſtres, & en haut y a vne barre ſolide, avec vn petit pas au milieu : & aucuns mettēt audit pas d'aſne des chenettes pour donner plaſir au cheual. Vne autre maniere de mors eſt, que l'on appelle à demy mors : & pource eſt ainſi appellé, car il a ſeulement vne barre, & en bas vne autre, mais elle eſt partie en deux & briſée : & ceſte forme eſt bonne aux poulains qui ont encores les eſcalongnes. Vne autre maniere eſt fort bonne pour ieunes cheuaux, qui eſt qu'à ceſtuy que j'ay appellé à **demy mors**, on y adiouſte vn pas d'aſne, auquel on adiouſtera des chainettes, avec des trancheſiles, mais ce n'eſt choſe neceſſaire. **D**auantage il faut ſçauoir, qu'il ſert beaucoup d'auoir vn bon mors & propre à emboucher le cheual, tellement que la longueur des branches, & la diſtance de l'une à l'autre y ſert beaucoup : parquoy il faut diligemment regarder & conſiderer la bouche du cheual, ſelle eſt tendre ou dure, & luy bailler le mors qu'on



luy verra estre plus conuenable. Et à fin que vous cognoiffiez mieux les freins & mors que ie vous ay escrits, ie les ay voulu peindre & tirer au mieux qu'il m'a esté possible: icelles manieres sont les plus vtils, habiles, neccessaires, & meilleures, & ne blef- sent aucunement la bouche: & seroit bien difficile trouuer vn cheual qui ne peut estre embouché d'une maniere de ces mors, si l'esperonnier sçait bien compasser les barres, & chaines ou boucles, selon la largeur de la bouche du cheual.




Pour vn poulain.






LA MARESCHALERIE  
Pour vn poulain  
pour hauser.






Pour hausser la teste à vn poulain.






LA MARESCHALERIE  
Pour tous chevaux & poulains qui ont mal à la bouche.






Pourvn grand cheual qui a la bouche peu fendue, & qui  
est fort en bouche.






LA MARESCHALERIE  
Pour vn cheual qui a les genciues tendres, & pour luy faire  
baïſſer la teſte.











LA MARESCHALERIE  
Pour vn cheual qui becquette, & pour le faire iouer de la langue






Pour vn cheual qui a les genciues tendres, pour luy faire  
hauffer la teste.






LA MARESCHALERIE  
Pour defarmer vn cheual, & pour le faire baisser.











LA MARESCHALERIE  
Pour vn courtaut qui est fort en bouche.











LA MARESCHALERIE  
Pour vn courtant, pour defarmer.











LA MARESCHALERIE  
Pour vn grand cheual, pour prendre grand plaisir.











LA MARESCHALERIE  
Pour vn rouffin qui se renuerse.






Pour vn double courtaut qui a mauuaife bouche.






LA MARESCHALERIE  
Pour vn double courtant qui a mauuaise bouche.











LA MANESCHALERIE  
Pour un cheval qui est fort en bouche.






Pour donner plaisir à tous cheuaux de Flandres qui ont forte bouche.






LA MARESCHALERIE  
Pour vne mauuaife bouche qui ne veut point de fer.











LA MARESCHALERIE  
Pour vn cheual qui tire la langue dehors.










LA MARESCHALERIE  
Pour vn cheual courtaut.











LA MARESCHALERIE  
Pour chevaux de Turquie.











LA MARESCHALERIE  
Pour chevaux qui sont merueilleusement durs, qu'on appelle diables.











LA MARESCHALERIE  
Pour plaisir.











LA MARESCHALERIE  
Pour plaisir.











Pour vne bouche peu fendue.











LA MARESCHALERIE  
Pour courtaut pour defarmer.










LA MARESCHALERIE  
Pour vn cheual qui est nommé diable, & qui est  
grandement dur de bouche.






Pour releuer vn cheual qui est fort en bouche, & pour l'arreter






LA MARESCHALERIE

Pour vn cheual qui est fort en bouche, & qui hausse la  
teste, pour le retirer & arrester.











LA MARESCHALERIE  
Pour defarmer vn cheual qui est fort en bouche.






Pour vn cheual qui est fendu de bouche, & qui ne masehe  
point son mors, pour luy  
donner plaisir & pour  
le faire retirer en bas.






Pour vn cheual qui a la teste de bonne sorte, quand il poiserait  
à la main pour le retirer en bonne façon.






Pour donner grand plaisir à vn courtaut, & pour le  
garder de trop craindre la branche.






Pour retirer vn cheual qui a la langue grosse & la bouche vaine.






Pour vn courtant qui est fort en bouche, pour l'arrester &  
luy tenir la teste en bonne force.






Pour releuer vn cheual qui a la bouche forte, & qui pour son plaisir fouuentesfois prend son mors avec les dents.






Pour releuer vn courtant, & luy donner grand plaisir à la bouche






LA MARESCHALERIE  
Pour arrester vn cheual turc qui soit fort en bouche.










LA MARESCHALERIE  
Pour tenir la bouche d'un cheual en bonne  
- forte, & le desharmes de leure.











LA MARESCHALERIE  
Ce mors est pour retirer vn cheual, & luy faire bonne bouche.






Pour vn cheual qui est fort en bouche avec ces deux gourmettes l'une dedans, & l'autre dehors est pour le retenir & pour l'arrester.






LA MARESCHALERIE  
Pour releuer vn cheual qui est bien fendu de bouche,  
& qui chargeroit à la main.






Pour tenir vn cheual en bonne forte qui soit fort fendu de bouche &  
qui prendroit son mors avec les dents comme l'autre.





LA MARESCHALERIE  
Vn camere pour cheuaux qui se renuersent.





*Comment il faut mener le cheual par les lieux où y a bruit & tumulte.*

*Chapitre 36.*

**Q**uand ton cheual a vn bon mors & conuenable, il ne reste sinon à le cheuaucher tout doucement, sans courir par la ville & principalement és lieux où demeurent mareschaux, pelletiers, & toutes manieres de gens qui font bruit, car par ce il en sera plus asseuré & moins peureux, à cause du bruit & tumulte qu'il orra. Et si l'on craint à passer par ces lieux, il ne le faut cōtraindre à coups de fouët ou esperons, mais en le frappant doucement comme si on le vouloit flatter : car autrement il cuideroit tousiours qu'on le vouldroit battre & piquer quād il orroit bruit & tumulte, & pource deuiendroit peureux & estonné.

*Qu'il faut que celui qui cheuauche, monte & descende souuēt du cheual.*

*Chapitre 37.*

**P**our mieux endoctriner le cheual, il faut souuētes fois le iour monter dessus, & en descendre le plus doucement qu'il sera possible, à fin qu'il se accoustume d'estre paisible & doux quand on montera dessus, & quand on descendra. Et selon la maniere que ie t'ay dit, le faut garder iusques à ce que toutes ces dents soient changées, qui sera quand il aura cinq ans accomplis.

*Quelles choses sont à considerer és poulains qui sont de bonne nature.*

*Chapitre 38.*

**E**s cheuaux il faut premierement considerer les choses qui sont signes de bonne nature & discipline. C'est à sçauoir qu'ils soient ioyeux & legers. Item qu'ils ayent le corps grand, gros, nerueux, & bien dispos. Item qu'ils ayent les couillons petits & pareils. Dauantage és ieunes poulains faut considerer les meurs & conditions de leurs parens, à ce que quand ils sont reposesz, ou quand ils se reposent, il ne soit difficile les exciter & trauailler : à fin aussi que quand ils se hastent & courent, on les retienne facilement.

*Comment on cognoist l'age du cheual par les dents.*

*Chapitre 39.*

**L'**Age des cheuaux se cognoist en ceste maniere. Quand le cheual aura deux ans & demy, les dents de dessus du milieu luy commenceront à tomber, comme ceux des petits chiens. Et ainsi se muent toutes les autres dents, iusques à la cinquième année. En laquelle année les dents qu'il auoit premierement



changé, luy reuiennent pareilles. Et à la septiesme, toutes les dents sont égales & pleines : & deslors l'aage des cheuaux ne se peut bonnement cognoistre, car les signes & marques sont cachées. Toutesfois quand il commence à enuieillir les temples se courbent, les sourcils deuiennent gris, & les dents croissent, & se monstrent plus l'une que l'autre.

*La maniere d'arracher aux cheuaux les dents que l'on appelle escalongnes.*

*Chapitre 40.*

**P**Ource qu'il est quasi impossible d'auoir vn bon cheual ayant bonne bouche, si on ne luy a arraché les dēts pleines, que lon appelle escalongnes : car quand il sera eschauffé, ayant encores icelles dents, celuy qui sera dessus à grand peine le pourra retenir : il est vtile luy arracher ces quatre dents, apres qu'il aura trois ans & demy. Parquoy tu les luy arracheras le plus doucement & le plus commodement que tu pourras, avec des fers propres à ce, & en grande diligence : c'est à sçauoir deux d'une partie de la maschoire, & deux de l'autre : desquelles dents y en a deux que l'on appelle escalongnes, & les deux autres pleines, qui sont fort contraires au mors. Or quand icelles quatre dents sont arrachées, auāt que le destacher faut oindre les playes avec du sel broyé bien menu, & les en frotter fort & longuement. Puis apres ne faudra toucher à la bouche du cheual iusques à trois iours, & le faut mettre en vne estable bien fermée, à fin que le ventre ne puisse endōmager. Et puis tous les iours quand le cheual aura beu, luy faudra nettoyer bien fort les playes, & mettre hors tout ce qui y sera demeuré en mangeant, & puis les frotter fort de sel broyé bien menu : car le frotter souuent & fort avec du sel, fait qu'il n'y croistra point de mauuaise chair : & si l'y en aduiēt, la faudra faire seigner, & la piquer avec les ongles, & puis la frotter fort avec du sel. Les autres lauent seulement les playes avec du vin tiede : les autres y mettent du miel & du poiure, puis les frottent de sel : les autres les lauent seulement avec du miel & du vin, sans y mettre du sel : mais ce frottement de sel est meilleur si on les laue au parauant de vin. Toutesfois il faut tousiours regarder que si on luy met le mors auant que les playes soient consolidées, faut nettoyer lesdites playes (comme l'ay dit) avec le doigt. Et si le cheual à la bouche assez forte



forte & dure, il suffira luy laisser vn peu consolider les playes, puis apres luy mettras le mors que ie t'ay dict cy dessus au chapitre des mors, lequel appartient aux cheuaux à qui on a osté les escalongnes. Mais si la bouche tendre & non dure, au second ou troisieme iour apres qu'on luy aura arraché les dents, tu luy mettras vn mors competant, en le cheuauchant tous les iours petit à petit, en le faisant galloper tout doucement, comme i'ay dit. Ie te dy que si le cheual a la bouche dure, luy faut laisser quelque temps consolider les playes: car la chair nouuelle en la playe est plustost rompue que la vieille, & pource le cheual craint plus le mors à cause que les playes sont tédres, & satisfait plustost à celuy qui le cheuauche. Et pareillement i'ay dit, si la bouche tendre, que le deuxiesme ou troisieme iour apres qu'on luy aura arraché les dents, on le doit cheuaucher. La raison est, que sous le mors les playes se consolident, & en l'accoustumant la chair fendurcir au lieu où estoient les playes: & pource le cheual est plus facile à emboucher. Et à raison que la bouche d'un cheual doit estre grande & ferme, & non trop dure ne trop tendre, mais moyenne en tout, il est assez manifeste par ce que i'ay dict, que les cheuaux ne se peuuent bonnement ny proprement emboucher, veu qu'ils ont la bouche dure & solide, si on ne leur arrache premierement les quatre dents que i'ay dict: & par ce moyen le cheual acquiert plusieurs autres proprietéz comme on voit par experience: principalement il en deuient plus gros & plus gras, car par ce il perd toute fureur, ferocité, & orgueil. Or quand les dents luy auront esté arrachées, comme i'ay dict, le faudra cheuaucher petit à petit, en le faisant tourner, remuer, entrer, sortir, rencontrer vis à vis les autres cheuaux, à fin qu'il accoustume & apprenne à laisser facilement les autres cheuaux: en luy baillât aussi vn mors fort ou moyé ou doux, iusques à ce que on ait trouué vn qui luy soit commode. Dauantage il se faut garder que quand tu auras trouué vn bon mors, & bien apte à ton cheual, tu ne luy en bailles point d'autre, pource que la bouche se gaste facilement quand il a eu les dents arrachées, à la mutation des mors. Et quand il sera bien embouché, & qu'il aura bon mors, & que par longue coustume il sçaura la maniere d'estre bridé, & n'y fera aucunement dif-



ficile, le faudra accoustumer à courir bien matin toutes les semaines vne fois en lieu plain, & aucunement sablonneux, au commencement vn demy quart de lieuë loing, puis apres demie lieuë, en augmentant ainsi qu'il semblera estre bon. Toutesfois il faut sçauoir que tant plus souuent le cheual court, pourueu que ce soit moyennement, il en est plus léger & soudain à la course: & l'accoustumance & frequentation en est cause. Et au contraire de trop souuent courir il deuient plus ardent & impatient, & aucunesfois retiffi on le haste trop à courir: & avec ce il perd la bonne part de l'emboucheure qu'il auoit accoustumée. Et quand il sera bien instruit & accoustumé à prendre le mors, il ne faut pas qu'il soit long temps en repos: car le long repos engendre paresse, & fait oublier les choses qu'on luy auoit appris artificiellement. Parquoy il ne doit point estre grief à celuy qui le cheuauche de le faire sauter, galoper & courir moyennement, à fin qu'il demeure & persiste en la bonté & discipline qu'il a acquise.

*Du sang superabondant. Chapitre 41.*

**Q**Vand le sang est superabondant en vn cheual, les signes sont ceux-cy. Il se frotte volontiers: sa fiente put bien fort: son vrine est rouge, espaisse & puâte: ses yeux tout en sang, troublez & pleurans: aucunesfois il mange plus qu'il n'a accoustumé: aucunesfois luy suruiennēt des petites pustures ou enflures parmy le corps. La cure en est telle. Quand tu verras les signes susdits, le faudra seigner de la veine qui est au milieu du col, selon sa force, & selon son aage, iusques au poix de trois ou quatre liures: si est debile, & encores ieune poulain, le faudra seigner iusques à vneliure & demie, ou deux tant seulement. Si tu es negligent de cecy, luy suruiendrōt plusieurs maladies: aucunesfois la galle luy couurira toute la peau: vne autre-fois le farcin luy percera la chair & la peau: & sur tout faut que tu notes que les maladies qui viennent à cause du sang superabondant, sont contagieuses.

*Combien de fois l'année il faut seigner vn cheual.*

*Chapitre 42.*

**P**Our garder la santé d'un cheual, il le faut seigner quatre fois l'année de la veine du col, c'est à sçauoir de celle qu'on a ac-



costumé. Premièrement au commencement du nouveau temps, en Esté, en Automne, en Hyuer. Maistre Maurus dit que pour garder vn cheual de plusieurs maladies, à tout le moins le faut seigner trois fois l'année: premierement à la fin d'Auril: car lors le sang commence à se multiplier: secondement au commencement de Septembre, à fin que le sang eschauffé de l'inegalité du temps, soit euaporé. Tiercement au milieu de Decembre, à fin que le sang gros & amassé sorte: & toutesfois il ne faut oublier que les reigles ne se gardent sinon selon la disposition des cheuaux, & du pays où ils sont. Les signes par lesquels tu pourras cognoistresi tó cheual a neccesité d'estre seigné, sont ceux cy: S'il a les yeux rouges: si la veines du corps enflées: si la peau luy demange, & jette orduce: si les crins tombent: Item quand luy viennent sur le dos petites enflures rouges: Item quand il digere mal. Et pource qu'à cause desdits signes aduiennent aux cheuaux plusieurs diuerfes & perilleuses maladies, tu ne dois estre negligent d'y obuier dès le commencement. Tu le feras donc seigner de la veine organique, qui est au col, & en feras tirer du sang en bonne quantité, selon la vertu & force du cheual. Et note que si la veine s'enfle quand on le seigne, il faut mettre dessus des fucilles cuictes de vigne blanche, & soudain se desenflera.

*Remede quand le sang sort de la playe en abondance.*

*Chapitre 43.*

**S**I le sang sort en abondance de la playe faicte, tu y feras les remedes qui s'ensuyuent. Pren vn filtre ou quelque lisiere de drap, & la fais brusler en vn vaisseau, puis tu la mouilleras en ius d'orties, & ainsi la mettras bié liée dessus la playe sans la remuer par trois iours. Item pour cela est bõne vne emplastre faite d'orties seulement, si elle est liée dessus la playe par trois iours, comme dessus est dit. Item vne autre. Si tu veux mettre dessus ladite playe du fient d'asne, ou de cheual tout chaud, & le lier fort serré par trois iours, cõme dessus. Item si on luy coupe la veine de trauers, en sorte qu'il y ait eu flux de sang, faudra mettre dessus de la pouldre de drap ou soye bruslée: car elle restraint fort le sang. Item pour cela mesme, prens de l'aloës, galbanum, poix raisine, mastic, encens, myrrhe, litargie, graisse de mouton, cire & huile d'oliue: & de tout cela feras vnguët, & en oindras sou-



uent les playes, elles se gueriront facilement. Et sçache que ceste derniere recepte est bonne pour la rongne. Item pour cela mesme, prens vn potiron ou champignon, qu'on appelle vulgairement vessie de loup, ou de la poudre dudit potiron, avec du fient de pourceau qui pasture, broye bien tout ensemble & en fais vne emplastre, laquelle il faudra mettre toute chaude sur la playe, & la lier sans la remuer l'espace de trois iours.

*Des restraintsifs du flux de sang. Chapitre 44.*

**P**our restraindre le flux de sâg fais telle emplastre. Prés deux parties d'encës, la tierce partie d'aloës hepatic, que tu pulueriseras fort ensemble, puis les faut battre suffisammēt avec vn aubin d'œuf, en mettât dedans assez de poil de lieure, puis en mettras assez dessus la veine ou playe. Item à cela mesme est bon le paistre avec la chaux & grains de raisins pilez bien menu, & broyez ensemble. Item à ce est bon le fiēt de cheual tout chaut, fort battu avec de la terre grasse, croye & fort vinaigre. Et note que ces medecines pour restraindre le sang ne doiuent estre ostées de la playes iusques apres trois iours: & puis apres on guarira la playe ainsi qu'il sera dit au chapitre où no<sup>r</sup> parlerōs du ver qui est le chapitre cent quarante quatrième. Toutesfois faut que tu entendes que cependant ne luy faut mettre dedans sa playe aucunes tentes ou filets, ne luy bailler trop à manger, & qu'il ne soit point cheuauché ne mis au lieu froid, comme il sera dit audit chapitre. Itē vne autre cure pour restraindre le sang. Il faut seigner le cheual de la veine contraire de l'autre costé, ou au col, ou à la jambe, ou en quelque partie du corps, tellement que le sang tourne de l'autre costé: puis tu brusleras du fient de cheual, avec vne piece de drap ou lisiere, & le mettras dessus la playe. Itē prens vn reffort broyé avec sel & orties, & l'applique dessus. Item pour cela mesme est bonne la poudre de canelle, avec cloux de girofle destrempee avec du lapidanum liquefié. Item pour cela mesme vn remede de plus grâd efficace est: Prés vn peu de soye bruslée, & la mets dessus la playe, puis feras fondre dessus de la colofonie, & mettras vne petite piece de cuir doux par dessus, & cependant te garderas de le cheuaucher. A cela mesme est bonne la poudre d'vn drap bruslé, si elle est mise dessus: car elle retraind fort le sang.



*La maniere de serrer ou lier les veines des chevaux.**Chapitre 45.*

**P**Our reserrer les veines faut couper le cuir en long dessus la veine, puis tireras la veine dehors, & l'esleueras vn peu tout doucement, puis la faut nouër avec du fil tors & double, & la lier des deux costez, & couper ladite veine entre les deux neuds ou la serrer pres d'un neud: mais premier faut que tu ayes lié les deux bouts avec du fil doux & fort, à fin qu'il ne sorte du sang, & laisseras prédre le filet dehors, à fin que tu puisses legerement tirer le neud du filet. Et si la beste a neccessité d'estre seignée, tu pourras laisser sortir le sang par le bout de la veine qui vient du corps, moyennant que l'autre soit lié.

*Quelles maladies on nomme naturelles. Chapitre 46.*

**L**es maladies naturelles sont celles qui viennent au ventre de la mere, avec lesquels la beste est née, sans cause exterieure de laquelle elles puissent venir, mais seulement par le defect de nature, ou impureté du sperme, ou du sang duquel la beste est formée, ou par le vice des parens qui ne sont pas sains.

*Des maladies qui surviennent d'abondance.**Chapitre 47.*

**E**Ntre les maladies naturelles, les vnes viennent d'abondance, aucunes de diminution, les autres par le defect de nature, les autres par le vice des parens. Et premierement ie te parleray de ceux qui viennent d'abondance, car abondance signifie habitude, & diminution signifie priuation d'habitude. Je dy donc que les maladies qui viennent par abondance, les vnes sont causées de l'abondance du sperme, ou du sang duquel est formée la beste, qui n'a autre vice, sinon que ce sang est en trop grande quantité, & se forme & passe en la nature des membres, en augmentant lesdits membres en forme, ou en nombre. En nombre, quand vne beste naist avec deux testes, ou deux queües, ou autres choses semblables. Autres maladies prouiennent d'une matiere corrompue en la nature superabondante, ou au sang & sperme desquels les bestes sont formées, ou en corruption de nourriture: & ceste matiere ne passe point en nature de membres: car elle n'est point naturelle, mais d'icelles s'engendrent bosses, glandes, & choses semblables.



**L**es maladies de diminution viennent par le deffaut de nature & de celuy qui engendre: & cela aduiuent quād la beste naist avec diminution de quelque membre, ou de tout le corps. De tout le corps, quād il a faute de quelque membre, comme quād il vient sans oreilles, sans yeux ou autres membres. De quelque partie procede la maladie de diminution, quand vn membre n'a sa quantité naturelle, comme quād vne narine est plus courte que l'autre, vn œil ou vn couillon, ou vne hanche, dont y a diminution.

*Quelles maladies procedent du deffaut de nature.*

**L**es maladies qui viennent par le deffaut de nature, se font quand nature faut en la formation du fruit, comme quand vn cheual naist avec les jambes courbées, les ongles tournez ou par dehors, ou par dedans, ou en tous les deux, ou quand vn membre n'est point en son lieu naturel.

*Quelles maladies viennent par le vice des parents.*

**L**es maladies qui viennent par le vice des parés, aduiennent quand les parens sont mal sains, car generalmente les cheuaux vicieux & malades engendrent des poulains subiets à leur maladie. Car quand leur sperme est corrompu, il est necessaire que ce qui en est engendré soit corrompu, dont en procedent iauars, gouttes, & toutes choses semblable de corruption de sperme aux poulains qui en sont engendrez.

*De la varieté des yeux & du poil. Chapitre 51.*

**L**a varieté des yeux, & la diuersité du poil ne peut estre muée, car quand la beste est engendrée, elle se forme premierement en la matiere dont il faut que tousiours demeure en vn mesme estat: c'est à dire quand vn œil est blanc, & l'autre noir, & l'un est blanc, & l'autre varié de couleurs, & autres choses semblables. Et cecy vient par la diuersité de la nature: aussi la varieté du poil est en la couleur, car la matiere diuersse couurant diuers lieux fait la diuersité des couleurs.

*Des maladies des yeux. Chapitre 52.*



**P**lusieurs maladies viennēt aux yeux des cheuaux: aucunes-fois il pleurent, vne fois ils sont troubles, vne fois sont rouges, vne fois y a vne taye dedans, vne fois vne nuée, vne fois la maille, aucunes fois l'ongle, & toutes ces maladies se fōt des humeurs qui descendent és yeux: les autres viennent d'vne cause interieure, comme de froidure ou chaleur qui dissout les humeurs, aucunes fois ce mal leur vient aussi de cause exterieure, comme quand ils sont blesez en l'œil.

*Comme il faut guérir les yeux quand ils pleurent. Chapitre 53.*

**A**ucunes fois aduient qu'un cheual pleure & jette larmes en si grande abondance, qu'il ne peut ouurer les yeux. Cela luy vient aucunes fois d'auoir esté frappé en l'œil, aucunes fois quand il s'est frotté, aucunes fois de la quantité des humeurs qui sont descendus sur l'œil. Le remede est tel: il luy faut faire vn fronteau restraintsif d'encens & mastice puluerisez ensemble, autant d'un que d'autre, puis le battre fort avec vn aubin d'œuf, & mettre dessus vne piece de drap large de quatre doigts, & le coucher, droit dessus le front depuis vne temple iusques à l'autre, mais parauant faut bien raser la place où sera mise ladicte emplastre, & l'y faut laisser si longuement que les yeux cessent de pleurer. Et quand tu luy voudras oster ledit frôteau, luy faut oster tout doucement avec de l'eau chaude & de l'huile. A cela mesme est bon aussi que les deux veines des deux tēples soient cauterisees. Vn autre remede y a pour ce mesme cas. En quelque sorte que viennent les larmes aux yeux, il les faut lauer trois fois le iour avec du vin blanc trespur, & à chacune fois luy mettre dedans l'œil avec vn tuyau de la poudre de tartre & d'os de seiche. Autre remede y a: Vn moyeu d'œuf bouilly meslé avec vn peu de commin lié dessus l'espace d'vne nuit ou plus, selon que lon verra estre necessaire, & tu verras qu'il cessera de pleurer. Item lierre terrestre avec de la cire mise en emplastre, est bonne pour cela.

*Remede quand les yeux sont troubles, & clignent souuent. Chap. 54.*

**S**il les yeux clignent souuent, ou par percussion ou par reume suruenant, faut mettre dessous quatre petites estoillettes bien cachées, puis faudra mettre dedans l'œil avec vn tuyau du sel broyé bien menu.



*Remede quand vn cheual a la veuë trouble, & a vne taye en l'œil.**Chapitre 55.*

**A**Vcunesfois vient aux yeux des cheuaux vne petite taye blanche, qui couure toute la prunelle, & offusque toute la veuë. Le remede pour ce cas est tel: si dès long temps ou il n'y a gueres que la taye est en l'œil, prens des os de seiche, tartre, sel gême, autant d'un que d'autre, & les broyé bien ensemble, puis les mets dedans l'œil avec vn tuyau de plume, & cela se doit faire deux fois le iour. Item pour cela mesme prens de la poudre d'os de seiche & de tartre, autant d'un que d'autre, & le broyé bien ensemble, puis le souffle dedans l'œil. Item pour toute chose qui couure l'œil, prens de la poudre de tartre creu, & la souffle dedans l'œil, & il guarira. Item pour cela mesme est bon le sel gême meslé avec du fient de lezards, autant d'un que d'autre, & faut que ledit fient soit blanc, & souffler le tout dedans l'œil. Toutesfois il se faut bien garder de mettre trop grande quantité de ceste poudre en l'œil, car elle pourroit dessécher les yeux, & les blesser. Item autre remede: Si la taye y est de lōg temps, faut parauant graisser l'œil vne fois ou deux de graisse d'une vieille poule, tellement que la graisse touche ladite taye, puis tu y mettras les poudres que j'ay nagueres dites. Autre remede: Prens du ciclame, appelé aristologe ronde, ou pain de porc, & du lierre terrestre bien pilez ensemble, avec ce prens de la lésue, & la mesle avec de l'vrine d'un enfant vierge, & fais le tout couler dedans vn drap de lin, & luy mets de ce qui en sera coulé deux fois le iour dedans l'œil, iusques à ce qu'il soit guarý. Item pour cela mesme, prens de la poudre d'os de seiche avec de l'aloes broyé ensemble, puis tu en souffleras la poudre en l'œil. Item autre medecine, prens de la racine de celidoine, autrement dictée esclaire, & racine de rue, car elles mangent fort ladite taye. Item, prens du verd de gris bien broyé dessus le marbre, puis le mesle avec du vin comme du vermillon, & le laisse reposer vne nuit, puis le mets dedans l'œil, & il mangera ladite taye. Item, fais vn petit pertuis en vn œuf, & tire tout ce qui sera dedans, & le remplis de poyure, & le mets en vn pot, lequel tu fermeras si bien que autre chose n'y pourra entrer: & tu mettras ce pot dedans vn four tout ardent, & luy laisseras iusques à ce qu'il soit tout



tout rouge, puis le tireras, & l'œuf de dedans, duquel tu feras de la poudre, laquelle faudra souffler dedans l'œil du cheual. Item autre remede: Il faut leuer ladite taye avec vne aiguille d'iuoire, puis la couper tout autour avec vn fer, & mettre de la poudre de commun dedans l'œil. Item si le cheual a perdu la veüe par quelque accident, mets le fer tout rouge sous les yeux à la largeur d'un pouce, tellement que le fer passe iusques à l'os, & face vn pertuis par lequel respirera l'air, & se guarira. Remede approuué par la taye qui est en l'œil. Prends vne pierre bien noire, de laquelle les Romains paient leurs salles & maisons, & la puluerise tant qu'elle passe parmy vn drap delié, & souffle deux fois le iour ladicte poudre dedans l'œil du cheual, iusques à ce qu'il soit guarý. Si tu veux faire la poudre plus subtile, mets la dedans vne escuelle de bois neufue, & la nettoye dedans icelle, puis la iette hors l'escuelle, & ce qui tiendra à l'escuelle fera poudre bien subtile: laquelle medecine aussi est approuuée quand vn homme à la taye en l'œil.

*Remede quand vn cheual a l'ongle en l'œil.*

*Chapitre 56.*

**I**L vient aucunes fois dedans l'œil des cheuaux vne cartilage qui couure presque la moitié de l'œil, que lon appelle ongle. Remede: Faut leuer cest ongle avec vne aiguille d'iuoire, puis apres la couper avec le fer ou les tenailles. Item pour ce mesme mal: Faut mettre en poudre vn lezard verd avec de l'arsenic, puis mettre icelle poudre sur l'œil, car elle mange fort: cela est bien experimenté quand ils ont le blanc en l'œil, mais qu'il n'y soit que d'un an.

*Du sang qui apparoit es yeux des cheuaux.*

*Chapitre 57.*

**S**il le sang apparoit es yeux des cheuaux, vous luy pourrez Soster avec vne glaïre d'œuf. Item avec du ius d'esclere. Item pour cela mesme sont bonnes les pointes ou sommitez des espines cuictes en bon vin blanc, qui soit puissant, & sans eau.

*Contre la maille de l'œil.*

*Chapitre 58.*

**S**i vn cheual a la maille en l'œil, prens de l'os de seiche, tartre, Spoyure autāt d'un que d'autre, & vn peu de sel & le tout pul-



uerifieras ensemble, & mesleras fort tout cela avec du miel dedans la coquille d'un œuf, puis le mettras sur cendres chaudes, ou au soleil pour l'eschauffer : & de cet oignement tu oindras l'œil avec vne plume.

*Pour l'œil blessé.*

*Chapitre 59.*

**S**il'œil du cheual a esté blessé, prens vn pain, & tire toute la mie dehors, & remplis la crouste de charbons tous ardans, iusques à ce qu'elle se brusle dedans, puis mets ceste crouste en vin blanc, & l'appliqueras sur l'œil : & fais cela souuent. Apres tu prendras du fauon & le battras avec de l'eau froide, & avec icelle eauë laue les sourcils : & si ceste medecine n'y fait rien, le faudra seigner de la veine de la teste qui va au col.

*Quand vn cheual s'est frotté l'œil.*

*Chapitre 60.*

**Q**vand l'œil sera bien frotté, premieremēt le faut seigner de la veine des yeux, apres faut lauer les yeux, avec du fauon battu en eauë froide, puis mettre vne estoilette sous l'œil.

*Contre la rougeur & douleur des yeux.*

*Chapitre 61.*

**P**our faire oignement rouge cōtre la rougeur & douleur des yeux, contre le sang & la taye és yeux, principalement si cela aduient de cause froide ou frappeure, ou en quelque sorte que ce soit. Prens vne once de sinople broyée bien menu, & la mets en vn vaisseau d'airain, avec dix once de farine de froment bien subtile. Et faut premierement broyer bien menu la sinople, & la destremper avec de l'eauë, puis prendre de la farine bien nettoyée & la destremper avec la sinople, & en faire comme vn vnguent liquide : & de ceste confection empliras à demy ledit vaisseau, puis l'acheueras d'emplir de bon miel & pur, & feras cuire le tout à petit feu tout doucement, en le mouuant & meslant tout ensemble iusques à ce que tu voyes qu'il soit assez espés.

*Des aniures des cheuaux.*

*Chapitre 62.*

**A**v cunesfois viennent aux cheuaux des glandes qui sont entre le col & la teste, lesquelles croissent si fort à cause de la superfluité des humeurs & quantité de reume, que les con-



duits du gosier sont si estreffis, que le patient ne peut manger, aualler, boire ne respirer. Parquoy si on n'y met soudain remede, les alteres du gosier se ferment, & le cheual festouffe: dont est contrainct se ietter en terre, & sy frapper la teste, tellement qu'à peine en releuera-il iamais. Et ceste maladie s'appelle morbilles, auiures, ou viures. Les signes pour cognoistre ceste maladie sont ceux-cy: Les oreilles se mouuent souuent, elles sont froides, & ne peuuent souffrir estre touchées. Item on voit aucunes fois lesdites glandes, ou on les sent à toucher. Item ils leschent tout ce qu'on met deuant eux. Item ils ont tousiours grand soif, & ne māgent rien. Item aucunes fois tout le corps leur tremble, aucunes fois ont grande chaleur par tout le corps. Remede: Si tost que lon apperçoit ces glandes & auiures croistre grosses comme vn œuf ou enuiron, les faut cauteriser avec vn fer chaud bien pointu, & les percer iusques au fons, ou les couper de trauiers avec vne lancette, ou (qui mieux vaut) les arracher du tout, & desraciner des deux costez de la maschoire, comme lon verra estre expedient: & quand elles seront arrachées, faudra medeciner la playe comme ie diray au chapitre du vers. Item autre remede: Faut seigner le cheual de la veine qui est sous la langue ou (selon plusieurs) de la veine du col: puis mettre dessus vne emplastre de mauues, glus & graine de lin, & apres oindre la playe de beurre & vnguent de dialthée ou guimauues: & quand elles se commenceront à amollir, les faudra percer avec vne lancette d'argent toute rouge, & mettre en chacun pertuis des estoupes, ou vne tente: & par ce moyen tu guariras ladite maladie.

*De l'estranguillon ou bosse.*

*Chapitre 23.*

**L**y a vne maniere de glâdes qui s'engêdrêt enuiron la bouche du cheual, & semble que se soit chair: lesquelles aucuns appellent brâques, bosses, estranguillons ou gourmes. Ces glâdes estranglent & serrent si fort la bouche & maschoires: qu'elles sont cause que les cheuaux ne peuuent respirer qu'à grande difficulté, & le vêt gargouille en leur bouche, en sorte qu'ils ne peuuent rien aualler, & portent la teste droite, tellement qu'on peut voir ladite glande, laquelle souuent s'enfle tant que tout le go-



fier en est enflé & tous les côduits restraints, & le cheual ne boit & mänge gueres : & ceste augmētation se fait par les humeurs qui descendent de la teste esdites glandes. Remede: Si l'aage le peut porter faudra seigner les cheuaux de la veine organique. Ie dy eecy pource que ceste maladie est fort familiere aux poulains qui ont abondance d'humeurs subtiles, qui se dissoudent facilement par petite chaleur. Or quand il aura esté seigné, tu feras ceste emplastre pour meurir & dissoudre ceste glāde, & prēdras des mauues, graine de lin, rue, aluine, lierre terrestre : & de tout cela feras vne masse, puis dessus ce mettras de l'huile de laurier bouillie & dialthée ou guimaues, & que ce soit pres du feu. Item faut qu'il boiue de l'eau tiede messée avec de la farine : puis luy feras emplastre de cācabre, ou de son battu dedans du vin, & mettras le tout sur son gosier & glande. Et quand elle commencera à se ramollir & meurir, & qu'elle iettera, la faudra tousiours purger avec vn instrument propre, vne lancette. Et selon qu'on les verra croistre ou descroistre, tu mettras des tentes dedans au soir & au matin, cōme tu verras estre expedient : Puis tu mettras sur la teste du cheual vne couuerture de lin, en luy oignant souuent avec du beurre toute la gorge, spēcialement le lieu où est ladiēte glande : & faut que le cheual soit en lieu chaud. Item vn autre remede : Si pour lesdites choses les glādes ne décroissent, & par l'agitatiō des tentes, les faudra arracher du tout comme le vers : & guarir du tout la playe, comme ie diray du vers. Item on peut arracher & oster cest estranguiillon avec du realgar, comme ie diray cy apres des galles, au chapitre cent neufiesme. Et dauantage faut noter que la poudre de realgar doit estre mise moderēment en toute incision ou rompeure de cuisses, car elle mange la chair comme le feu : parquoy la faut mettre avec grande cautelle, à cause que si on en mettoit trop elle mangeroit grande quantité de chair.

*Quand vn cheual a mal en la bouche.*

*Chapitre 64.*

**I**L aduient souuent qu'en la bouche du cheual se font petites enflēures ou glandes longues cōme des amādes, par vne maladie qui leur vient en la bouche : & cela procede aux deux mâchoires par dedans, & les serre si fort, que le cheual ne les peut



mouuoir pour mascher comme il souloit. Et par ce qu'à ceste cause toute la bouche s'enfle dedans, le palais s'enfle aussi, tellement qu'il n'ose & ne peut manger. Laquelle maladie s'appelle maladie de bouche. Remede: Si toute la bouche est enflée, soudain le faudra seigner de la lague, c'est à dire des veines qui sont dessous, en ouurant la bouche du cheual ainsi qu'on verra estre expedient. Et quand le sang sera euacué le mieux que lon pourra, faudra prendre du sel en bonne quantité avec du tartre, & broyer tout ensemble, puis en froter bien fort toute la bouche par dedans, mais seroit bon auoir destrempé ledit sel & tartre en vin fort ou vinaigre. Et si pour la seignée lescdites glandes ne décroissent, faudra ouurir la bouche du cheual, & couper dutout ces glandes des deux costez de la maschoire, en les arrachant avec vn fer crochu: cela fait faudra froter les playes avec du sel, tartre & vinaigre. Et si le cheual a encores le palais enflé, faudra inciser ladite enfleure tout du long avec vne lancette bien pointue, puis apres froter les playes avec du sel broyé bien menu: & par ainsi elle se guarira.

*De la palatine.**Chapitre 65.*

**L** Apalutine estvne maladie qui aduiet au palais des cheuaux & est-ce qu'on voit és rayes au palais cōcauees, profondes & seignantes: & manifestement on voit qu'il y a incision, qui aduiet quand le cheual a mangé quelque chose rude, ou quelque anoine qui auoit encores l'escorce & espy, qui a piqué le palais du cheual, en telle sorte que ceste maladie luy est venue: ou cela luy vient par le flegme qui est là amassé. Remede: Il faudra tant froter cela, que le sang en sorte, puis oindre le palais de miel bouilly avec vn oignon & du fromage brulé. Item pour ce mesme cas: seignez-le avec vn fer bien subtil, à fin que les grosses humeurs sortent, & apres y faut faire ce que dessus, c'est à dire le froter & lauer comme i'ay dit.

*Du lampas.**Chapitre 66.*

**L** E lampas estvne maladie qui aduiet au dessus de la bouche & dessus les dents par abondance de sang. On la cognoist en ceste sorte: L'ordre des dents de deuant est mout esleuée, tellement que le cheual ne peut tenir sa viande, ains la laisse tomber toute flestrie avec de la moruë & salive. Remede: Prends vn



fer & le courbe fort en la forme de la lettre C & le fais bien trancher & le chauffe fort, puis tu couperas avec ledit fer ceste enflure & la chair superabondante sur les dents de deuant, & en prens autant que ton fer pourra prendre. S'il n'y a gueres qu'il a ceste maladie, & que l'enfleure soit encores petite, la faudra seigner par ceste enfleure en trois parties, ou bien tout du long, avec vn fer bien subtil & fort aigu.

*Des focelles.*

*Chapitre 67.*

**F**Ocelles sont enfleures tendres, petites & noires au milieu, & viennent en la bouche du cheual autour des leures. & contre les genciues : & procedent d'auoir mangé vne herbe gelée, ou de la terre & poudre qui s'est amassée sur les leures & machoires, & contrainst le cheual de laisser tóber ce qu'il veut manger. Remede : Perce ces focelles au milieu de l'enfleure, & les tire hors avec vn fer (côme i'ay dit du lāpas) qui sera bien aigu, & tout en feu, & couperas toute ladite enfleure, ou la cernerás avec vn cousteau en la forme d'vn cercle, ou de la lettre O.

*Quand la langue est blessée.*

*Chapitre 68.*

**L**E mal à la lāgue vient en plusieurs manieres, & sont aussi en cela diuerfes maladies, car aucunes fois les dents l'ont mordu aucunes fois il procede du mors du frein. Aucunes fois y a vne maladie qu'on appelle pinzaneze, d'ot le cheual est fort affligé, & perd la moitié de sa mangecalle. Remede : Si les dents ont mordu la langue de trauers, ou si le mors l'a blessée outre le milieu, coupe luy la partie blessée, car on estime que ceste maladie est incurable, & le cheual ne fera pire quād il aura perdu vne partie de sa langue. Mais si la blesseure est de trauers & petite, ou si elle est du long grande ou petite, luy feras cest vnguent. Prens du miel rouge, & de la moelle de chair de porc salée, autant d'vn que d'autre, & vn peu de chaux viue dedans, & autant de poyure puluerisé, & feras tout bouillir ensēble, en forte qu'il deuienne comme oignement, duquel tu mettras deux fois le iour sur la langue : mais il faudra premierement vn peu lauer les playes de vin tiede. On ne doit aussi bailler au cheual le mors en quelque forte ou maniere que ce soit iusques à la parfaicte consolidation des playes. Et ceste cure qu'auons prediſte soit faite



iufques à ce que les playes foient confolidées. Et fi ce mal de langue procede du mal qu'on appelle pinzaneze, apres que la maladie eft curée (ainfi que i'ay dit au chapitre de la pinzaneze, lequel ie mettray en fon lieu) les playes de la langue foient medicamentées.

*Des barbes fous la langue.*

*Chapitre 69.*

**L**Es barbes font fous le palais, & fous la langue. Et fi elles croiffent outre la tierce partie d'un grain de froment, & engardent le cheual de manger. Remede: Il les faudra tirer avec vn petit fer tout ardent & pointu, ou avec des tenailles les incifer ou arracher.

*De la froidure de la teſte du cheual.*

*Chapitre 70.*

**I**L aduient vne maladie aux cheuaux, laquelle generalement par tout le corps fait douleur, euanoiffemens, ſtupéfaçons prouoquant la toux, faifant enfler les yeux, aucunesfois les faifant pleurer aucunesfois ciller: Laquelle maladie aduient ſoudain aux cheuaux quand ils ont eſté en vne eſtable chaude, & ſoudain on les met au vent: aucunesfois leur viennēt des ſuperfluitez par quelque occaſion, dont ils font contraincts de touſſir: & ceſte maladie ſappelle froidure de teſte. Remede pour commodement obuier à ceſte maladie. Les glandes que lon appelle auiures, qui viennent entre le col & la teſte, ſoient bien cauteriſées avec vn fer chaud, en les perçant tout outre: ſemblablement pourras cauteriſer ledit cheual au milieu du front, avec ledit fer, à fin que les humeurs eſmeues par la froidure ſortent dehors. Semblablement faudra entretenir les tentes qui ſont eſ auiures ſous la gorge, à fin qu'en les agitāt, les humeurs puiſſent ſortir. Et faut que le cheual ainſi malade, ait touſiours vne couverture de laine ſur la teſte, & mettre ſouuēt des têtes en ſes oreilles, en les frottant aucunesfois par dehors. Autre remede: Mets de l'huile de laurier dedans vn drapeau ou deux, & l'attache au mors, & que le cheual boiue touſiours avec ledit mors. A cela meſme la ſauge attachée au mors du cheual, eſt bonne. Item pour ce meſme mal, la fumée d'un drap de lin brulé, receue par les narines du cheual, profite beaucoup. Item prens vne liure de



fenegrin, le fais bouillir en eauë tant qu'il se rompe, puis melle  
 de la farine de froment en quantité d'une liure ou deux dedans  
 ceste eauë, en forme de boullie claire, & en baille deux fois le  
 iour au cheual, sans luy bailler autre chose à boire: puis tu pren-  
 dras ton fenegrin, & le seicheras au soleil, & le mesleras avec son  
 auoine. Et si tu continues cecy par neuf iours, le cheual guarira  
 & en deviendra plus gras & plus sain. Item pour cela mesme,  
 prens du fourment bien cuit, & le mets en vn sac le plus chaud  
 que le cheual pourra endurer, tu lieras ce sac dessus la teste du  
 cheual, tellement que le cheual ait le museau dedans, à fin de  
 prendre la fumée par les narines, & de manger dudit grain fil en  
 a enuie. Item prens du froment avec du poliot & sauge cuicte,  
 & le prepare dedans vn sac, comme i'ay dit, mais faut que la te-  
 ste du cheual soit couuerte. Item luy pourras faire tel suffumi-  
 gatoire: Prens des tortuës, & les fais fort cuire en eauë, & que  
 le cheual en prenne la fumée, tant par la bouche que par les na-  
 rines, la teste du cheual tousiours estant couuerte. Autre bon  
 suffumigatoire de decoction de poliot & sauge, prins par les  
 narines, la teste couuerte comme cy dessus est dit. Item autre re-  
 mede, Prens vne piece de lin, laquelle tu lieras fort serré au bout  
 d'un baston, puis l'ointras de saumon noir, & la mettras bien sou-  
 uent es narines du cheual le plus doucemēt, & le plus auant que  
 tu pourras, en approchant du cerueau, puis l'en retireras: par ain-  
 si il esternuera, & iettera les superfluites & humeurs qui seront  
 au cerueau, dont il pourra guarir, car en esternuant, le cerueau  
 se purge. Itē à cecy le beurre est fort bon, quand il est mis es na-  
 rines melle avec huile de laurier, en gardant tousiours le cheual  
 de froid, & de froides viandes, & luy faisant manger choses  
 chaudes: faut aussi qu'il boiue tousiours de l'eauë cuite avec de  
 la semēce de fenail, & vn peu de vin, quand elle sera tiede, & mel-  
 lée avec vn peu de farine de froment: & si le cheual n'en veut  
 boire, ou ne le doit abbreuer aucunement, iusques à ce que par  
 grande soif il soit contraint de boire ceste eauë. Pour faire bon  
 breuuage & vtile à vn cheual qui a la toux, la strangurie, & la  
 morue, prens l'escorce du milieu d'un aulne, qui vient sur la riue  
 de l'eauë, & nettoye bien les superfluites & ordures qui sont de-  
 hors, & en empliras vn pot tout neuf, & mettras de l'eauë claire  
 dedans



dedans, tellemēt que lesdites escorces soiēt couuertes d'eauē, & les fais bouillir iusques à ce que l'eauē soit à demy cōsommée, & derechef empliras lediēt pot d'eauē & la feras bouillir iusques à la cōsommation de la moitié : mets y encores pour la tierce fois de l'eauē, & la fais bouillir iusques à la cōsommation de la moitié comme deuant. Cela fait la couleras par dedans vne chauffe ou estamine, & presseras fort les escorces, puis les jetteras : puis apres prens deux parties de ceste eauē coulée, vne partie de lar gras ou de beurre, & fais tout chauffer ensemble : & faut jetter vne chopine de ceste commixtion & medecine dedās la bouche du cheual avec vne corne, & autāt dedās les narines. Et faut que le cheual ait le ventre vuide du tout & qu'il ne mange ne boiue de trois heures apres : & le faut bien garder de froidure : laquelle chose tu luy dois faire par trois iours vne fois ou deux le iour. Si c'est en esté, tu luy pourras bailler à māger du cresson, & pareilles herbes qui eschauffent & subtilisent les humeurs : mais si c'est en hyuer, il doit manger force senegrin ou seneçon, & farine de fromēt tiede, & boire de l'eauē chaude, sans luy bailler aucunemēt eauē froide. Quand il a au cerueau quantité de reume, morue, strangurie, & grande oppilation de narines sans riē jetter par la bouche. lors luy jetteras trois cuillerees dudit breutage tiede dedans les narines le premier iour : le second deux cuillerees, & le tiers, vne. Et cepēdant faut tenir la teste dudit cheual haute, & vn baston dedans la bouche, iusques à ce que toute la liqueur luy soit entrée en la teste par les narines. Item autre remede : il faut oindre le ventre, & les hanches, & les temples du cheual d'oignemēs chauds. Prens six onces de dialthée ou guimauues, deux onces d'huile de laurier, cinq onces de pyrette, & que tout soit battu ensemble, apres en feras cōme de l'vnguent, & oindras le cheual és lieux qu'auons dit, deux fois le iour iusques à quatre ou cinq heures, car (sil plaist à dieu) il en fera guarý. Vne autre medecine y a laquelle n'est à delaisser, de laquelle iamais ie ne fus trompé, & est pour vn cheual bien morfondu. Prens donc de la vigne blāche sauuage, ou des fueilles d'icelle & des bourgeōs, tu jetteras les fueilles ou couperas iceux bourgeons de la longueur d'vne paume, & en feras trois ou quatre poignéēs, lesquelles tu rompras entre deux



pierres ou broyeras bien fort, puis les mettras en vn sac de lin & pendras ledict sac avec ceste medecine au col du cheual, tellement qu'il ait le museau dedans, & qu'il ne puisse manger de ladiete medecine: car par la fumosite & vapeurs de ladiete medecine toutes mauuaises humeurs sortent dehors. Tu pourras faire ceste medecine deux ou trois fois, ou dauantage: laquelle j'ay plusieurs fois experimenté.

*De la morue ou maladie de teste.*

*Chapitre 71.*

**L**A morue est vne maladie communement ainsi appellée, & vient de la teste d'un cheual qui a esté long temps refroidy, & est proprement vn reume qui descend par les narines, mettant continuellement humeurs froides dehors, & aucunesfois d'autres qui sont plus espais. Et ceste maladie procede d'une ancienne froidure: aucunesfois par vne maladie qu'on appelle farfin, ou ver volant, par laquelle le cheual perd par les narines quasi toute l'humidité du cerueau. Et faut sçauoir que de toutes maladies qui suruiennent aux cheuaux par mauuaise proportion des qualitez: il n'y en a point de si dangereuse que ceste passion reumatique: laquelle vient pour trois causes. La premiere est, pource que ces bestes ont les conduits grands & amples, avec quantité d'humeurs, parquoy la froidure y entre facilement, & dissout les humeurs qui sont au cerueau, lesquelles descendent dedans les arteres & conduits naturels, & en les remplissant sont cause de suffocation. La seconde, pource que lesdits cheuaux sont de froide & seiche complexion: parquoy à cause de la froidure naturelle & de celle de l'air, les humeurs sont congelées, & remplissent les conduits, parquoy ils sont suffoquez. La tierce, pource que la froidure est fort violente, & surmonte petit à petit la chaleur naturelle: parquoy on peut cognoistre d'où procede ceste passion. Les signes de ceste maladie sont ceux-cy: Froidure des narines, des oreilles & des membres extremes, les yeux chargez, la teste basse, & tout le corps pesant, avec vne toux, sans appetit, principalement de boire, & aucunesfois vn tremblement. Remede: Mets premierement sur la teste du cheual vne couerture de leine, & le tiens en lieu



chaud, & luy bailles à manger choses chaudes. Il est aucunes-  
fois profitable que le cheual ainsi malade pasture de petites her-  
bes, car quād la teste est incessamment baissée à pasturer, la plus  
grande partie des humeurs sort par les narines. Autre remede  
bien facile: La fumée d'une piece de drap brulé, ou de vieil co-  
ton prise par les narines du cheual, car elle dissout les humeurs  
côgelées. Autremēt prens vne piece de drap & l'attache au bout  
d'un baston bien fort, & l'oindras de saumon noir & le mettras  
dedans le nez le plus doucement qu'il sera possible, & le retireras  
comme ie t'ay dit cy dessus au chapitre de la froidure de la te-  
ste du cheual: au moyen de quoy le cheual esterneuera souuent,  
& en esternuant continuellement, aucunes fois aduient qu'il  
se guarit, mais peu souuent: car ceste maladie est estimée quasi  
incurable. Autre remede: Il faut que le cheual patient boiue de  
l'eauë tiede avec de la farine, & qu'il mange choses chaudes:  
puis le feras cauteriser au front, sur les espaules, sur les sourcils, &  
à la queue, & prēdras des tuilles chaudes, ou des vaisseaux pleins  
de charbons ardans, & les tiendras autour du cheual, à fin qu'il  
se chauffe: cela fait tu oindras le ventre & les flācs dudit cheual  
d'oignemēs chauds & d'huiles chaudes, comme d'huile de lau-  
rier & de dialthée ou guimauues, & le faut bien garder de froid.  
Tu feras l'oignemēt de dialthée, d'huile de laurier, & de pyretre  
comme i'ay dit au precedent chapitre. Item pour cecy est bon  
le marc d'oliues, & cacher du lin dedans, & en feras de la fumée  
au nez du cheual, en l'estaignant & rallumant souuent. Item  
à cela mesme est bon de prendre de l'orpin & du souphre, & en  
faire vne suffumigation au nez du cheual, à fin que les humeurs  
congelées se dissoudent & sortent. Item autre remede: Faut  
bailler ces medecines au cheual, c'est à sçanoir de la farine de  
froment, meslé avec des espices chaudes pour conforter la na-  
ture. Les espices chaudes sont canelle, galange, gingembre, &  
autres semblables: & messeras vn peu de sel avec la dictē farine,  
& luy laueras tous les iours les crins & la teste avec l'eauë en la-  
quelle on aura cuit de l'aluine, de la ruë, de la sauge, du genie-  
ure, des feuilles de laurier, & de l'hyssope. Item est bon aussi de  
prouoquer le cheual à esterneuer avec poudres d'elbore & poi-  
ure, & faudra jeter ceste poudre dedans ses narines: & par ainsi



le cerueau sera nettoyé de ses superfluitez. Autre remede: Prends des aux, poiure, canelle, cloux de giroffle, & feras le tout broyer avec vn aubin d'œuf, & y mesler vn peu de bon vin, & fais aualler cela au cheual avec la corne. Autre remede: Fais bouillir des hiebles & du suzeau avec la superfluité des aux, mais parauant faut faire tout tremper quelque temps en eauë salée: ainsi feras aualler cela au cheual. Autre remede: Prends trois onces d'euforbe & le broye bien menu, & vne liure de ius de blettes, & mesle fort tout ensemble: puis iettes avec cela vne demie liure de sang de pourceau, & fais bouillir le tout ensemble, iusques à ce qu'il se commence à espaisir, & l'ostes du feu, puis y adioustes encores vne once d'euforbe, & mesles tout ensemble: en ce faisant tu auras bon oignement que tu pourras garder en vne boete, & quand t'en faudra vser, tu oindras le bout d'vn baston que tu mettras bien auant dedans les narines, & l'y laisseras vn peu: & quand le voudras retirer tu verras sortir quasi vne infinie pourriture du cerueau de ton cheual, & pourras faire ceste medecine l'espace de deux ou trois iours. Et sçaches que si la maladie est nouuelle, elle guarira: & si elle est vieille & enracinée, ceste medecine la cachera si bien que de quinze iours on ne l'apperceura. Pareillement faut sçauoir que le signe de guarison en ceste maladie est, si les playes iettent ordure quand on a cauterisé le cheual: & est mauuais signe sil fait en l'estomac vn son enroué, principalement quand par le defect de sa nature on voit qu'il ne peut plus touffir.

*Des galles & rongnes qui viennent au col & à la queuë  
du cheual      Chapitre 72.*

**L** aduient aucunes fois qu'au col du cheual pres du garot, & au tronc de la queuë il s'engendre de la galle, & par ce qu'il est contraint de se frotter continuellement, s'y engendrēt de petites bubettes, & le poil ou les crins en tombent. Laquelle chose aduient pour trois raisons: c'est à sçauoir à cause de la poudre qui demeure là long temps & pourrit la racine du poil, parquoy il est necessaire qu'il tombe: ou cela aduient quand le cheual est maigre: car alors les membres n'ont point de nourriture propre, & sont nourris de gros sang & infect, & les vapeurs & humiditez qui sont cōuenables à engēdrer le poil, ne luy bail-



lent aucune substance, ains corrompent la racine & le poil par leur corruption, parquoy faut qu'il tombe. Ou autrement cela procede d'un sang bouillant qui court par ces parties: par ainsi ceste humeur colerique, piquante & mordicative fait que les racines se consomment & desseichent, dont le poil tombe. Je fus vne fois interrogé par mes familiers de ceste maladie, à fin que ie leur en declarasse l'origine, & la medecine qui y est propice, à ce qu'ils peussent remettre leurs cheuaux en santé lesquels estoient merueilleusement affligez de ceste maladie, auxquels ie respōdis, qu'il vient aucunes fois au garrot & à la queue telle rongne, qu'elle arrache tout le poil, & demange tant, que le cheual est contraint de sy frotter si fort qu'il s'escorche du tout. Et cecy aduient d'abondance de sang infect, & d'humours salées & coleriques, comme de sang pourry. Si c'est abondance de sang, l'ordure que jettara la galle sera blanche: si c'est d'abondance de cholere, la galle sera seche, & ne jettera gueres d'ordure: si c'est d'abondance de flegme salé, elle jettera beaucoup d'ordure, & aucunes fois sera seiche: si c'est de melancolie, elle fera du tout seiche. Ainsi la medecineras: Si la galle viēt de poudre qui y ait long temps demeuré, faut lauer bien fort la playe, trois ou quatre fois, avec de la leciue & du saouon noir, apres ce feras bouillir avec du vinaigre du cancabre ou beniouyn blanc, puis des pois, des ciches, de la cétaurée, & taxus barbatus & feras le tout couler par dedans vne chausse, & mettras de la poudre d'aloës cabalin dedans l'eauē qui en sera coulée, & en laueras ladicte galle. Ou autremēt fais tel oignement: Prens vn peu de souphre, d'encens masse, sel nitre, tartre, escorce de fraisine, vitriol, verd de gris, de l'ellobore blanc & noir, cyclame ou aristologe ronde, & broyeras tout ensemble avec des moyeux d'œufs bouillis, & de l'huile cōmune, & le feras tāt bouillir, qu'il deuiēne espais, puis en oindras la galle trois ou quatre fois. Lequel oignement i'ay experimēté cōtre toute galle, goutte, ou fistule. Remede: Si ladicte maladie vient par ce que le cheual est maigre, faut qu'il soit seigné de la veine du col, à fin que les humeurs sortent par là: puis apres mettras des tentes sous son col, & feras les lauemens susdits: & mettras p eīne de le refaire avec bonnes herbes, & de l'exerciter vn peu. Remede: Si ladicte maladie



est engendrée d'humeurs embrasées, ainsi le seigneras & y feras les remedes cy deuant declarez : & dauantage apres qu'il sera laué, faut jetter de l'alun mis en poudre dessus : quand il commēcra à guarir, faut oindre les playes d'huyle d'oliue, à fin que le poil reuienne. Autre Remede: Fais seigner le cheual de la veine du col accoustumée suffisamment, & là où fort l'ordure feras tel oignement. Prens du souphre vif, sel, tartre, & braye le tout ensemble avec du fort vinaigre & autant d'huile d'oliue, le tout bien meslé ensemble, & demené iusques à ce qu'il soit espais: duquel oignement faut oindre deux fois le iour la playe, iusques à ce qu'il soit guarý : toutesfois auant qu'y mettre ledit oignement, faut tant frotter la playe, que le sang commence à en sortir. Autre remede tout present: Prens du fort vinaigre meslé avec de l'vrine d'un enfant vierge, & du ius de titrungle, & de cela le faut oindre comme dessus est dit. Item pour cela mesme est bon le lithargire mis en poudre & meslé avec de l'huile & du vinaigre, & doit estre le tout battu cōme en oignement, puis le faut mettre dessus la playe comme i'ay dit cy dessus. Item cest oignement qui s'en suit est bon : Prens du souphre vif, de l'huile d'oliue, vn peu de vinaigre, de la suie, vn peu de sel dur, du fient de pourceau & de la chaux viue, le tout bouilly ensemble, & broyes ce qu'il faut broyer, si en feras del' oignement, & en oindras ladicte playe. Autre remede: Prens de la pierre de laquelle les pelletiers blanchissent leurs peaux (qui est appelée esponse) & la mesle avec de l'eauë, puis en oindras la playe. Aucuns disent que la maladie tient au cuir de la beste, comme rongnes ou rides : car ceste maladie a de grandes rayes aspres & ouuertes, & en forte comme escailles de poisson, ce qui procede d'abondance de sang pourry, & du lieu de la galle qui n'a esté bien guarý : ou il vient d'auoir esté avec cheuaux rongneux, quand ils s'entremordent, ou quand on les essuye d'un mesme drap, ou quand ils sont couuerts d'vne mesme couuerture, ou quand ils se frottent en vn mesme lieu, ou aucunes fois quand ils mangent ce que le cheual rongneux a ietté de la bouche. Remede contre ce mal : Si le cheual est puissant, tu le feras seigner de la veine du col, comme i'ay dict : puis laueras bien la galle, & la frotteras fort d'un



bouchon faict de poil, ou de crins rudes, iusques à ce qu'il seigne: puis apres le faut laisser tant secher, qu'on n'apperçoie plus qu'il ait esté laué: cela faict oindras ladicte playe au soleil chaud ou aupres du feu, avec l'oignement qui s'ensuit: Prens de la poudre de souphre, de l'alun, de l'ellobore noir, autant d'un que d'autre cinq liures: de la poudre d'escorce de fraine, & du plus tendre de la corne prinse à la pate d'un cheual, & du visargent, autant d'un que d'autre trois onces: vieil oing trois liures: & de tout cela feras oignement, duquel oindras le cheual tant que tu verras estre necessaire: & depuis que tu auras commencé à l'oindre, te garderas de la mener à l'eauë au soir, & de le froter iusques à dix iours apres. Item pour guarir toutes galles, rongnes, gratelles, & dertres des cheuaux, frottez les de farine de froment, fort vinaigre, & safran, le tout meslé ensemble. Autre remede: Premièrement faut laver les playes avec de l'eauë chaude, puis les oindre de saumon trempé avec fort vinaigre. Autre remede: Laver souuent les rongnes avec eauë de caprinelle. Item les faut laver souuent avec du ius de cegue & certainement il se guarira. Aucuns meslent avec ladicte cegue de l'huile & du vinaigre bon & fort. Autrement pourras guarir ladicte galle: Premièrement le faut seigner de la veine du col, puis froter la galle du sang tout chaud, & le tiers iour apres la laver & bien nettoier avec de la lecieue chaude, faicte d'orge bruslée, feure, vinaigre, & eauë marine ou salée: & le iour ensuyuant l'oindras de l'oignement qui s'ensuit: Prens des racines de paille rouge des champs, & des racines d'herbe beniste, c'est à dire de verucine, & les fais cuire en vinaigre, ou eauë marine, iusques à ce qu'elles soient molles: puis jette ce qui restera dur, & prens le mol avec du vieil oing, & en fais de l'oignement.

*Du mal de col, qu'on appelle Lucerde ou Scime.*

*Chapitre 73.*



**L**A maladie qu'on appelle Lucrece, Scime, ou foritie, suruiēt au col des cheuaux, & est quād ils ne peuent tourner le col, cà nelà, ne prendre de l'herbe bas sinon par interuales & sans se haster: ce qui procede de trop grande charge dessus les espaulles, & de la grande seichereſſe des nerfs du col. Remede: Il faut releuer les crins du col, avec la main, & percer la chair par dessous des deux costez avec vn fer ou stile chaud, tellement que la chair qui est sur le col, soit vn peu brullée, sans que les nerfs se retirēt: & feras cela en cinq lieux au long du col, & qu'il y ait entre chacun l'espace de trois doigts ou plus. Apres tu mettras en chacun cautere qu'auras fait vne petite corde & deliée faite de lin ou chanure ou de crins de cheual, laquelle y laisseras iusques à quinze iours. Aucuns font plusieurs cauteres au costé gauche du col, sur les crins pres de la chair en l'og & de trauers: toutes fois cela ne guarit point, (nonobstant que le feu y ait esté) mais depuis le quatriesme iour iusques au quinziesme faut lauer avec eauë tiede toute la sommité du col & des espaulles, & tresbieu les essuyer & reschauffer.

*Quand vn cheual a le col enflé.*

*Chapitre 74.*

**L**E col du cheual s'enfle, si dedās le quatriesme iour apresqu'il aura esté seigné il frotte fort sa playe cōtre du bois ou quelque pierre, ou si vn autre cheual y a touché avec la dent, ou s'il mange quelque chose dure apres que le sang est reſtraint. Parquoy on a accoustumé de luy attacher la teste haut & le laisser ainſi l'espace de trois heures sans māger: (toutes fois aucuns luy baillent à boire, mais c'est mal fait) puis qu'il ne māge durant vn iour & vne nuit aucune viande dure. Remede: Il faut oſter le poil du lieu où est l'enflure, & ouurir la playe le tiers iour apres qu'il aura esté seigné, laquelle tiendras ouuerte avec des estoupes, si c'est en esté, ou la bassineras avec eauë tiede, en laquelle auront esté cuites des fueilles d'hiebles, suzeau, ache, orties, & seneçon, desquelles herbes feras vne emplastre, laquelle faudra mettre toute tiede dessus l'enflure: & apres que cela sera fait, le faudra seigner encores vne fois de ceste mesme veine: & si en ce faisant il ne se guarit & que ladiète veine soit pourrie, faudra ouurir le cuir qui est iouxte la maschoire dessus ceste veine, & la



la tirer hors avec vne brochette de bois, & la lier bien fort vers la teste avec du fil de lin bien doux, puis la couperas & la tireras du tout dehors : & autant en faudra faire de l'autre bout en la veine qui va sur les espaules. Item faut qu'il prenne ce qu'il mange loin de terre iusques à ce qu'il soit guarý.

*Quand le dos du cheual est blessé.*

*Chapitre 75.*

**P**Lusieurs & diuerses blessures viennent au dos du cheual, & pour diuerses causes, car aucunesfois viennent pour cause intrinseque, comme de corruption d'humeurs, aucunesfois de cause exterieure, comme par l'opression ou fouldure de la selle, & autres occasions. La cause interieure est quand le sang ou les humeurs sont corrompus, & qu'en ce lieu là sont en abondance: & par ce le dos est facilement interessé, car le sang ou humeurs superflus engendrent petites vessies pleines de sang meslé avec pourriture, dont le cuir & la chair du cheual sont corrompus: puis sy engendrent aucunesfois grandes vlcères & larges, aucunesfois petites. La cause exterieure est quand le dos est blessé de la selle, du bast, ou de trop grosse charge. Et faut sçauoir que tât plus les playes sont pres des os du dos, tant plus sont dangereuses, tellement que souuent le corps en est en danger. Remede pour separer ceste humidité & humeur quand la peau est encores entiere. Prends des fucilles de poreaux & les pile avec du sain de porc, puis les chauffe vn peu en vne poile, & les mets chaudement sur ceste enfleure. Autre meilleur remede pour ce mesme cas : Prends trois parties de fient de mouton, & vne de farine de froment ou seigle, (& faut que ce soit fleur de farine, car elle vaut miéux) & mesles bien tout ensemble, & le fais cuire, puis le mets tiede dessus le lieu. Remede: Premièrement tu dois sçauoir qu'en quelque sorte que le dos du cheual soit blessé, on ne le doit fâcher ne trauailler, iusques à ce qu'il soit entieremēt guarý, car pour peu de labeur la maladie se pourroit tellement augmenter, qu'elle seroit incurable. Parquoy incontinent que le dos du cheual commencera à s'enfler en quelque lieu, fais le raire avec vn rasoir sur l'enfleure, apres feras vne emplastre de fleur de farine de froment qui soit battue avec aubins d'œufs & la mettras dessus l'enfleure avec vne piece de drapeau de lin, &



te garde bien de l'oster de là rudement, mais la faut oster doucement: apres si la pourriture est là asssemblée, tu le perceras iusques à ladite pourriture avec vn fer chaud pointu, & par ce moyen l'ordure en sortira: cela fait tu l'oindras tous les iours avec quelque oignement. Aucunes fois suruiennent au dos du cheual quelques escorcheures ou rompures à cause de l'oppression ou fouteure du bast ou selle, ou par l'oppression de quelque clou ou entrac qui vient au dos du cheual par quelque superfluité de sang: lesquelles faut raire tout autour incontinent qu'on les voit: puis apres tous les iours faut mettre dessus ledit mal, de la poudre de chaux viue meslée avec du miel, & tant battue ensemble, qu'on en face vn petit tourteau, lequel on mettra dedans le feu, & l'y faut laisser iusques à ce qu'il soit rouge: duquel apres on fera de la poudre, de laquelle faudra mettre dessus iusques à ce que la playe soit guarie, en la lauuant premierement & l'estuuant de vin ou vinaigre chaud, sans bailler selle ne semblable chose au cheual. Je parleray cy apres de ceste mesme poudre au chapitre du ver. Et est à sçauoir que ceste emplastre de farine avec aubins d'œufs est bonne contre toutes blesseures du dos. Mais en toutes blessures plaines, & pour consolider toutes escorcheures y faut mettre les poudres qui s'ensuyuent: C'est à sçauoir de la poudre faite de myrre seiche: Item poudre de létisque, & noix de galle: Ité vne piece de lin brulée ou cuir brulé ou vn filtre ou lisiere de drap: item la poudre d'vn bois de long temps pourry. Toutes ces poudres sont bonnes pour guarir lesdites blessures du dos. Item la poudre de myrre ou cypre mise sur l'escorcheure consolide merueilleusement & desseiche. Toutes fois note que la poudre de chaux & miel est singuliere sur toutes autres pour consolider la chair. Tu dois aussi sçauoir que auant que tu y mettes ces poudres, faut lauer la playe de vin chaud ou vinaigre.

*Quand le dos du cheual est blessé de la selle ou bast.*

*Chapitre 76.*

**S**Ille dos du cheual s'enfle par l'oppression de la selle ou du bast, ou de trop grosse charge, pource que ceste humidité se tourne en ordure, faut attēdre que ceste enfleure soit molle, puis la percer par dessus la playe, afin que toute l'ordure en sorte fa-



cilement : ou fais vn pertuis au dessous de l'enfleure, ou y mets le fer chaud, à fin que les humeurs ramassées par l'oppression ou charge se dissolvent plus facilement. Et si en ce faisant au commencement l'enfleure ne s'en va faudra bien raire la place, & y mettre les emplastres susdites pour le meürir, puis faut mettre dedans des tentes ointes de saüon.

*Quand le dos du cheual est enflé par l'oppression de la selle.*

*Chapitre 77.*

**S**I le dos du cheual s'enfle par l'oppression de la selle, faut raire le lieu, & le lauer souuent avec eaue bien salée: aucuns y mettent du fient chaud, & l'attachēt avec vne sangle. Si l'enfleure ne s'en va, & qu'il y ait en ce lieu vne maniere de cuir mort tu l'oindras souuēt avec du vieil oing de porc sans que le cuir s'enleue, (aucuns y mettent de la farine battue avec huile d'oliue) & quand tu verras que le cuir mort commencera à s'enleuer tout autour, le faudra oindre bien fort, & luy mettre la selle, & le cheuaucher tellement que le lieu s'eschauffe: car par tel eschauffement le cuir mort tombe. Et quād iceluy cuir mort sera du tout dehors, tu mettras dedans la playe des estoupes de chanure ou de lin hachées bien menu, & mettras sur icelles vn peu de poudre de chaux viue iusques à ce que la playe soit remplie de chair. Et quand la chair sera venue, ne reste plus qu'à faire venir le cuir: par ainsi tu laueras ladite playe de vin tiede ou d'vrine deux fois le iour, & quand elle sera seiche pourras ietter dessus de la poudre de myrrhe ou cypre, iusques à ce qu'il soit guarý. Si le dos du cheual a esté blessé, & qu'en ce mesme lieu il vienne vne enfleure, il faut distinguer, ou la playe est toute plaine, ou bien profonde, ou elle est pres des cuisses, ou autre lieu du dos, ou sus l'espine. Si la playe est pleine & esgale, ne le faut seigner, ains luy bailler les remedes susdits; & neantmoins faut tousiours lauer ladite playe avec eaue salée trois fois le iour: & apres ce lauerment ietteras dessus de la poudre faite de noix de galle & limaille de fer, ou bien tu y pourras mettre de la poudre de meule de moulin.

*D'une playe bien profonde sur les espaulles du cheual.*

*Chapitre 78.*

P ij



**S**ila playe est bien profonde & enflée, & en extremité des espaulles ou des cuissies, ou sur la fontaine, il ne faut estre paresseux à le medicaméter, car ces lieux sont perilleux, & si l'enfleure descéd en la poitrine, la playe est mortelle. La cause de cecy est, pource que le polmon & le cœur sont nobles mēbres, & qui gardent la vie, & s'ils souffrēt tout le corps en endure. Et si ceste maladie & playe n'est bien nettoyée, l'ordure corrompt tous les lieux par où elle passe: & si elle descend iusques aux membres spirituels, ils en sont suffoquez, car ils sont droitement sous elle qui est d'où procede la mort. Si la playe est en autre lieu que sur les cuissies ou espaulles, il ne faut tant craindre, car il y a cōcavité pour recevoir l'humeur & l'ordure, & il n'y a pas vn des membres principaux qui puisse estre interessé. Remede: Mets dessous ladite enfleure des têtes ou lacs, puis la faut percer avec vne longue & grosse aiguille tant que l'ordure en sorte, & apres la lauer avec eauë salée ou douce & bon vin tiede: cela fait faut remplir ceste concavité d'estoupes de lin bien menu: & continue cela iusques à ce que la chair commence à rougir, & que la playe soit nette. Et si y a creu de la chair superflue (ce qu'on cognoist quand le sang fort) lors tu mettras les poudres corrosives dessus, comme poudre de noix de galle, vitriol, verd de gris & semblables, comme poudre de chaux viue. Autre remede: Fais vn baston de bois de figuier ou de racine de taxus barbatus, ou de meurier long comme vn doigt & vn peu large: & luy attacheras ces tentes ou lacs d'vn costé, puis le remueras & meneras entre le cuir & la chair sous l'enfleure, à fin que l'ordure ramassée sorte dehors: & faut faire cela quand la playe ne sera sur les espaulles: apres faudra garder le cheual de grand trauail, toutesfois vn peu d'exercice luy sera bon. Et faut noter que quand vne playe se pourrit, c'est signe de guarison: toutesfois si y a grande quantité d'ordure, il est à craindre qu'elle entre dedans, & que le cheual en meure.

*De malferrure.*

*Chapitre 79.*

**A**ucunesfois suruiēt aux cheuaux vne maladie aux reins & couillons, qui cause grande douleur, & attire incessamment les nerfs: laquelle aucunesfois vient d'abondance d'humeurs, aucunesfois de grāde froïdure, aucunesfois de trop grosse char-



ge & fouldure, tellemēt que le cheual ne peut leuer les iambes de derriere. Et s'appelle malferrure, trenchaisons, ou colique. Premierement pour y remedier, faut bien raire les reins & couillōs, & y mettre vn reſtraintif fait en la maniere qui ſ'enſuit: Prends de la poix de nauire, fais la fondre & l'eſtens deſſus vne peau de la longueur & largeur des couillōs ou reins, & deux onces de boliarmeni, de la poix de Grece, galbanum, encens, maſtic, ſang de dragon, noix de galle autant d'un que d'autre, le tout broyé enſemble, puis iette ceſte poudre ſur ladite poix fondue, & ainſi eſtendue: apres la mettras ſur les couillons ou reins, ſans poſter iuſques à ce qu'on le puiſſe oſter facilement. Item autre meilleur remede: Prés du mil, & la huiſtième partie de ſel brulé, & chauffe le tout en vne poile ſur le feu en le mouuāt avec vn baſton (à fin que le mil ne ſe brule) iuſques à ce qu'il ſoit bien chaud, puis ietteras vn peu de vin deſſus, & le mettras en vn ſachet le pl<sup>9</sup> chaud que tu pourras, lequel faut mettre tout chaud ſur les reins & hanches du cheual, & le couurir ſi bien que la chaleur n'en ſorte. Et cela ſe doit faire par deux ou trois iours, & chacun iour deux ou trois fois. Item autre & meilleur reſtraintif: Prends de la conſolide grāde, ſel armoniac, galbanum, boliarmeni, ſang de dragon, ſag frais ou ſec de cheual, & du maſtic, poix Grecque, encēs, oliban, autant que de toutes les autres: & que tout ce qui ſe peut broyer ſoit broyé enſemble & le tout battu avec aubins d'œufs ſuffiſamment: puis apres y meſleras aſſez bonne quantité de farine de froment. Et toute ceſte mixtion ſoit eſtendue deſſus vne forte piece de lin: & fais par tout comme il eſt dit cy deſſus d'une autre emplaſtre. Autre remede, & le dernier: faut faire des brayes groſſes & fortes, & les faire paſſer d'un coſté des reins iuſques à l'autre. Leſquelles emplaſtres reſtraignent les humeurs, & deſſeichent & conſolident les reins & nerfs. Semblablement le feu diſſout les humeurs, conſomme la chair, & deſſeiche. Parquoy on voit clairement que par les ſuſdites medecines le cheual ainſi malade doit guarir, & recouurer ſanté.

*De la corne, ou cor.*

*Chapitre. 80.*

**C**Or, ou corne eſt vne maladie qui vient au dos du cheual, & rompt le cuir, & entre iuſques aux os: laquelle procede de l'oppreſſion de la ſelle, ou de trop grande charge, car



lors la chair se blesse, & par l'oppression ou foudre le cuir se joint avec la chair. Et ceste maladie s'appelle corne ou cor, car la playe est ronde cōme vne corne, ou pource qu'elle est longue & pointue comme vne corne, ou que la chair tient en telle forte avec le cuir qu'il presse la plus prochaine chair, & ceste chair presse aussi l'autre prochaine: & ainsi consequemmēt s'engendre la corne ou cor: & s'engendre aucunes fois par vne espine qui est sur les costes, & ceste là est plus dāgereuse, car la chair blessée se pourrit & l'ordure descend es parties spirituelles & interieures & les dissipe. Remede: Il faut broyer des fueilles de choux avec du vieil oing de pourceau, & les mettre dessus, puis luy mettre la selle ou paneaux, & le sangler si fort que la corne en soit pressée. A cela mesme est bonne la mauue ou althea, & scabieuse meslées avec du vieil oing. Item pour cela mesme la cédre chaude battue avec huile d'oliue & mise dessus. Item de la fuye meslée avec du sel menu & battue avec de l'huile. Item de la fiente fraische d'hōme, & la faut mettre dessus ledit mal. Item des choux sauages ou domestiques vers broyez avec vieil oing mis sur la playe: puis apres trauailler vn peu le cheual, à fin que la force de la medecine entre dedās: & faut faire cela aucuns iours & il sera guarý. Item autre remede: Prends des fueilles de suzeau ou d'hiebles, & les broyes fort avec huile d'oliue, & en fais vne emplastre que tu mettras tiede dessus. Item mets souuent dessus de l'huile d'oliue chaude, car elle oste le cor. Item de la poudre de noix de galle mise dessus. Item prends des fueilles de capres, & fueilles de lys, & les broyes bien avec du sain de porc, & les mets dessus: cest vnguent guarit le cor, & le diuise. Item des fueilles d'oliuier, & vn peu de cédre broyez ensemble. Item faut noter que le cor ou corne tōbe facilement & s'arrache si on cheuauche vn peu le cheual, en y mettant souuent des oignemens susdits. Et quand il sera tout arraché iusques à la racine, faudra remplir le pertuis d'estoupes hachées menu avec poudre de chaux viue & miel, le tout enucloppé ensemble, mais premier le faut vn peu nettoyer de vinaigre tiede: & cecy se doit faire deux fois le iour iusques à ce que la playe soit consolidée. Toutes fois se faut bien garder de luy mettre aucune charge dessus le dos iusques à ce que la chair de la playe soit esgalle & aussi haute que le cuir.



*Des courtes des cheuaux.**Chapitre 81.*

**L**Es courtes sont grandes enfleures comme vn pain, qui sont dedans le corps du cheual, lesquelles s'engendrent d'abondance de sang pourry en la chair molle pres du cuir au milieu. Remede : Couppes le cuir au milieu & sous icelle maladie : & si l'enfleure sen va faut esmouuoir les humeurs qui sont dedans le cuir avec vn baston crochu, & presser si fort que l'humeur sorte : puis faut coupper le cuir sous l'enfleure, & mettre par toute icelle courte vn fer chaud & large, tellement que le cuir ne soit brulé : & faut faire ceste medecine de sept iours en sept iours, avec grande cautelle & deliberation.

*Du polmon, ou polmoncelle.**Chapitre 82.*

**L**aduiant vne maladie au dos du cheual qui corrompt & mortifie vne partie de la chair, & la perce iusques aux os, & fait enfleure : & procede de la selle mal faite, ou de porter trop grande charge, & mal ordonnée. Laquelle maladie engendre pourriture, & rend la chair toute infecte quand elle est enuieillie. Et là se fait vne coagulation de chair infecte & pourrie, iettant continuellement ordure comme eau. Laquelle maladie s'appelle polmon, ou polmoncelle, car elle est semblable à vn polmon : & s'engendre d'humeurs melencoliques, à cause de la vertu attractive qui tire à soy la nourriture, & la conuertit en leur nature : & de là procede ceste passion, laquelle apres qu'elle est guarie & consolidée, retourne tousiours en sa premiere nature & estat. Remede : Il faut couper tout outre ledit polmon, & arracher du tout icelle playe, tellement qu'il n'y demeure vn seul poinct de pourriture ou infection : puis mettras dedans des estoupes trempées en aubins d'œufs iusques à trois iours en les chageant chacun iour : puis apres la faut remplir (iusques à ce qu'elle soit consolidée) d'estoupes hachées menu, avec de la poudre de chaux & miel enuelpée dedans, mais premier faut lauer ladite playe de vinaigre ou vin fort, qui soit tiede : & faudra continuer cela deux fois le iour, iusques à ce que la playe soit consolidée. Item autrement & plustost avec poudre de realgar (cōme ie diray au chapitre du ver) car cela se fait sans incision, & sans



faire douleur au cheual. Autre remede : Prends vn serpent & luy couppela teste & la queue & hacheras menu le demeurant, puis feras rostir les morceaux sur les charbons, iusques à ce que la graisse dudit serpent commence à se fondre: lors fais distiller ladite graisse dessus la playe, car en vn iour elle destruira & cōsommera la playe : toutesfois il te faut garder qu'il en tombe ailleurs en quelque lieu du dos. Item autre remede, apres que le polmon ou ladite playe sera arrachee , fais bien cuire de la mauue, & la mets dessus iusques à ce que la playe apparoiſſe, & la laue avec l'eau de ladite mauue, puis mettras là dedans de la chaux viue avec des estoupes : & quand la chair croistra y faudra mettre de la poudre de vigne blanche sauuage. Et faut ſçauoir que l'ortie morte broyée avec du vieil sain de pourceau & poiure arrache plus le cuir mort que toutes autres choses. Item pour guarir ceste maladie pourras vſer de remedes pareils à ceux que i'ay dit cy dessus au chapitre du cor, adioustant ſeulement des fueille de capres avec racine de figuier & cendres meſlées enſemble, & incorporer tout avec vieil oing, & le mettre sur la playe. Toutesfois ie trouue qu'il ſera bon d'arracher premierement la chair ſuperflue, puis mettre dedans de la ſcabieufe broyée avec de la noix de galle, & remplir par trois iours ceste concavité, à fin que s'il y a demeuré quelque peu de mauuaïſe chair, il ſoit du tout arraché avec ceste emplastre. Puis y mets l'oignement ſuſdit bien battu avec racine de taxus barbatus, & ius de fumeterre, le tout bien incorporé enſemble, & dit-on que ceste medecine eſt approuuée.

*D'un cheual ſur lequel la lune a rayé.*

*Chapitre 83.*

**P**Our mettre remede à vn cheual ſur lequel la lune a rayé, & eſt tout amorty, près de la graiſſe, dulard, huile d'oliue, ius de ſolatre & farine, & fais le tout bien bouillir enſemble, & mets cela dessus en le muant & changeant ſouuent : mais il faut premierement raire la place, & la ſcarifier ou ſeigner.

*Des eſpaulettes.*

*Chapitre 84.*

Il ſur-



**L** suruiët aux cheuaux vne autre blessure au dessus des espaulles, qui y fait vne enflure & cōme vne chair dure, qui senleue plus haut que le cuir quand elle y est enuieillie & endurcie: & s'appelle espaulette, pource qu'elle vient sur les espaulles, & cela procede de trop grāde charge, ou de mal accoustre ce que porte le cheual, dont est engendrée ceste compression & depuis vne chair endurcie. Remede: Il faut couper tout autour ceste enflure ou blessure, & semblablemēt le lieu d'oū elle depēd le plus, en forte qu'il ne demeure aucune ordure dedās la playe, & feras par tout ainsi que i'ay declaré cy deuāt au chapitre du polmōcelle. Item autre remede: Si ceste playe est trop dure, la faut amollir avec mauue ou althée, & choux broyez avec vieil oing de porc, ou avec de l'aluine & apparitoire & branche vrsine bien broyée & meslées avec ledict oing: puis le tout cuire en vn pot, & mettred es<sup>s</sup> le mal. Et ce mollificatif ne sy met, que parauāt on n'ait couppé ladicte playe ou bien tu pourras mettre du realgar dessus comme i'ay dit cy deuant.

*Des barbules ou carboncles. Chapitre 85.*

**L**es barbules ou carboncles viennent de superfluité de sang, laucunes fois d'autres humeurs meslées ensemble. I'ay declaré leur remede cy dessus au chapitre de la blessure du dos du cheual.

*De la blessure du garot ou guide.*

*Chapitre 86.*

**Q**uand le garot sera trop enflé par la pourriture qui sera dedās le faudra fort piquer avec vn fer tout rouge & pointu des deux costez, autant que l'on verra estre expedient, puis mettras dedās les pertuis de l'huile d'oliue chaude, iusques à ce qu'il soit guarý. Et sil n'y a grosse pourriture, mets y le feu. Autre remede: Quād le garrot sera trop enflé & plein d'ordure, le faudra inciser, à fin que toute la pourriture sorte dehors, puis y mettre des estoupes avec aubins d'œufs & le lauer avec vin tiede ou vinaigre, après oindre la playe de quelque fiel: & pour consolider la playe, faut mettredessus de la poudre de chaux (de laquelle ie parleray au chapitre du ver) ou poudre d'encens, apres que la playe sera ointe de fiel, iusques à ce qu'elle soit guarie, & la faut emplir d'estoupes hachées biē menu si elle est profonde. Autre

Q



remede qui est bon au dos rōpu du cheual: faut oindre la playe de miel, & jeter dessus de la poudre de noix de galle, ou cendre chaude avec huile d'oliue.

*Des puzioles ou petites escorcheures qui aduiennent au dos du cheual. Chapitre 87.*

**A**Vcunes fois suruiennēt au dos du cheual quelques petites puzioles ou escorcheures: leur remede & medecine peut estre assez manifeste par ce que j'ay dict aux precedēs chapitres. Toutesfois i'adiousteray icy vne emplastre pour meurir toutes & semblables enflures, tant aux hommes que bestes: & est bonne aussi à tous apostumes: Prens de la farine de froment, & miel, autant d'un que d'autre, & les fais bouillir en eau où l'on aura cuit des mauues, iusques à ce qu'elles soient espais: puis les mets dessus en les muant & changeant souuēt: car par ce moyen l'apostume meurira soudainement.

*Poudres pour guarir le dos ou garrot du cheual. Chap. 88*

**P**rens de la vigne blanche & la broye, puis la mets en vn pot neuf, & la fais brusler: cela fait mets tout en poudre & en vseras quād il sera besoin. Item autre poudre: Prés du miel & chaux viue ensemble, autant d'un que d'autre, puis brusleras le tout sur des charbons ardans, & les puluerise & en vser. Autre poudre pour faire manger la mauuaise chair: Prens du marrube terrestre & le fais fort seicher au four, puis le broyes, & le mets en poudre pour en vser. Autre poudre corrosiue, precieuse & cōsolidatiue tant pour hommes que cheuaux: Prens des pieces de drap de couleur brune, garencée ou perse, & des queuēs d'aux, feues, & sel, & en emplis vn pot neuf en ceste sorte: Premièrement fais vn lit desdites pieces: le deuxiesme de sel: le troisieme de queuē d'aux: le quatriesme de febes: le cinquiesme & dernier des pieces de drap, & les presse si fort, qu'il ne demeure riē dedās le pot: apres ce, faudra couurir le pot d'une tuile, & l'estouper & enduire avec de la bouë ou mortier, puis le mettre en vn four, & l'y laisser tāt que tout soit bruslé. Cela fait, mets tout en poudre & le passes par dedās vn crible ou tamy, à fin que s'il y a quelque chose qui ne soit bruslé, elle ne descēde point: car ce qui descēd & passe est le pl<sup>us</sup> profitable & meilleur. Si tu veulx guarir le cheual, laue premier la playe de vin ou saumure, puis mets de cete poudre dessus.

*De la goutte qui vient aux reins. Chapitre 89.*



**P**our guarir vn cheual qui a la goutte aux reins, faut vser de tel remede: Premièrement le faut faire nager à traucers eauë courante, puis luy mettre le feu en la jointure sur les hanches, & faire deux têtes depuis le haut des hanches iusques aux flâcs, & autant au deuât dudit cheual. Et ceste passiõ s'appelle goutte ou morsure de reins: car l'humidité interieure mord en cest endroit & sy arreste, dõt tout le corps est immobile par derriere, & ne se peut soustenir, & tombe quasi à terre à cause de la goutte, & toutes les humeurs courent au cœur: & par ainsi en deux ou trois heures le cheual meurt, laquelle maladie viêt plustost en temps chaud que froid: à cause de la chaleur & mauuaise disposition d'humeurs. Remede: Il faut couper la grosse veine qui est entre les deux cuisses, & la veine qui est sous la queue à trois doigts près du fondement, puis après luy faut tirer du sang par le nez. Et ne faut aucunement différer en ceste maladie, car la dilation est dangereuse. Et faut laisser couler le sang iusques à ce que le cheual n'en puisse plus. Car où il y a repletion en abondance, il y faut pareillement faire euacuation immoderée. Quant il commencera à se guarir, fil a les reins debiles & foibles, quelque temps après luy faut mettre le feu ou cauterre en deux lieux par le milieu des reins, & mettre du tresle pilé dessus les lieux brulez, à fin que le poil reuienne tost.

*D'un cheual espaulé. Chapitre 90.*

**A**vcunes fois suruient aux espauls du cheual vne maladie quãd l'espaulle sort hors de sõ lieu naturel, dõt le cheual est contrainct de clocher: & cela aduiêt quand il trauaille trop, ou en courât, qu'il chemine pl<sup>us</sup> qu'il ne peut, ou qu'il marche mal, ou si par cas fortuit les pieds de derriere s'attachêt à ceux de deuant, cõme quãd il forge, & se frappe des talõs. Remede: De quelque cause que ce soit quel'espaulle soit blessée, faut mettre vne estoillette cõuenable sous la blessure, à fin que les humeurs y descendent & sortêt dehors, en presât tousiours fort des<sup>us</sup> ladite estoillette, à fin que les humeurs sortent plustost dehors: & promener doucemēt le cheual, à fin que les humeurs y descendent plustost: puis lui feras tel restraintsif: Prés de la poix Greque mastie, encēs autāt d'vn que d'autres, vn peu de sag de dragõ, & poix de nauire, autāt que de toutes les autres choses, ce qui se peut broier doit



estre broyé: & apres faut le tout estendre dessus ladicte poix, & luy mettre ceste emplastre la plus chaude qu'il pourra endurer sur la place de l'espaule blessée, en l'estendant sur toute l'espaule, puis mettras sur ladicte emplastre des estouppes hachées menu. Autre remede: Il sera pareillemēt à cecy fort propice d'y mettre des tentes en croix, qu'on agitera, mouuera, & chāgera souuent, à fin que par continuelle agitation & mouuement les humeurs fortēt. Item pour le dernier remede, faut mettre le feu sur ladicte espaule, & cauteriser fort en lignes longues & de trauers: car naturellement le feu desseche & restraint les humeurs.

*D'un cheual qui a la poiſtrine greuée. Chapitre 91.*

**L**A poiſtrine du cheual est aucunes fois tāt greuée & chargée qu'il ne peut aller, & cela aduiēt de superfluité & abōdance de sang, ou autres humeurs ramassées en la poiſtrine, qui se dissoudent en trauaillant. Remede: Seignez le cheual des deux costez de la poiſtrine, puis mettez dessous des tentes suffisantes, & les mouuez deux fois le iour, comme ie diray au chapitre du ver: & faudra qu'il porte cecy pour le moins quinze iours, ou qu'il ait des estoillettes en chacune espaule, & par ce moyen il se guarira.

*D'un cheual entr'ouuert. Chapitre 92.*

**S**I vn cheual est entr'ouuert, le faut guarir par ce moyen. Premierement le faut pastorer, ou luy mettre entraues aux deux pieds de deuant, & le seigner des deux veines de la poiſtrine, & le laisser ainsi iusques à neuf iours, en luy lauāt souuent (à tout le moins soir & matin) la poiſtrine de vin chaud, & il se-  
ra guarý.

*D'un cheual ſcalmat, ou du mal de la hanche.*

*Chapitre 93.*

**V**Ne autre maladie aduient par fortune, qui est quād le bout de la hanche se remuē, ou se separe du lieu où elle auoit accoustumé d'estre: & suruient au cheual par courir ou aller trop hastiuement, quand le pied luy coule outre mesure, ou quand il ne frappe droit à terre, ou quand les pieds de derriere passent plus que ceux de deuant, & forgent, c'est à dire s'entre frappent des talons. Et le cheual de ceste sorte s'appelle ſcalmat: & faut faire par tout comme d'un cheual espaulé.



*D'un cheual morfondu. Chapitre 94.*

**S**I vn cheual est morfondu, couppez luy la peau sur la fontanelle de la hanche à la mesure d'un doigt, puis près vne paille vuide, laquelle empliras de visargent, & la mets de trauers là dedans, puis faut recoudre le cuir, & frapper de la main sur la paille, tellement que le vis argent se separe: & laisser ainsi le cheual iusques à ce qu'il soit deliuré de ce mal.

*D'escorcheure. Chapitre 95.*

**I**L aduient souuentefois que la joincture d'aupres le pied de derriere est blessée par vne violente frappeure cōtre quelque chose qui est rude & dure, ou par precipitation, ou en courant, ou quand le cheual marche mal. Et par ce que ce lieu est plein de nerfs & arteres, & est empestre, il est delicat & tendre, dont le patient est cōtraint de clocher, & s'appelle scorcilié ou escorché. Remede: Prés de la folle farine, & la destrépes en fort vinaigre, & mets avec de la graisse de mouton, & fais le tout bouillir iusques à ce qu'il soit espais, en le remuant tousiours, & le jettes sur la jointure le plus chaud que le cheual pourra endurer, en la liant d'un drapau, & la faudra remuer deux fois le iour. Et s'il vient quelque enflure en la ioincture par l'indignation & travail des nerfs, feras vne emplastre de senegrin, semence de lin, & squille ou oignon marin, & d'autres, comme ie diray cy après au chapitre de l'attaïnte: laquelle emplastre mettras sur la joincture. Et si elle n'y peut tenir à cause de l'escorcheure, faudra esleuer haut l'autre pied, & l'attacher du mieux que lon pourra à la queue du cheual: après le meneras à la main es lieux mōtueux car par l'oppression sur la terre, l'os desioint de l'autre retournera en son lieu ainsi qu'il sera necessaire: mais sera bon luy faire premierement ce mollificatif. Aucunesfois cela procede à cause que les os sont du tout desioints de leur ioincture, & ne peuēt estre remis en leur lieu naturel dont la ioincture s'enfle & endureit. Et pour guarir cela, est necessaire d'y mettre le benefice du feu, c'est à dire le cauteriser. Et notes qu'après toute medecine & experience de toutes les guarisons & medecines susdictes, le feu doit estre le souuerain & dernier remede.

*Du cheual qui iette le boyau hors du fondement.*

*Chapitre 96.*



**S**I vn cheual jette le boyau hors du fondement, prens du sel bien broyé, & le jettes sur ledit boyau, lequel tu repousseras vn peu dedans le fondement, puis prens du lard en forme d'vn suppositoire, & luy mets dedans, puis apres mettras de la mauue cuiète dessus, iusques à ce qu'il soit guarý.

*De l'enflure des couillons.*

*Chapitre 97.*

**A**Vcunes fois les couillons des cheuaux s'enflent pour plusieurs raisons, & est chose perilleuse: ce qui aduient de superfluité d'humeurs qui descend là, pource qu'ils ont le corps remply: & cela aduient principalement au nouueau temps que les herbes commencent à venir, à cause de l'humidité dudit temps, & des herbes qui augmentent les humeurs qui sont au corps du cheual. Aucunes fois cecy suruient de trop grand travail, quand la petite peau d'entre les entrailles & les couillons est rompuë, dont les boyaux saualent en la vessie, & les couillons s'enflent. Ils s'enflent aucunes fois de ventosité, aucunes fois d'humeur superfluë enfermée là dedans, qui vient d'indigestion. Et ne faut douter que parce que ces bestes mangent & boient indiscrettement, plusieurs ventositez ne s'engendrent en leur corps, & viennent aucunes fois en la bourse, & causent l'enflure. Remede: Prens du fort vinaigre, & de la croye blanche broyée, & fais le tout tant battre ensemble qu'il soit comme paste en mettant force sel dedans: & de ceste paste oindras fort les couillons, en renouellant la paste vne fois ou deux le iour. Item autre bon remede: Faut tenir le cheual soir & matin assez long temps en eauë froide & courante, tellement que l'eauë couure les couillons. Item aussi les febues frâées sont bonnes bien cuiètes avec de la graisse de porc, comme on les accoustre pour manger, puis les faut mettre sur les couillons, tellement qu'ils en soient couverts. Mais si l'enflure vient parce que les boyaux y auallent, faut chastrer le cheual, & oster le couillon blessé, ou les deux, & remettre le boyau en sa place: puis cauteriser la rōpure de tous costez avec vn fer chaud, & guarir la playe comme celle de la bourse d'vn cheual chastré: mais la rompure de la petite peau qu'on appelle siphac à grand'peine se peut elle iamais guarir. Item autre remede: si l'enflure vient de vento-



sité (ce qu'on cognoist à toucher & sentir la douleur) tu y feras ces remedes: Prés du ieune chesne, & le broyes avec du comin: apres prens dix moyeux d'œufs bouillis, & piles tout ensemble & le mets avec du ius de fenouil: puis mettras ceste emplastre tiede sur l'enflure. Item autre remede: Prés de l'aluine, porreaux ou ognons cuicts sous les cendres, & fais tous bouillir en fort vinaigre, & le mets sur l'enflure. Item prens des febues bouillies & bien cuictes avec de la farine de froment, & lard ou graisse, & mets sur l'enflure: car cela luy profitera beaucoup. Si l'enflure vient d'humeurs enfermées là dedás (ce qu'on cognoist quand on la trouue dure à toucher, & par la plus grande sensibilité de douleur) faut mettre dessus des emplastres froides pour alterer l'humeur, & desenfler, commel'emplastre faicte de branche vrsine, crassule ou iombarde, moindre iombarde, orpin: lesquelles herbes bien pilées ensemble faut mettre sur l'enflure. Et apres trois iours faut faire les emplastres à desenfler & meuir. Aucuns font en ces lieux des vnctions chaudes, & seignent premiere-ment les cheuaux des deux jambes: & quand l'enflure sera venue à maturité, la faut percer d'un fer propre à cela, ou d'un fil à fin que l'ordure sorte dehors.

*De chastrer les cheuaux.*

*Chapitre 98.*

**A** Chastrer les cheuaux y a grand danger si on n'y procede avec grande cautelle & discretion. Il faut donc qu'un diligent mareschal chastre le cheual au mois d'Auril ou deMay, au decours de la lune, & qu'il n'ait point beu deux iours deuant. Et pource qu'il est dangereux les chastrer avec le fer, si le mareschal n'y est bien accoustumé, & expert en cest art, veu que plusieurs y faillent, c'est le plus seur de les tordre comme aux bœufs: car cela se fait sans danger, & sont tous les nerfs si bié rompus, que le cheual perd tout son orgueil: car si aucuns nerfs demeurét, il demeure aussi au cheual de l'orgueil & gloire. Et quád ils serót tors faudra oindre les cuisses & tous les lieux d'huile d'oliue aucunement tiede, iusques à ce qu'ils soiét desenflez: & le faut tous les iours quelque peu cheuaucher doucemēt, iusques à ce qu'il soit du tout guarí. Item autre meilleure experience & plus seur pour les chastrer que la precedente: car la precedente n'est bonne



qu'aux poulains , pource que les cheuaux ont desia les nerfs si fors & si durs , que si on ne les chastre de bonne sorte , le cuir rompra plustost que les nerfs , dont ils pourroient mourir. De laquelle experiēce les Mores vsent volōtiers , & tous ceux d'Oriet qui se seruent de cheuaux chastrez ou hongres. Ceste experiēce doit estre faicte au prin-temps ou en automne , à fin que les cheuaux ne soient affligez de trop grande chaleur ny de froidure. Apres que le cheual sera doucement mis à terre , & avec telle mansuetude qu'on a accoustumé d'y faire , luy faut fort lier les pieds & le tourner sur le dos , puis on prendra vn ais bien vny , qui soit fort gros , rond & poly de tous costez , & aussi large que la bourse des couillons se pourra estendre , tellement toutesfois que les couillons ne soient dessus la tablette ou ais : & communément la largeur d'un plat est assez suffisante. puis perceras ledict ais aux deux bouts , en sorte qu'il y ait distance d'une paume d'un pertuis à l'autre : puis apres tu prendras vne corde forte faicte de chanure , ou de soye , elle en sera plus forte , & la passeras par les pertuis de l'ais : puis mettras la bourse des couillons bien frottez & estendus avec les mains entre l'ais & vn baston rond , & aussi gros qu'une lance , ou qu'un gros pilon , & le baston soit percé cōme l'ais , & passes la corde par les pertuis , à fin qu'il soit bien joint audit ais , & l'estraindras avec vne vis ou presse contre l'ais , le plus qu'il sera possible : en apres tu frapperas sur ledit baston tout doucemēt avec vn maillet de boys : & par ainsi tous les nerfs des couillons , au moins la plus grand' partie se rompront , si vn bon ouurier veut. Et cela fait , oindras les cuisses , le ventre & toutes les parties voisines , d'huile d'oliue vn peu chaude , iusques à ce que ces lieux soient desenflez. Et faut bien garder le cheual de prendre vent , iusques à ce qu'il soit guarý : & le faut cheuaucher tout doucement soir & matin. Il faut aussi scauoir que les couillons cōmenceront peu à peu à se desseicher & annichiler , tellement qu'on ne les verra plus : toutesfois la bourse demeurera entiere. Et notes que si tu veux que le cheual perde de son orgueil il faut que tous ces nerfs soient rompus : & si tu veux qu'il n'en perde qu'une partie , ne luy en fais rompre qu'une partie.

*De l'enflure des cuisses. Chapitre 99.*

Les



**L**Es cuisses de derriere du cheual s'enflent aucunes fois, ce qui aduient par les humeurs superflues qui y descendent, & se multiplient & dissoluent, puis descendent es parties inferieures: & cela aduient au temps que les herbes sont tendres, à cause de l'humidité qui s'augmente au corps, & descend sur les cuisses, dont le cheual deuient pesant & paresseux. Remede: Premièrement faut lier en haut à la cuisse la grosse vene de la cuisse enflée, & puis euacuer le sang; apres prens de la croye blanche bien broyée avec fort vinaigre & sel broyé menu: & de tout cela faire comme vne maniere de paste, de laquelle feras emplastres, & en mettras deux fois le iour sur l'escleure. Item le fient de cheure est bon à cecy, quand il est meslé avec du vinaigre, & battu avec autant de farine d'orge, & renouueller deux fois le iour ladite emplastre. Item autre remede: Faut bien raire la place, puis mettre force sensues autour de la cuisse enflée; car par l'euacuation du sang les humeurs se diminuent. Item fais cuire des hiebles avec leurs racines, & les laue fort & souuent. Item lesdites hiebles cuites avec les racines, puis vn peu broyées, si on les attache sur l'enfleure apres le laquement susdit, font grande operation. Item si on laue les cuisses du ius de fucilles & racines d'hiebles, cela fait deuenir les iâbes souples, & desseche les humeurs. Item prens de la racine de fougere, & la broye avec du miel & gresse, & en fais oignement pour oindre ladite cuisse enflée de tous costez, car il y profitera beaucoup. Si l'enfleure ne se diminue pour toutes les choses susdites, il y faudra necessairement mettre le feu comme il appartient. Et faut que les cauterres ou bruslures soient traitées & medecinées comme ie declareray cy apres au chapitre cent quatriesme.

*Des cuisses obliques & tortues.*

*Chapitre 100.*

**S**ILes cuisses sont tortues, c'est par la faute de nature: il y faut remedier en ceste sorte: Si les iambes sont tortues en dedās tellement que l'une frappe l'autre, il y faut mettre le feu, & y faire des cauterres suffisans avec instrumēt propre trois lignes de trauiers par dedās: puis le faut cheuaucher comme on auoit accoustumé, & en le menant il est contraint de frotter vne iambe contre l'autre, & alors par les cauterres faits, il se fait vne playe ou escorcheure qui cuit fort au cheual, & luy fait douleur. Parquoy

R



pour euitier ceste douleur, le cheual sera contraint marcher plus large, en se gardant le plus qu'il pourra, que les cauterres ne sentretouchent ou froissent. Ainsi faut faire aux iambes de deuant si elles sont tortues: & en ce faisant, si les cuisses ou iambes tortues ne sont par ce moyen totalement guaries, à tout le moins elles samenderont.

*Quand l'esperon a piqué le cheual en l'espaule.*

*Chapitre 101.*

**A** Pres que le cheual a esté piqué de l'esperon en l'espaule, il y suruiet aucunes fois vne enfleure ou apostume à cause des nerfs qui sont blesez, dont le cheual cloche. Remede: Il faut bien raire la place, & y mettre l'éplastre de laquelle ie parleray au chapitre du ver, dit Anticor: c'est à sçauoir: Prens de la branche vrfine, aluïne, lierre terrestre, mauue, spagule rouge, rue avec ses racines, tout broyé ensemble, cuit & appliqué sur l'enfleure, tellement que l'emplastre soit tiede, & à la pointe d'esperon vn ognon ou porreau broyé avec aluïne & huile d'olif, & faudra oindre toute l'enfleure de dialthée & huile de l'aurier. Item en quelque lieu que l'esperon ait piqué, le faut lauer avec eau salée, puis mettre des orties pilées dessus. Item de cela aduient quelque enfleure, & qu'il y ait apostume, tu feras vn bouchon ou tente de pain de porc ou cyclame qui est tout vn, ou d'autre chose conuenable: & l'oindras de saumon noir, & apres qu'il sera oint, mets en vne partie dedans le pertuis qui y sera, à fin que l'ordure sorte dehors.

*Quand la iambe est blessée.*

*Chapitre 102.*

**L** A iambe du cheual peut estre blessée en beaucoup de sortes & par diuerfes occasions, aucunes fois d'un coup de pied, aucunes fois d'une espine ou d'un tronc qui est entré dedans, dont la iambe est blessée & enflée. Et pource que ce lieu est delicat & nerveux, & y a peu de chair, quand le cheual y est blessé, il endure beaucoup de mal. Remede: Si c'est d'un coup de pied, ou d'auoir rencontré quelque chose dure, faut raire toute la place de l'enfleure, puis prendre l'aluïne, aparitoire, brâche vrfine seulement les feuilles tédres, autant d'une que d'autre, avec assez bonne quantité de sain de porc: en apres faut faire tout bouillir en



vn vaisseau net, & y mesler vn peu de miel, huile de lin, & farine de froment, en le remuant iusques à ce qu'il soit cuit: & puis le mettre sur la bleffure le plus chaud que le cheual pourra endurer, en le liant avec vne piece de drap, & le renouellant deux ou trois fois le iour selon qu'on verra estre expedient. Item à cela mesme est bon le ius d'aluine & d'ache avec cire & vieil oingt, le tout bouilly ensemble, en mouuant vn peu, & iettant dessus de la farine de froment en competente quantité, puis le mettre sur la playe en la maniere dessusdite. Item aussi est bon le ius d'aluine avec du miel, beurre, & huile, autant d'vn que d'autre, le tout cuit ensemble, & remué en iettant de la farine de froment dessus. Si la iambe est bleffée d'vne espine ou tronc qui est entré dedans, la faut du tout guarir comme ie diray au chap. de la cure des playes aduenantes à cause des espines ou troncs. Et si ceste enffleure est apostumée (ce qui aduient volontiers) la faudra percer par dessous avec vn fer pointu & chaud, au lieu où l'apostume descend le plus, afin que l'ordure sorte, puis apres oindras le lieu deux fois le iour, avec du beurre ou quelque chose oignante. Si l'enffleure est endurcie, tellement que le suroz deuenne dur, y faut mettre le feu, & faire des cauterres sur la peau.

*Des esperuains.*

*Chapitre 103.*

**A**Duient au cheual yne maladie pres du iarret par dedas, laquelle fait aucunes fois vne enffleure à la veine magistrale qu'on appelle la fontenelle, & attire là continuellement les humeurs par ceste veine: Parquoy quād on lasse le cheual, il est contraint de clocher yn peu. Laquelle maladie aduient du tout en la fontenelle, comme iauart: & s'appelle esperuain, ou espauin. Remede: Premieremēt feras raire le lieu, puis prendras des racines de mauues champestres ou althée bien cuites: & pile l'escorce & en mets dessus deux, trois ou quatre fois: puis apres pres de la graine de sené, de moutarde pilée, & la racine de mauue crüe, hachée menu & pilée, & poudre de fient de bœuf bien brulée: tu pileras le tout ensemble, & en mettras de chacun ainsi que tu verras estre tres-bon & necessaire: en y adioustant du fort vinaigre: cela fait, mesleras tout ensemble, & en feras vne emplastre liquide, laquelle mettras vne fois ou deux le iour dessus, c'est à sçauoir soir & matin: & lieras vne piece de drap des-



fus tellement que l'emplastre ne se mouue, puis y mettras subtilement de la poix qui soit vn peu eschauffee au feu, laquelle ne faut oster iusques à ce qu'elle tombe. Remede. Quand l'enfleure est sus le iarret en la partie interieure de la ioincture, incōtinent faut attacher en haut la veine susdite, qui est la fōtenelle, laquelle descēd en bas par le milieu des esperuains, & amēine avec soy des humeurs qui causent l'enfleure. Il faut donc lier ladite veine, puis l'inciser, & tirer du sang tant qu'il n'en sorte plus : apres passeras le feu de droit & de trauers sur les esperuains : & feras par tout ainsi que ie diray au chapitre qui s'ensuit. Et quand le cheual sent douleur, faut noter qu'il ne luy faut bailler le feu au lieu de la douleur, car le feu laisse la douleur en tel estat qu'il la treuue : parquoy faut faire diligence d'en oster principalement la douleur, & puis y mettre le feu sil est besoin. Pour en oster la douleur, prens vne mie de gros pain, & le friras en vne poile avec du vin, comme si c'estoit huile, & la faut mettre ainsi frite sus le lieu, & il sera guarý.

*Du iauart ou ierde. Chapitre 104.*

**I**Auart est vne enfleure molle, grande comme vn œuf, & aucunes fois moindre : laquelle vient tant hors du iarret, que dedans : & ptoüiēt aucunes fois de matiere corrompue en la matrice de laquelle le cheual est engendré. Aucunes fois elle vient accidentalement aux cheuaux de trop grand travail, & de les cheuaucher trop tost. Et aduiēt volontiers aux ieunes cheuaux gras pource qu'ils sont tēdres & replets : car de trop grand labeur, ou de trop haster, le cheual s'eschauffe, & la chaleur dissout les humeurs, lesquelles courent par les membres, & engendrent diuerses maladies selon leurs qualitez, dont les maladies sont diuersement appellées : aucunes ont leur nom du lieu, les autres de la matiere, les autres de l'effet, d'autres par similitude. Parquoy si les humeurs ainsi eschauffés & coulantes descendent au iarret, elles engendrent la maladie qu'on appelle vulgairement ierde ou iauart. Et sur tout les humeurs descendent plustost aux iambes que autre part, à cause du continuel mouuement & eschauffement, qui fait que les humeurs sy retirent : & s'arrestēt au iarret à cause de la propriété du lieu. Si lesdites humeurs descendent ailleurs, elles sont diuersement nommées selon la diuersité des



lieux : & selon les qualitez qu'elles ont : car aucunes vlcerēt, c'est à dire, engendrent cloux ou apostumes, les autres enflent, les vnes sont dures & grosses, les autres molles, aucunes subtiles, aucunes quelquefois engédrent maladies interieures, les autres exterieures, & qui sont manifestes aux sens. Et si on me demande pourquoy les bonnes humeurs ne se dissolvent & courent aussi bien que les mauuaises, ie respondray que les bonnes humeurs se gardent & sont tousiours gouuernées par nature tant qu'elle peut, & iusques à ce qu'elles soient en grande abondance : alors elles se corrompent, & nature ne les peut plus gouuerner, ains ne tasche qu'à les debouter & mettre hors : & lors les plus nobles membres les chassent, & les enuoyent aux plus debiles, & quand elles sont arrestées, pource qu'ils ne les peuuent chasser, engendrent corruption, & consequemment maladies. Mais les nobles membres retiennent le meilleur pour leur nourriture : & parce les bonnes humeurs ne peuuent estre enuoyées aux membres debiles, sinon autāt que nature y en enuoye pour leur nourriture & protectiō. S'il aduient qu'il y ait abōdance de bonnes humeurs, elles n'engendrēt point maladies, sinon à cause de la quantité : mais quand elles sont delaissées de nature, qui ne les peut endurer par la multitude, elles engendrent maladies. Remede : Premièrement fais la medecine dite au precedēt chap. apres si l'enfleure est au iarret, y faut mettre le feu ardent, & cauteriser de long & de trauers au milieu de l'enfleure en cestē sorte.



& cela fait, tu prendras du fient de bœuf frais & encores tout chaud, battu avec de l'huile chaude, & en mettras vne fois dessus & non plus. Apres que le cheual aura ainsi eu le feu tant deuant que derriere, lu y mettras vn collier, & des bastōs au col avec des entraues, & liens aux pieds, tellement qu'il ne puisse toucher des dents ne du pied aux cauteris, ou frotter contre quelque chose dure, de peur de les escorcher, car il sy frotteroit ou mordroit volōtiers. Dauantage, garde que quelque ordure ou eau ne touche lescdits cauteris, depuis qu'ils serōt faits, iusques à neufsiours.

R. iij.



& dix iours apres, sera bon de tenir le cheual en eau froide & courante, & oindre les cauterres vne fois le iour d'huile chaude. Et quand les cauterres & lignes se separeront du cuir, neuf iours apres faudra tenir le cheual en l'eau tellement que l'eau y touche deux ou trois heures le matin, puis ietter dessus de la poudre de terre bien subtile, ou cédre de fougere passée par vn tamy. Semblablement le tiendras en l'eau depuis l'heure de vespres iusques à soleil couché, puis mettras de la poudre dessus, cōme i'ay dit: & faut continuer cecy, iusqu'à ce que les playes soient cōsolidées, car l'eau froide & courante desseiche, & consolide ceste playe. Et faut sçauoir qu'en quelque lieu qu'on mette le feu sur le cheual, faut garder qu'il ne sy morde ou frotte, car il se pourroit manger iusqu'aux nerfs & os, tāt cela luy demāge. Aucuns guarissent les cauterres en ceste sorte: Quand ils les font le matin, ils mettent apres disner du fient de bœuf tout chaud dessus, & trois iours apres ils les oignēt d'huile chaude avec vne plume, & quād le feu est amorty, ils y mettent des cendres chaudes, iusques à ce qu'il soit guarý. Si ceste maladie vient aux fosses des iointures, ou dessus les nerfs, ou entre les iointures, à grand' peine se peut elle guarir sinon au cōmencement qu'elle vient. Toutesfois aucuns la guarissent en ceste sorte: Ils lient en haut l'aveine qui descend là où est le iauart, & seignēt le cheual au lieu où est l'enfleure: puis y mettent des emplastres & vnguents, pour meurir, consumer & diminuer les humeurs. Item pour cela mesme, prens de la squille ou ognon marin, & la fais broyer avec des racines de hous, & mesler avec huile commune, & mettre dessus, car cecy fait merueilleuse operation.

*Des courbes.*

*Chapitre 105.*

**C**ourbes sont douleurs qui aduiēnent au cheual deffouz le Ciarret, au grand nerf, en y faisant enfleure du long, & le blesant continuellement, car ledit nerf soustient quasitout le corps, parquoy sil est blessé, le cheual est contraint clocher, & cela procede aucunes fois quand on cheuauche induement vn ieune cheual, ou quand on le charge plus qu'on ne doit, alors par le grand fardeau, & la ieunesse & tendreté du cheual, ce nerf se courbe: parquoy ceste maladie s'apelle courbes ou cōrues. Remede: Prens du taxus barbatus, & le fais bien cuire en beaucoup



d'eau, & laues ladite courbe & les parties superieures de ceste eau vn peu chaude: & soudain apres, cependant que les pores seront encores ouuerts, prens vn peu de ceste herbe cuiete, & la lie dessus la playe: & si la courbe est ieune, c'est à dire recente, & qu'il n'y ait gueres qu'elle soit venue, elle sera guarie en vn an. Autre remede: Quand ce nerf blessé comencera à se courber vn peu à la partie postérieure de la cuisse en tirant vers les pieds, ou qu'elle comencera à saugmenter, lors y faudra mettre le feu & faire des cauterres de l'og & de trauers, & au reste faut faire comme i'ay dit au chapitre du iauart. Et faut noter que quand on fait des cauterres aux cuisses, les faut faire de l'og & obliques comme le poil qui descnd, car elles apparoiſſent moins, & le poil les couure, & on le voit moins, que quand on les fait de trauers, & blessent moins le cheual si quelque nerf est touché du feu. Item autre remede: Couppes le cuir de la longuer de la courbe, puis mouille vne piece de lin en vin chaud, & mets du verd de gris dessus: apres ce mettras ladite piece avec le verd de gris dessus la coupeure, iusques à ce que le cheual soit guarý.

*De la furine. Chapitre 106.*

**F**Vrine est vne maladie qui aduiet au cheual entre la iointure du pied & l'ongle sur la courone, laquelle fait vne esfleure & durté de chair sur le pied, & viet de se heurter cõtre quelque chose dure, ou de se bleſſer au pasturõ. Si on ne met soudainement remede à ceste maladie, sy engrendrera vn furoz merueilleusement dur, lequel descẽd aucunes fois sur la couronne du pied, dõt le cheual a grãdpeine à marcher. Remede. Si ceste maladie est nouuelle, ou par aduerture euicillie par negligẽce, fais par tout tel remede que ie diray au chapitre des furoz, où ie declare plusieurs diuers remedes. Et sçaches que ceste maladie est fort ennuieuse au cheual à cheminer, car elle vient en vn lieu fort nerueux, & plain de venes & arteres.

*Des espineles ou spinules. Chapitre 107.*

**S**pinule ou espinle est vne maladie qui vient sous le iarret apres de la iointure des os du iarret des deux costez, qui engendre vn furoz gros comme vne noisette ou enuirõ: lequel fere si fort ladite iointure, que le cheual est contraint de clocher, & vient au cheual cõme les courbes, & s'appelle spinule ou espi-



nele. Remede: Cauterisez les, & y mettez le feu, ainsi que verrez estre neceffaire: puis guarirez les cauterés comme i'ay dit cy dessus du iauart. Et faut noter que, veu que le feu est la medecine de tous cheuaux, & leur dernier remede, faut faire les cauterés de bonne profondeur & conuenable, à fin qu'il ne faille recommencer.

*Des furoz,*

*Chapitre 108.*

**D**Auantage plusieurs furoz suruiennēt aux iambes ou autres lieux du cheual, qui sy engendrēt pour plusieurs & diuerses occasiōs: aucunes fois d'un coup de pied, ou d'oppression, ou de s'estre heurté contre quelque chose dure, ou d'humidité visqueuse qui y descēd: cela aduient plus souuēt aux poulains, que aux cheuaux qui sont plus vieux. Lesquels furoz ne sont si dange-reux qu'ils sont deplaisans à voir non seulement aux iambes, mais aussi en plusieurs autres lieux. Il s'appelle furoz, pource que iamais ne vient que sur quelque os, & s'engendre en ceste sorte: Quand on frappe la iambe ou autre lieu, douleur y vient: & pource que toute douleur aiguise le reume, toutes humeurs & esprits descendēt au lieu qui est dolent, parquoy l'humeur terrestre & visqueux y vient: & pource qu'il ne peut sortir à cause du cuir qui est dessus, il demeure là, & prend grosse terrestrité & cō-solidation: ainsi il mue sa substance en durté d'os. Il s'engendre aussi quand l'humeur visqueuse degoutte sur l'os, car en l'os y a vertu attractiue, qui tire l'humeur, & la retient, & s'endurcit avec la froidure de l'os, & se forme comme vn os. Il y faut faire le remede que i'ay dit cy dessus au chapitre des esperuains, excepté que aux furoz on ne met point de poudre de fient de bœuf, car quasi tous furoz commencent par vne callosité ou infection endurcie. Laquelle faut faire raïre si tost qu'on l'apperceura, puis faut prendre ce qui est le plus tendre d'aluine, d'ache, aparitoire, & branche vrsine, & broyer tout ensemble avec viel oingt de pourceau, puis faire le tout cuire ensemble, & le mettre dessus, le plus chaud que le cheual pourra endurer, & le lier. Ce mollificatif est bon pour toutes enfleures de cuisse qui viennent de frappeure ou percussion. Item autre remede pour la destruire totalement: Prés des racines de mauues champestres: racines de lys, racines de taxus barbarus, le tout fort pilé ensemble



ble avec viel oing de porc, & cuit aussi ensemble, & mis en maniere d'emplastre, en le renouellât souuent. Item à cecy est bon vn ognon cuit & pilé avec des vers lumbriques qui reluisent de nuit, & le tout mesler avec huile d'oliue, & le faire bien cuire ensemble, puis l'appliquer dessus le plus chaud qu'il sera possible, en le renouellant deux ou trois fois le iour, & à chacune fois y faire nouvelle emplastre. Et si ceste duresce ou callosité est vieille & dure, faut premierement raire le lieu, puis la piquer avec vne lancette, à fin qu'elle seigne vn peu: puis mettre dessus de la poudre faite de sel & tartre autant d'vn que d'autre, bien meslez ensemble & la lier avec du drapeau, & la laisser ainsi l'espace de trois iours, puis l'oindre de beurre. Item autre remede: Faut premierement raire le lieu, puis prendre vn œuf & le faire durcir sur les charbons, puis luy oster l'escaille & le mettre tout chaud dessus le suroz, & le lier fort sans l'oster de deux ou trois iours ou plus, ainsi qu'on verra estre necessaire. Item aussi est bon le fient de cheure, avec farine d'orge, & de la croye bien battue en fort vinaigre, & le tout mis dessus comme vne emplastre: aucuns cuisent ceste mixtion dedans du vinaigre, & la mettent chaude dessus. Et si le suroz ne diminue par ces medecines, ains fendurcit, ou si c'est vn suroz ancien, il y faut mettre le feu & le cauteriser qui est le souuerain remede. Aucuns le guarissent en ceste sorte: Premierement ils lauent avec eau froide le lieu où il est, puis mettent du fer chaud dessus, à fin que le poil s'en aille, & mettent cest oignement dessus: Prends du verd de gris, souphre, cire blanche, huile, graisse & lard, & fais le tout fondre sur le feu, & le mesles ensemble, & en faut oindre le suroz. Les autres le guarissent autrement: Premiere-ment font raire le lieu, puis le seignent, & le lauent avec du sa- uon trempé en eau, puis mettent dessus de la graine de seneué ou moutarde pilée, avec du ius d'vne herbe nommée matricai- re ou espargoutte, & font deuenir cela comme pasté, lequel- le laissent depuis le matin iusques au soir sur ledit suroz; puis a- pres l'oignent d'huile iusques à ce qu'il soit guarý. Item faut sca- uoir que le suroz vient aucunes fois aux cuisses, aucunes fois sur la maschoire, ou autre lieu, quand l'os a esté blessé. Remede: Il faut faire raire le lieu, puis l'oindre souuent de l'vnguent ap-  
S



pellé pentaminon, & le froter fort : cela fait faut mettre vne ta-  
 blette chaude dessus faicte de bouÿ ou de corne de cerf, à fin  
 que l'vnguent entre iusques au suroz. L'oignemēt appelé pen-  
 taminon se fait en ceste sorte: Prens trois parties de vieil oing ou  
 graisse de porc, huile de moyeux d'œufs les deux parties miel  
 cru aussi deux parties, cire blanche vne, raifine vne, huile de lau-  
 rier cinq parties, & faut que ceste huile soit pure, & faite de bran-  
 ches de laurier. L'huile de moyeux d'œufs se fait ainsi: Fais cuire  
 les moyeux bien durs & les mets en vne poile de fer sur petit feu,  
 & les faut vn peu presser, & les faire tant cuire qu'il en sorte de  
 l'huile. Or toutes ces six drogues se doiuent mettre sur le feu &  
 cuire iusques à ce que tout soit clair & liquide, puis le passer par  
 dedās vn drap de lin, & par ce moyen tu auras vn parfait vnguet  
 pentaminon. Et quand le suroz croistra ou quelque galle es ioin-  
 ctures tu en mettras dessus, & l'oindras. Je ne loue point qu'on y  
 mette le fer, ou quelque chose corrosiue, ne pareillement le feu:  
 car i'en ay veu plusieurs empierez, pource que celuy qui le faisoit  
 n'estoit expert & mettoit le fer sur la ioincture. Si le suroz n'est en  
 la ioincture tu le pourras percer avec vn petit fer iusques au mi-  
 lieu, puis le guarir comme i'ay dit cy dessus. Item autre remede:  
 Prens à la fin de la lune par trois ou quatre iours du sel gemme  
 fin autant que voudras, puis les puluerises & le mestes avec hui-  
 le d'oliue iusques à ce qu'il soit comme vnguent : apres fais raire  
 le suroz, & mets l'vnguent au lieu ray, & le lie bien fort avec vn  
 drapeau, & qu'il y demeure trois iours: en renouuellant toutes-  
 fois l'vnguent deux fois le iour, & garde bien que le lieu ray ne  
 touche à l'eau. Et note qu'il faut estre fort soigneux de guarir  
 de bonne heure le suroz, car si on le laisse endurcir & deuenir  
 gros on ne le peut guarir, principalement sil est sur vne ioin-  
 cture ou lieu nerueux & intriqué. Et si le suroz est en au-  
 tre lieu le pourras facilement cauteriser avec vn fer large apte à  
 cela, principalement sil est aux iambes faut lier la veine en haut,  
 puis le cauteriser & froter fort avec sel & vinaigre: apres faire  
 fondre de la cire dessus avec du lard, & mettre cest vnguent au  
 pertuis: Prens des fucilles de choux verds, des boutons de  
 buissons & vn peu de squille ou oignon marin, & tout battre  
 avec vieil oing. Et note que ce ste maladie vient sur les ioin-



œures : & pource qu'il y a des nerfs il n'y faut mettre ne feu ne fer : mais si ledit furoz ne fait que commencer y feras ceste emplastre : Prends du reffor, flambe, squille ou ognon marin, ius d'anabule qui est vne espeece d'espurge, & broye le tout ensemble avec du sel, poiure & nitre, puis fais raire le lieu, ou ostes le poil avec vn fer chaud & y mets ceste emplastre & la lie dessus, & continue cela par quelques iours. Item si le furoz est sur vne ioincture le faut souuent lauer de vinaigre, principalement s'il ne fait que commencer à venir. Le dernier remede est qu'il faut bien raire le furoz, tellement que le dessus du cuir soit osté : puis le diuises par le milieu, & mettras vn peu d'arsenic dedans la ligne & le lieras fort dessus iusques à ce qu'il soit tout consommé : j'ay guarý par ce moyen plusieurs cheuaux. Item pour guarir le furoz, prens vne herbe nommee apium risus ou ache de ris, & la pile fort, & la mets sur le lieu qui parauant aura esté ray & l'y laisse vne nuit, & il sera au matin desseiché & meur : ou le coupe & destrabine tout autour, tellement qu'on le puisse arracher avec les ongles : puis le lieu vuide doit estre remply de chair & de poil avec medicaments propres : laquelle medecine guarit toutes galles. Item vn autre vnguent qui rompt ledit furoz : prens du saumon noir, arsenic, chaux viue autant d'vn que d'autre, le tout meslé ensemble & mis en poudre : & quand le furoz sera ray, seigne le, tellement que le sang sorte en abondance : puis prens vne coquille de noix & l'emplis de ceste medecine, & la lie fort dessus sans l'oster l'espace d'vn iour naturel. Item prens du souphre fondu avec raisine & le mets dessus le furoz, qui aura esté ainsi seigné. Item fais raire le furoz tant qu'il seigne abondamment, puis prens du vieil cuir de pourceau & qui aura esté pendu vn an pour le moins, & oste toute la graisse en sorte qu'on voye quasi le poil : & en coupe autant que le furoz est gros, puis le lie bien fort dessus, & l'y laisse trois iours durant apres le trouueras liquide comme eau, & puis le perce, & toute l'eau sortira, & par ce moyen le cheual sera guarý. Item autre remede : Premièrement faut raire le furoz, puis le piquer en plusieurs lieux avec vne lancette : cela fait, faut mettre



de l'esponge marine trempée en vinaigre bien liée dessus, sans l'oster, ains y mettras tous les iours du vinaigre goutte à goutte, à fin que l'esponge ne seiche : & le faut laisser cinq ou six iours en ceste sorte, & quand tu l'osteras le suroz sera consommé.

*Des galles, & leur remede.*

*Chapitre 109.*

**G**Alle est vne molle enflure en maniere de vessies de la grandeur d'une noix ou noisette qui s'engendre aux ioinctures pres des ongles, laquelle vient au cheual naturellement, ou par accident. Naturellement pource qu'elle procede de leur generation du ventre de leurs parens qui ont eu pareille galle comme i'ay dit au chapitre du iauart : & iacoit que ce soit vne mesme cause vniuerselle, toutesfois la diuersité des lieux & humeurs où viennent les maladies font la diuersité des noms. Ceste galle vient par accident de trop grand exercice, par lequel les humeurs se dissoluent & se tirent en ce lieu, ou par la fumosité & vapeurs de l'estable quand les iambes sont moistes. Remede : Fais ce que i'ay déclaré cy dessus au chapitre des espuvains, ou il faut raire la place en y adioustant des pois ou ciches broyées bien menu. Aucuns les guarissent en ceste sorte : Premièrement ils couppent le cuir avec vne lancette, & arrachent la vessie ou enflure avec les ongles en escorchant tout. Item autre remede pour cela mesme : Apres que le cuir est coupé avec la lancette, aucuns mettent dedans du realgar bien broyé : & ainsi consomment & destruisent la galle. Mais l'experience nous a souuent monsté que si on la destruit avec du realgar, & que les humeurs y retournent la galle reuiet, parce que le cheual n'estoit du tout guarý. Et dauantage telles manieres de guarir estoient vn peu perilleuses : car le lieu est assez plein de ioinctures, nerfs & arteres : parquoy faut craindre d'y mettre le feu ou incision : à ceste cause ie diray les remedes qui me semblent estre les meilleurs. Premièrement pour guarir le cheual galleux, le faut tenir soir & matin assez long temps dedans l'eau froide & courante iusques aux genoux, à fin que les galles se resserrent vn peu & se diminuent par la repression de l'eau. Puis apres cauteriferas lesdites galles de long & large, & guariras les



cauterer comme i'ay dict au chapitre du iauart. Et tant à causer des cauterer que de l'caue elles ne croistront plus, mais appetisseront. Aucuns les guarissent autrement, car ils font des cauterer dessus & dessous avec le fer rouge & en feu: les autres les lauent avec fort vinaigre, & les oignent de miel, & iettent sur le miel de la poudre de ceruse chauffée sur vne tuyle: & lient dessus des escorces de vigne blanche pilées avec vinaigre dedans vn drappeau. On dit que cecy a esté expérimenté: & iacoit que ces galles viennent aux cheuaux par accident elles viennent aussi naturellement comme i'ay dit cy dessus. Autre remede: Prens de la racine de commun & la piles avec du sel, & la mets dessus, car le cheual sera incontinent guarý. Item autrement: Lies la veine qui se diuise en la poitrine, & descend aux cuisses, puis perceras celle que tu voudras avec vn fer aigu pour euaporer les humeurs, puis lieras de la chaut viue dessus avec huile d'oliue. Item autre remede: Prens du lierre terrestre & de l'alumine & les fais bouillir avec leurs racines pour appliquer dessus. Item vn autre: Faut estaindre des tuyles ardantes en bon vinaigre, & en lauer souuent les galles pour les seicher. Aucuns font cacher des galles avec du ius d'ognon & fucilles de porreaux, & certainement cela les restraint si bien qu'on ne les voit point, mais si on fasche aucunement le cheual, elles reuiennent en quatre iours. Notés que ceste maladie ne se guarit souuent, car elle vient en lieux nerueux, parquoy on ne la peut bien medeciner, car on n'y doit mettre le fer ne le feu, & si on n'ose de peur de blesser les nerfs. Item de la douleur & indignation des nerfs, i'en parleray cy apres au chapitre elxxvi.

*De l'atteinte.*

*Chapitre iio.*

**A**Vcunes fois aduiét vne maladie au nerf principal de la iambe de deuant qui le blesse fort & enfle, & procede le plus souuent parce que le cheual est pressé de courir & trop cheminer quand il frappe du pied de derriere celui de deuant au nerf qu'auons dit, dont il est contraint de clocher: laquelle maladie est appellée atteinte. Elle vient en deux sortes, & n'y faut qu'une mesme medecine. L'atteinte se fait tousiours le pied de deuant sous la ioincture du genouil, & principalement quand il a quelque empeschement au pied de deuant, ou quand les



pieds de deuant marchent tard, & que ceux de derriere frappēt  
 ceux de deuant & blessent les nerfs. Vne autre maniere y a,  
 quand vne extension de nerfs se fait par trop haister, ou quand le  
 pied de derriere demeure entre les pierres, & à force de le tirer  
 les nerfs s'estendēt, & ainsi s'engendre ceste maladie. Les signes  
 pour la cognoistre sont ceux-cy: Il vient vne grosse enfleure &  
 manifeste au lieu où le nerf est blessé, & dauantage le cheual  
 cloche. Remede: Incontinēt que le nerf sera blessé & qu'il com-  
 mencera à sensler, lors le faudra seigner de la veine accoustu-  
 mée dessus le genouil par dedās à fin que les humeurs qui y des-  
 cendent en sortent: puis y feras ce mollificatif & restraintsif qui  
 est bon pour guarir toutes enfleures & indignation ou foleure  
 de nerfs: Prés du senegrin, graine de lin, squille ou ognō marin,  
 terebentine, racine de mauue champestre, autāt d'un que d'autre,  
 & faut le tout broyer ensemble avec vieil oing de porc, puis tout  
 bouillir ensemble en le mouuāt souuēt & le mettre chaud dessus  
 le nerf en long, & le faut lier avec vne piece de drap, & renouel-  
 ler ladite emplastre deux fois le iour. Item prens des hiebles avec  
 leur racine & les fais cuire en eau, & laue toute la iambe de ce-  
 ste eau, puis prens lesdites hiebles cuictes avec leur racines &  
 les pile vn peu, puis les lies dessus l'attainte. Item le ius desdi-  
 tes hiebles & de leur racines souuent appliqué dessus l'attain-  
 te profitē beaucoup. Item pour en oster l'enfleure & douleur,  
 chauffe du miel & y mesle assez bonne quantité de cōmin bien  
 pilé avec de la terebentine pilée, & en fais emplastre pour met-  
 tre dessus, & le faut faire souuent: & à chacune fois que tu osteras  
 ladite emplastre laue fort la iambe de vin tiede. Item autre  
 experience approuuée: Prens de l'encens & mirrhe de chacun  
 vne once le tout broyé ensemble & battu avec fort vinaigre.  
 Item prés deux onces de raisine de pain blanc, vne once de poix  
 noire, deux onces de graisse de bouc: deux onces de cire nouuel-  
 le, le tout destrempé ensemble sur le feu avec vn peu de vin: en y  
 adioustant six onces de terebentine, mastic, sang de dragon, bo-  
 liarmeni, autāt d'un que d'autre once & demie, & tout puluerisé  
 & assemblé en faire vne emplastre sur vn cuir, & le lier sur la iam-  
 be & sur le nerf enflé, & ly laisser deux ou trois iours durant, &  
 si est necessaire le pourras recommencer trois ou quatre fois: la-



quelle chose est esprouée. Item à cecy est bon de piler vn ognō rosty és cédres avec des vers qui reluisent de nuit, puis faut tout broyer avec du beurre fondu & cuict iusques à ce qu'il soit espais comme vnguent : puis quand le nerff sera ray le faut oindre trois fois le iour de cet vnguent. Si l'attainte est vieille faut seigner le cheual de la veine accoustumée qui est entre la ioincture & le pied par dehors ou par dedans : puis luy feras le médicament dessusdit. Et si tous ces medicamens approuuez & experimentez n'y profitent lors apres que tu auras fait raire le nerf de tous costez, luy feras vn restraintsif de poudre rouge battue avec vn aubin d'œuf & farine comme i'ay dit au chapitre du cheual malferré : & enuelleras la iambe de lin ou chanure, sans rien oster iusques à neuf iours : puis l'osteras doucement avec eau chaude, en oignant le nerff frappé de quelque vnguent. Et si tous ces remedes n'y profitent y faut obuier avec des cauterres qui est le dernier remede. Item autre medecine : Fais raire l'ensfleure, & y mets ceste emplastre. Prés ognons chauffe sur les charbons, que tu pileras avec fueilles de porceaux & aluïne, & en feras emplastres que tu mettras souuēt dessus pour ouurir les pores, puis y mets l'emplastre mollificatif : avec lequel médicament plusieurs cheuaux ont esté guaris. Le commun remede pour l'attainte en quelque sorte qu'elle vienne est telle : On fait des cauterres sur l'ensfleure de la façon d'un gril, afin que les nerfs estendus se retirēt, puis on guarit les lieux malades : & pour faire reuenir le poil, on y met de l'huile de moyeux d'œufs faite comme i'ay dit. Item si l'attainte est nouuelle, le premier ou second iour faut seigner la ioincture, puis couper vn coq tout vif par le milieu & le mettre chaud dessus avec ses entrailles, & si ladite attainte est vieille, prens deux cuillerées de sang, trois de suye, vne de sel, vn demy sextier de vinaigre, vne poignée d'estoupes bien hachées : & fais le tout bouillir sur le feu & mets l'emplastre dessus le plus chaudement que le cheual pourra endurer, en le renouuellant vne fois le iour iusques à ce qu'il n'y ait plus de douleur.

*Des grappes.*

*Chapitre III.*

**L**Es grappes s'engendrēt és ioinctures des iâbes pres les pieds & y rompent la chair de long, & aucunes fois de trauers, &



par les ouuertures iettent continuellement ordure ou eau à cause de la superfluité des humeurs qui y descend & qui afflige tant le patient qu'il est contraint de clocher. Remede: Premièrement faut oster le poil des iointures, puis prés trois parties de chaux viue & le quart d'or pigment le tout broyé ensemble, & mis en eau bouillante, & tant cuit & remué dedans le pot que quand on mettra vne plume dedans elle perde soudainement le poil. Et de ceste decoction faut oindre la iointure qui est blessée des grappes aussi chaud que le cheual pourra endurer, lesquelles choses faut là laisser iusques à ce que le poil des iointures tombe & se puisse aisément oster: puis faut lauer lesdites grappes d'eau chaude à fin que le poil de dessus tombe: apres les laueras d'eau où auront cuit des manues, souphre, & graisse de mouton: puis en prendras la substance, & en lieras dessus les iointures soir & matin. Apres feras vn vnguent de graisse de mouton, cire neufue, raisine, gomme de sapin autant d'un que d'autre le tout bouilly ensemble en le mouuant: & oindras deux fois le iour les grappes de cest vnguent tout chaud avec vne plume: mais faut premier fort lauer les fentes avec vin fort & tiede, & les laisser seicher: & fais cecy iusques à ce que les fentes soient consolidées, en gardant le cheual d'ordure & d'eau. Et quand les playes seront cōsolidées, il faut couper la grosse veine au costé de deuant de la cuisse comme i'ay dict au chapitre des esperuains. Le sang tiré hors comme il appartient faut cauteriser les iointures blessées des grappes, & guarir les cauterres comme i'ay dit: toutesfois faut noter que ceste maladie de grappes est difficile à guarir. Autre medecine: Prends de la graisse de bouc ou de mouton (si tu n'en peux trouuer de bouc) cinq liures: vieil oing vne liure: lithargire d'or sept onces, verd de gris vne once, bugye ou buzeme demie once, souphre vif vne huitiesme, huile de laurier deux onces, miel cru vne once, terbenline deux onces, boliarmeni vne once, saun noir vne quatriesme, & fais tout bouillir ensemble pour faire vnguēt duquel oindras deux fois le iour la place sans poil, & la laueras tous les iours de lecieue & saun noir: & quād les croustes sortiront, laues-la de vin chaud: & apres que la grappe sera seiche, remets y dudit vnguēt. Et notes que ledit vnguent est bon pour guarir les grappes, ou creuaces



creuaces seiches, & teigne: dont plusieurs cheuaux ont esté guaris. Item autre remede : Fais l'oignement qui s'ensuit, lequel est bon à toutes grappes, creuaces, sarcules, reste longues qui viennent sur les nerfs & sur les cuisses de deuant ou derriere : Prends deux onces de chaux viue, vne once de saouon commun, & vne de chapiteau pour le destremper: ou pour le faire fort, près de la leciue au lieu de chapiteau: & pour le faire encores plus fort, destrempe-le en vinaigre, & en oins fort la place, & la laisse ainsi oincte vn iour pour le moins. Lequel vnguent desracinera la maladie: puis apres laue deux fois la place avec vin tiede: & cela fait, tu medecineras les playes comme il sera necessaire.

*Des creuaces. Chapitre II2.*

**V**Ne maladie aduiët entre les iointures de la jambe & l'ongle qui rompt le cuir & la chair, & est comme galle, & fait grande ardeur : & procede aucunes fois des fumositez de l'estable, quand on y a mis le cheual ayant les jambes mouillées. Laquelle maladie s'appelle creuaces. Remede: Il faut par tout faire comme j'ay dit au chapitre des grappes, fors qu'on ne doit couper la veine, ne cauteriser, ains y faire le remede susdict, qui se commence ainsi : Prends de la poudre de bouc, &c. On y peut bien faire ces medecines icy : Premièrement faut oster le poil, puis y mettre de l'vnguët qui s'ensuit: Prends cinq onces de suye, trois de verd de gris, & vne d'orpin & broyes bien tout, puis y adiousteras du miel liquide, autant que du demeurant: & feras tout cuire ensemble tât qu'il soit espais, en y adioustât vn peu de chaux viue, & le mouuant avec vne cuilliere iusques à ce qu'il soit gros & espais comme vnguët: duquel vn peu chaud oindras deux fois le iour les creuaces, en les gardant d'ordure: & ne l'y faut appliquer sans lauer premierement les creuaces de vin, puis les laisser seicher. Item aussi est bon de lauer lesdictes creuaces d'vrine d'enfant. Item gros citrons ou limons sont bons pour tresbien frotter les creuaces, & souuent. Item est bon de mettre le cheual en eau marine froide. Et notes que l'vnguent faict de suye, verd de gris & orpin consolide fort les creuaces, & les restraint. Item l'vnguent qui s'ensuit y est bon. Prends de l'arsenic, orpin vne once, ceruse vne once : & les melles avec vinaigre & graisse, miel & huile: puis en faut oindre les creuaces



galles, farferelles, & teignes, en les lauuant parauant de vin comme i'ay dit. Item autre bon vnguent pour cela mesme: Prends de la couperose huiët once, sinopide deux onces, raisine de pin quatre onces, apostolicô cinq onces, souphre trois onces, huile d'oliue autant, sang de porc six, vifargent seize, encens trois, miel six. Le premier iour laueras lesdictes creuaces de leciue, & les iours suyuaus de vinaigre: & fais ceste cure par trois sepmaines. Puis apres pour consolider: Prends six onces de verd de gris bien broyé, vne once de beurre, plain vne coquille de noix de farine de fromët, vne once & demie de miel, & de tout cela meslé ensemble feras vnguent pour consolider. Item faut oster le poil dedessus le lieu, puis y mettre de la graisse fonduë avec cire. Item des coquilles d'œufs mises en poudre avec fiët de poules sont bonnes pour y appliquer. Ité de la chaux viue battuë avec huile d'oliue. Item prends de la ruë & caprinelle, autant d'un que d'autre en assez bonne quantité, & les piles ensemble: puis les feras cuire en fort vinaigre, huile d'oliue, graisse de porc, souphre vif, encens, & cire, le tout bouilly ensemble iusques à la cōsommation du vinaigre: en apres faut tout passer & couler, & le garder pour oindre les creuaces au soleil. Item autre medecine approuuée: Fais vnguent d'huile d'oliue, tripoli, tormentine, & vn peu de cire pour les oindre. Item vne autre: Prends vne once d'huile d'oliue, tourmentine deux ou trois: & les assembles, & destrempes au feu: & y adioustes vn peu de cire si tu veux, pour les oindre. Item vne autre cure approuuée: Prés moyeux d'œufs durs broyez en sel & huile d'oliue, pour les oindre. Item vne de grande efficace: L'vnguent de glaïre d'œufs, raisine & miel bien battus & meslez avec huile rosat ou violat.

*Des creuaces qui sont de trauers.*

*Chapitre 113.*

**A**Vcunes fois à l'occasion des autres creuaces, s'en fait vne plus lōgue & plus grāde entre la chair viue & l'ongle, c'est à scauoir au boulet, laquelle empesche le cheual de cheminer plus que ceux de deuant: car elle coupe la chair de trauers iusques à l'ongle ou corne, dōt le cheual est plus affligé des autres. Remede: Pource que ceste maladie ne se peut guarir avec medecines ny vnguëts, il est necessaire d'y mettre le remede du feu.



Il faut dōc cauteriser l'extremité avec vn fer rond: car par le benefice du feu elle ne croistra plus, ains se diminuera. Si tu veux experimēter d'autres medecines, tu pourras prendre le remede que i'ay dit cy dessus au prochain chap. où i'ay parlé de la couperose, sinopide, raisine de pin, apostolicon, souphre, huile d'oliue, sang de porc, visargent, encens & miel, & fais cōme i'ay dit audit chap. Item vn autre vnguent merucilleux à toutes playes ou blessures en hommes ou en bestes, & est bon pour toutes creuaces: & pource qu'il est tres-precieux, on ne doit vsfer qu'aux playes des hōmes: Prends donc huiēt onces de tourmētine, quatre onces de cire blāche vierge, & le mets sur le feu dedās vn vaisseau d'estain, iusques à ce que tout soit fondu, puis l'ostes du feu: & mets dessus tout cela encores chaud vne chopine de vin blāc qui ne soit fumeux. Aucuns y mettent du vinaigre, principalement quand la playe n'est point sur les nerfs, puis mets hors le vin ou vinaigre, & oings tes mains d'huile rosat, & remues avec la main ceste paste de cire & tourmētine, iusques à ce qu'elle soit bien blanche: puis remets le tout dedans le vaisseau d'estain, & mesle dedans vne demie once de gomme d'anet, & trois onces de ius de betoine, & le mets sur le feu, & fais tout cuire iusques à ce que le ius de betoine soit cōsommé: puis y mets quatre onces de laiēt de femme ou de vache rouge, & le fais encores cuire iusques à la consommation dudiēt laiēt, & gardes ce medicament pour ton vsage.

*De la grisfaire. Chapitre II4.*

**I**l y a vne passion & maladie qu'on appelle vulgairement grisfaire, laquelle vient es courōnes des pieds des cheuaux sur la corne. Remede: Aucuns la guarissent avec vnguēts, puis y mettent le feu en ceste sorte: Prends de la farine de froment, cancabre & graisse fraische de porc, le tout pilé ensemble avec le cancabre & semole bien nette, en sorte qu'il n'y ait plus de farine, puis feras tout bouillir ensemble avec graisse de porc, & le mettras dessus: & si tu le fais vne fois ou deux ou plus sil est necessaire, le cheual se guarira. Item autre remede: Fais la medecine declarée aux chapitre des grappes qui cōmence ainsi: prēs de la graisse de bouc, &c. Irē si tu veux, pourras vsfer d'oignemēt fait de couperose, graine de moutarde, raisine de pin, & de ce que i'ay diēt au



chapitre ces creuaces : & fais par tout comme i'ay dit audit chapitre pour consolider. Item fais vn oignement de tourmentine, cire, gomme, d'anet, ius de betoine, comme i'ay dit au precedent chapitre. Item autre vnguēt bon aux grappes de trauers. Prens vne once d'orpin, once & demie de verd de gris, autant de verre pilé bien menu, & mis en poudre, autāt de chaux viue, trois onces de graisse de porc, huile commune à la quantité des choses susdictes. Si tu veux l'vnguent plus fort, y faut adiouster deux onces de verd de gris, & en oindre la maladie, & elle se guarira. Item vn autre: Prens deux liures d'espurge grande, & la pile fort, vne liure de vieil oing, deux liures d'huile d'oliue ancienne, le tout bouilly ensemble & coulé par dedans vn drap en vn vaisseau net, & mis sur la playe, en y adioustant vne once de verd de gris bien puluerisé, & autant de vif argent: le tout incorporé ensemble, & en oindre le cheual iusques à ce qu'il soit guarý. Item prens vne once de verd de gris, vne liure de miel, & autant de vinaigre: le tout bouilly en vn vaisseau net, & en fais vnguent. Item prens vne liure de miel destrempé au feu, deux onces de verd de gris biē puluerisé, autāt d'alun de glas en poudre: le tout meslé & assemblé avec le miel, iusques à ce que ledit miel soit refroidy. Item autre vnguent pour toutes semblables maladies, & rongne viue: Prens du tartre de vin, & le calciue, puis quand il sera mis en poudre & calciué, fais le dissoudre en eau commune, & le congele, & messeras du sel avec saumon fort, & feras vnguēt ou emplastre, & en oindras les playes: mais il n'y faut laisser le poil, & qu'il soit osté avec l'vnguent que i'ay dit au chapitre des grappes, ou avec des tenailles, tellemēt que la playe seigne tout autour. Et sçaches qu'en vn iour naturel la playe sera guarie: & si tu peux, lies l'emplastre dessus le col, à fin qu'elle tienne mieux.

*Des mules. Chapitre II5.*

**L**Es mules viennent de froidure, quand le cheual va par les boues en tēps froid, puis au soir on le met en l'estable ayant les jambes ainsi mouillées & boueuses, & qu'il est de nuit sur la terre nuē, ou sur des pierres sans liētiere ou paille: & alors, à cause du labour, les humeurs descēdent és parties posterieures, & s'y congelent, & font vne enflure en sorte que les jambes sont plus



grosses que les genoux. Elles aduiennent en Hyuer & au printemps : mais en Esté & en Automne se cachent sans enflure si elles ne sont fort anciennes : toutesfois en ce temps-là on les peut cognoistre, quand le poil de la corne & la prochaine ioincture (c'est à dire du pasturon) est esleué en haut (combien qu'il fouille) comme de soye de porc. Remede : Prends vne cuillerée de chaux viue, trois de fuye, & vne de sel: broye tout ensemble, & le confis avec vinaigre: & l'emplastre que tu en feras doit estre mise chaude dessus : mais faut premierement en oster le poil, & en faire sortir du sang en diuers lieux. Mais si lesdictes mules sont enuieillies, tu les pourras arracher sur la joincture de derriere le pied, dont sortira de l'humidité comme gomme, & le cuir doit estre fondu sur le genouil : puis avec du vinaigre & vn petit bois & doux, esleueras vn nerf aussi gros qu'un grain d'orge tant qu'il soit de deux pouces hors: puis prendras de l'alumine, racine d'hieble, vieil oing, estoupes de lin ou chanure: & broieras tout ensemble, puis en feras emplastre pour appliquer sur l'enflure: puis couperas les veines des cuisses dehors & dedans ou bien les reserreras. Item pour cela mesme, fais l'vnguët rompât ce que i'ay dit au chapitre des grapes, lequel se fait de chaux viue, fauon, &c. & fais par tout comme i'ay dit audit lieu. Item vn autre: Prends deux onces de chaux viue, & vne once de fauon noir, le tout meslé avec aubins d'œufs, & sçaches que cela arrachera les mules. Item sur tous remedes, i'en ay parlé d'un au chapitre de la grisaire, qui se fait de sel tartre, & fauon : tu feras par tout comme i'ay déclaré en ce lieu. Lequel medicament guarit aussi le furoz, s'il est laissé dessus depuis le matin iusques à midy. Item il guarit les grappes, scardes, restes longues, qui s'engendrent sur les nerfs des jambes de derriere.

*De superpositure. Chapitre iij.*

**S**ur la couronne du pied entre la chair viue & l'ongle, suruiët vne blessure qui rompt la chair, & aduiët quand par cas fortuit vn cheual met vn pied sur l'autre : & si cela se enuieillit, il y vient du chancre. Remede : Incontinent que le cheual est ainsi blessé en ce lieu, il faut tant couper de la corne, que la maladie n'y touche point, ny à la chair viue : car l'oppression qui se fait de l'ogle à la chair, est cause que la chair ne peut estre cōsolidée.



Or quãd la corne sera incissee alentour, & la playe nettoye avec vin tiede ou vinaigre, ladiete playe doit estre guarie comme i'ay dit aux chapitres precedens, en la gardant d'ordure & d'eau, iusques à ce quelle soit consolidée. Autre remede, qui est meilleur, si la playe n'est trop grãde: Fais bouillir deux ou trois œufs avec leur escaille, puis oste ladiete escaille, & les presse fort entre tes mains, puis en mets l'un sur les charbons ardans, & le lie bien chaud sur la playe, & l'y laisse iusques à ce qu'il ne soit plus chaud: & faut faire cela deux ou trois fois le iour tât que la playe soit quasi cuicte: cela fait, prens de la suye de four, ou de quelque forge, laquelle tu broyeras avec du sel, & feras bouillir en huile, & la lieras toute chaude sur la playe. Et si cela a esté bien fait, ne faut recommencer à y mettre les œufs chauds: mais bien y faut mettre de la suye & huile chaude avec du sel, iusques à ce qu'il soit guarý, qui fera dedãs quatre iours: toutesfois cependant le faut garder d'ordure & d'eau: le peut on mener aux champs dès le second iour s'il est necessaire, pourueu qu'il y ait vne pieceliée dessus. Et quand il retournera en l'estable, faut derechef appliquer de l'huile chaude. Item vn autre: Premièrement faut oster tout le poil: puis faut mettre sur la playe vne large coenne de lard: apres mettre là dessus de la suye broyée avec du sel & graisse, ou du sel frit avec de la suye, par l'espace de trois iours, & qu'il soit tiede: ou bien mets y vne emplastre faicte de poix noire, cire & graisse de moutõ, & garde tousiours le cheual d'ordure & d'eau. Si la chair bleffée apparoit hors du cuir, faut mettre dessus de la poudre de corne de cerf ou de bœuf, avec du saumon pour la consommer. Et notes que si la maladie se tourne en chancrẽ ou fistule, les faut medeciner cõme il est contenu au chapitre du chancre ou de fistule, chacun en son endroit.

*De l'encheuestrure. Chapitre 117.*

**I**L aduient aucunesfois que le cheual met le pied de deuant & le plus souuēt celuy de derriere au cheuestre ou licol, & quãd il veut retirer son pied il ne peut, dont il aduient qu'il se bleffe fort au pasturon de derriere: & tellement s'y bleffe, qu'il y faict vne incision qui entre iusques aux nerfs: ou si on y met remede, le cheual pourra estre vilainemēt interessé, à cause que ce lieu est plein de nerfs. Remede: Si l'encheuestrure est nouuellement



aduenue, près de la laine tondue, & en fais vn torty ou vne corde si longue qu'elle comprenne toute l'encheuestrure & dauantage, & faut inbiber ou abbreuuer ledit torty de graisse de mouton fondue, & le lieras sur ladicte encheuestrure tout autour cōme des pasturons, cependant faut garder que le pied ne touche en l'eau. Autre remede : Iagoit qu'on puisse trouuer beaucoup de remedes à ceste maladie, lesquels on peut recueillir de plusieurs chapitres de ce liure, toutesfois entre tous les precedens, i'en diray ici vn fort vtile & experimēté, qui est bon non seulement à ceste maladie, mais aussi à toute creuace, galle & rōpure. Et dauantage il est de tel efficace, que si le cheual a quelque maladie par laquelle luy soit perilleux entrer en eau, ou estuuer la playe, on pourra oindre ladicte playe de cet vnguent, & le lier dessus avec vne piece de drap, & lors l'eau n'y pourra entrer pour y nuire. Lequel vnguent doit estre fait de ce qui sensuit : Prens vne once d'huile d'oliue, deux ou trois onces de tourmentine, le tout meslé ensemble, & destrempé au feu : puis vn peu de cire, le tout incorporé ensemble, puis en vsr comme i'ay dit cy dessus.

*De Paenne, Clauard, ou Aquarole.*

*Chapitre 118.*

**P**Aenne, Clauard, ou Aquarole, c'est tout vn, & se fait de fer, d'vne pierre, ou d'vn bois qui a blesté le cheual derriere le pied pres la corne, sans enfler les cuisses, dōt sort ordure qui put, car toute douleur prouoque le reume : à ceste cause toutes les parties inferieures qui l'attirent doiuent estre aydées de choses froides ou seiches, ou chaudes moderemēt & seiches. Remede : Prens deux cuillerées de miel, trois de fuye, toille d'araignée, bouts d'orties, & du sel à ton plaisir, le tout pilé ensemble, & faut lier l'emplastre dessus, & l'y laisser l'espace de trois iours. Item à cecy est bon de lier dessus de la fiente d'homme ou d'oye. Aucuns fendent la corne pres de la playe, puis là lient dessus vne des emplastres susdictes. Item est bonne l'emplastre faite de poyure, aux, fucilles de choux, vieil oing de pourceau mise dessus : & en peu de temps la maladie meurira, ou elle mourra. Je l'ay experimēté, & l'ay trouué bon & veritable.

*De l'entretailleure. Chapitre 119.*



**L'**Entrailleure aduient au cheual, quād il marche trop estroictement des pieds dedeuant ou de derriere, dōt il s'entretaille, & est contrainct de clocher. Remede: S'il s'entretaille les pieds de derriere, faut couper de la corne plus hors du pied que dedans, & luy chāger le fer. Aucuns mettent au fer vne esponse ou anneau, à fin qu'il marche plus l'arge par derriere. Et sil s'entretaille deuant, faut prēdre vne piece d'vne vieille sole de souliers & l'arrondir de la largeur d'un doigt, & feras vn petit pertuis au milieu. Et entre la poiētrine & l'espaule du pied qui frappe l'autre faut ouurir la peau, & mettre ce morceau de cuir percé dedans: tellement que le pertuis de ce cuir soit au milieu de l'ouerture.

*De la Pinzaneze. Chapitre 120.*

**I**L est vne autre maladie qui aduient au boulet du pied du cheual quand la chair viue se joint dedans la corne, & engarde le cheual de marcher. Elle vient aucunes fois en vn pied seulement, aucunes fois en tous vniuersellement. Si elle est en vn pied seulement, & qu'on y mette soudainement remede, elle passe incontinent & se retire à tous les autres: & procede de mauuaises humeurs qui y descendent par leur pesanteur & grauité. Elle vient aussi d'estre trop long temps enfermée en quelque estable sale & orde: & principalement si la de nuit les pieds moistes & non essuyez: dont la corne est endommagée: & en vient soudain la maladie qu'on appelle pinzaneze ou mauuaises eaux. Remede: Il faut vider la corne souz le pied iusques au vif, tellement qu'on voye sortir la fumée du boulet: puis le seigner des deux costez du boulet, pour faire euacuer les humeurs qui y seront descenduës, ou les percer tout outre d'un fer pointu: en gardāt qu'il n'y entre ordure ou eau, & ne faut fascher le cheual: puis apres y faut faire vne emplastre de farine, vinaigre, & graisse ainsi qu'il est declaré au chapitre de l'escorcheure: & luy mettre tout dessus le plus chaud qu'il pourra endurer, & l'enveloppe avec vne piece de lin, en la renouuelāt deux fois le iour. Et se faut bien garder que le cheual māge des herbes, ains qu'il ne mange gueres iusques à ce que le cheual soit guarý: car abondance de viandes & herbes augmentent les humeurs. Et pource que la langue est blessée à cause de ceste maladie, ie dy que quand la maladie



maladie cessera aux pieds, la lāgue sera guarie. Item autre remede: Fais vne autre emplastre laquelle mettras sur le pied, & la changeras & renouuelleras deux fois le iour: Prends du fient de pourceau & chaux viue le tout bouilly en fort vinaigre, & fais comme dessus est dit. Aucuns appellent ceste maladie mal de langue: laquelle on cognoist quand la langue est enleuée, enflée, ou limonne, & que les veines de dessus se noircissent, & les playes sont cōme pourries & la pasture luy sort de la bouche toute moruée, & ne se peut soustenir. On la guarit aussi en ceste sorte: Premièrement faut raser ce qui est enleué sur la langue & la limosité qui est dessus, puis frotter le lieu de deux ou trois cuillerées de suye & vne de sel, & vne teste d'ail broyée bien menu: cela fait faut couper les veines qui sont sous la dite langue & seigner le cheual des quatre pieds pres de la corne dedans & dehors le pied.

*De la corne oblique.*

*Chapitre 121.*

**P**OUR obuier aux cornes & pieds tortus du cheual faut faire tel remede: Il les faut souuent accoustumer & preparer à la mesure & rōdeur du fer: car si en ce faisoient ne se redressent du tout ils s'amendent aucunement. Il ne faut oublier vne maniere de preparer la corne qui profite beaucoup à l'entretailleure, ou quand vn pied frappe sur l'autre: C'est à sçauoir qu'en ferrant le cheual, la corne soit plus coupée & preparée dedans que dehors & qu'il soit ferré d'un fer plus chaud dehors que dedans, voyla le remede. L'entretailleure vient aucunes fois aux cheuaux quand ils sont maigres, mais ie croy que lon n'envoie plus rien quand ils sont gras & remplis.

*D'un cheual cudelé & qui a grand froid aux pieds.*

*Chapitre 122.*

**S**I vn cheual est cudelé, c'est à dire s'il a les pieds morfondus, Sbroyez du sel & de la suye pour y appliquer avec des estoupes par trois iours, & le laue de vinaigre deux fois le iour, & mets dessus ledit pied vn peu d'estoupes trempées en huile chaude: puis prens du rhamnum broyé ou son escorce bouillie en vinaigre & en mets dessus iusques à ce qu'il soit guarý: puis mesle de la chaux viue avec du saun & le mets dessus, & l'y faut laisser vn iour & vne nuit.



**I**L nous faut maintenant parler des enclouures desquelles nous declarerons les especes chacune en son ordre, qui sont en grand nombre: Car aucune en y a qui blesse le tuyau dedans iusques au fons. Il y en a vne autre qui passe entre le tuyau & la corne & le blesse tres-fort par dedàs. La tierce espece ne touche point au tuyau, mais elle pique la corne iusques au vif, & la blesse. La premiere espece qui touche iusques au fons du tuyau est dangereuse, car le tuyau est vne tédreté d'os en maniere de corne, lequel nourrit la corne & la gouuerne & en attire toutes les racines à soy. Remede: Si le tuyau est fort blesé iusques au fons, il sera bon de faire desfoler le pied comme ie diray si apres au chap. de la corne qui se desfole. S'il n'est gueres blesé faut descouvrir la sole de la corne pres du mal, & avec vn instrument de fer tant coupper la corne que lon vienne tout autour iusques à l'enclouure, & faut si bien diminuer la corne tout à l'entour en cest endroit qu'elle ne presse point le mal, & qu'elle n'y touche aucunement, car cela empêcheroit de consolider la chair, & de renouer la corne, puis empliras le pertuys d'estoupes trépées en aubins d'œufs: & cela fait guariras la playe avec du sel menu, fort vinaigre, poudre de galle, ou lentisque, ou de myrte, comme i'ay dit cy deuât. Je prise fort que lon ne d'escouure l'enclouure deuât le quatrième iour, à fin que les humeurs s'y assemblent mieux & qu'on les puisse mieux oster: & le quatrième iour n'y faut laisser aucune ordure car facilement toute la corne seroit gastée.

*De la seconde espece d'enclouure.*

*Chapitre 124.*

**S**I le clou a blesé le cheual entre le tuyau & la corne qui est la seconde espece d'enclouure, elle n'est pas si dangereuse, car le tuyau n'est blesé que de costé. Remede: Premièrement faut descouvrir ladite enclouure iusques au vif en fendant la corne de long & l'élargissant pres l'enclouure: & faut aussi coupper la corne qui est prochaine, tellement qu'elle ne touche la playe: laquelle descouuerte faut emplir de sel menu, mais premièrement la faut lauer de vinaigre, puis mettre dessus des estoupes trempées en vinaigre, & enuveloper le pied de quelque piece: & par ainsi le guariras en renouellant cela deux fois le iour.



*De la troisieme espece d'enclouure.**Chapitre 132.*

**L**A troisieme espece d'enclouure, est celle qui ne blesse point le tuyau, mais passe & touche au vif de la corne. Remede: Fais ce que j'ay dit au precedent chapitre en y adioustant que quand la playe sera bien descouuerte, la corne doit estre couppee par dehors iusques au lieu où le clou aura touché, à fin qu'il n'y demeure aucune ordure ou pourriture. Et sçache que toutes enclouures qui ne touchent le tuyau par dedans se peuvent facilement guarir en ceste sorte: Quand la playe sera bien descouuerte ainsi qu'il appartient, faut mettre dedans de la graisse, cire ou huile, ou quelque chose oignante fort chaude & bouillante. Item on la peut guarir avec vn aubin d'œuf, vinaigre & huile meslez ensemble. Item on la peut guarir avec sel & tartre broyez ensemble. Item avec suye, huile & sel meslez ensemble. Remede meilleur pour guarir toute maniere d'enclouure: Apres que la playe sera bien descouuerte (principalement s'il faut cheuaucher le cheual.) Fais bouillir du sel broyé en vn petit vaisseau, avec vn peu d'huile, & l'oste quand il aura long temps bouilly, & y adioste quatre fois autant de terebentine, & incorpore tout ensemble, & le mets tout chaud dedans l'enclouure, tellement que le pertuis soit tout plein: & quand cela sera froid iette du souphre vif dessus, puis lie des estoupes bien fort dessus: & s'il le faut cheuaucher, mets du coton avec de la graisse. Item si vn clou ou bois est entré dedans le pied, descouure bien la playe & prens de l'huile d'oliue bouillante & la iette dedans, & en remplis le pertuis, puis quand elle sera consommée y faut ietter de la terebentine bouillante, & l'emplir le pied tousiours esleué: & quand elle sera quasi froide, mets dessus du souphre bien broyé & de la plume dessus & le fais ferrer, puis le meines où tu voudras. Je l'ay ainsi ouy dire à vn homme experimenté: toutes fois seroit meilleur & le plus seur de le laisser reposer. Item la poudre de noix de galle, myrre & l'entisque est bonne à mettre dedans la playe, mais la faut lauer de fort vinaigre. Et notes qu'à toutes blessures de pied & corne qui viennent à cause d'vn clou ou bois qui entre dedans entre le vif & le mort de la corne auant qu'on touche au pied pour chercher l'enclouure, faut faire des confectiions de souphre, graisse & mauues, tout bouilly en vinaigre.



gre, iusques à ce qu'il soit espais, & apres en mettre dedàs le pied bleffé le plus chaud que le cheual pourra endurer & avec quelque piece le lier depuis le matin iusques au soir, ou de soir iusques au matin: car la confection appaise la douleur & ouure les pores, & amolit si bien la corne qu'à l'aïse se peut couper. Et le faut garder d'ordure & d'eau: & le faut trauailler peu ou beau coup selon que l'encloueure est dangereuse.

*De l'encloueure qui se rompt en la courone du pied.*

*Chapitre 126.*

**A**duient aucunesfois par l'ignorance du mareschal qui n'a bien touché au vif l'encloueure, ne guarit que l'ordure, pourriture ou apostume qui y est, & ne peut trouuer issue, fait vne voye dessus le pied entré la chair viue & la corne. Remede: Il faut fermer la voye qui est dessus & remedier au reste de la maladie comme i'ay dit cy dessus au chapitre de la superpositure: toutesfois il faut cercher l'encloueure au vif dessous la sole du pied, & la guarir comme les autres encloueures.

*De la figue ou figo qui vient sous la sole du pied du cheual.*

*Chapitre 127.*

**L**E pied du cheual est aucunesfois bleffé sous la corne au milieu du sabot, & cela aduient d'un fer, os, pierre, bois, ou autre chose sēblable qui entre iusques au tuyau d'où il est fort bleffé. Et quand on ne coupe la corne pres de la playe, il y vient aucunesfois par la negligence du mareschal (comme il a esté dit au chap. de superpositoire & encloueure) vne superfluité de chair qui procede du tuyau sur la sole du pied pour la playe qui sort dehors, & à cause de la corne qui serre de costé & d'autre, la bleffeur iette excroissance de chair & est contrainte demourer sur le sommet du sabot ou sole du pied, & est comme vne figure seiche: & pource on l'appelle figue ou figo. Remede: Il faut couper la corne qui est autour de la playe, tellement qu'il y ait espace competente entre la sole du pied & la chair superflue qu'on appelle figue, puis on doit couper ceste chair iusques à la superficie du sabot: & quand le sang sera restraint faudra mettre del'esponge de mer dessus & la lier fort à fin que le demeurant de la figue qui est au pied soit mangé iusques au tuyau: & apres qu'il sera mangé faudra guarir la playe comme i'ay dit cy deuant,



des autres maladies des pieds. Et si tu ne trouues de l'esponge de mer, sera bon de prendre de la poudre d'asphodilles, ou autres poudres corrosiues excepté le realgar, lequel on n'approuue point pource qu'il est trop violent. Il faut bien garder d'y mettre le cautere, car le tuyau est si tendre qu'il pourroit estre blessé du feu, tellement que la corne laisseroit le tuyau. Item scarifie fort le lieu, & mets dessus du verd de gris & chaux viue, ainsi qu'il sera dit au chapitre de la figue qui vient ailleurs qu'en la sole du pied.

*Du cheual sousbatu, ou de la subiacture. Chapitre 128.*

**O**N mene tant aucunes fois vn cheual par montagnes & lieux pierreux & durs sans fers aux pieds, que toute la corne en est vsée & que le tuyau ne peut estre defé du de la corne par dedans, parquoy il aduient que par oppression de quelque chose dure il est blessé, & s'assemble du sang entre le tuyau & sole avec grande douleur qui est cause que toutes les humeurs y descendent : laquelle maladie s'appelle subiacture ou sousbature. Remede: Il faut oster de la sole autant qu'on verra estre raisonnable peu ou beaucoup, pour faire euacuer les humeurs qui y seront descendues, à fin que le tuyau puisse estre mieuguary. Et cela fait, se faut par tout gouverner comme ie diray au chapitre de la corne desfolée.

*De la corne qui escume. Chapitre 129.*

**S**Ouuent par l'ignorance du mareschal les humeurs descendent aux pieds pource qu'il est malade d'infusion, comme il est dit cy-dessus. Remede: Si ceste infusion est nouuelle la faut ainsi guarir: il faut tant cauer avec le fer les extremittez de la corne par dehors, que la veine magistrale qui y descend se rompe, puis luy bailler vne attainte avec vne rosnette, & tirer du sang tant que le cheual soit debile: & en faut ainsi faire à tous les pieds qui clochent, si on voit qu'il soit necessaire: puis faut remplir la playe de sel menu & mettre dessus le sel des estoupes trempées en vinaigre, en sorte qu'elles ne se puissent separer de la playe & les laisser deux iours: cela fait tu guariras la playe avec poudre & galle, myrte & lentisque, en la renouellant deux fois le iour, & en lauuant la playe de vinaigre: & faut tousiours garder le cheual d'ordure & d'eau.



**L**es humeurs descendent aucunes fois sur les pieds des chevaux dedans la corne quand ils sont malades d'infusion, & qu'ils sont mal pensez dont le pied se dessole. Remede: Il faut du tout dessoler le pied qui cloche, à fin que tout le sang & les humeurs qui y estoient enfermez s'enacuent, puis faut couper la corne avec vne rosette par les extremittez tout autour, & arracher par force la sole ou sabot incisé, & apres faut laisser seigner l'ongle à plaisir: & quand le sang n'en sortira plus faut mettre vne estoupe trempée en aubins d'œufs dedans la playe, en liant tout le pied avec vn drapeau, & le laisser ainsi deux iours durant, puis apres lauer la playe avec du fort vinaigre aucunement chaud, & l'emplir de sel menu, & autant de tartre pilez ensemble en le liant avec vn drapeau, & y laisser cela trois iours: mais faut mettre dessus des estoupes trempées en fort vinaigre, puis apres luy lauer deux fois le iour la playe de vinaigre, & ietter dessus de la poudre de galle, myrte, lentisque ou tartre; car elles consolident la chair, & restraintent. Et faut faire ceste medecine iusques à ce que la chair soit consolidée, & la corne renouvellee en gardant tousiours le cheval d'ordure & d'eau. Autre vnguent pour cela mesme: mais il n'en faut vser sinon apres qu'on aura mis du sel & du tartre: Prends de l'encens, mastic poix greque & sang de dragon, & les melle avec cire neuue fondue, & autant de graisse de mouton, puis fais le tout bouillir ensemble, & en feras vn vnguent, duquel estat vn peu chaud, vseras à consolider la chair, & restraintre les humeurs: & notes que plusieurs sortes de maladies viennent aux pieds des chevaux dont il faut que le pied se dissolle: i'en ay dit le remede cy dessus. Et est à noter que pour augmenter & amollir toutes cornes, & pour les auoir plus aisées à ferrer & plus douces à couper, on peut faire l'emplastre qui s'ensuit: Prends de la mauue, apparitoire, souphre, graisse de mouton le tout bouilly ensemble en le mouuant fort & souuent: de ceste decoction toute chaude en enveloppe totalement la corne en renouvelant souuent l'emplastre.

*De la mutation de corne, quartier neuf, ou faux quartier.*



## Chapitre 131.

**P**Ar la negligence du mareschal aucunes fois aduient que les humeurs qui descendent aux pieds & sont enclos dedans y demeurent & s'y enuieillissent tant que par necessité elles separent la corne du pied, cherchant voye pour sortir, dont le cheual contraint la changer, & faire quartier neuf. Et aucunes fois la corne blessée laisse du tout le tuyau: & cela aduient par la grande fumosité & aigreur des humeurs qui descendent là: aucunes fois elle se diuise seulement, & nature luy aide si bien qu'il y reuiet vn quartier neuf qui se ioint à l'ancien. Remede: Il faut soudainement couper avec vne rosnette la vieille corne tout à l'entour par où elle se ioint avec la nouvelle, en sorte que la vieille qui est forte & dure ne presse point la rendre & nouvelle: puis près deux parties de graisse de mouton, le tiers de cire avec vn peu d'huile d'oliue, le tout bouilly ensemble iusques à ce qu'il deuienne en vnguēt, duquel oindras deux fois le iour ladicte corne nouvelle: lequel vnguēt est fort bon pour faire augmenter & renouueller toutes cornes en gardant que quelque ordure ou eau y touche: & faut cōtinuer ceste medecine iusques à ce que tout soit guarý, & la corne changée & renouuellée. Pour faire croistre la corne fais l'vnguēt duquel ie parleray au chap. ensuiuant de la sete ou setule qui commence ainsi: Prends vne liure de racines de cōsoude, vne & demie de racines d'hiebles, &c. Je ne parleray gueres de la medecine de la corne qui laisse le tuyau & se diuise, à fin de n'estre trop long, toutes fois on y trouue vn remede qui se fait ainsi: Prends de la poix greque, encens, mastic, boliarmeni, sang de dragon, galbanum, esgalement, c'est à dire autant de l'vn que de l'autre, le tout puluerisé ensemble, & fondu avec deux parties de graisse de mouton, & la tierce partie de cire en meslant tout ensemble, puis tremperas dedans ceste confection vn drap de lin qui soit bien fort, en feras vne maniere de botte ou foullet, & mettras dedans le pied du cheual en sorte que le pied soit au fons de ladicte botte ou bottine, & le mettras dehors deux fois le iour, & laueras la iambe avec fort vinaigre tiède, & remettras ladicte botte ou bottine en gardant que le tuyau ne frappe cōtre quelque chose dure. Et pource que le cheual a perdu la corne, il ne peut long



temps estre sur pieds, & luy faut faire liètiere de paille longue à fin qu'il repose, aussi luy seroit chose trop fascheuse s'il estoit tousiours couché: parquoy à fin qu'il se soustienne le faut ainsi accoustrer: Prends quatre aulnes de drap fort & gros chanure, ou pour le faire plus fort y coudras des sangles, & mettras ce drap en telle sorte sous le ventre du cheual qu'il le couure depuis le milieu du ventre iusques à la poitrine: puis apres attacheras ledit drap avec des cordes en haut à vn cheuron ou soliue, tellement que par lesdites cordes & drap, tout le corps du cheual soit supporté & soulagé, a fin que le cheual presse le moins qu'il pourra la terre du pied, & ainsi en aidât à nature, la corne pourra reuenir. Et note qu'en toutes les maladies qui engardent le cheual se soustenir sur les pieds, ce remede de drap ou cordes est bon. Item si les cornes sont dures & fortes apres le renouvellement y faut faire l'emplastre qui s'ensuit: Prends de la poudre de galle, & autant de fole farine, & les fais bouillir en fort vinaigre en meslant dedans vn peu de sel: & de l'emplastre que tu en feras faut enuveloper tout le pied du cheual en le renouvelant deux fois le iour.

*De la fete, setule ou foye.*

*Chapitre 132.*

**M**Aintenât faut parler d'une autre blessure de la corne laquelle s'appelle fete ou setule: & est vne espee de fistule qui viét en la corne, & la coupe par la moitié iusques au tuyau, aucunes fois de trauers: & la fente commence à la couronne du pied, & va du long en bas iusqu'à l'extremité du pied par laquelle sort aucunes fois du sang vis, & cecy procede de la blessure du tuyau qui est en la corne: quand ceste playe cōmence au tuyau & que le cheual est ieune, & qu'il a les cornes tendres, facilement se blesse, ou de frapper contre quelque lieu dur, ou autre chose dure dont souuent il cloché: laquelle maladie s'appelle fete ou setule. Remede: Il faut premierement chercher l'origine & le commencement de la setule vers le tuyau pres la couronne du pied entre le vis & le mort de la corne, & le couper avec rosette iusques à ce qu'elle seigne: puis prens vn serpent vis, & le coupe menu en iettant hors la teste, la queue & entrailles: & en feras bouillir les pieces en huile d'oliue, tellement qu'elles se dissoluent & acclaircissent, & les os se desseichent, & que tout deuienne



deuiene comme vnguent. Et de cest vnguent qu'on appelle vnguent de serpent estant chaud, en oindras la playe iusques à ce qu'elle soit toute mortifiée, & la corne renouuellée. Et ne faut qu'ordure ou eau touche au pied du cheual, ne qu'il mange herbes en sorte que ce soit. Item autre remede: Il faut couper la corne iusques au vis, & cauteriser la playe, ou mettre dessus de la poudre d'asphodilles pour mortifier, ou avec autres poudres qui sont bonnes contre le chancre, comme ie diray cy apres au chap. du chancre, qui est le cent septante vnième: puis feras vne mixtion de poudre d'encens, mastic, graisse de mouton, & cire, autant d'un que d'autre, le tout cuit ensemble: & l'vnguent fait, oindras la playe deux fois le iour, iusques à ce qu'elle soit consolidée, & la chair renouuellée & un peu plus haud, à fin qu'elle touche les pasturons touchant à l'ongle: Mais entre toutes les choses qu'auons dictes l'vnguent de serpent est meilleur. Et sçache que si tu coupe les serpens en grosses pieces, puis les embroche & rostis iusques à ce que la graisse commence à degouter, & si apres tu prens ceste graisse, & la iette toute chaude sur le polmō ou pomōcelle du dos, dōt r'ay parlé cy dessus, elle la destruit & guarit: il se faut aussi garder de laisser tōber de ceste graisse en quelque autre partie du corps. Autre remede: Premierement faut cauer la corne iusques au vis, toutes fois en sorte qu'elle ne saigne point puis auoir un fer rouge & chaud en ceste forme, tellement qu'il entre dedās la corne: & faudra **W** broyer de la racine de caprinelle bien lauée avec graisse & sel; & la mettre dessus iusques à ce que le cheual soit guarý: & ne faut de long-temps trauailler le cheual, à fin que la corne ne se conserme. Item un vnguent romphant est bon, qui est fait de chaux, saouē & chapiteau, comme il est dit cy dessus au chapitre des grappes, & faut faire comme r'ay dit en celieu là. Item l'vnguent qui sensuit est mout louable: Prens du sel armoniac, galbanum, serapin, poix greque, encens, mastic, du tout, deux onces: graisse de bouc ou de mouton franc, vne livre: cire blanche deux onces: huile d'oliue autant: le tout mis en un pot neuf & le remue fort avec un baston pour incorporer ensemble iusques à ce qu'il soit fondu: & faut oindre la playe deux fois le iour, & continuer iusques à ce que le cheual



soit guarý. Item autre remede: Il faut raire la place où est le  
 mal iusques au genouil, puis lier la veine qui descend en la cor-  
 ne & la seigner de ceste veine entre la corne & la chair, à fin que  
 toute ceste humeur violente sorte hors: cela fait la cauteriser,  
 & quatre ou cinq iours apres mettre dessus de la poudre de  
 ceruse ou d'airain bruslé, & faut fondre dedans la fiente de la  
 corse du lapidanum, storax, ou colofonie, pour restraindre les  
 humeurs. Item autre remede: Il faut cauer la corne iusques au  
 commencement de la maladie, & la piquer si auant que l'ordure  
 sorte, puis mettre dessus de ceste poudre de ceruse & airain brus-  
 lé, & y adioustant de la poudre de arsenic: & quand la corne cō-  
 mencera à reuenir, faudra lauer le pied du cheval en lie de bon  
 vin. Item vn autre remede: La graisse de bouc avec fumeterre &  
 flammule fondue & mise trois ou quatre fois dedans la playe,  
 l'espace de trois ou quatre iours, deux fois le iour: & cecy est ex-  
 perimenté. Item la poudre de noix de galle, de noyaux de da-  
 tes, & ceruse destrempée en cire fonduë. Item autremēt: Pile de  
 la racine de caprinelle, & racine de taxus barbatus, autant d'vn  
 que d'autre avec vieil oingt de pore, & les mets dessus la playe,  
 & que le cheval ne sorte hors la maison. Item fais fondre dessus  
 du lard chaud, iusques à ce que le lieu deuienne blanc, puis caue  
 la corne iusques à ce qu'il saigne, & il sera tost guarý. Item tudiois  
 sçauoir que si ceste maladie est enuieillie, elle est tres-dangereuse  
 & quasi incurable. Note aussi que quād vn chācre ou fistule viēt  
 au cheu, on le peut guarir par les remedes dessusdits. Itē prens  
 la grosseur d'vne noisette de sel gemme, qui soit quarré cōme vn  
 tapon, puis mets du sel gemme pilé dedans de l'huile d'olifue, &  
 le fais bouillir sur les charbons: apres prens le sel ainsi quarré &  
 fait en tapon, & l'enveloppe en vn drapeau de lin bien delié, &  
 l'attache bien au bout d'vn baston, puis mets ce tapon de sel  
 gemme en ceste huile bouillante, & le laisse autant dedans que  
 lon seroit à dire vne patenostre: puis le mets sur la playe par  
 trente fois, en descendant depuis le haut de la playe iusques en  
 bas, & à chacune pause tiens le iusques à ce qu'il commence à  
 se refroidir, puis feras vnguent à renoueller la corne: & ne faut  
 mener le cheval hors, tāt qu'elle soit reuenue de deux doigts, &  
 sans esclat, ou bien feras l'vnguent dessusdit, qui se fait de raci-  
 ne de caprinelle, cyclame & plusieurs autres drogues contenues



cy deffous, duquel l'oindras apres que le sel gēmeyaura passé, & sans faute il guarira, car c'est chose approuuée: & nonobstant ne faut tenir le cheual en l'estable. Item vne autre experience de plus grande efficace que les susdits: Prends tant que voudras de sel tartre, & le mets en huile d'oliue, & le fais fort bouillir: puis le feras degoutter dessus avec vn baston & vne piece de drap, cōme as fait du sel gemme, en descendant du commencement iusques à la fin: car le sel tartre est trefutil, & entre mieux iusques aux racines de la maladie. Apres pour faire reuenir la corne, fais vn des vnguens cy apres declarez, le mets dessus: Sel armoniac, galbanū, serapin, poix greque, encens, mastic, graisse de bouc ou de mouton, & cire blāche. Item vn autre qui guarira le cheual sans garder l'estable que l'espace de quinze iours: & le pourra l'on cheuaucher, moyennant qu'on ne le fasse sauter ou courir: Prends du ius de racine de caprinelle, cyclame ou pain de pourceau, & plātain, de chacun demie once, vieil oingt vne once, sang de dragon, huile camomille, terebentine, beurre, dialthée, de chacun demie once, cire blanche, autāt graisse de bouc ou de mouton, demie liure, huile d'oliue, autāt: le tout bien fondu & incorporé ensemble sur le feu, puis faut ietter le ius susdit dessus, & le sang de dragon mis en poudre, tout bien mēlé: & faut mettre cest vnguent sur l'ouuerture de la corne, en le renouuellant deux fois le iour, & tu pourras quinze iours apres cheuaucher le cheual sans le faire courir, & neantmoins il faut tous les iours soir & matin froter la corne du cheual, iusques à ce qu'elle soit solide & sans fente. Autre remede: Prés vne once de ius de cyclame, autant d'huile de camomille: demie once de sang de dragon, deux de dialthée, vne huile d'huile d'oliue, vne de terebentine, six de suif de mouton franc: vne de cire blanche: & de tout fais l'vnguent, duquel oindras la playe & le pied du cheual entre la courōne & la corne au matin & au soir, & faut cōtinuer cela l'espace de quatre mois, & nonobstant pourras cheuaucher tous les iours sans le faire sauter ou courir. Itē pourras vser de l'vnguet duquel ay parlē au chap. des creuaces de trauers qui est fait de terebentine, cire blanche vierge, gomme de sapin, ius de betoine, cōme il y est declaré. Aucūs guarissēt ceste playe en telle maniere. Premieremēt ils la cautent & creusent avec vne



rosnette en sorte qu'elle ne seigne point, & ostent toute l'ordure qui est en ces fentes & ouuertures : & font apres bouillir de la poudre de sel gomme en huile d'oliue dedans vne cuillier de fer, puis iettent doucement l'huile bouillante dedans la playe, depuis la couronne du pied où la playe a commencé iusques au bas : cela fait, oingts le pied, toute la couronne & la corne vne fois le iour de l'vnguēt qui s'en suit, qui fait croistre la corne, & la garde de rompre : Prends vne liure de racines de consoude : vne liure & demie de racines d'hiebles, laue les fort, & les hache menu, en les pilant vn peu : puis prens vne liure de graisse de bouc ou de mouton, autant d'huile d'oliue, demie liure de vieil oingt de porc : le tout bouilly en vin iusques à la consōmation dudit vin : en apres fais tout couler, & presse fort les racines : puis prēs quatre onces de terebentine, huit de mastic, autāt de sang de dragō, vne once & demie de racleures de pin blanc, serapin, galbanum, sel armoniac, oppopanace ou ius de panace ou heraclee, encens blāc ou oliban, de chacun vne once : trois onces de poix de nauire : deux onces de miel : deux onces de cire enhyuer, & trois onces en Esté : le tout broyé ensemble, & puluerise ce qu'il faut pulueriser, puis en fais vnguent pour oindre le pied du cheual, & dedans huit iours la corne croistra & sera saine comme deuant. Cependant ne faut que le cheual sorte de l'estable : faut aussi qu'il y ait tousiours vne piece dessus la playe, à fin qu'il n'y entre ordure, & continuer cela iusques à ce qu'on voye la corne saine de la longueur d'vn demy doigt ou ponce. Et quand la corne sera ainsi saine, lors entre la playe & la corne qui descend, faut faire avec vne rosnette vne ouuerture ou fente de trauiers, de la mesure d'vn demy ponce ou plus, & la plus estroite que lon pourra, & si profonde que lon trouue la corne saine dessous. Puis quand il faudra ferrer le cheual qui a ceste playe, faut plus oster de la corne où est ceste playe, que des autres, & leuer le fer plus haut, à fin qu'il ne touche à la nouuelle corne, & qu'elle ne soit foulée ou blessée : cela fait, tu pourras cheuaucher le cheual, pourueu que tu ne le fasses sauter ne courir. Si la corne est trop dure, en sorte qu'on ne la puisse cauer, ou que le cheual soit impatient, il faut faire cest vnguent pour le molifier : Prends deux parties de chaux viue, vne partie de saun, & au-



tant de chapiteau, que tout soit assez espais pour faire vnguent, & le mets avec estoupes sur le lieu que tu veux amolir, & l'y attache: mais garde bien qu'il touche autre chose que la corne, pource qu'il rongeroit & feroit des playes à la chair, & à la couronne du pied: & l'y faut laisser quatre ou cinq heures, & le lieu sera si bien amolli, que tu en pourras arracher avec les ongles. Si tu ne peux auoir de chapiteau, prens de la leciue au lieu: mais il faut que l'vnguent fait de leciue soit plus long-temps dessus, que celuy de chapiteau.

*Du maudit au pied.*

*Chapitre 133.*

**Q** Vant vn cheual a le maudit au pied, y faut faire le remede qui s'ensuit. Prens deux parties de sauge, & vne de lard, & les broye ensemble, puis les mets dessus, & il ne faudra point à se guarir.

*D'un autre mal au pied.*

*Chapitre 134.*

**S** I le cheual a mal au pied & que ce mal se retire iusques à la couronne & qu'il sifile: Premièrement faut ôter le poil & bien descourrir le lieu, puis mettre dessus de la farine bien meslée en graisse, & cuistee ensemble, & que cela soit fait par deux iours: en le renouuellant deux fois le iour, puis mets dessus de la chaux viue meslée avec saumon & graisse: & faut continuer cela par trois iours, en le renouuellant deux fois le iour, comme dessus est dit: apres l'aueras le mal de vinaigre chaud, & mettras dessus de l'herbe nommée caprinelle, iusques à ce qu'il soit guarý.

*Quand le cheual sent douleur au pied après auoir trauaillé.*

*Chapitre 135.*

**Q** Vant le cheual sent douleur au pied à cause de trop grand trauail, regarde bien à la corne d'où peut venir son mal ou douleur: & quand tu l'auras trouué, cauterise le avec vn fer chaud, puis faut faire fondre de la cire, graisse, & poix ensemble, & l'appliquer dessus.

*De ragiature ou flux de ventre.*

*Chapitre 136.*

**A** Vcunes fois le cheual a vne maladie qui gorgouille en son ventre & entrailles, & est contrainct de fienter cler comme eau: cela vient souuent par faute de digestion, ou de trop manger



& qu'on le cheuauche auant qu'il ait digéré sa viande, ou qu'il a trop tost beu apres son auoine: Ité pource qu'il a trop tost couru apres auoir beu: Ité à cause qu'il a le corps enflé & fort douloureux. Par lequel flux de vêtre le cheual est tât affoibly & debilité qu'il ne se peut soustenir: & ceste maladie s'appelle vulgairement foire, diffenterie, ou ragiature. Remede: Quand tu verras que le cheual iettera par le fondement vne fois ou deux de l'eau claire & indigeste, comme orge & auoine non digeree, oste luy incontinent la bride & la selle, & le laisse aller paistre à son plaisir sans l'oster de là auant qu'il soit constipé & reserré, car le mouuement du corps excite le ventre & les entrailles. Il le faut donc faire paistre en vn pré, pour y manger des ieunes herbes & tendres, lesquelles luy profitent beaucoup pource qu'elles sont de facile digestion, & sont bônes à l'estomac debilité par l'orge ou aupine qu'il auoit mägé: Et le faut garder de boire le plus qu'on pourra, car cela luy augmenteroit sa maladie: & faut continuer cela iusques à ce qu'il soit guarý. Item autre remede: Si ceste maladie vient de trop manger, & de superfluité, ne luy faut bailler qu'vn peu d'auoine, & choses legeres, comme froment, cancabre, & choses semblables: & luy faut bailler à boire eau tiede meslée avec farine. Item fais luy vne suffumigation d'arsenic & encens meslez ensemble. Si ceste maladie vient par l'abondance des humeurs colleriques & furieuses, elle sera incurable, & est grand signe de mort, & on le cognoist quand il perd l'appetit. Et si en ceste maladie aduient que le cheual se fonde & descheue du tout, fais comme ie te diray cy deffouz au chapitre de l'infusion. Item autre remede: Il le faut cauteriser au nombril & tout autour, & il guarira.

*De l'infusion.**Chapitre 137.*

**V**Ne autre maladie aduient aux cheuaux de trop mäger ou boire, ou de trop trauailler, ou d'endurer grande douleur, & à ceste cause les humeurs eschauffées & fondues descendent sur les iambes & cornes, dont le cheual est contraint de clocher d'vn pied, de deux ou de tous, & en allant il remue pesamment les iambes, & ne se peut facilement destourner. Cela viét de trop manger, car le sang & les humeurs ne sont augmêtez. Par trauailler pareillement, pource que le labour les dissout, dont par ces



deux moyens, si on n'y met remede elle s'engendre & descend sur les pieds : & s'appelle vulgairement infusion. Remede: Si le cheual est gras & de bon aage, luy faut bailler à boyre tant qu'il voudra, puis le saigner des deux veines accoustumées qui sont sous les temples, tant qu'il en deuienne debile, à fin que les humeurs qui sont desia descēdues sur les iambes se retirent: puis soudain le faut mettre en eau froide & courāte iusques au vētre, & l'y tenir long tēps, & ne luy bailler à boire ny à māger, iusques à ce qu'il soit guarý. Et si le cheual est maigre ou ieune, ne le faut abbreuuer deuant comme i'ay dit, mais luy faut esleuer la teste haute avec la bride, tellemēt qu'il est de le col & la teste en l'air, puis faudra mettre sous les pieds des pierres rondes, & grosses comme le poin, au lieu de litiere : tellement qu'il soit du tout dessus ces pierres & que par continuelle oppression des pierres il soit tousiours remuant les pieds & iambes dont les nerfs pelās par les humeurs descendues, chasseront leur pesanteur, & vne partie desdites humeurs se consommera : & pource que les parties superieures sont desia euacuées par la seignee, & par l'abstinence & ieusne, il n'y aura aucune repletion. Et faut couvrir le cheual d'un drap, & le garder de manger, qu'il ne soit au soleil & faut ainsi faire iusques à ce qu'il soit guarý. Et sçache que ceste maladie ne nuit gueres aux ieunes cheuaux, ains leur profite: car par les humeurs qui descendent là, les iambes s'engrossissent. Item vn autre remede: Fais cuire de l'orge en eau & feras deferrer les quatre pieds du cheual, & luy mettras ladite orge chaude avec vne piece de drap, laquelle attacheras bien dedans lesdits quatre pieds, & luy laisse manger de ceste orge à son plaisir. Item aucuns trempent du pain en fort vinaigre, & le font manger au cheual, les autres lauent fort le cheual en eau froide, puis le cheuauchent tant qu'il soit tout en eau, puis le font saigner des deux iambes. Maistre Maurus guarit ceste maladie en ceste maniere: Car il dit qu'elle vient aucunes fois de repletion ou de trop manger, ou qu'apres qu'il a trauaillé on le laisse refroidir à l'air & au vent, aucunes fois apres qu'il a eu son auoine on le meine abbreuuer, car lors les humeurs descendent en bas, & occupent ceste partie inferieure, ou pource qu'elles sont fondues par chaleur, ou par la grāde quātité des humeurs.



88  
Mais on me pourra icy demander vne question, veu que ceste maladie vient d'abondance & dissolution d'humeurs, pourquoy elle ne tombe aussi bien sur les pieds de derriere, par sur ceux de deuant; Le respons que cela peut aduenir que la chaleur du cœur qui domine en ces parties-là, & des humeurs qui en sont prochaines. Et les humeurs qui sont sur le derriere, pource qu'elles sont en petite quantité, ou pource qu'elles sont trop loing de la chair naturelle, ne se peuent dissoudre: donc ceste passion ne s'engendre si tost derriere que deuant. Les signes pour cognoistre ceste maladie sont ceux-cy: Le cheual est pesant en tout le corps, il marche à grand peine, tellemēt qu'il ne peut remuer le derriere: & si il marche, il semble qu'il marche sur du feu. Itē il tient les iambes larges. Remede: Si ceste maladie luy est venue de trop manger, sur tout, le faut garder de boire & manger: puis le feras seigner de la veine du col, ou de celle des iambes de deuant, & de toutes deux sous les genouils iusques à defaillance, & qu'il n'en puisse plus: & le pourras mener en quelque lieu frais, ou bien en l'eau iusques au ventre tous les matins. Item à cela mesme, prens de la poudre de racine de reffort ou saux, & luy souffle dedans les narines par dedans vne canne, puis le fais promener fort, & il guarira.

*Du mal de moro.*

*Chapitre 138.*

Pource qu'on ne scauroit guarir toutes les maladies naturelles, ie suis cōtraint de laisser les incurables: car d'en parler n'y auroit point de profit. Il est plus vtile parler de celles qu'on peut guarir: maintenant donc ie parleray du mal appellé moro ou sel-se. Ie dy que c'est vne superfluité de chair qui vient cōme grains dedans la iambe ou autres parties du corps, qui est engendrée de superfluité & corruption de matiere, qui fait ceste grosseur sans cuir ne poil, de la grandeur d'vne moifette, aucunes fois plus grande, & aucunes fois moindre. Remede: Il faut coupper ceste superfluité de chair, tellemēt qu'elle soit égale à la peau, & qu'elle ne surmonte point: apres, si ce n'est vn lieu plain de nerfs, il faut fort cauteriser la place avec fer chaud: mais si le lieu est nerveux, faut faire poudre de realgar, & en mettre dessus peu ou beaucoup, ainsi qu'on verra estre expedient: car le realgar mäge comme le feu. Et quand toute l'origine du mal sera destruite, faut



faut mettre dedans le pertuis & dessus des estoupes trempées en aubins d'œufs iusques à trois iours, en muant seulement vne fois le iour: apres pour consolider soudain la playe, prens de la chaux viue, & autant de miel, le tout assemble en maniere de paste & cuit dedans le feu tant qu'il soit rouge, & en fais de la poudre, & en mets en la playe avec des estoupes hachées bien menu, en renouuellant deux fois le iour: mais il faut premiere-ment lauer la playe de quelque vin fort & chaud. Et si tu n'as du realgar, prens quatre onces de chaux, autant de tartre, deux onces d'orpin, autant de verd de gris, le tout mis ensemble en poudre subtile, & en mets dedans la playe trois ou quatre fois, iusques à ce que tout le mal soit consommé: mais auant qu'y mettre la poudre faut tousiours lauer la playe de vinaigre: laquelle poudre n'est si violente que celle de realgar, toutes-fois il faut sçauoir que iamais le poil ne reuiet gueres en ce lieu.

*Des glandes & escrouelles. Chapitre 139.*

**G**landes & escrouelles viennent de matiere corrompue qui se ramasse en vn lieu entre le cuir & la chair. Remede: Il faut couper le cuir de dessus en long & tirer hors la glâde avec les mains, & la descharner avec les ongles: ou autremēt quand le cuir sera couppe, iette dessus de la poudre de realgar bien menue, ou mets le cautere & fer chaud dedans. Item à cela mesme fais la cure mise cy dessus au chapitre des esperuains, qui se commence ainsi: Prens de la racine, &c. Et y adioustant seulement deux ou trois fois des pois chiches pilez bien menu, puis mettre de la poix dessus, & l'y laisser iusques à ce qu'elle tombe de soy. Item pour oster les escrouelles sans fer, il faut confire des cantharides & fient de pigeons avec du vinaigre, puis raire le poil sur le lieu où elles sont, & y mettre ceste confection en forme d'emplastre, & la lier dessus: ou couper le cuir comme i'ay dict, & jetter dessus de la poudre de chaux viue, tartre, orpin, & verd de gris, comme i'ay dict au precedent chapitre: & cōtinuer cela iusques à la cōsolidation de la chair, cōme i'ay dit en ce lieu. Et si par incision ou excarnation de quelque veine ou artere il en sort trop grand abondance de sang, il faut faire comme ie diray cy apres au chapitre du ver nommé Anticor: tou-



tesfois c'est le plus seur d'oster ces glandes & escrouelles avec les poudres susdites, que d'y faire incision, extraction, ou excoriation, principalement quand elles sont pres des veines & nerfs.

*Du mal du fic ou froncele, qui vient ailleurs qu'en la sole du pied du cheual.*

*Chapitre 140.*

**L**E mal du fic ou froncele est vne enfleure molle, rouge & noire sans poil, hors le cuir, au moins dans le cuir & la petite peau de dessus. Remede: Prends vn fil de soye, & vn poil de la queue d'vn ieune cheual qui n'ait iamais failly & les faut tordre ensemble, puis en lier fort le mal pres du cuir sain, & qui n'est maleficié, & l'estraindre fort en sorte que le froncele & fic tombe de luy mesme. Et s'il reuient encores le faut couper avec le fil puis faut mettre de l'argille tout autour ou ietter du miel bien chaud dedans & faire ainsi deux ou trois fois, apres faut bien lier dessus de la fiente d'homme ou d'oye. Et si la bosse ou enfleure apparroist en la teste ou en la iambe, où à cause qu'elle sera trop petite ou trop large on ne pourra l'estraindre avec le fil, lors tu prendras vn morceau de cuir & feras vn pertuis au milieu, & le mettras dessus la bosse, afin que le cuir qui est sain ne soit brullé, puis feras des tortis de marrube verd, & en feras fort chauffer vn sur vne tuile chaude, & quand il sera chaud le mettras dessus & presseras fort: & quand il sera refroidy y en faudra mettre vn autre ainsi chaud: & continuer cela iusques à ce que la bosse semble estre noire par le pertuis du cuir: & si tu la vois noire c'est signe de guarison. Item pour le fic, & est approuuée: scarifie fort le lieu, puis prends verd de gris & chaux viue, & mets tout en poudre & le mesle ensemble, puis l'applique sur le lieu.

*Du cheual elanguy & scalmat.*

*Chapitre 141.*

**S**Ouuent aduiét au cheual vne maladie qui luy amaigrit tout le corps, desseiche les parties interieures, & qui fait sentir la fiente du cheual comme celle d'vn homme ou plus fort, de laquelle s'engendrent aucunesfois de petits vers rouges ou blancs, & à ceste cause le cheual ne se peut engraisser ne remettre en chair. Cela vient d'estre trop maigre & d'auoir trop ieusné, ou de trop grande chaleur du corps & du foye, dont il est quasi



consommé, & aucunes fois la fièvre y suruient: laquelle maladie s'appelle scalmature, & le cheual elanguy & etique. Les signes pour cognoistre ceste maladie sont ceux-cy: Les extremités des membres sont chaudes, le corps du cheual s'amaigrit & diminue, il deuiet pesant à cheminer & a tousiours soif. Remede: Il luy faut bailler choses froides & humides modérément pour chasser la seicheresse interieure qui a long-temps esté dedans, à fin de ramoistir & rafraischir tout le corps: & pource luy feras vne decoction des choses suyuantés: Prends des violettes, apparitoire, branche vrsine, chicorée ou scariole, pimpernelle, letuues, pourpier, autant d'un que d'autre, le tout cuit ensemble, & un peu de farine d'orge pure & du safran dedans: quand le tout sera cuit le faut couler par dedans vne estamine, puis faut faire dissoudre en ceste eau de la casse & du beurre en bone quantité autant d'un que d'autre, apres le tout mettre dedans le fondemét du cheual assez chaud en forme d'un clistere, & faudra faire par tout comme ie te diray cy apres au chap. de trop manger, excepté qu'il faut tenir ceste eau au ventre du cheual le plus que l'on pourra: car elle rafraischit les boyaux. Dauantage tu luy feras un breuage de moyeux d'œufs, safran, huile violat, & bon vin tout broyé ensemble, & mis avec vne corne dedans la gueule deux ou trois fois la corne pleine, comme ie diray au chapitre du cheual poussif. Autre remede: Mets le cheual patiét tout seul en vne estable par deux ou trois iours, sans luy bailler à boire ny à manger, puis luy baille des lardons de bœuf ou de pourceau salé à manger tant qu'il voudra, car lors à cause de la faim, & de la saluie qu'il sentira, en mangera volontiers. Et ce pendant qu'il mangera donne luy à boire de l'eau chaude, où il y ait de la farine d'orge competamment: en apres le faut un peu cheuaücher iusques à ce qu'il ierte tout ce qu'il a mangé. Et ce-la fait, & que le ventre & les entrailles seront bien euacuées avec un des medicaments susdits, on le peut remettre en son premier estat. Entre toutes choses qui luy sont bonnes, c'est le meilleur qu'il ne mange que du froment bien net avec un peu de sel & lard, puis apres seiché au soleil ou autre part à la quantité de trois poignées, & luy en faut bailler deux fois le iour auant qu'il boye. Ce froment nourrit & refait le corps, parquoy le cheual



sera incontinent gras. Item autre remede : Fais le saigner vn peu de l'aine du col, puis le mets en vn lieu moienement froid, & luy baille competamment de l'auoine ou froment, & d'heure en heure luy feras manger des herbes sur lesquelles sera tombée la rosée de nuict, & dauantage le feras saigner souuent & par interuales, & en tirer tousiours bien peu. Et si tu regardes le sang en quelque vaisseau, il semblera quasi iaune, & le meine soir & matin en vn lieu où il y ait herbe pour paistre, à fin que sa nature aucunement reconfortée, rameine la chaleur tēperée comme deuant. Aucunesfois ceste maladie est incurable, & on la cognoist principalement quand les crins & poil commencent à tomber. Item pour cela mesme il est fort profitable de bailler aux cheuaux des fucilles vertes de saux, ou de cannes. Item est bon leur bailler du seigle à manger qui ne soit gueres cuit, & apres desseiché: car sur tout il restaure le cheual, & fait mourir les vers qu'il a au corps.

*D'un cheual poussif. Chapitre 142.*

**A**duient vne maladie aux cheuaux és canaux du poulmō, qui les oppile & leur empesche tellement l'estomac, qu'ils ne peuuent auoir leur aleine, dont ils ont vne grande & continue suffocation au nez, & leurs flancs poussent tousiours. Et cela aduient aux cheuaux gras & replets par soudain & grād labour qui dissout les humeurs pres du poulmon, & empesche ses conduits, dont il ne peut respirer. Ceste maladie s'appelle pouosse, & est vne espeece d'alcine : & vient d'humeur qui aggraue la substance du poulmon, dōt il ne peut souffler, & tout le corps en deuient pesant, le vent se retient dedans les entrailles, & cause ceste pouosse. Aucunesfois aussi ceste maladie vient quand apres que le cheual a fort couru, ou grandement trauaillé, on luy fait boire de l'eau froide, en quoy les palefreniers qui en ont la charge, faillent beaucoup : car ils les font fort courir auant que les abbeuuer, à fin qu'ils en boient dauantage. La cure & remede est fort difficile, principalement si la maladie est enuicillie. Et par ce qu'elle est causée de graisse & humeurs qui se dissoudent aux conduits du poulmon, il la faut guarir par medecines chaudes, pour fondre ceste graisse coagulée dedans les conduits. Et premierement feras ce breuuage: Prens trois onces de girofle,



autant de muscade, gingembre, galange, cardamome autant, camomille, semence de foin, comin plus vn peu que des autres, le tout puluerisé & battu avec vin blanc, & destrempé avec vn peu de safran, puis y mets des moyeux d'œufs autāt que de chacune sorte desusdictē, & broye tout ensemble, & que le breuuage soit tāt liquide, qu'il soit facile à aualler, puis il faut leuer haut la teste du cheual, & luy jetter dedans avec la corne, en sorte qu'il l'aualle, & qu'il ait la teste ainsi haute vne heure durant, à fin que le breuuage puisse descēdre: apres le faut promener doucement, à fin qu'il s'incorpore dedans, & qu'il ne le puisse vomir, & qu'il ne broye ne mäge l'espace d'vn iour & d'vne nuit, à fin que la vertu du breuuage ne soit empeschée. Au second iour qu'il mange des herbes tendres, & fucilles de cannes ou faux, ou autres choses tēdres qu'on pourra auoir, à fin que par la froidure des herbes la chaleur dudit breuuage soit temperée. Et ie dy que si on adioustoit audit breuuage du regalice ou de son ius, elle en vaudroit mieux: car elle purgeroit le poulmon, & tempereroit la chaleur des autres choses. Autre breuuage merueilleux à vn cheual pouffif: Prends du capilli veneris, ireos, fresne, regalice, senegrin, passules ou raisins de cabas, autāt d'vn que d'autre vne once & demie, cardamome, poiure, amēdes, ameres, baurach deux onces, semence d'orties, & aristolochie ou saurafine deux onces, & en fais decoction, en y adioustant vne demie once d'agaric, & chair de coloquinte deux onces, le tout dissout & battu en miel à la quantité de deux liures: & luy baille ce breuuage avec la corne à deux ou trois fois le plus, selon que tu verras estre expedient. Et si tu vois qu'il soit trop dur, adiouste y de l'eau où lon aura cuit de regalice: & faut faire cela quand la maladie est nouuelle: mais si elle est vieille & enracinée, à grand peine le peut on guarir, toutesfois on fait quelques remedes en ceste sorte: Il faut cauteriser les flancs des deux costez en faisant deux lignes en façon de croix, à fin que le feu face diminuer la pousse des hanches, puis faut couper & fendre les narines, à fin qu'il aspire plus facilement: par ces remedes & d'autres (si la nature du cheual est assez forte) il sera guari. Item vn autre remede: Baille premieremēt au cheual par trois iours vn peu de froment bouilly, & à boire tant qu'il voudra de bon vin doux qui n'ait



encores bouilly, & le laisse en lieu serain & froid, en luy baillant vn peu d'herbes, cela est bon aussi pour guarir la toux seiche. Et si tu n'as pas de vin doux baille luy du vin fort & bon, avec vn peu d'eau de la decoction de regualice. Item autre remede: Tu le feras saigner des veines des deux iambes de deuât par le deuât, & opposeras des cauterres aux hâches des deux costez sous la poiëtrine en y mettant des tentes avec du saumon que tu changeras tous les iours par trois fois, à fin que les humeurs descendent: puis prens du marrube & de l'aluyne pour mesler avec du fourrage ou herbes nouuelles, & en tire le ius, & luy fais boire avec la corne & le faut garder de froid, & de choses oppilatiues. Tu le pourras aussi mettre en lieu chaud & le tormenter vn peu, luy faisant emplastres de lierre & rue, pour luy mettre sur les deux flans en luy baillant à manger herbes durtiques meslées avec herbes nouuelles: & avec toutes ces choses luy faut fort prouoquer l'vrine, car la ventosité s'en va avec icelle. Item vn autre remede: Prens vn serpent & luy coupe la teste & la queue, & luy oste les entrailles, & fais bouillir le reste en eau de riuier ou autre, iusques à ce que la chair dudit serpent se separe de l'os, puis iette l'espine ou l'os: & mesles avec l'eau & chair de serpent ainsi cuitte de la farine de froment ou d'auoine ou autre chose, & baille au cheual à manger le tout ensemble ou en breuuage, sans luy bailler autre chose iusques à ce qu'il ait beu toute la decoction, & luy faut mesler la chair avec l'auoyne qu'on luy baille à manger. Et doit en ceste sorte mâger trois ou quatre serpens, & discontinuant quelques iours, comme de trois en trois iours, laquelle medecine est bonne pour guarir vn cheual clanguy ou scalmat, ou qui a la toux seiche, & à celui qui iette des vers avec sa fiente, qui est vne maladie mortelle.

*D'un cheual infustic, ou courbattu.*

*Chapitre 143.*

**I**L aduient aussi vne maladie au cheual qui luy retire cōtinuellement les nerfs, & luy fait vne grande douleur par tout le corps, & engendre vne si grosse enflure que la peau est si fort estendue sur la chair qu'on ne la peut prendre avec les ongles ne pinser, & le cheual en est fort pesant à marcher, & pleure aucu-



nesfois. Laquelle maladie vient quand le cheual a esté eschauffé excessiuement, puis on l'a mis en vn lieu froid & venteux, & ainsi le vent est entré par les porres ouuers: car par la chaleur les porres s'ouurent & se fait cōtraction de nerfs qui empesche le cheual d'aller: & tel cheual s'appelle infustic, ou courbattu. Remede: Premièrement faut mettre le cheual ainsi malade en lieu chaud, puis mettre sous son ventre des gres chauds ou tuiles ardâtes, & auoir vn drap plus long & l'arge que le cheual, & le chauffer fort & le faire tenir dessus le dos du cheual par deux hōmes ça & là, en sorte que le milieu du drap soit sur le dos dudit cheual: & faut aussi petit à petit ietter de l'eau sur lesdits gres & tuiles chaudes, à fin que la fumée soit par tout le corps du cheual iusques à ce qu'il sue de tous costez: & apres qu'il aura bien sué le faudra tout envelopper de ce drap, & le sangler mieux que tu pourras: & le laisser ainsi tant que la sueur soit seichée: puis faudra frotter & oindre ses iambes de beurre ou dialthée, ou d'huile d'oline competammēt chaude: ou qu'on luy face ceste decoction: Prés de la paille de fromēt, cēdres, teste d'aux & mauues, le tout cuit ensemble, & de ceste decoction tāt chaude qu'il pourra souffrir, on luy en lauera les iambes, spalaces & nerfs souuētes fois, & par tout sans luy oster nullement l'huile chaude: & luy fera on manger viandes chaudes iusques à ce qu'il soit guarý.

*Du ver du chenai ou escrouelles.*

*Chapitre 144.*

**L**E ver est vne maladie qui commence à la poiētrine du cheual, & passe entre les cuisses iusques aux couillons, & ensle les iambes, & y fait plusieurs playes creuses: laquelle maladie procede de mauuaises humeurs superflues & chaudes ramassées ensemble de long temps, & se retirent dedans des glandes que tous les cheuaux ont entre les deux parties de la poiētrine pres du cœur, & entre les cuisses pres des couillons: & se retirent là, à cause de la douleur qui y est, car elles se retirent tousiours aux parties dolentes, & y sont receuēs ou par le grand labeur qui les reslout, ou par trop longue residence & abondance d'humeurs pourries, car toutes glandes sont spongieuses & attirent fort: parquoy elles senflent, & la poiētrine aussi, puis à cause de la putrefactiō il sy amasse grande abondance d'humeurs qui descen-



dent & prennent cours aux jambes & les enflent, & sy font des playes qui jettent grosse ordure: & si on n'y remédie, y a danger que toute l'humidité du corps sorte par là. Et pource que ceste maladie viét en diuers lieux, elle a diuers noms, mais nous commencerons à celle des jambes: car c'est la plus apparente, & aduiuent plus souuent. Maistre Maurus dict qu'aucuns l'appellent goutte, les autres le ver: car elle perce la chair comme vn ver, court & macule tout, & l'ordure sort par les pertuis qu'elle fait. Elle occupe aucunes fois seulement les jambes de deuât du cheual, & aucunes fois tout le corps: & lors n'y faut que la seignée pour y remédier. Ceste maladie aduiuent pour deux raisons, c'est à sçauoir qu'apres le long & grand trauail, le cheual demeure long temps en repos sans estre saigné, dont les humeurs qui auoient de coustume de se uaporer & consommer par sueur & exercice, sont retenus là dedans multipliées & corrompuës, & veu que les maschoires sont en continuel mouuement, par la chaleur d'icelles les humeurs se dissoluent & coulent entour la veine organique, & se conseruent & detiennent en la poitrine, & s'en engendre quelque chair dure & comme pourrie, qui corrompt toutes les humeurs qui passent par là, & y prend encores plus grande ordure, & court en bas, & corrompt par son ordure les parties par où elle passe, & par l'abondance de ladicte humidité les jambes s'enflent, & les playes apparoissent quasi iauunes & coleriques, & s'ont espaisies. Remede: Quand ces glâdes s'enflent ou s'augmentent, il faut saigner le cheual de la veine du col accoustumée, qui est entre le col de la teste & les deux veines accoustumées des deux costez de la poitrine, tât qu'il soit debile du cœur, à fin que les humeurs sortent, puis mettras des setons ou liens en la poitrine ou aux cuisses, à fin que par leur agitation elles sortent encores plus fort, & pour ce que les liens ou setons preparent le chemin aux humeurs ja esbranlées, luy font bien peu ou point d'offense: (car c'est chose certaine que les humeurs se retirēt au lieu dolent) parquoy s'en suit qu'à cause de l'incision & agitation du seton faicte au lieu dolent & debile, les humeurs qui coulent aux cuisses sortent entierement au long de ces trous où sont les liens ou setons, tellemēt que les humeurs ne peuuent descendre aux jambes & leur causer enflure comme il a esté dit.

Faut



Faut aussi entendre qu'il ne faut tout à l'instant agiter ou remuer les setôs qui sont apposez, mais faut attêdre iusques à deux iours apres : puis apres faudra les remuer soir & matin tous les iours, & pour mieux faire faut promener le cheval le petit pas, montât aucunes fois vn peu dessus, à fin que les humeurs à cause du labeur temperé se dissoluent & descendent plus facilement au lieu dolent & ouuert : & que deux garçons puis apres remuent en tirant ce seton ou lien tant qu'ils s'en lassent, & ne faut le reste du iour aucunement le trauailler, & qu'on regarde qu'il ne mange herbe ny foin à cause de leur humidité, & de ce qu'on luy baillera à manger que soit peu & seulement pour conseruer sa vertu : car par trop manger ces vers en augmentent plustost. Aussi qu'on le tienne en lieux frais pour le reposer, à fin que par trop grande chaleur la cicatrice ne luy face douleur, & que par cela il n'en deuienne plus facheux. Mais pour tout cela ceste glande ou ver ne diminue & qu'il y ait abondance d'humeurs qui enflent les iambes excessiuement, lors faudra arracher ceste glande ou ver entierement, & couper avec vne lancette le cuir & chair en long, iusques à ce que le ver ou glande soit trouué, & apres le faudra descharner tout à l'entour avec les ongles puis les arracher du tout au mieux qu'on pourra, tellement qu'il n'y demeure rien du ver ou glande : cela fait faudra emplir les playes d'estouppes nettes trempées en aubins d'œufs, & qui soient si bien infuses dans les playes qu'elles n'en puissent tomber. Si le ver & playe est en la poictrine, luy faut tousiours mettre vn linge au deuant de la playe, & luy lier dessus de peur du vent, & luy laisser les estouppes ainsi trempées dans la playe par trois iours durant sans les oster ny changer, puis les luy faudra changer tous les iours par deux fois destrempées en huile d'oliue & aubins d'œufs meslez ensemble, apres auoir premierement lauë la playe de vin chaud : & cecy se face par l'espace de neuf iours : apres faudra le lauer deux fois le iour de vin tiede & mettre dedans la playe la poudte souscripte enuelpée en estouppes couppees menu : laquelle poudre est telle : Prends chaux viue & miel également meslé & battu ensemble, & les laisse iusques à ce qu'ils deuient durs, puis en faut faire poudre de laquelle en vseras iusques à ce que la playe soit guarie. Et ne faut che-



uaucher le cheual de trois iours apres qu'on luy a arraché le ver ou glande: mais apres on le pourra cheuaucher sans mesure chaque iour comme i'ay dit. Autre meilleure & plus vraye: Coupe le lieu en long avec vne lancette ou fer propre à ce iusques au ver, apres mets dessus la playe du realgar bien puluerisé la pesanteur de trois tarpifons ou plus ou moins selon que le verras estre bon avec autant de vin, puis du cotton par dessus en la tente, à fin que le realgar ne puisse sortir, & il rongera le ver par l'espace de neuf iours: & apres qu'il sera rongé & entierement destruit, faudra vser de la cure de laquelle nous auons ja parlé cy dessus en l'extirpation & arrachement. Si toutesfois pour tout ce qui est dit cy dessus les humeurs ne se peuuent desfeindre ny desseicher, quand ces trous ou vlceres faisans petites vecies descendent aux iambes, incontinent avec vn fer rond par le bout, les faut cauteriser entierement ayant prealablement cauterisé en trauers la maistresse veine de la poiëtrine qui s'estend vers le ver en bas iusques au pied: & apres auoir cauterisé ces trous des iambes comme i'ay dit, faut mettre chaux viue en poudre sur les vlceres deux fois le iour, apres auoir laissé le cautere qu'on luy faisoit aux trous. Et note que si à cause du ver la iambe est demeuree enflée, faut prendre des sansues & les mettre tout autour de la iambe, le lieu de l'enfleure estant premierement razé & pilé, & entierement toute la iambe bien frottée. Et apres qu'on aura tiré autāt de sang qu'on aura peu avec ces sansues, faut mettre emplastre sur toute la iābe faite de croye blanche, vinaigre fort meslé ensemble, ou bien le tenir en l'eau courante & froide long temps tous les iours deux fois soir & matin: & cela se face tous les iours iusques à ce que les iambes luy desenfient & amenuisent. Autre cure: Prends lait d'anabule & le mets aux trous du ver & tousiours iusques à ce que le mal se desseiche. Item autre cure: Prends cendres de sarmens, & fais leciue en laquelle esteins chaux viue, laquelle ainsi esteinte, prens en deux parts, & de sauon à lauer les testes vne part, & les messe ensemble & mixtionne avec la leciue susdicte en façon d'vnguent non trop mol, & apres mets le sur les trous de la goutte, ou si c'est ver, mets le dessus iusques à ce qu'il desseiche & soit entierement arraché: cela a



esté expérimenté. Item faut le saigner de la veine du pied de derriere en dedans sous le genouil, apres cherche vers la veine du col les cornositez, & si les trouues les faut diligemmēt inciser: & garde de toucher la veine. Et par ce que ceste chair a comme quelques racines ou branches, regarde de les couper & du tout arracher, à fin que là il n'y reste rien, car vous deuez entendre que sil demeure quelque peu que ce soit de ces racines, incontinent la maladie renaistroit & reuiendroit à son premier commencement: puis les faut cauteriser bien auant, & mettre des estoupes trempées en glaire d'œufs dedans le cautere, & le faut laisser par trois iours en repos en vne estable y beuuant & mangeant: apres tous les soirs & matins fera bon de l'exerciter vn peu à fin que l'humeur ramassée sorte: & faut faire cecy iusques à ce que la iambe se desenfle, & que les playes se desséchent, & que la couleur noire ou iaune se tourne en blanche. Pour dessécher les vlceres, faut faire tel vnguent: Prends de la chaux viue, poiure, soughre, sel nitre, laiët d'anabule le tout confit en huile d'oliue: & cest vnguent les dessèche. Item en chacune playe il faut faire fondre de la poix greque, ou mettre le cautere dedans, & faire saigner le cheual vn mois apres.

*Du ver volant.**Chapitre 145.*

**A**Vcunesfois au corps du cheual se font plusieurs vlceres en diuerses sortes, principalemēt en la teste dōt elle est enflée & iette grosse quantité d'eau & humeurs par les narines. Et ce ver s'appelle ver volatil ou volant, car il vole aux parties supérieures, & les humeurs y mōtent. Remede: Saigne le cheual des veines accoustumées des deux temples: & quand en auras assez tiré, mets luy des tentes sous la gorge: & faut faire les tentes, le boire, le manger, & le cheuaucher & garder en lieu froid, comme j'ay dit au precedent chapitre. Mais si ce ver volant se mue en morue (ce qui aduiēt souuent) faut faire comme j'ay dit au chapitre de la morue. Aucuns appellent ce ver taupin, & le guarrissent en ceste sorte. Quand ils ont trouué l'origine, ils coupent le lieu & tirent le ver, & mettent le cautere & feu ardent dedans les pertuis, & font manger au cheual herbe d'auoine, & le gardent bien.



**L**E farfin s'appelle ainsi à cause de la grâde humidité de chair & repletion d'humeurs, lequel est appelé ver, parce que ceste humeur pourrie & superflue fait des pertuis en la chair & au cuir comme vn ver en terre : & s'engendre de sang pourry qui sort des veines ou d'une playe, ou de quelque coup, s'il n'est guarý dedans deux mois : & vient és lieux creux, cōme entre les espaules & és costez, & aucunesfois d'auoir esté avec vn cheual farcineux, car c'est vne maladie contagieuse. Remede: Si le farfin est en la partie de deuant du corps, on le cognoist par l'abondance de sang qui est au corps, dont souuét il prend son origine, lors le faut saigner du col : & si le mal est aux iambes, lors le faut saigner du pied : & s'il n'est és cauernes des os, ou és muscles, mais en lieu charnu, il sera bon de descharner toute ceste calosité obscure & cachée, & la couper avec le fer, puis y faire vn emplastre de miel, moyeux d'œufs, farine & aigremoine auance autrement pied de lieure & la mettre dessus. Voicy vne poudre experimentee à guarir le farfin sur hōmes ou cheuaux. Prends du diadragant, boliarmeni, souphre, noix de galle, fuye autant d'un que d'autre, vne once huile, aloes, myrrhe, encēs, attramēt, poix, corne de cerf, aristoloche longue & rōde, fucilles de myrthe, escorce de grenade, platre, subterre, sel, sauon, de tout également deux onces, pain d'orge, coquilles d'œufs, miel brullé en parchemin trois onces: de tout fais poudre pour mettre dessus. Et notes que si le ver est en quelque playe, la poudre d'ellebore blanc trempé en eau mise dessus les tue & amortit. Et ne le faut saigner quand le farfin est fort & en quantité, mais bien au commencement, & quand il commence à se guarir. Item note qu'il ne faut saigner les cheuaux chastrez qu'en grâde necessité, car par la saignée la chaleur se perd, & la froidure s'augmente, c'est signe que les veines des cheuaux chastrez sont diminuées. Item autre remede : Trois poignées de girofle, & trois de plantain, vne de refor, tout broyé ensemble, & destrempé en eau pour faire boire au cheual: & prens de l'auance ou pied de lieure & racine de reffors, autant d'un que d'autre pour faire emplastres à mettre dessus la playe quand le poil sera ray : & faut faire cela soir & matin, tant que le pertuis soit du tout seiché : cependant fais hacher de l'orge, de la paille, ou du foin, & qu'il en mâ-



ge : & ne luy baille autre chose à manger ny à boire.

*Du ver nommé Anticor ou Anture, c'est à dire suffocation, auant-cœur, ou contrecœur.*

*Chapitre 147.*

**S**Ouuentefois aduient par le grand repos du cheual, principalement quand il est bien nourry, & qu'il n'a esté saigné quand il falloit, que grosses humeurs & superflues s'engendrent en son corps, & l'ordure & humeur vilaine ne se peut arrester és conduits, ains se retire és lieux plus spirituels, comme à l'entour du cœur : & à cause de la grande quâtité, le cœur ne les peut toutes repousser, parquoy vne partie s'en va és lieux extérieurs, comme en la poitrine, & y fait vne enfleure : & si ceste humeur occupe le col, c'est signe de mort : & le reste qui demeure dedans le corps se pourrit & corrompt la substance du cœur, dont la mort s'en suit : à cause dequoy ceste maladie est appellée suffocation de cœur, c'est à dire cōtre-cœur, ou anticor. Voicy les signes pour la cognoistre : Le cheual tient la teste si basse qu'il ne la peut quasi porter : Item il perd l'appetit & on voit manifestement vne enfleure en sa poitrine. Tu dois sçauoir que ceste enfleure ou apostume qui est pres du cœur, s'augmente tant par les humeurs qui y descendent & ne sortent ailleurs, qu'il se fait vne grosse apostume pres du cœur qui y est contraire : & si on n'y remédie soudain il en est blessé, parquoy on l'appelle cōtre cœur ou auât cœur. Remede : Premieremēt faut saigner le cheual en la veine de la cuisse au dedās, puis faire deux incisiōs de lōg dessous l'enfleure, à fin que l'ordure sorte en la mouuant vn peu, & excitant le cheual, à fin que la chaleur face dissoudre les humeurs, & le faut garder du vent, car il pourroit venir en spasme. Itē faut mettre des tentes ou setons dedans ses cuisses pour agiter l'ordure, iusques à ce qu'il soit guarý. Item si on fait ainsi aux cheuaux sains, ils serōt preseruez de ceste maladie. Et si le cheual est enflé sous la poitrine ou sous le ventre, le faut faire saigner, & percer l'apostume par deux endroits ou quatre, cōme il sera necessaire, & y mettre les tentes ou setons avec vn fer lōg, & esmouuoir les humeurs pour les faire sortir. Et à fin que l'apostume se defenfle & que l'humeur permanente en ce lieu soit consommée & euacuée y feras ceste emplastre : Prés de la brâche versine, aluyn lievre terrestre, mauue, espargoutte rouge moindre, & rue avec ses



racines, le tout bien bouilly ensemble, & mis tiede sus l'apostume en façon d'emplastre, & sans doute l'enfleure s'en ira. Si le cheual a la goutte ou l'enfleure és iambes, prens de la racine de fougere, & la broye en graisse, & en fais vn vnguent pour les oindre. Item on peut guarir ceste maladie par autre maniere: Incontinent qu'on verra enfler ceste glande & apostume, & saugmenter plus que de coustume, & aussi soudain tout le corps enfler, faut arracher ceste apostume cōme le ver, & la guarir cōme j'ay dit du ver excepté les setons, le cheuaucher, & demeurer en lieu froid, comme j'ay déclaré audit lieu: lesquelles choses ne luy faut faire. Et pource que ceste apostume est pres du cœur, on en doit estre fort soigneux. Et si en l'attachant quelque veine se rompt & saigne, la faut prendre & lier fort avec du fil de soye: & si on ne la peut prēdre à cause de l'abondance du sang, il faudra faire les medecines declarees au chapitre de retraindre le sang.

*De la douleur qui prouient de superfluité de sang.*

*Chapitre 148.*

**V**N autre maladie aduiēt casuellement ou par accidēt dedans le corps du cheual, qui luy cause grandes trāschisons & douleurs, & procede de superfluité de sang corrompu qui est és veines, laquelle douleur n'induit point en soy l'enfleure du corps ny des entrailles, mais seulement les veines sont tant enflées que le cheual est contraint se ietter à terre. Remede: Quand on void que le cheual a douleur dedans le corps sans que les boyaux soient enflés, lors le faut saigner de la vessie appellee tigrarique pres de la ceinture des deux parties du corps, puis le promener doucement sans boire ne manger iusques à ce que la douleur l'ait du tout laissé.

*De la douleur prouenant de ventosité.*

*Chapitre 149.*

**A**Vcunes fois s'engēdre vne maladie au corps du cheual par ventosité qui entre dedans les porres par chaleur & sueur, & eschauffe les entrailles, aucunes fois elle enfle fort tout le corps dont le cheual est fort affligé: & s'appelle douleur de ventosité. Remede: Prés le tuyau d'vnecāne le plus gros que pourras trouver de la longueur d'vne paume, lequel oindras d'huile, & le mettras dedans le fondement du cheual iusques au milieu, & lie



l'autre bout tresbien à la queue avec vn fil, à fin que ce tuyau ne puisse sortir : puis le faut faire courir pres des lieux montueux, & le faire trotter, mais faut qu'il soit sellé ou couuert de quelque bonne couuerture, puis luy froterras fort le ventre avec les mains trépees en huile d'oliue chaude: ainsi le cheual feschaufera en frottant, & iettera la ventosité dehors par ce tuyau qui est au fondement, puis luy faut bailler à manger choses chaudes comme du froment, spelte ou orge & foin: & qu'il boiue de l'eau où aura bouilly du commin & graine de fenouil en bõne quantité quād elle sera vn peu refroidie, & y mesle de la farine de froment, & qu'il ne boiue autre chose cependant que ceste eau durera: & faut qu'il soit en vne estable chaude iusques à ce qu'il soit guarý, & le traiter comme i'ay dit cy dessus.

*De la douleur qui prouient d'auoir trop mangé.*

*Chapitre 150.*

**V**Ne autre maladie aduient au cheual d'auoir trop mangé d'orge ou autre chose semblable qui ne soit bien digeree: & cela engendre grosses & mauuaises tranchisons & enflures au corps du cheual, & ne se peut tenir debout, ains faut qu'il tõe à terre: laquelle maladie naist & procede de quelque chose qu'il a mangée qui ne se peut digerer, & s'enfle dedās son ventre & entrailles. Remede: Prends de la mauue, violettes, aparitoire, branche vrsine, semence de fenouil ou any, mercuriale autant d'vn que d'autre, & fais tout cuire en vn vaisseau, en y adioustāt du sel, miel & huile en bonne quantité, & farine de seigle, le tout broyé ensemble, & luy feras vn clistere de tout cela, & luy mettras dedans le fondement: & faut qu'il soit plus haut du derrier que du deuant, à fin que le clistere ne sorte, ains qu'il coure par dedans le ventre, & cela fait, on bouchera le fondemēt avec estoupes à suffisance, à fin que l'eau n'en sorte: apres cela faut faire froter le ventre du cheual par deux hõmes avec vn baston rond en le menant depuis le deuant iusques au derriere: mais il seroit bon oindre premierement d'huile le ventre dudit cheual ou de quelque chose vnctueuse. Et cela fait, & le fondement destoupé, le faut cheuaucher vers les montagnes iusques



à ce qu'il ait ietté tout ce qu'on luy a mis dedans le fondement & dauantage : & par ce moyen la douleur cessera, car quand la cause cesse, l'effet cesse aussi. Autre remede : prens deux poignées de sel & les iettes en vn pot plain de vin, & les mesles tres-bien, puis feras aualer tout cela au cheual avec la corne, puis apres luy feras vn suppositoire d'vn poreau frotté de saumon noir.

*De la douleur qui prouient de trop retenir l'vrine.*

*Chapitre 151.*

**A** Vcunesfois le cheual a grosse douleur qui procede d'auoir trop retenu son vrine, qui enfle la vessie & fait grande douleur, avec vne petite enflure pres de la verge, sans toutesfois que le corps ny les entrailles soient enflés : d'où il est contraint se ietter souuent à terre. Remede : Prens du fenelon, chardon benist, cretaire, aparitoire, racines d'asperges, & du houx, autât d'vn que d'autre le tout bouilly & cuit en eau : puis le faut mettre avec vn fexe ou cornette longue, large & chaude sur le dos du cheual, & quand elle sera froide, y en remettre d'autre qui soit chaude iusques à ce qu'on luy ait prouoqué l'vrine. Item est bon aussi de tirer la verge du cheual avec les mains ointes d'huile, & la frotter avec huile tiede, puis broyer vn peu de poyure avec des aux, & luy mettre avec le petit doigt dedans le pertuis de ladite verge. Item autre meilleur remede : Prens des punaises & les fais cuire peu à peu en huile, mais il faut premierent qu'elles soient vn peu broyées, puis les mets dedans la verge. Si les choses susdites ne luy profitent, lors faudra laisser le cheual à son plaisir en vn estable avec vne iument, à fin que par le vouloir de saillir, il soit incité à yriner. Lequel remede est singulier, car la volupté de saillir corrobore la vertu, & conforte les membres. Item contre douleur de ventosité & retention d'vrine, est bon de tremper vne poignée de sauge battue en huile ou en bon vin, puis la faire aualler au cheual. Maistre Maurus procede autrement à guarir ceste maladie, & dit que la douleur au cheual n'est que colique passion. Les vns l'appellent strophe, les autres troncation, car souuent les entrailles sont tronquées par ceste passion. Laquelle maladie procede (côme il dit) quand le cheual a trop ou trop peu mangé, ou qu'il a esté trop tost abreuvé apres auoir



auoir m<sup>a</sup>g<sup>e</sup>, ou qu'il a trop trauaillé apres auoir beu. Tu cognoistras que ceste maladie vient d'auoir trop mangé, quand il ne digere point son auoine, & iette sa fiente indigeste, & cela emplit & aggrau<sup>e</sup> les entrailles, lesquelles sont enuelopees de la ventosité qui est dedans : parquoy le cheual endure grosse douleur. Et tu cognoistras si ceste maladie vient de trop peu manger, qu<sup>a</sup>d on ne luy en baille guere, & qu'il mange asprement quand on luy en baille & se remplit fort, & les entrailles ainsi remplies, ceste colique passion s'engendre. Au reste tu pourras cognoistre par les choses susdites, comment ces douleurs s'engendrent d'auoir trop tost beu apres qu'il a mangé, ou par trop grand labour. Voicy les signes pour cognoistre le cheual ainsi malade : Premièrement le ventre gargouille & y a grosses torsions. Item le cheual regarde souuent les lieux où il sent ceste douleur pensant que le mal soit dehors. Item le ventre s'enfle fort & engrossit. Item il ne se peut establer ne soustenir. Item se iette souuent à terre, & se remue cuidant alleg<sup>e</sup>r son mal. Remede : Fais le saigner de la veine du col & des narines, puis le promene en lieux sablonneux & pierreux, par montées & valées, à fin que les viâdes descendent au f<sup>o</sup>ds de l'estomac, & que la chaleur naturelle soit confortée. S'il ne se guarit par ce moy<sup>e</sup>, le faut mettre en vne estable bien chaude, & l'y laisser sans luy bailler à m<sup>a</sup>ger ny à boire iusques à ce qu'il ne soit plus enflé, & qu'il ne se veautre plus, & ne le faut gueres laisser veautrer, à fin qu'il ne se r<sup>o</sup>pe les entrailles. Item vne experience merueilleuse pour guarir la douleur du cheual : Prends de l'vrine d'un enfant vierge, & iette trois ou quatre gouttes dedans la gorge du cheual, tellement qu'il en entre en son ventre, & il sera guar<sup>y</sup>. Item vn autre : Prends du cyclame ou pain de porc, & en fais vne cheuille ou tampon, laquelle oindras d'huile, & la mettras dedans le fondement du cheual, à fin que ce qui sera au ventre du cheual se dissoude, & qu'il sorte dehors. Item laue fort & souuent le fondement du cheual d'eau salée, & luy mets de ladite eau dedans c<sup>o</sup>me vn clistere, ou avec du saumon en le mettant par clistere avec ladite eau salée. Item fais vn baston & l'oins d'huile d'oliue : puis luy mets dedans le fondement & en le tournant tire le dehors, à fin que le vent sorte avec le fient. Item prends des aulx & les piles avec de la saxifrage ou



percepierre, & en fais vne emplastre que tu mettras dessus les genitoires, & cela luy prouoquera fort l'vrine: & fais aussi les remedes declarez cy dessus pour l'inciter à vriner. Item près deux poignées de sel & vne pinte de vin, & les mesle ensemble, & les mets dedans le ventre du cheual par clistere: & si le ventre ne se desenfle prens vu poureau & l'oins de sauon, & le mets dedans le fondement, car l'enfleure s'en ira. Aucunes fois aduient que le cheual ne peut vriner à cause des grosses & visqueuses humeurs qui descendent en la vessie qui estouppent le col de ladite vessie, & ne peut vriner: & si on n'y met soudain remede, la vessie se rompra par grande quantité d'vrine, & par ce le cheual mourra: laquelle passion s'appelle strangurie. Remede: Prends vn tes ou tuile chaude, & la mets sous le ventre du cheual, & oins ses genitoires de dialthee & huile de laurier, & les parties prochaines, afin que la vertu de la medecine entre iusques au fôds, pour prouoquer l'vrine. Autre remede: Prends des deux percepierres & toutes semences diuretiques, herbes chaudes & diuretiques avec leurs racines, comme fenouil, persil, asperges, houx, & choses semblables, & les fais bouillir en bon vin & odoriferant, iusques à la consommation du tiers, & luy feras boire ce vin: & il ouurira les voyes par où il vrine, & dissoudra les grosses humeurs. C'est bon signe en ceste maladie si le cheual pisse ou fiente ainsi qu'il faut, & au contraire mauuais s'il luy suruient vn flux de ventre immodéré. Item c'est mauuais signe aussi quand ladite enfleure & les douleurs ne cessent, mais perseuerent au cheual.

*Pour vn cheual craitif & paresseux.*

*Chapitre 152.*

**V**N cheual craitif & paresseux doit estre cauterisé sur les flâcs en la forme d'vne roue, & y faut faire des croix & plusieurs poincts en icelles, & semblablement aux reins & aux quatre pources: puis luy bailler du panil à manger, & qu'il soit bien gardé en vn lieu chaud.

*D'un cheual maladiſ & pesant.*

*Chapitre 153.*

**S**Il le cheual est pesant & malade, coupe luy le cuir entre les Scuiſſes de deuant, & fais vn aneau de vigne blanche & le



metts entre le cuir & la poiſtrine, en ſorte qu'il ne tombe, puis le cheuauche ſeulement.

*D'un cheual furieux ou lepreux.*

*Chapitre 154.*

**S**Il le cheual eſt furieux ou ladre, le faut faire ſaigner de la veine de la poiſtrine le pluſtoſt qu'il ſera poſſible, ou de la veine du col, & apres le mettre en eau froide, & le garder qu'il ne voye ne ſoleil ne lune l'eſpace de deux iours, & ſi cela ne ſuffit, couure le d'une couuerture rouge.

*D'un cheual qui a mangé de la plume.*

*Chapitre 155.*

**S**Il le cheual a mangé de la plume, tu le pourras ainſi guarir: premierement le faut cauteriſer au nombril, puis luy mettras en la bouche du fient de bœuf tiede: apres le faut ſaigner & prendre toutes les entrailles d'une poule avec le ſang, & luy ietter en la bouche: & ſil n'eſt ainſi guarý le faut ſaigner plus fort diligemment.

*D'un cheual qui mange bien & ne ſ'engraiſſe.*

*Chapitre 156.*

**S**Il le cheual mange bien & ne ſ'engraiſſe, prens de la ſauge ſauine, pommes ſauuages, & brâches de laurier en bonne quantité, le tout meſlé avec graiſſe ou oing d'ours, puis le tout ſoit mis en bon vin, & le faut mettre avec la corne en la bouche du cheual, afin qu'il auaille tout. Autre remede: Prens le dedans des poiſſons nommez Barbeaux, & le broye avec du vin, puis luy fais aualler avec la corne, & il ſ'engraiſſira. Item fais cuire des limats ou tortues en eau avec orge & froment, & en baille ſouuēt à manger au cheual, & il deuendra gras. Itē prens des feues freſces & les fais cuire en eau, & y mets aſſez de ſel: puis prens vne partie de ces feues ainſi cuiſtes, & quatre de farine, & meſle tout avec de l'eau de la decoction deſdites feues, & bailles cela à manger au cheual, car ſur toutes choſes il engraiſſe, toutesfois cela conſtument nuit aux iambes. Item fais cuire vn peu de choux avec vn peu de ſel, & y meſle de la farine pour faire māger au cheual. Ces deux articles precedés ſont approuuez. Item baille au cheual maigré à manger à ſon plaiſir par quatre iours des herbes qui ſont à la roſée, puis le feras ſaigner,

A a ij



& luy bailleras son auoine competemment avec leſdites herbes: & luy bailleras tous les iours à midy de la farine avec du ſel. Item pour engraiſſer cheuaux, les faut ſaigner aux deux coſtez du ventre, & puis luy mettre plain vn vaiſſeau d'eau avec miel & paille en l'eſtable, & que tout ſoit bien meſlé, lequel on leur fera manger à leur plaifir, puis on prendra deux parties de froment & vne d'orge & du ſel tout cuiſt enſemble, tellement que le froment ne ſe rôpe & creue: dequoy on luy baillera à manger tous les iours par l'eſpace de quinze iours, c'eſt à ſçauoir deux eſcuelles plaines, les meſlant avec leur autre mangeale, toutesfois tant plus ils māgeront des ſuſdites pailles tant mieux vaudra, & en engraiſſiront dauantage & plus toſt. Item prens trois tortues & leur coupe la teſte, la queue, les pieds, & oſte les entrailles: puis les fais tant cuire en eau, que la chair laiſſe les os, & que l'eau en ſoit fort graſſe: puis donne ceſte eue à boire au cheual, ſans luy en donner d'autre iuſques à ce qu'il l'ait toute beue: & ſil y demeure de la chair, la faut meſler avec l'auoine que tu luy bailleras à māger: & en fais ainſi par trois fois, car elles profitent merueilleuſement au cheual, & l'engraiſſent & purgent: & ſil eſt eſchauffé, il ſera guarý avec ce breuuage. Et faut noter que leſdites tortues doiuent eſtre aquatiques, car iaçoit que les terreſtres ſoient bonnes, toutesfois celles d'eau ſont beaucoup meilleures pour faire ceſte medecine.

*Pour amaigrir vn cheual trop gras.*

*Chapitre 157.*

**S**il le cheual eſt trop gras mets de la farine de mil en eau tiede pour luy faire boire, & il deuiendra maigre.

*Contre la rage ou furie des cheuaux.*

*Chapitre 158.*

**S**il le cheual commence à eſtre furieux & hors du ſang, en forte qu'il morde & frappe, ou ſi on l'apperçoit par autres ſignes prens de la racine d'vne herbe nommee virga paſtoris, & la broye en eue, & la iette en la bouche du cheual. Vn homme d'armes dit auoir veu vne vache enragée frapper vn bœuf de ſa corne, lequel ſoudain fut enragé. Quelque fois auſſi vne femme commença à deuenir folle, & quand elle eut mangé de la dite herbe, elle fut incontinent guarie. Ceſte herbe eſt bonne auſſi contre la pierre.



*Comment par l'art de chirurgie on peut mettre remede à vn  
cheual furieux. Chapitre 159.*

**I**L faut noter que si tu veux vser de chirurgie ou art de mareschal sur vn cheual furieux & impatient, à fin que tu le face mieus sans qu'il en sente rié, luy faut bailler ceste opiate qui s'enfuit, & luy mesler dedans son auoine: Prends trois liures, trois onces & demie de iusquiamme & luy mesle avec son auoine: & apres qu'il aura mágé, tout le iour il ne se sentira point & sera comme mort: puis en fais ce que voudras. Item vn autre: Prends de la mandragore, du pauot, graine de deux iusquiammes trois onces, muscade vne once, bois d'alocs autant: toutes fois faut premierement cuire les racines de iusquiamme & mandragore iusques à ce que l'eau en soit rouge, le tout dissout en ladite eau, puis le faut bailler au cheual avec la corne. Item prends de la myrrhe, persigie & iusquiamme trois onces, noix de galle, girofle, vne once: & faut tout bailler à boire au cheual: & quand tu le voudras exciter & esueille, laue luy la teste & les couillons d'eau froide, puis le meine abbreuuer.

*D'un cheual rettif. Chapitre 123.*

**S**Ouuent le poulain deuient vicieux & rettif par la mauuaise doctrine qu'on luy accoustume quâd on le dompte, ce qu'il ne peut facilement oublier: & pource on en dit ce prouerbe: Le bayard tient ses premiers documens. Tâdis qu'en gieuile il a des dents, selon ce qui est escrit: Le mortier sent tousiours les aulx: Parquoy vn cheuaucheur entédu & sage, quand il va droit à quelqu'un ne retient le cheual, ains passe outre. Remede: Il faut estre quarante iours ou plus sans le cheuaucher ne mener hors l'estable, & l'y faut bien nourrir. Les quarante iours passez, faut qu'un bon cheuaucheur monte dessus garny de verge & esperons, & qu'il le meine parmy d'autres cheuaux, en allant aucunes fois droit à eux, & le faut tous les iours ainsi gouverner petit à petit en gardant que par trop grand ennuy & fascherie il ne luy souuienne de sa mauuaise coustume. Item près vne corde bien menue & forte, attachée à neud fort entre les couillons & la verge (mais ne faut pas qu'elle soit attachée fort estroitement) puis autour du cercle de ceste corne en attacheras vne autre qui soit menue & forte, & ccluy qui sera dessus tiendra le bout de la



corde, & le tirera fort à soy si le cheual rettif ne veut marcher, ou sil ne tient droit chemin, à fin que par la douleur des couillôs il marche. Item vn bon remede & dernier: Il le faut chastrer, car apres il sera doux & facile à gouverner. Item aucuns guarissent vn cheual qui est de long temps rettif en ceste sorte. Ils font vn gros fer de la longueur d'vne aulne amanché à vn long manche, & y a au bout trois pointes crochues, fortes & aigues, & celuy qui le cheuauche le tient en sa main, & quand le cheual veut reculer, luy iette sur la croupe, & le tire fort à soy d'vne main, & en l'autre a vn fouer, & le frappe sans le piquer. Aucuns chauffent fort vne verge de coudrier, ou vne corne de la longueur d'vn pied: & s'il ne veut marcher luy mettent sous la queue, & le pique fort avec les esperons. Aucuns y mettent au lieu de coudrier de la terre grasse, dont les potiers font les pots, & faut qu'elle soit moiste, & lient la queue du cheual aux cuisses, à fin que la terre ne tombe, laquelle doit estre ronde cōme vne roue. Item pour ce mesme, faites faire vn fer qui soit peu plus ou moins long d'vn pied, & qu'il ait vn trou à l'vn des bouts là où on fichera vne lance ou long baston, & à l'autre bout on y fera faire vne pomme de fer, puis apres vous menerez le cheual en vn champ ou ruë pour le cheuaucher, & quād il feindra ou ne voudra aller, lors on luy mettra ceste pomme de fer bien chaude sous la queue en haut pres du cul, & à ceste heure là le cheual merchera & ira: & apres que le cheual aura delaislé sa fantasia & orgueil, lors le faudra remener en l'estable, & là le caresser, & luy donner à boire & manger: & pour le second iour ne le faudra cheuaucher, & le faudra laisser en l'estable, mais au troisieme iour le faudra semblablement mener en vne ruë ou champ, & faire comme deuant: & continuer à ce faire iusqu'à ce qu'il soit dompté, & qu'il ait du tout perdu sa frenaisie & superbité, & qu'il ne retourne plus en ceste malice: car par ce moyen il perdra du tout ceste frenaisie & superbité, & sera vaincu.

*Quand le poil de la queue tombe.*

*Chapitre 161.*

**L**E poil de la queue tōbe quand il y a trop grāde abondance de sang, & que le cheual travaille trop, ou quand on le frappe souvent sur la queue, dont (si on n'y remede de bonne heure)



fengendre pourriture. Remede: Si cela aduient à la queue seulement, il la faut fendre au bout pres des fesses au long iusques au milieu de l'os du quatriesme neud: & quel'os qu'aucuns appellent briuole soit tiré hors, puis faut mettre du sel par toute la fente: en apres faire des cauterres en diuers lieux de ladite queue, & entre la fente & le corps, avec vn fer chaud en façon de stille, & que les cuittures soient vn peu profondes de trauers, & non droicts: & faut mettre en chacun vne piece de bois, & les y laisser neuf iours, s'ils ne tombent d'eux-mesmes. Item à ce mesme: Prenez racines de cannes ou roseau, & les faites cuire en eau autant comme il faut que cuise vne piece de chair de bœuf, quoy fait prenez ces racines ainsi bien cuites, & les battez en vn mortier de pierre, & espraindez-les, & de l'eau ou ius qui en sortira lauez luy-en la queue tous les iours deux fois le iour: & pour certain sa queue luy croistra dans vn mois, & ainsi les poils luy multiplieront.

*De langie à la queue du cheual.*

*Chapitre 162.*

**L**Angie est vne maladie qui aduient à la queue du cheual comme vn chancre, & mège tant la chair de la queue, que ladite chair & le poil tombent, dont les os de la queue se corrompent: & si on n'y mettoit remede, ils tomberoient tous neud à neud. Remede: Fais du chapiteau le plus fort que tu pourras, car il en sera meilleur, puis trempe tresbien des estoupes dedans pour lier sur la playe: & quand elles seront seiches, trempe les derechef & les remets dessus pour le moins trois fois le iour: & si tu le fais plus souuent il sera encores meilleur: & faut continuer cecy trois ou quatre iours durant, & ainsi il sera guarý: & est chose approuuée. Puis apres feras les medecines conuenables pour guarir les playes & reparer la chair.

*Pour faire reuenir le poil.*

*Chapitre 163.*

**P**our faire reuenir le poil apres la consolidation de la chair, faut prendre des coquilles de noisettes, ou des tortues & du vieil cotton, le tout brulé & puluerisé ensemble & battu en huile d'oliue, duquel vnguent faut oindre souuent les cicatrices & le poil y reuiendra. Item pour cela mesme, vne piece de soye ou futaine bruslee & mise en poudre, puis battue en huile, est meil-



leure. Ité le papier bruslé avec huile est tres-bon. Item prens des noisettes avec l'escorce qui est dessus & les brusle, puis les pile avec viel oing de porc ou d'ours, & en oindras la playe. Ité l'aigremoine meslée avec lai& de cheure est bonne. Item de la farine de miel ou d'yuoire meslée avec ius de refors, & en faut oindre la playe cōme dessus est dit. Ité prens de la poudre de corne de cheure & la mesle avec huile de myrthe. Item mesle du lapidum avec graisse d'ours & vin viel. Ité prens de l'huile de berenscif vne once, cantharides qui ont la teste & ailes couppees, trois onces, & en fais ainssi de l'huile: Prés des catharides broyées & les mesle en huile d'oliue, puis fais cuire l'huile en vn petit pot à feu lent, en le mouuant fort iusqu'à ce qu'il soit espais: puis en feras vnguent ou confiture avec vn peu de musc ou ambre gris, en meslant tout ensemble, à fin qu'il sente bon, & en frotte la playe iusques à ce qu'il y ait des vessies, & certainement tu verras reuenir le poil. Lequel vnguent est bon pour faire reuenir les cheueux en la teste d'vn homme. Item autre vnguēt: Prens tant que voudras de graisse de serpent, racines de houx, d'escorce verte d'autour du frui& des chastaigners, argent vif esteint avec salie, escorces d'amendes ameres, ellebore blâc, graisse de poule, le tout confit en huile d'oliue, puis en oindre les playes, & principalement quand les playes commencent à se guarir, car à grand peine le poil peut-il reuenir apres sans la saignée. Item faut brusler en vn vaisseau des abeilles, mousches, ou fouillemerdes qu'on trouue aux estuues, & les mettre en poudre pour ietter dessus la playe, moyennât qu'elle soit ointe d'huile d'oliue & la mettre dessus le lieu avec les doigts, à fin que la poudre tiē mieux. Item fais cuire vne taupe en huile d'oliue, iusques à la consommation & dissolution de la chair: puis faudra oindre souuent le lieu avec ladite huile, ou pour le moins deux fois le iour, & le poil reuiendra.

*Comment il faut muer le poil noir en blanc.*

*Chapitre 164.*

**S**I tu veux changer le poil en quelque lieu du corps, & muer la couleur noire en blanche: premierement faut raire le lieu où est le poil noir, & quand il commencera à venir le faudra souuent parfumer de souphre & le poil y viendra blanc. Item fais



fais bouillir vne taupe en eau salée ou en leciue par trois iours, & ainsi que l'eau ou leciue se consumera, y en faut mettre d'autre nouuelle: puis mets de ceste eau chaude sur le lieu, & le poil noir cherra, & y reuiendra blanc. Item prens du lait de brebis, & le fais bouillir, puis trempe vne piece de lin dedans, & la mets sur le lieu, & fais cela si souuent que le poil tombe en le frottant vn peu, puis prens vne autre piece nette, & la trempe en lait froid & nouueau: toutesfois ie croy qu'il vaudroit mieulx la tréper en lait tiede ou chaud: puis apres mets ceste piece sur les lieux où tu veulx que le poil change de couleur. Et fais cela l'espace de trois iours, ou iusques à ce que le poil commence à croistre: & tu le dois faire pour le moins trois fois le iour: au lieu du poil noir en reuiendra de blanc.

*Pour la toux seiche. Chapitre 165.*

**A** Vcunesfois le cheual a la toux seiche, qui est vne d'agereuse maladie: & iacoit que le cheual touffe, toutesfois il ne iette rien par les narines. Ceste toux vient des parties interieures, parquoy elle est d'agereuse: il y faut donc incontinct obuiuer & remedier, à ceste cause ie diray icy aucunes choses experimentées qui y sont tres-conuenables. Au chapitre du cheual pouffif y a trois bōnes experiēces pour la guarir: La premiere est qu'on donne au cheual du froment bouilly pour mager, & du vin nouueau qui n'ait encores bouilly tant qu'il voudra, & le faut laisser en lieu secin & froid, & luy bailler des herbes nouuelles à manger. Item autremēt: Si tu n'as du vin doux, baille luy du vin fort & bon avec vn peu d'eau de la decoction de regalice, ou ptisanne. Item prens vn serpent, & luy couppela teste & la queue, & luy ostes les entrailles & fais bouillir le reste en eau de riuere, iusques à ce que la chair dudit serpent se separe de l'os, puis iette l'os, mesle avec l'eau & chair de serpent ainsi cuit de la farine de froment ou d'auoine, & baille au cheual à manger le tout ensemble: ou qui luy sera meilleur, baille luy toute l'eau de la decoction à boire sans luy bailler autre breuuage tādīs qu'elle durera: & luy faut mesler la chair avec son auoine. Et doit manger en ceste sorte trois ou quatre serpens, en discōtinuant quelque temps, comme de trois en trois iours. Item autre experience qui est au chapitre du cheual scalmat, Mets le cheual tout seul



en vne estable sans luy bailler à boire ny à mager iusques à deux ou trois iours passez : consequemment luy faut bailler des lardons de pourceau salé à mager tant qu'il voudra, car lors à cause de la faim & de la saluie qu'il sentira, en mangera volontiers : & luy donne à boire à son vouloir de l'eau chaude, où il y ait de la farine d'orge competemment : en apres le faudra vn peu cheuaucher iusques à ce qu'il ait ietté hors tout ce qu'il aura mangé : & cela fait, le faudra remettre en son premier estat, en luy baillant soïn ou auoine. Entre toutes choses qui luy sont bonnes à manger, c'est le plus profitable de luy bailler du froment bien net, & cuiët avec vn peu de sel & lard qui soit seiché au soleil ou ailleurs enuiron trois mesures tous les iours deux fois, & qu'il boiue autant de fois de l'eau : & par ce moyen le cheual sera incontinent gras & bien nourry. Item prens des tortues & leur coupe la teste & la queue, & iette les entrailles, & les fais tant cuire en eau, que la chair laisse les os, & que l'eau en soit fort grasse, puis faut faire boire ceste eau au cheual, sans luy en dōner d'autre iusques à ce qu'il l'ait toute beue : & sil demeure de la chair, la faut mesler avec l'auoine que tu luy bailleras à manger : & faut continuer cela iusques à ce que tu voye que le cheual soit guarý. Et faut noter que lesdites tortues doyuent estre aquatiques, car iacoit que les terrestres soient bonnes, toutesfois celles d'eau sont meilleures. Tu en pourras autant faire avec des limaçons, sans en rien oster, mais les faut faire cuire entiers avec du froment. Item autre remede que i'ay dit au chapitre de la froidure de la teste : Prens de l'escorce du milieu d'vn aulne qui vient sur la riuie de l'eau, & la nettoye bien de ses superfluites, & en emplis vn pot neuf, & y mets de l'eau claire, tellement que l'escorce en soit toute couuerte, puis la faut faire bouillir iusques à la consommation de la moitié de l'eau : & le remplir, & faire tant bouillir qu'il ne soit plus que demy : puis fais le tout couler par dedans vne estamine, & presse fort lesdites escorses, & les iette : apres mesle deux pars de ceste eau coulée avec du sain, lard ou beurre, & fais tout chauffer : & ietteras vn plein verre de ceste cōfection tiede dedās les narines du cheual avec la corne, & autant en la bouche : & alors le cheual doit auoir le ventre du tout vuide, & ne doit boire ne manger l'es-



pace de trois heures apres, en le gardât de froid: & faut cōtinuer cela par trois iours vne fois le iour. En apres faut faire mager au cheual du cresson & autres herbes chaudes qui peuuent diminuer les humeurs si c'est en Esté: mais en Hyuer luy faut bailler du charbon benist, & bouillietiede faire de farine de froment, & faut qu'il boiue de l'eau chaude: & le bien garder d'eau froide. Et quand on luy baille ce breuuage, luy faut tenir la teste haute & luy mettre vn baston en la gueule, iusques à ce que l'humidité & breuuage soient entrez en la teste par les narines.

*Contre les fieures des cheuaux.*

*Chapitre 166.*

**L**A fieure d'un cheual est quasi incurable: alors il porte la teste basse & ne mange rien ou bien peu: les yeux luy pleurēt, les boyaux luy poussent continuellement: laquelle maladie est cōme epidymie, dōt pour vne année en sont mors plus de trois cēts: toutesfois y pourras faire les deux remedes qui s'ensuyuent. Premieremēt luy feras tel clistere: Prés vne once de chair coloquinte, diagragant demie, cētaurée vne poignée, autāt d'aluyne, castorei demie once tout cuit en eau, & fais dissoudre six onces de regalice dedans, demie once de sel commun & demie liure d'huile d'oline, puis luy feras emplastre de ce qui s'ensuit, lequel luy mettras sur les tempes pres des oreilles: Prends demie once d'esquille ou ognon marin: castorei, suzeau, seneué, & euforbe deux onces, tant d'un que d'autre, le tout dissout en ius d'asphodilles, de baselic, ou de sauge, & le faut mettre sur la teste & es lieux susdits. Item pour cela mesme, prends du plantain grand & petit, & de l'eupatoire petit, & pas d'asne, de chacun deux poignées, armoise mediocre demie poignée, de tout cela te faut tirer le plus de ius que tu pourras: & si tu n'en peux auoir, les faut faire bouillir en trois pintes d'eau, iusques à la parfaire decoction: puis prendras demie liure de ceste eau, & vne liure de sucre, le tout meslé ensemble: & luy en fais boire autāt tous les matins & tous les soirs, cōme j'ay dit cy dessus. Item autre remede: Prends deux ou trois ou quatre onces de bon triacle, & les destrempe en bon vin, puis les fais aualler au cheual avec la corne. Item prends des racines de suzeau, & les piles tres-bien, pour en tirer le ius, & luy en fais boire tous les matins la pesanteur de



deux ou trois liures par trois iours, & il guarira. Item prens vne herbe nommée panacée ou herbe de Venus, ou plotamus, ou callitrichum, ou capilli Veneris, & la fais manger tendre au cheual, & il sera guarý: si tu n'en trouue de tendres, fais bouillir la dure en eau comme i'ay dit, & la baille à boire au cheual avec la corne.

*Des vers qui viennent aux couillons des cheuaux.*

*Chapitre 167.*

**Q**Uand les vers suruiennēt en abondance aux couillons du cheual, ils le font mourir, si on n'y remede soudainement. Les signes sont ceux-cy: Le cheual se veautre souuēt, & se mort les costez, il tasche à grater son vētre avec le pied, le poil est leué contremont, il est plus gresle qu'il n'estoit parauant: & si on n'y met remede, il mourra auāt qu'ils ayent percé le vētre. Cela vient de mauuaise viande, & d'endurer trop grād soif. Remede: Il luy faut ietter en la bouche toutes les entrailles d'vne ieune poule, & les luy fais aualler encores chaudes: & continuer cela par trois iours au matin seulement sans le laisser boire ne manger que bieu peu iusques à neuf heures. Item pour cela mesme aucuns broient des branches & verges d'abrotane, autrement dite aurone, & les font manger au cheual avec son auoine, puis luy font boire de l'eau salée. Item on luy baille du seigle vn peu cuiēt & seiché au soleil. Item baille à manger au cheual des fueilles verdes de saux ou de cannes, car il iettera ces vers avec sa fiente: & luy en faut donner iusques à ce qu'il ait tout ietté ces vers, & il sera guarý.

*Pour les os rompus.*

*Chapitre 168.*

**P**OUR consolider soudain tous os rompus du cheual, coupe le cuir dessus la rompure, puis fais frire en huile d'oliue des vers qui s'appellent ystules, & les lie dessus. Item autrement: Si l'os est rompu, ou si les ioinctures sont separées, laisse faire les maistres experimentez en cela, car la cure de ceste maladie gist plus en operation qu'en parole: Ce neantmoins faut sçauoir qu'apres la reparation de l'os ou ioinctures faut faire vn cautere sur le lieu, à fin que les nerfs estendus se retirent, & retournent en leur lieu.

*Pour guarir toutes playes du cheual.*



## Chapitre 169.

**P**OUR quelque playe qu'ait le cheual, prens des racines de mauues champestres, & les fais bouillir longuement avec du lard de porc, puis les mets sur la playe avec du lard, en les changeant & redouellant souuent, car la douleur s'en ira & le lieu se molifiera, & de bref on y verra signe de guarison. Item le meilleur remede qu'on sçache trouuer: Cherche au chapitre des creuasses de trauers vn vngent qui est fait de terebentine, cire vierge, gomme d'anet ou sapin, betoine, & autre choses qui y sont contenues. Autre poudre tres-bonne pour toutes playes, escorcheures, & rompures des cheuaux: Prens du romarin, & le fais seicher à l'vmbre, & non pas au soleil: & quand tu voudras medeciner la playe, laue la de vinaigre ou vrine nouuelle d'hōme, puis apres mettras dessus de la poudre faite de ce romarin, & tu verras vne merueilleuse operatiō. Item note que si on laue quelque playe que ce soit avec caue de la decoctiō de taxus barbatus, iamais n'y viendra fistule ny aucun chācre, & en sera plus tost guarie. Item prens vne herbe nommée iacca nigra, ou autrement viola ferraria, ou auriga, & la pille pour appliquer sur la playe, car elle en fera guarie avec l'aide de Dieu.

*D'une escherde ou espine qui peut entrer en quelque lieu sur le cheual.*

## Chapitre 170.

**A**Vcunesfois vne espine ou escherde de bois entre en quelque lieu sur le cheual, & demeure dedans la chair, & s'y engendre apostume, & toute la iambe en est aucunesfois enflée, & principalemēt quand quelque nerf en est touché: que le cheual est contraint de clocher. Remede. Il faut premieremēt raire la playe, & le lieu où est l'espine ou escherde tout à l'entour, puis prendre trois testes de lezard, & les broyer pour les lier dessus avec vne piece. Item prens des racines de roseaux, & les broye en miel, pour en faire emplastre & le mettre dessus, & l'escherde ou espine sortira. Item les limaçons broyez cuiets avec du beurre y sont bons, & note que ces medecines souuēt renouellées tirent hors l'espine ou autre chose qui y sera. Et quand elle sera hors faut guarir la playe avec vn aubin d'œuf, & autres choses consolidatiues, & avec vnguent fait de terebentine, cire vierge & autres choses contenues au chap. des creuaces de trauers.



Ets'il y reste quelque enfleure la faut oster avec l'emplastre faire d'aluyne, aparitoire, brâche vrsine, graisse, farine & miel, broyez ensemble & cuiets : lequel molificatif est bon à oster toutes enfleures molles & nouuelles qui viennent de cas fortuit, comme d'un coup baillé à la iambe, au genouil, ou iointures en le renouellant souuent.

*Du chancre.*

*Chapitre 171.*

**S**Ouuent le châtre suruient aux iointures des iambes du cheual, pres des pieds, c'est à sçauoir au pasturon & aucunes fois en autre lieu : & vient pour plusieurs raisons, aucunes fois à cause d'une playe qui a esté au lieu & s'est fortifiée & enuicillie par negligence, ou que quelque ordure ou eau soit entrée dedâs : ou de pourriture quand on cheuauche le cheual sans regarder s'il a rien aux iambes ou iointures : car si la maladie s'enracine en vne playe, & que les eaux ou ordures y touchent, certainement le châtre s'y engendre. Remede: Prés du ius de racines d'asphodilles, vij. onces: chaux viue, iij. arsenic puluerisé, deux: tout broyé & meslé ensemble, puis le mets en vn pot neuf, lequel faut bien couvrir à fin que la fumée n'en sorte : & faut tout faire si bien cuire qu'on le mette facilement en poudre, de laquelle empliras le chancre deux fois le iour, iusques à ce qu'il soit mortifié, & qu'il tôle en lauant premierement la playe de fort vinaigre: apres tu guariras la playe avec vn aubin d'œuf & autres choses, comme i'ay dit cy dessus en plusieurs chapitres. Le signe de la mortification du chancre est, quand la playe s'enfle tout autour. Item aussi est bonne pour cela mesme la fiente d'homme bruslé & mise en poudre avec tartre puluerisé & bruslé, & en faut faire comme i'ay dit de la poudre d'asphodilles. Item le tartre meslé avec du sel, & mis dessus. Item autrement & mieux: Prends ails, poiure & piretre pilez & meslez avec viel oing de porc ou d'oye, pour mettre dessus le chancre en maniere d'emplastre, laquelle faudra renoueller deux fois le iour, iusques à ce que le chancre soit guarý: puis guariras la playe cōme i'ay dit cy deuant & diray cy apres au chapitre de la cure des playes des iâbes. Et note que la poudre d'asphodilles est plus vehemente que toutes les autres : & pource qu'il est dangereux de cauteriser ou inciser les lieux nerueux, & pleins de veines & arteres, pour euitier



plus grand danger, c'est le plus seur d'y vser de ces poudres: façoit que le chancre soit mieux guarý par incisions ou cauterres, car à grand peine peut on iamais inciser ou cauteriser lesdits lieux aux poulains sans danger. Parquoy disoit Hippocrates. Quand le châtre est caché, il ne le faut curer soudain: car si tu le cures soudain il perira, sinon il demeure plus long temps à estre guarý. Cela sent éd selon Galien, du cautere & incision, car quãd vn chancre est caché, c'est à dire en vn lieu nerueux, on ne le peut bien inciser, & y a grand danger à cause des nerfs. Ité autre remede: S'il est aux iâbes ou pieds du cheual, près de l'alun, diagragant & souphre, autât d'vn que d'autre, le tout broyé ensemble, & meslé avec cire & en fais vne chandelle, laquelle allumeras & feras degoutter dessus le chancre, en gardât d'en laisser degoutter ailleurs: & faut tousiours garder le cheual d'eau & d'ordure. Item si le chancre a mangé les leures du cheual, faut faire fort seicher de la semence de châtre, puis la piler bien menu, & en mettre dessus iusqu'à ce qu'il soit guarý. Ité prens de la chaux viue, encre, miel & saumon vicil, esgalement tout broyé ensemble & en fais vne maniere de paste, laquelle tu feras brusler en vn pot au feu, puis la faut pulueriser, & mettre de ceste poudre dessus iusques à ce que le chancre soit desseiché. Item si le chancre vient en la maschoire, ou en lieu auquel la chair ne soit pleine de nerfs & muscles, il doit estre cauterisé tout autour, & par le milieu, puis faut oindre les cauterres de miel iusques à ce que le cuir tombe de soy-mesme: & le faut garder de toute l'humidité qu'on pourroit tirer avec le sang de l'autre costé du col. Ité les genciues sont aucunes fois corrompues d'humour melâcolique qui y abonde, dont le châtre y vient & apparoissent noires & saignâtes, & ne prennêt gueres de viandes: & par l'oppression & abondance de mauuaises humeurs, les playes ne se peuuent consolider. Mais à cause que l'apostume y est, faudra tout couper & arracher: puis iucifer & ietter hors ceste chair noire, & raser aussi l'os de la machoire: & ne faut craindre de faire cela, car vn cheual est de grosse & dure substance, & endure facilement l'incision, si le chancre n'est en lieu intrinqué ou nerueux, ou en la corne du pied, ausquels lieux il faut craindre de faire incision, de peur que les veines ou nerfs soient blesez ou corrompus,



Item vn autre, qui est aussi bon pour guarir toute fistule : Prends du verd de gris, arsenic, persicaire broyée, vitriol, nitre, des deux ellebores le tout puluerisé menu : & puis apres iette ceste poudre sur le chancre, pourueu que tu aye premierement nettoyé ceste playe avec vrine ou vinaigre où ait esté cuitte de l'hyssope & centauree. Item pour guarir le chancre prens de la sauge & de la rue broyée avec vieil oing de porc, & les mets dessus tant qu'il soit tout mangé & deuienne blanc, puis n'y mettras plus que de la poudre de sauge pour consolider. Item prens du souphre, raifine de vin esgalement tout ensemble, & en fais vn cierge pour faire degoutter sur le chancre, & garde bien d'en laisser choir ailleurs. Autrement : Prends de l'alun, souphre & tartre esgalement, que tu mesleras ensemble & en feras vn cierge que tu allumeras pour le faire degoutter dessus le chancre, comme i'ay dit cy dessus, & garde qu'il ne tombe en autre lieu.

*De la fistule.**Chapitre 172.*

**S**I vn chancre n'est bien guarý, ou quelque vieille playe, il y suruiet vne maladie qu'on appelle fistule, laquelle fait la playe profonde avec vne petite ouuerture qui mange la chair iusques aux os par les mauuaises humeurs qui y descendent: car les mauuaises humeurs descendēt tousiours en vne playe si on ne la guarit comme il est necessaire: puis s'engendre vne fistule par laquelle nature fait sortir lesdites humeurs. Remede: Emplis la fistule de la poudre declarée au prochain chapitre qui est d'asphodilles & autres choses desquelles y est parlé: mais il faut dauantage que la poudre d'arsenic soit en poids esgal à la chaux viue, à fin que ceste medecine en soit plus violente. Item vne autre poudre plus violente: Prends de la chaux viue & arsenic esgalement tout broyé & puluerisé ensemble: puis le mesle avec ius d'aulx, doignons & d'hiebles autant d'un que d'autre: & le feras bouillir en miel & vinaigre autant que desdits ius, iusques à ce qu'il deuienne comme vnguent: consequemment faudra lauer la fistule de vinaigre, & la remplir dudit vnguent, & la lier si fort que rien n'en puisse sortir. Item prens du ius de mauues ou de racines de ciclame, & autāt d'huile d'oliue, vn peu de vinaigre & vn peu de sel broyé, puis mesles tout ensemble, & le mets dedās la fistule iusqu'à ce qu'elle soit guarie. Item autrement : Prends de



del'orpin, chaux viue, verd de gris, autant d'un que d'autre, le tout battu avec ius de piretre en y meslant de l'ancre, puis iette tout dedans du miel fondu en vinaigre esgalement, & le tout cuit ensemble en le mouuant tant qu'il deuiene comme paste, puis en empliras la fistule deux fois le iour apres que tu l'auras lauee de bon vinaigre. Item vn autre plus violent: Prends du realgar bien broyé avec salie & vrine d'homme pour mettre dedans la fistule. Quand la fistule s'ensle à l'entour & qu'elle est rouge dedans, c'est signe de guarison: mais si elle est mortifiée, il faut guarir la playe comme i'ay dit des autres. Si la fistule est en lieu charnu, la faut guarir comme le chancre. Item pour guarir la fistule & châtre s'ils sont profonds, fais vn tuyau de cyclame, & l'oins de saumon noir & le mets dedans, & la fistule s'ellargira & nettoiera si bien que tu verras facilement le fonds: puis le pourras esteindre avec poudre faite d'arsenic, verd de gris, persicaire & autres choses comme i'ay dit au prochain chapitre. Et note qu'aucun chancre ou fistule ne peuuent estre guaris si la medecine n'entre iusques au fonds. Item la fistule s'ellargit fort avec de la flammette: & quand la fistule ou châtre seront mortifiez tu feras vn vnguent pour consolider de sel nitre & vitriol broyez ensemble, lequel tu mettras dessus. Faut aussi noter que l'vnguent rompant est bon contre la fistule ou chancre & le fait meurir. Quand l'ordure commence à sortir claire & qu'elle deuiet incontinent espaisse, c'est signe que ladite fistule ou chancre sont mortifiez.

*D'un nerf couppé.**Chapitre 173.*

**S**I vn nerf est couppé faut prendre les deux bouts & les coudre ensemble avec soye ou crins, puis prendre des vers nommez lumbriques qu'on trouue dedans du fient, & les frire en huile d'oliue pour mettre dessus. Item faut premierement garder que l'eau froide y touche, car incontinent elle pourriroit le nerf. Et note que si le nerf est du tout couppé il ne fait point tant de mal au cheual que si l'estoit seulement frappé ou piqué. Apres cela faudra rechauffer & guarir ce nerf avec choses chaudes & penetrantes, c'est à sçauoir huile, miel, & vn peu de vin, le tout cuit ensemble: puis faudra lier dessus vne emplastre faite de miel, racines d'hiebles, & dialthée. Si le nerf est couppé en



long, pourras ainfi guarir: Prends des vers de terre & les iette en huile ou vn peu de miel, & les chauffe vn peu au feu, puis les mets tous chauds sur la playe sans y mettre autre medecine en les renouuellant fouuent: & fil est couppé de trauers & oblique, il fera bien difficile à guarir de ceste feule medecine.

*D'un nerf contrit.*

*Chapitre 174.*

**S**I vn nerf a esté touché & contrit de quelque playe faut mettre dessus de la chair de tortues bien broyée & pilée avec poudre de moulin. Aucuns y adioustent de la myrthe & aloes.

*D'un nerf tors & intriqué.*

*Chapitre 175.*

**Q**Vand vn nerf est tors fais vn cautere d'un fer ardent dessus en la forme d'un cercle, tellement que toutes les lignes respondent au milieu & il sera guarý.

*Contre toute douleur, enfleure & indignation de nerfs.*

*Chapitre 176.*

**F**Aut faire bouillir de la farine de graine de lin, terebentine, & miel, autant d'un que d'autre en vin blanc iusqu'à ce qu'il soit espais pour faire emplastres à mettre dessus, & tu verras vne merueilleuse operation.

*Vnguent pour reparer la chair.*

*Chapitre 177.*

**P**OUR faire reuenir la chair & guarir vne playe, faut faire tel vnguent: prends de l'aluyne, mariolaine, pinpernelle, calament, encens masse & cire tout broyé & bouilly en vieil oing sur le feu, iusques à ce qu'il soit bien incorporé ensemble: & faut tremper en cest vnguent vne piece de lin pour mettre sur la playe, lequel est merueilleusement bon pour reparer & consolider la chair.

*D'une playe faite d'une fleche enuenimée.*

*Chapitre 178.*

**Q**Vand vn cheual a esté nauré d'une fleche enuenimée, près de la sueur & escume d'un autre cheual, & du pain brulé, & melle tout avec vrine d'homme pour bailler à boire au cheual, puis prends huile & miel meslez avec de la graisse, & en mets dessus la playe.



*Chapitre 179.*

**Q**uand vn homme ou vn cheual a esté mors d'un serpent le faut ainsi guarir : Prends de la sauuine & la broye & destrempe en lait de vache qui soit tout d'une couleur, c'est à dire sans tache, & en baille à boire au patient, soit homme ou beste, & avec l'aide de Dieu il sera guarý. Item autrement : Prends des oignons pilez avec miel & sel, puis tout ainsi bien pilé l'appliqueras dessus le lieu qui aura esté mordu : & avec la corne feras boire au cheual du triacle avec bon vin.

*Contre la morphée & toute impetigue qui aduient aux cheuaux.*

*Chapitre 180.*

**L**Amorphee ou impetigue viét aussi bié aux cheuaux qu'aux hommes à l'entour des yeux & paupieres, au nez & à la bouche. Remede : Prends de la racine de brionne, concombres sauuages, viticelle, esclaire, asphodilles, flammule & vary, puis en tire le ius & le mesle avec vinaigre, & qu'il y ait deux parts de ius, & vne de vinaigre, & fais tout bouillir ensemble iusques à la consommation de la tierce partie, puis apres mets du lithargire mis en poudre avec, & fais tout couler par dedans vn drapeau : cela fait prens de l'huile de laurier & cire & en fais vnguent, en y adioustant vn peu de visargent : cela est approuué, & si tu en oings la playe elle se guarira. Autrement prens de la farine de feneuë & la mesle avec fort vinaigre, & en oins la playe, ou la mets dessus en maniere d'emplastre : continue cela par trois semaines & il se guarira. Item autrement : Prends de la myrrhe, aloes, sang de dragon, orpin, fiente d'oye, saumon confit en huile de laurier, huile d'oliue & vinaigre, & en fais vnguent pour oindre les playes iusques à ce quelles soient guaries. Item prens de la gomme de pruniers, & la mets en fort vinaigre, & la laisse là iusques à ce qu'elle soit fondue : puis mettras de la suye dedans & la mesleras iusques à ce qu'elle deuienne comme vnguent duquel oindras les playes : cela est approuué.

*Contre la mortalité des cheuaux & autres bestes.*

*Chapitre 181.*

**L**aduient aucunes fois par la corruption de l'air, ou pource que la pasture est infecte, & pour autres causes qui sont inco-



gnues, que les cheuaux, bœufs, brebis, & autres bestes sont infectées, & que soudainement elles meurent. A ceste cause il y faut pouruoir en ceste sorte & maniere: Prends de la betoine, car on en trouue en plusieurs lieux abondamment, & fais si tu peux que les cheuaux, bœufs, ou autres bestes en mangent. Et s'ils n'en peuuent manger, prends ladite herbe & la broye fort bien, & le ius qui en sortira mesle le avec l'eau que tu leur bailleras à boire: mais qu'ils n'en boient pas durant l'epidemie. Et par ce moyen seront secourues de ladite mortalité. Semblablement l'herbe appellée scabieuse y est propre.

*Memoires ou notables.*

*Chapitre 182.*

**A** La fin de mon liure ie te declareray des choses dignes de memoire & notables. Et premieremēt si tu veux tousiours tenir ton cheual en santé, tellemēt qu'il ne luy suruienne galles, furos, spinelles, iauars, esperuains ou courbes, à fin que plus facilement il puisse trauailler (car toutes ces maladies luy viennent de trop grand trauail) tu le dois faire cauteriser es lieux où lesdites maladies & playes ont esté par quelque mareschal prudēt & expert. Item note que si on cauterise le cheual à l'age de deux ou trois ans, & qu'on le laisse pasturer aux champs il se guarira mieux: car la rosée est fort bonne pour oster le feu, & guarir le cautere, aussi le cheual en deuient plus beau. Item note que le feu laisse les playes & maladies en l'estat qu'il les trouue & les cōtregarde. Parquoy si le cheual a aucunes de ces maladies, il ne le faut cauteriser iusques à ce que la douleur soit cessée: ce que le sçauāt mareschal & expert pourra bien faire. Item note que le cheual ne doit iamais estre saigné de la poiétrine, du costé, ne des flans, car telle saignée requiert accoustumance si elle n'est necessaire par quelque maladie. Itē note qu'on doit euitier d'inciser ou lier les veines, car cela est cause que le cheual n'est iamais de telle vertu qu'il estoit auparauant, & ne profite en rien sinon qu'il en est plus beau. Item note qu'on ne doit point mettre de lacs ou setons en la poiétrine du cheual, si ce n'est pour cause tres-necessaire, car il n'en deuient que plus pesant & lasche. Item note que le cheual qui aura esté malade du ver fera tousiours plus pesant que deuāt, nonobstāt qu'il semble estre guarý. Item note que si tu as trauaillé ton cheual, le faut laisser refroidir



& estaller avant que l'abreuuer, quand tu le deurois attendre iusques à minuit: car autrement luy pourroit suruenir vne dif-  
fenterie qui le feroit mourir. Item quand le cheual est blessé  
au dos fil est necessaire de le cheuaucher ou qu'il porte quel-  
que chose, il ne faut pas boyter sa selle, car par la dureté qui seroit  
autour de la playe, le dos seroit plus fort blessé: mais feras plus  
seurement en ceste sorte: Coupe la toile de la selle au dessus  
de la playe de long & de trauers en forme d'une croix, puis tire  
la laine ou bourre dehors, & la fais fort battre & adoucir entre  
les mains, & la remets au lieu mesme où elle estoit, puis la toi-  
le ainsi couppee en croix doit estre si bien ordonnée qu'elle ne  
tombe & blessé point la playe: en apres faut mettre sur ladite  
playe quelque medicament, & mettre la selle ou bast dessus  
pour le cheuaucher. Item note que si le cheual est las & fasché  
sur les champs tellement qu'il ne puisse plus cheminer, le faut  
refraischir en ceste sorte & laisser reprendre sa vertu comme  
fil n'auoit point trauaillé: Alors il te faut mettre ton cheual en  
vne estable ou maison, ou au chemin moyennant que le temps  
ne luy puisse nuire, puis luy oster sa selle ou bast, & le laisser veau-  
trer tant qu'il voudra comme font les asnes & mulets, & il se  
releuera aussi delibéré d'aller que fil n'eust point trauaillé de la  
iournee: parquoy luy remettras la selle, & le cheuaucheras com-  
me deuant. Item note que pour arracher au cheual les dents  
qu'on appelle escalongnes, le temps de vendanges est le plus  
commode, car si on luy baille à manger des raisins, les playes en  
font plustost guaries, & se cōsolident mieux, sans que les vers sy  
engendrent ou quelque mauuaise chair, la bouche en deuient  
meilleure & le cheual engraisse. Item note que si tu veux garder  
ton cheual sain & de plus grand trauail, luy dois bailler à mager  
paille ou orge toute l'annee sans luy bailler herbes ou fourrage  
au nouueau temps: toutes fois en Automne on luy doit bailler à  
manger des herbes de pré avec la rosee: & neantmoins luy bail-  
ler au soir de l'orge ou auoine, car le cheual en sera plus sain, &  
endurera plus grand labour & viura plus long temps en santé,  
& sera tousiours gras. Je n'entends pas que tel cheual soit à vn  
marchand de cheuaux, car à fin qu'il semble plus beau, le faut  
engraisser: & au nouueau temps est bon de bailler aux poulains



du fourrage ou autres herbes pour les desennuyer. Item on doit cognoistre qu'il y a certains signes au ciel qui respondent aux parties du corps du cheual. Premièrement Aries respond à la teste, à la face & autres membres qui y sont contenus. Taurus au col & à la gorge. Gemini à l'ouerture, espauls, hanches & aux iambes & pieds de deuant, & à tout ce qui est contenu en ces membres. Cancer à toute la poitrine & aux deux grandes costes. Leo au cœur & à l'estomac, & à son orifice & entrée. Virgo au diaphragme, foye, poulmon & au fonds de l'estomac iusques au nombril. Libra aux entrailles, nombril, iusques au poulmon & à tout ce qui y est contenu, & aux fesses & espine du dos, avec les costes qui en descendent. Scorpio aux genitoires, comme au con, matrice, periteneon, couillons, bourfes avec les parties honteuses tant deuant que derriere. Sagitarius aux hanches, fesses, gras des cuisses, & au trumeau. Capricornus aux genouils, & à ce qui est le subtil des cuisses. Aquarius aux iâbes. Pisces aux pieds. Et si quelqu'un veut medeciner ou vser de chirurgie sur quelque membre, ou par decoction, ou incision, ou cauteré ou autrement, doit garder que la Lune ne soit au signe correspondant au membre qu'il faut medeciner; car il est non seulement perilleux, mais aussi y auroit danger de mort. Item note que si quelqu'un veut oster les escalongnes au cheual, ou cauteriser, ou faire semblables cures & operations de mareschal, il le doit faire quand la Lune est au decours, & non pas quand elle croist: car ainsi s'augmentent & diminuent les humeurs es corps comme la Lune se diminue & augmente. Item faut scauoir que l'eau fort distillée par un alembic de la douzième part de vitriol Romain, ou de couperose, & de la sixième partie de sel nitre, guarit le cheual de toute fistule, & de tout chancre. Et est aduenue que j'ay guarie un cheual ayant une fistule en la soule du pied laquelle aucuns mareschaux appellent la fourmy. Item ladite eau guarit la foye qui n'aist en l'ongle du pied, & cecy est une maniere de fistule. Item elle guarit les grappes & seiches creuaces, quand encores elles seroient persées d'oultre en oultre. Aussi la zarie, autrement dite les rioles de taigne, & le desir de se gratter & frotter avec ce elle oste la taigne. Item elle guarit les restes qui sont longues, & celles qui sont seiches, & toutes autres infir-



mittez qui sont de ce genre en quelque partie que le cheual les a sur son corps. Et sçache que ladite eau guarit toutes les pre-dites maladies, moyennant que ladite eau puisse paruenir à la racine de ladite maladie. Elle guarit pareillement les morfins, les gratelles & rongnes en quelconque partie qu'elles soient au corps du cheual : mais premierement il faut bien frotter & racler le lieu de la maladie, si bien qu'elle rende le sang ou vne humeur d'eau. Item pour ce mesme, autre medecine : Prenez vn crapaut & le brusle en vn pot de terre qui ait son couuercle, & le faut clorre & couvrir tres-bien de paste faite d'une partie de tartre puluerisé, & les deux parties de farine de froment, le tout destrempé avec vn aubin d'œuf. Apres que le crapaut sera tout bruslé faudra le mettre avec vieil oing, en sorte que pour chacun crapaut, y ait quatre onces de vieil oing. Et de ce faut oindre les ongles des cheuaux, car ils s'en augmenteront & guariront les creuaces & toutes rongnes que pourront auoir les cheuaux dedans neuf iours, moyennant qu'on les oigne deux fois le iour, c'est à sçauoir de matin & de soir : & guarit toutes les susdites maladies ainsi que ladite eau forte, & encores mieux & plustost. Item faut noter que les cheuaux qui sont portez sur nauires, galeres & autres vaisseaux par mer, la tierce partie communemēt meurent. Laquelle chose aduiet pour les incommoditez qu'ils souffrent par tel deport : car ils ne peuuent se reposer ny coucher, ainsi necessairement il faut qu'ils soient tousiours debout. Et quand ils veulent & leur est besoin de se reposer ou dormir on leur baille de la pasture qui ne leur est conuenable. Et ensemblement sont si pressezz que presque continuellement ils se couchent l'un l'autre : dont il s'ensuit qu'ils ne se peuuent purger ne vriner. Et si on n'y preuoit il faut necessairement qu'ils meurent. Adonques sur cecy ie dōneray deux remedes tresvtils. Le premier est que quād l'opportunité, le tēps & le lieu s'offre, les faut retirer hors desdits vaisseaux à terre, & les faire manger, & attēdre qu'ils se soient vuidez de leur superfluité. Et si pour la tempeste de la mer, ou l'incommodité du lieu cecy ne se peut faire, alors faut donner au cheual le second remede, c'est à sçauoir de clisteres conuenables, comme de la decoction de mauues ou de la mercuriale avec vn peu d'huile d'o-



liue, & vn peu de sel. Parquoy celuy qui a à traiter les cheuaux doit tousiours avec soy auoir vn instrument à ce conuenable: autrement les cheuaux encourroient tout incontinent le peril de mort. Et sçache que ce clistere doit estre fait quand les cheuaux en ont affaire. Il suffit toutesfois qu'on leur baille ce clistere vne fois ou deux la sepmaine: & c'est la singuliere medecine pour cheuaux qui sont sur mer, & qui est approuuée. Ou autrement faut faire vn autre clistere qui est, que premierement faut lauer le membre naturel de derriere du cheual bien fort avec eau salée. Apres mettre avec instrument ou seringue à ce propice dedans le ventre autre eau salée. Item autre remede: Faut prendre deux poignes de sel, & vn pot plein de vin, & mesler tout ensemble, & mettre cecy (comme il est dit) avec instrument dedans le corps du cheual. Et si toutes les choses susdites ne suffisent: Prens vn poreau & l'oings fort avec du saumon noir, & le mets à la maniere d'un suppositoire dedans le membre de derriere du cheual.

PETIT





PETIT TRAITE<sup>e</sup> CONTENANT  
 PLUSIEURS RECEPTES, ET REME-  
 des d'aucunes maladies des cheuaux, depuis  
 peu de temps recouuert: lequel nous a sem-  
 blé bon adiouster à la fin du liure  
 de Laurent Rusé, pour ac-  
 commodier le Lecteur à  
 telles receptes qu'il  
 luy plaira.

Et premierement.

*Pour coup ou heurteure à l'œil d'un cheual, ou à l'entour d'iceluy:  
 sil n'y a sang ou playe.*

CHAPITRE I.



V Y faut lauer les yeux d'eau de fôtaine bien  
 claire, ou venâte du puis, la plus froide qu'on  
 pourra auoir. Puis pour le guarir, prenez gō-  
 me de lierre, autrement appelé gummy hede-  
 ræ, demie once, & en faites poudre. Apres  
 prenez d'une herbe appelée esclere; & autre-  
 ment chelidoine, trois poignées, & en faites  
 ius dedans lequel mettez & incorporerez la dite gomme de  
 lierre & avec vne plume d'oye aiant l'empennon; luy en mettez  
 dedans les yeux deux ou trois fois le iour, & tant de iours que  
 besoin fera. Et pour oster la concussion d'iceluy coup, l'on  
 prendra cire neufue, trois onces de poudre de commun, demie  
 once, poudre faite d'agrimoine, demie once, meslez & incorpo-

Dd



porez le tout ensemble quand ladite cire sera fonduë & en faites oignement duquel l'on en mettra sur le cuir en façon de cataplasme ou emplastre, laquelle on tiendra sur ledit œil, & concus-  
sion lié & bridé, à fin qu'il ne tombe tant que besoin sera, & ius-  
ques à ce qu'il soit guarý.

*Pour engraisser cheuaux.*

*Chapitre 2.*

**P**Remierement pour oster le gros flegme, sang corrópu, mor-  
fondures, vers lumbriques, merennes, & autres mauuais cas  
que les cheuaux, & bestes cheualines ont dedans le corps, boy-  
aux & autres membres interieurs, qui sont cause de les faire  
deuenir maigres, & qu'ils ne peuuent profiter ny engraisser, leur  
faut bailler son ou bren de froment, fait & cuiët en la maniere  
qui s'ensuit. Prenez vn plein chauderon d'eau, & le faites bouil-  
lir à gros bouillons, & mettez y dedans vn picotin de son, & l'y  
laissez par l'espace de demy quart d'heure, puis otez le son du  
chauderon, & le baillez au cheual, de grand matin deuant qu'il  
soit estrillé ny pensé, pour le faire manger le plus chaud que l'on  
pourra, & de l'eau où ce son aura bouilly lon abbreuuera le che-  
ual quand l'heure sera, le tenant en lieu ou estable chaude &  
bien couuert si c'est en hyuer : & si c'est en Esté en estable ou  
lieu moyennement chaud. Et au soir luy faut bailler avec son  
auoine de la poudre cy apres declarée, la grosseur d'un œuf, &  
continuer à ce faire l'espace de quatre, cinq, six, ou sept iours, se-  
lô que l'onverra estre necessaire. Car le son preparera les grosses  
humeurs, corruptiôs, morfondures, & autres maladies qui pour-  
roient estre au corps du cheual, & les mollifira & preparera, à fin  
que plus facilement la poudre cy declarée face plus forte opera-  
tion, & oste lescdites grosses humeurs. Prenez commun, fenu-  
grec, sceleris montani, autrement appellé sizillois, graine de lin,  
de chacun deux onces, clou de girofle, noix muscade, gingem-  
bre, de chacun demie once, souffre vis deux onces, faites de tout  
poudre de laquelle vous baillerez au cheual, la grosseur d'un œuf  
tous les soirs avec son auoine apres qu'elle aura esté bien cri-  
blée & nettoyée, tenant le cheual tousiours en bonne estable  
(comme dit est) chaudemêt & bien couuert. Puis pour l'engrais-  
ser, quand il viendra de boire apres que l'on aura bien auallé le  
poil & frotté sous le ventre, & l'auoir couuert de sa couuerture.



luy faut bailler vne iointee ou deux de froment deuant luy : & quand il sera temps luy bailler l'auoine, luy faudra bailler aussi deux iointees de graines d'orties l'espace de sept ou huit iours : au reste le nourrissant de bon foin & auoine, & le traittant bien il riuendra.

*Pour morfondure.*

*Chapitre 3.*

**N**Otez qu'il faut faire cequ'auôs dit en l'article precedet, où il parle de faire vuidier les grossès humeurs, & morfondures du corps & membres interieurs du cheual, & faire tout ce qui est contenu iusques à ce où il est parlé de bailler graines d'orties pour l'engraisser. Car pour oster lescdites morfondures, les poudres & son y sont tres-bons & propices en les baillant selon les qualitez, & quantitez, heures, façon & maniere comme dit est.

*Pour la toux.*

*Chapitre 4.*

**P**OUR le cheual qui a la toux, sera tres-bien fait luy bailler dedits son & poudre, à fin de faire vuidier & euacuer par le fōdement plusieurs humeurs mauuaisés, corrompues & froides qu'il a dedans le corps & membres interieurs, & est en cela cause d'où procede la toux. Et apres que lon verra qu'il sera purgé dedans le corps, on luy fera de l'eau assez chaude, & blanche de son ou farine que l'on aura mis dedās. Et apres que l'on aura fait ladite eau, faut prendre vn baston gros d'un ponce ou plus, & long d'un pied, & l'envelopper de drap pers nouuellement teint & passé en guede ou pastel, en trois ou quatre doubles, & le faire en façon de billot, lequel on frotera tres-bien, & tant qu'il sera possible d'huile de lorin. Puis on mettra ledit bastō ou billot ainsi enucloppé dudit drap pers, & frotté de ladite huile de lorin, en la bouche du cheual, comme si c'estoit vne bride avec lequel billot on fera boire le cheual : & quand il aura beu, on luy laissera macher ledit billot, à fin que toute la substance de ladite huile luy entre dedans le corps. Et quand on voudra luy donner son auoine, faut mettre dedans icelle la grosseur d'un œuf de la poudre qui s'ensuit, graine de fenouil quatre onces, graine de fenugrec deux onces, cardamome vne once, & faites du tout poudre, mais non pas trop deliée, à fin qu'il ne la souffle en mangeant son auoine, & le tenant couuert & en bonne estable chaude, par tant de temps que besoin sera.



**O**N prendra vn baston de moienne longueur gros de demy doigt, lequel on enuvelopera d'un drapeau, ou bien pour le meilleur d'un drap pers freschement passé par la guesde qu'aucuns appellent pastel : lequel baston ainsi enuveloppé desdits drappeaux ou drap, on le frottera de saumon noir, apres on le mettra assez auant dedans le nez deux ou trois fois le iour.

**P**Renez des quatre oignemens chauds, qui sont huile lorin, oignement d'agrippa, d'aulte, & marciatum, autant de l'un que de l'autre: & apres les auoir meslezensemble, frottez en tous les iours aux soirs la gorme du cheual, puis l'enveloppez d'une peau de mouton avec la laine. Ce remede est bon en hyuer, mais pource que lesdits oignemens sont trop chauds en esté, au lieu de ce on prendra oignemens d'aute deux onces: trois oignons de lis cuicts, leuain de seigle six onces, sein de porc fort vieil trois onces, ysope humide demie once, & de tout ce faire oignement duquel on luy mettra vn emplastre sous la gorge, avec laine suze ou crue, ou bié vne peau de mouton avec la dite laine. Pendant iceluy temps on luy peut souffler aux naseaux vne fois ou deux le iour la grosseur d'une noix, de la poudre faite d'euforbe, & ellebore noir autant de l'un que de l'autre, ou bien d'une plume ayant l'empennon fort frotté d'huile de lorin, luy mettre dedans les naseaux, & lesquels poudre & huile de lorin seront cause de luy faire ietter, & euacuer partie des humeurs d'icelle gorme par les naseaux.

**P**Renez fiente d'homme fraischement faite, & la mettez avec vne pinte de vin blanc, & la faites boire au cheual, apres montez dessus, & le trottez & cheuauchez deux heures, ou tant que besoin sera, & qu'on verra qu'il ne tremblera plus, ains mangera, & aura appetit de manger. Ou bien si on voit qu'il ne tremble plus, & qu'il n'ait appetit de manger, qu'on luy laisse la bride & mors en la bouche: & apres l'auoir couuert on le laissera en l'estable rōgeant son mors, ayant foin deuant luy pour en prendre quand il luy plaira, & luy doit on abattre sa litiere sous le vêtre pour le faire pisser. Ou bien si on n'a le loisir de tāt le tenir



en l'estable, incontinent apres luy auoir baillé ledit breuuage, le faut tout bellement cheuaucher le pas, trois ou quatre lieues selon qu'on aura la commodité de ce faire, & qu'on verra qu'il se portera, en l'esmouuant & arrestant en chemin plusieurs fois à celle fin qu'il pisse & siente. Ce faisant auât que le cheual ait fait lesdites lieues, aydant Dieu, il sera guarý, & aura bon appetit de manger. Autrement: Prenez poudre de sceleris montant vne once, agaric trofiscal demie once, poudre de commun & d'anís de chacun demie once, mettez le tout ensemble avec vne pinte de vin blanc, & luy faites aualler. Il sera bon pendant iceluy temps de luy souffler aux naseaux de la poudre d'euforbe & d'elcbore noir: ou bien luy mettre avec vne plume aiant l'empenon frotté d'huile de lorin aux naseaux, à fin qu'il iette par iceux & euacue partie du mal, & le promener vne heure ou deux, & faire ainsi qu'il est déclaré cy deuant.

*Pour tranchaïsons.*

*Chapitre 8.*

**P**renez vne poignée ou deux d'une herbe appelée quintefeuille, autrement pentafilon, broyez la fort, puis la destrépez d'eau tiede, & la faites aualler au cheual. Autrement: Lon luy baillera & fera on aualler le breuuage fait de vin, & de poudre de sceleris montani, d'agaric, de commun, & anís, dont est fait mention cy deuant au chapitre où il parle des narines. Autrement: Prenez vne once d'anís en poudre, & autant de commun, & pilez le tout ensemble, puis destrempez le avec vne pinte de vin, & le faites boire audit cheual, puis le promenez & trottez fort. Autrement: Prenez vne once de fenugrec, vne once de commun, & pilez le tout ensemble, puis destrempez le avec vne pinte de vin, & le faites boire audit cheual, & le trottez fort.

*Pour farfin.*

*Chapitre 9.*

**P**renez son de froment, fait & préparé comme cy deuant est dit, où auons traité d'engraïsser cheuaux, & luy bailler au matin à cinq heures pour le plus tard, & auant qu'il soit estrillé ny pensé, & luy faites mager le plus chaud qu'il pourra manger, & continuer ainsi trois iours durât, apres lesquels on le fera saigner de la veine du col le matin auant qu'il aye beu, & d'icelle veine on fera distraction de sang suffisante, & ne luy baillant le iour qu'il aura esté saigné à boire ne à manger de quatre heures

D d iij



apres ladite saignée. Lesdites quatre heures passées on luy bail-  
lera du foin, & le laissera-on repaistre vne heure ou plus, puis on  
l'abreuvera d'eau chaude blâche, & apres on luy baillera l'auoi-  
ne quand il aura mangé du foin. Deux iours apres commencez  
à luy bailler dudit son six iours continuels, en luy baillant par  
chacun desdits six iours tous les soirs avec son auoine la gros-  
seur d'un œuf de la poudre qui s'ensuit. Prenez commun, graine  
de lin, fenugrec, & sceleris montani de chacun ij. onces, souffre  
vif, quatre onces, & de tout ce faites poudre, de laquelle on bail-  
lera au cheual, ainsi qu'auons dit, avec son auoine durant lesdits  
six iours, durant lesquels on prēdra la racine d'une herbe appel-  
lée ceterach, ou langue de cerf: de la racine d'une herbe appel-  
lée bouillon blanc, autremēt taxus barbatus, de la racine de va-  
lerienne, de la racine de lappatum, & de chacun autāt d'un que  
d'autre. Coupez lesdites racines & herbes bien menues, apres  
mellez les ensemble, & en baillez au cheual la quantité d'une  
poignée à chacune fois que luy baillerez son auoine au matin  
& au soir, ou biē fās son auoine si on void qu'il en puisse & vucil-  
le māger: & le iour que luy baillerez lesdites racines ne luy bail-  
lez de ladite poudre. Et apres les six iours que luy aurez baillé  
les racines, faites le saigner & esuenter de la veine du col, de la-  
quelle on tirera bien peu de sang. La saignée faite on ne luy bail-  
lera à boire ny à manger de quatre heures apres, ne aussi le  
iour de ladite saignée on ne luy baillera avec l'auoine ces raci-  
nes ou poudre. Ceste seconde saignée faite durant six iours, on  
nourrira le cheual de bon foin & auoine en le tenant chaude-  
ment, & avec l'auoine on luy baillera durant lesdits six iours vne  
fois le soir de ces racines & à l'autre soir desdites poudres aux  
quantitez dessusdites. Et ces six iours derniers passez ne luy faut  
plus donner de ces poudres ny racines, mais de bon foin, & de  
bonne auoine. Cependant le cheual guarira du farcin, & de  
quelque cause ou humeur qu'il puisse proceder ne luy en de-  
meurera dedans le corps, & s'il y a botons dehors aux couillons  
ou autre part, d'eux mesmes se rompront, cherront, & seiche-  
ront, pource que la cause motiue & principale du farcin, qui e-  
stoit dedans le corps es parties interieures, sera ostee.

*Pour cheual qui ne peut pisser.*



## Chapitre 10.

**P**renez vne once d'albicunges, & en faites ius, lequel destré-  
perez avec vne chopine ou pinte de vin blâc, & le faites boi-  
re au cheual, & apres le promenez. Autremét: Prenez vne ou  
deux gosses ou teste d'aulx, broyez les avec la peau & escorce  
en vn mortier avec huile d'oliue, & ce soit fait en façon d'oigne-  
ment: duquel en frotterez le membre & couillons du cheual.  
Autrement: Prenez fleurs de genets, & les faites bouillir en eau:  
& de la decoction qui en viendra, en ferez boire au cheual.

*Pour cheual qui a courte aleine, & qui est en danger de venir poussif.*

## Chapitre 11.

**P**renez au temps de vendâges deux ou trois seaux de moust  
en quelque vaisseau: & quand le cheual aura ieusné deux ou  
trois fois de boire eau, donnez luy à boire ledit moust, tant  
qu'il en pourra boire, & qu'il semble qu'il en doie creuer. A-  
pres qu'il aura beu cheuauchez le assez fort l'espace d'une heure  
& apres le pas en reuenant: puis le mettez en l'estable, le courât  
bien: & par ce moyen il vuidera les gros flegmes visqueux, &  
autres mauuaises humeurs qu'il a dedans le corps meismement à  
l'entour du poulmon, & pour lesquels il estoit tellement consti-  
pé qu'il ne pouuoit respirer ny auoir son aleine. Apres qu'il  
aura tout vuidé on le mettra en bonne estable chaudement, le  
nourrissant au reste assez bien: mais ne luy faut bailler gueres de  
foin, ains paille de froment, en mouillant le foin qu'on luy don-  
nera. Autrement prenez poudre de regalice, trois onces: pou-  
dre d'ysope seiche, trois onces: poudre de la racine d'une herbe  
appeilée enulle campane, trois onces: poudre de sceleris monta-  
ni trois onces: poudre de gingébre, trois onces: meslez & incor-  
porez le tout ensemble, & en faites poudre, de laquelle en bail-  
lez la grosseur d'un œuf tous les soirs au cheual avec son auoi-  
ne, par tant de fois que l'on verra que besoin sera.

*Pour mulles traues fines & autres.*

## Chapitre 12.

**P**renez suif de mouton, & le fondez, puis le laissez refroidir  
tât qu'y puissiez tenir le doigt: apres prenez son de froment  
& le meslez avec ledit suif: & le tout bien meslé en mettez sur  
des estoupes de chanure, en façon d'emplastre, & le mettez sur



la mule, & ne la remuez de ij. iours. Puis prenez vieil oing bien pourry, & le fondez au feu, & laissez le refroidir tant qu'on y puisse tenir le doigt : apres prenez deux moyeux d'œufs, & vn peu de verd de gris en poudre, argent vif, demie dragme : meslez le tout ensemble & en faites oignement, duquel souuent on oindra lesdites mules. Autrement : Frottez fort lesdites mules de vinaigre, prenez huile de lorin quatre onces : verd de gris en poudre deux dragmes : litarge d'or deux dragmes : faites de tout oignement, & en frottez les mules.

*Pour furos.*

*Chapitre 13.*

**P**our oster furos à vn cheual, oster du lieu où sont les furos le poil avec vn rasouer ou autrement en la meilleure forme que l'on pourra, à fin qu'il n'ait si grande douleur. Apres auoir osté le poil, on frottera la nodosité ou scrophule, qu'on appelle furos d'un baston ou coudre assez doucement pour mollifier & adoucir la durescé qui y estoit. Ce fait, on prendra chaux viue deux onces, laquelle on amortira & esteindra avec huile rosat : apres qu'elle sera esteinte, on prendra herbe de melisse, & on en fera du ius, dedans lequel on mettra tremper demie once d'agaric, l'espace de demie heure : puis on prendra la chaux viue & agaric avec vne once d'entret diuin, diaculon blanc autant, oignement d'aute, & marciatum de chacun demie once : & de tout ce on fera oignement, duquel on mettra en quantité suffisante sus du cuir en facon d'emplastre, laquelle on mettra sus le furos ainsi mollifié, & le tiédra on l'espace de six heures sans le remuer : les six heures passées on le remuera : & selon l'operatiō qu'on aperceura que l'emplastre aura fait, on l'y laissera par tant de temps que l'on cognoistra estre necessaire en gardant cependant que l'emplastre y sera, que le cheual n'y mette la dent. Et apres qu'on aura veu que ladite emplastre aura assez fait d'operation à mondifier le furos : Pour desseicher apres auoir osté l'emplastre, on prendra huile del'vmbriez deux onces, litarge d'or en poudre deux dragmes, verd de gris demy dragme, & de tout on fera oignement duquel on mettra sus le furos iusques à parfaite guarison.

*Pour malandres.*

*Chapitre 14.*

Prenez



**P**renez saumon noir & le destrempez avec de la racine la plus forte que pourrez trouuer, & en lauez la malandre: & quād vous l'aurez fort lauée mettez dessus fiente d'oye mise sur drappeaux où estouppes en façon d'emplastre deux fois le iour. Autrement: Prenez argent vif & l'amortissez avec or peint, & meslez l'argent vif & or peint avec suif de bouc, & le faites en façon d'oignement, duquel en frotterez deux fois le iour les malādes tant que besoin fera. Autrement: Lauez la malandre de fort vinaigre chaud tāt que le sang en sorte: & quand elle sera ainsi sanglante vous y mettrez de la poudre de verd de gris en quantité forte & espaisse, & luy laisserez tant qu'elle se forme en crouste: & la faut laisser là iusques à ce qu'elle mesme se vueille oster & separer: & apres l'auoir ostée, on frottera la malandre de vieil oing: ce faisant la malandre & sa racine se guariront.

*Pour rongne viue.*

*Chapitre 15.*

**A** Fin de guarir le cheual qui a rongne viue sur le col & autre part, il luy faut tondre le poil & les creins du col où est la rongne, si rez à rez qu'elle apparaisse, apres on la frottera avec quelque ferrement en telle sorte que le sang y apparaisse. Ce fait prenez eau forte qui n'ait point seruy, ny esté employée en quelque œuure, d'icelle avec vn drappeau en frotterez & lauez ladite rongne: se donnant garde en se faisant de la toucher aux doigts, ny autre part pour la corrosité qui est en icelle. Et apres auoir ainsi fort frotté la rongne, laissez la, & n'y touchez de dix iours passez: si voyez que la rongne ne s'en soit allée, refrottez la de ladite eau iusques à ce qu'elle soit du tout guarie. Autrement. Apres qu'on aura tondue le poil & les reins (comme dir est) prenez mauues guimaues, & les faites fort bouillir en eau, & d'icelle decoction lauez en tres-bien la maladie, au soir & au matin par deux ou trois iours. Ce fait prenez vne pinte de miel, coupperose, alun de glas, verd de gris, de chacun vne once, terebentine deux onces, argent vif amorty avec salie à ieun demie dragme: & de tout en faites oignement, duquel deux fois le iour l'en frotterez.

*Pour enclouure.*

*Chapitre 16.*

**F**aut chercher le lieu où le cheual est encloué, & le fond de l'enclouure avec vne rosette ou autre ferremēt à ce propice

E c



apres prenez de l'ortie griesche deux poignees, sel, le gros d'une noix : broyez le tout ensemble, & en faites ius qu'on mettra dedans le pertuys de l'enclouure, & le mart de l'ortie dessus. Puis y mettez des estoupes de ganure en quantité suffisante, graissées de suif de mouton ou autre graisse ferme, à fin que eau, boue, ne autre chose y entre. Apres on fera referrer le cheual sans mettre clou au pertuys de l'enclouure: cela fait on ne doit laisser à le cheuaucher & principalemēt quand ce remede est fait incontinent, ou bien peu de temps apres que le cheual a esté encloué: car plus il est cheuauché, moins il souffre, & engarde qu'en ladite enclouure ne s'y engendre bosse ou apostume, qui est la cause qui fait clocher le cheual. Autrement: Faites (comme dit est) deferrer le cheual & le faite parer, & luy cherchez le fons de l'enclouure: apres prenez dedās vne cuillier vn peu de terebentine la grosseur d'une noisette: sucre candy, la grosseur d'une febie: & de poudre de gingembre autant, meslez & faites fondre le tout ensemble, & le mettez assez chaud & non trop dedans ladite enclouure: puis y mettez dessus des estoupes de chanure graissées, à fin que eau ny bouë y entre: & le faites referrer, comme il est dit. Autrement: Ostez l'ordure & boüe qui est dedās l'enclouure si aucune en y a, & puis mettez dedās le pertuys vn peu de galbanon fondu, & des estoupes graissées, & le faites ferrer comme dessus. Autrement: Ostez l'ordure comme il est dit, puis prenez de l'oignement qui est cy apres déclaré, où il parle de faire venir la corne, & auoir bon pied, & ongle à vn cheual, duquel oignement en mettrés en ladite enclouure, fondu en quantité suffisante: (car ledit oignement est vn des plus souverains remedes pour l'enclouure: mesmement quand il y est mis incontinent vn iour ou deux apres que ladite enclouure y est faite,) puis mettez vn peu d'estoupes dessus, & le cheuauchez, & le faites referrer comme dit est.

*Pour iauars.*

*Chapitre 17.*

**P**renez miel trois onces, poudre de poiure vne once, meslez tout ensemble, & faites en façon d'oignement, duquel en mettrez sur les iauars deux ou trois fois le iour, en façon d'emplastre, faites d'estoupes de chanure, & apres l'enveloppez & cōtinuez tant qu'il sera besoin. Autremēt: Prenez des aulx deux



ou trois gouffles:sel la grosseur d'une grosse noix, broyez le tout ensemble en vn mortier, & apres mettez les sur des estoupes en façon d'emplastre, tant que ledit iauart soit pourry. Et quand verrez qu'il sera pourry, lauez le iauart de l'eciuë claire qui ne soit pas trop corrosiue: apres pour le faire modifier & desseicher, mettez y del'oignement qui s'ensuit: Prenez miel trois onces, ius fait de l'herbe qu'on appelle absynthe, alias aluync, ou forte huile d'anet, ius fait du verd de poureaux, de chacun trois onces, huile d'oliue deux onces, alun cuit en poudre, & coupe-rose de chacun deux dragmes, litarge en poudre demie once, faites de tout oignement, duquel en mettez deux fois le iour en façon d'emplastre, & si long temps que besoin sera. Autrement: Prenez vieil oing vn carteron, miel autant, meslez tout ensemble, & en faites oignement, duquel en mettez en façon d'emplastre sur le iauart. Autrement: Prenez verd de gris, noix de gale, & souphre vif, de chacun vne once, faites du tout poudre, laquelle meslerez avec vne once de boliarmeni en poudre, vn quarteron de vieil oing, & deux onces de miel: de tout ferés oignement, duquel en mettez deux fois le iour sur lesdits iauars.

*Pour rongnes, creuaces, es pasturons & claponniers.*

*Chapitre 18.*

**P**renez huile d'oliue trois onces, cire rouge gommée vne once, miel vne once & demie: faites le tout fondre ensemble, & en faites oignement, duquel on frotera les creuaces & rongnes. Autrement: Prenez terebentine deux onces, cire neufue trois onces, huile de lorin trois onces, souphre vif en poudre trois onces, alun zacarin en poudre demie once: meslez & incorporez le tout ensemble, & en faites oignement duquel tous les soirs en froterez lesdites rongnes & creuaces, apres leur auoir osté les ordures & fanges des pieds & claponniers. Autrement: Prenez du verd de gris, gras de lard, & le fondés ensemble, & en frottez lesdites creuaces. Autrement: Prenez vinaigre quatre doigts en vn verre, moustarde pour vn denier, suye de cheminee bien deliée & bien passée vne pongnee, huile de lorin & de cheneué deux onces, sein de porc vieil, quatre onces, deux moyeux d'œufs: demie once de souphre vif en poudre. Faites



fondre le sein de porc, & huile, avec deux onces de cire neufue: apres qu'ils seront fondus ostez les de dessus le feu, & y mettez apres lesdits vinaigre, moustardé & suye, avec quatre onces de miel: & le tout bien meslé & incorporé ensemble, en faites oignement, duquel en frotterez les creuasses & rongnes.

*Pour auoir bon pied & ongle à vn cheual.*

*Chapitre 19.*

**N**Otez qui veut faire auoir bon pied & ongle, & faire croistre la corne à vn cheual, il le faut ferrer en croissant de lune, & luy ouurir (en le faisant ferrer) souuent les talons, mesmement en lune nouvelle, comme de deux ou trois iours apres augmentation, & ne luy faire ouurir par trop ou trop peu lesdits talons: car estant ainsi ferré la corne & ongle luy croist plus en huit iours qu'il ne feroit en quinze s'il estoit ferré en decours de lune. Autrement: Prenez suif de bouc, terebentine, huile d'oliue, cire neufue de chacun deux onces, faites fondre le tout ensemble: & quand il sera fondu mettez y trois onces de miel, & demie once de sang de dragon en poudre: & incorporez & meslez le tout ensemble, & en faites oignement, duquel en frotterez tous les soirs l'ongle & pied du cheual: & à chacun pied y en mettez la grosseur d'une noix. Ce faisant le pied & corne du cheual croist plus en quinze iours qu'il ne feroit en deux mois: & la corne qui en procedera sera forte & ferme, & non esclatante, vitrine, molle, morfondure ne serculine. Autrement: Si on veut adiouster avec lesdites choses six onces de ius fait d'herbe & fleur yllirice, ou d'iris, ou glayeul, d'herbe hepaticque, & de la racine de os mundi regale, avec des iettons de suzeau, & deux dragmes d'auantage de sang de dragon, ce ne sera que bien fait: si on voit que l'oignement cy deuant déclaré ne soit assez propice pour faire venir ladite corne.

*Pour atteinte.*

*Chapitre 20.*

**P**OUR vn cheual qui est atteint d'un des pieds sur l'autre ou qui est atteint sur les nerfs: Prenez herbe de saxifrage trois poignées, la graisse du rongnon de mouton, & vne chopine de vin: faites le tout cuire ensemble, & en faites oignement, duquel en ferez emplastre sur ladite atteinte par tant de iours que besoin sera: & l'y mettez deux fois le iour, le plus chaud qu'il sera possible.



*Pour faire endurcir la sole du pied du cheual.*

*Chapitre 21.*

**A** Fin que la sole du pied du cheual soit endurcie, par ce qu'elle est trop parée, ou trop nouuelle: Prenez deux onces de miel, vne grosse poignée d'estouppes couppees bien menues, & faites le tout cuire ensemble: apres mettez en quantité suffisante sur la sole du pied, tant de fois que besoin sera.

*Pour cheual qui a la langue ou bouche entamée.*

*Chapitre 22.*

**P**renez armeniac, qui est vne drogue qu'on prend chez les Apoticares, quatre onces, & le faites cuire en la braise, dedans laquelle le laisserez tant qu'il soit rouge, puis l'ostez & le laissez refroidir, & en faites poudre bien deliée, laquelle meslez avec vne escuelle de farine de froment, autant de miel, & vne chopine de vinaigre avec vne poignée de sel, meslez & trépez le tout ensemble: apres le mettez sur le feu bouillir, & tousiours le remuez, puis le laissez refroidir, & en lauez deux ou iij. fois le iour la bouche entamée, ou la langue, tant de fois qu'il sera necessaire. Autrement: Quand la langue du cheual est blessée ou entamée, pour la rassembler on prendra d'une herbe appelée esclere, autrement chelidoine, qu'on broyera en vn mortier avec vn peu de vin blanc, & tous les matins neufiours durant luy faudra frotter & lauer la langue du ius, & du marc qui viendra de ladite herbe & vin.

*Pour arrestes.*

*Chapitre 23.*

**P**renez miel quatre onces, vinaigre deux onces, verd de gris & coupperose, de chacun demie once: & de tout ce faites oignement, duquel en frotterés les arrestes.

*Pour morsure d'un cheual à autre.*

*Chapitre 24.*

**P**renez de l'eau vne pleine escuelle, & y mettez dedans vne grosse poignée de sel, & en lauez fort souuent la morsure. On la doit aussi bassiner le plus tost, & indontinent qu'on apperçoit que le cheual a esté mors: car par faute de ce faire le chancre sy engendreroit & le farin, puis s'en ensuiuiroient autres maladies dangereuses.

*Pour lampas.*

*Chapitre 25.*

Ee iij



**P**renez vn oignon cui & bien chaud, & le mettés dessus des estoupes, puis luy en frottez bien fort le lampas deux ou trois fois le iour. Autrement: Faites picquer le lampas en quatre ou cinq lieux, avec ferrement bon & propice pour ce faire.

*Pour estorseure, ou mesmarcheure.*

*Chapitre 26.*

**P**renez son de froment, vne pleine escuelle: sein de porcviel vn quarteron: vin rouge, vne chopine: meslés le tout ensemble, & le faites bouillir, puis en faites emplastre sur estoupes, laquelle mettez sur le mal. Autrement prenez vne chopine de vin blanc, autant de miel, vne plaine escuelle de farine de froment, & trois de aulte: faites tout bouillir ensemble, & qu'il reuiene à la moitié ou plus, puis en faites vne emplastre sur estoupes, & la mettez sur l'estorseure ou mesmarcheure le plus chaud qu'il pourra endurer, & l'y laissez trois iours entiers: apres luy en remettés vn autre, & cōtinués iusques à ce qu'il soit guarý. Et est aussi cest oignement bon & propice pour creuaces & rongnes qui viennent aux claponnières des cheuaux. Autrement: Prenez trois oignons, & leur ostés le cœur & faites vne cōcauité dedans chacun d'iceux oignons, non pas tant oultre, mais assez profonde, & dedans icelles cōcauités y mettés & les remplirés de poudre d'encens. Et quand ils seront emplis, les enuveloperés dedás trois ou quatre grosses poignées d'estoupes, puis mouillerés vn peu le dessus desdites estoupes: ce fait les mettés entre deux cendres chaudes couuertes d'vn peu de breise, entre lesquelles vous les laisserés tant & si longuement que les oignons soiēt bien cuiets. Apres faut tirer les estoupes hors du feu, & oster celles de dessus qui seront bruslees, & on estendra les autres & mettra on les oignons ainsi cuits avec l'encés dessus en façon d'emplastre, laquelle on mettra toute chaude sur l'estorseure, ou mesmarcheure, en l'y laissant dessus deux iours entiers sans la remuer: & à fin qu'elle tienne plus ferme sera besoin l'enuopper de quelque drappeau & le serrer assez fort de peur qu'elle ne tombe: & non trop aussi, à fin qu'elle ne froisse ou foule les nerfs estans autour de ladite estorsure, & continuer à ce faire de trois iours en trois iours, plus ou moins, selon que l'on yerra estre besoin.



*Pour cheuaux forbeux.**Chapitre 27.*

**I**Ncontinēt qu'on apperçoit que le cheual est forbeu, faut luy donner le clistere qui s'ensuit: Prenez mauues, guymauues, apparitoire, violiers, mercuriale, & brâche vrsine, ou bien poyrées appellees blettes, au lieu de ladite branche vrsine si on en peut trouuer, de chacun trois poignées, fleur de camille, & mellilot, de chacun deux poignées, semence d'anis, fenouil, comin, fenugrec, carui, graine ou semence de lin, & de sceleris montani, de chacun vne once: pollipodij percini, deux onces & demie: les summitez & petites branches du dessus d'anet, deux poignées: & tout ce faire bouillir avec eau, iusques à ce que la decoction vienne à deux liures, & dedans on mettra deux onces & demie de sucre rouge, cassé recente & freschemēt tiree hors de la câne, trois onces diaphenicō, vne once & demie, benoiste, deux onces huile de noix, cheneuiere, & d'oliue, de chacun quatre onces, & de tout selon l'art soit fait vn clistere, lequel on baillera au cheual dès incontinent que l'on s'apperceura qu'il sera forbeu. Or en baillant ce clistere on tiendra au cheual la teste basse & le cul hault, le tenât ainsi apres luy auoir baillé le clistere vne heure ou deux, à fin que le clistere ait meilleur moyen de faire attraction des humeurs froides, corrumpees, & mauuaises & pour lesquelles il est forbeu. Et apres qu'une, deux, ou trois heures seront passees, si le cheual n'a vuidé son clistere, on le bridera, & couuert d'une couuerture, on montera dessus sans le seller, & le cheuauchera on le pas vne heure ou ij. & iusques à ce qu'on verra qu'il aura vuidé son clistere. Apres faut le mettre en l'estable bien couuert, & demie heure ensuyuant on luy baillera le remede qu'icy deuât est dit & déclaré, où i'y parle des auies: mesmement en l'article où il parle de prendre fiente d'homme meslée & incorporee avec vin blanc ou autre: Car le remede y est tref-bon, pourueu qu'on le baille au cheual soudainement, & incontinent qu'on s'apperçoit qu'il est forbeu: & en adioustant en iceluy breuuage le ius de trois gros oignons bien broyez & pilez dedans iceluy vin: & aussi qu'il soit pourmené, cheuauché, pensé, & traité en la forme & maniere que dit est, cédits chapitres & articles.



Pour coup de trait, de pointe, & de taille: comme d'espée, harquebuses,  
piques & autres bastons: & pour tirer le fer, boulet, & bois  
dehors, qui pourroit estre demeuré dedans lesdites playes.

Chapitre 28.

**S**I le cheual est feru, & que le sang sorte de la playe: Prenez vne  
beste nommee herisson, & la mettez dedans vn pot neuf de  
terre, apres luy auoir osté les entrailles: & le faites cuire dedans  
vn four, sans qu'il soit brullé, & qu'il soit tant cuit, que l'on en  
puisse faire poudre de laquelle en prendrez telle quantité que  
besoin sera: & apres auoir laué la playe, en mettrez dessus vne  
fois ou deux le iour. Autrement: Prenez chopine de miel, &  
autant de chaux viue, & le mettez cuire sur le feu, en le mou-  
uant souuent d'un baston & le faites tant cuire qu'il se puisse pul-  
ueriser: puis l'osterez hors du feu, & le ferez refroidir, & en fe-  
rez poudre: de laquelle mettrez sur la playe apres l'auoir lauee  
par deux fois le iour au soir & au matin: & faut qu'elle soit lauee  
de vinaigre, ou vin blanc tiede, ou chaud, pour oster la matiere  
qui y pourroit estre: & continuez ce faire par espace de temps  
& tât que besoin sera. Si le coup de trait est profond, apres auoir  
ietté avec vne seringue de vin blanc, ou vinaigre chaud, ou tiede  
dedans pour lauer la playe: Faut puis apres prendre vne grosse  
tente de linge ou drapeau de chanure, & la frotter de vin ou vi-  
naigre, puis la poudrer tres-bien de ladite poudre: & faut ainsi  
faire deux fois le iour, & partant de temps que l'on voye que la  
playe soit guarie. Autrement: Si d'auenture le fer du trait ou  
autre baston soit demeuré en la playe, & qu'on ne le puisse ra-  
uoir, & qui seroit cause que ladite playe rendroit tousiours apo-  
stume, tant que le fer seroit dedans: Pour le tirer hors faut pré-  
dre des choux, & les faire cuire sans sel, & du brouet qui en vien-  
dra en faut ietter dedans ladite playe avec vne seringue, & pren-  
drez lesdits choux ainsi cuités, & les saulpoudrez de poudre fai-  
te d'aymant, ou de callampte que mettrez sur la playe: & faire  
ce vne fois le iour seulement, & partant de temps que besoin se-  
ra: ce faisant le fer sortira: cecy est aussi tres-bon pour la per-  
sonne. Autrement: pour tirer le fer hors d'une playe, prenez  
herbe d'aigremoine, & la pilez dedans vn mortier, puis les met-  
tez



rez sur la playe deux fois le iour. Autrement: Prenez herbe d'aignemoin deux poignées, & quinze ou vingt limats tirez hors la coque, & les broyez avec ladite herbe, & en faites emplastre deux fois le iour sur la playe: & continuez sept ou huit iours & le fer sortira. Autrement pour ce mesme: Prenez racine de rosier & herbe & racine de dictam, de chacun deux bonnes poignées, & les broyez en vn mortier avec sain vieil de porc, & en faites emplastre, puis en mettez sur la playe chacun iour. Autrement: Prenez limaçons deux bones poignées qui soient hors la coque & les broyez fort, & les faites cuire avec vn quarteron de beurre: & quand ils seront cuicts, mettez-en sur la playe vne emplastre chaude chacun iour. Et pour desenfler la playe si elle estoit enflée: Prenez aparitoire, iettons de ronses qui portent meures noires aux buissons, de chacun trois poignées: aluyn, autât: laine blanche avec son suif, deux poignées, qu'elle soit couppee bien menu: & faites le tout cuire dedans vn pot, avec vne pinte & demie d'eau, iusques à la consommation de la tierce partie: puis de ce tout chaud en faites emplastre sur l'enflure.

Notez qu'aucunes fois les coups des dessusdits bastons sont si auant dedans les membres & si dangereux, qu'on ne les peut guarir, dont les cheuaux en meurent. Il y en a aussi de curables, pour lesquels guarir & tirer les fers & boulets, ou boys hors la playe (à fin que putrefaction & orduce ne s'en ensuiue) on vsera des remedes cy dessus declarez: & d'autres que treuueriez propres à cecy en la Mareschalerie de L. Rusé au chap. clxx. où il parle d'escherde ou espines.

*Du mal des rongnons venant par trop estre refroidy.*

*Chapitre 29.*

**P**our guarir cheual qui a mal sur les rongnons: Prenez fiente de vache & la faites assez cuire avec autant de son de fromēt & vin blanc, puis quand il sera assez cuict laissez le vn peu refroidir, & assez chaud, & non trop, mettez le luy sur les reins vne fois le iour seulement. Autrement: Prenez des quatre oignemets chauds, & en frottez souuēt les reins vis à vis des rōgnons pourueu que le cheual n'y ait playe. Autrement: Prenez demy boisseau d'auoine & la faites cuire, & quand elle sera à demy cuicte, laissez la refroidir vn peu, puis après assez chaude, & non



trop, mettez la dedans vn sac que luy mettrez sur les reins & le remuez vne fois le iour, & continuez iusques à ce qu'il soit guarry. Autremét: Prenez deux onces d'agarie troschiscal, deux onces de poudre de yera, & le tout puluerisé & meslé enséble avec vne pinte de vin blanc, le ferez aualler au cheual, puis le promenez, & qu'il soit couuert. Autremét: Prenez borraches & blettes ou poirées, de chacun quatre ou cinq poignées, & les pillez dedans vn mortier, & en faites le plus de ius que pourrez, lequel prendrez avec deux pintes de lait, demie liure de beurre frais, vn quarteron de miel & deux onces d'agarie troschiscal, & de tout ce meslé ensemble & ferez vn clistere, lequel vn peu chaud le baillerez par le fondement au cheual. Et faut qu'en le luy baillant qu'il ait les pieds de derriere & la croppe plus haute que le deuant: puis quand il l'aura tenu demie heure ou plus, il le faudra promener le petit pas, par l'espace d'une heure & demie, & qu'il soit couuert sans luy bailler à boire ny à manger: & faut quand on luy baillera le clistere qu'il ait la susdite auoine dans vn sac sur les reins, non trop chaude: ce remede est vn des plus souuerains pour la maladie qui est fort difficile à guarir. La saignée de la queuë est fort bonne pour ladite maladie, en luy appliquant & tenant sur les reins vis à vis des rognons ladite auoine chaude & autres cas cy dessus spécifiez apres qu'il aura esté saigné. Et d'icelle veine de la queuë en faire extraction de sang telle qu'il est besoin, en luy auallant de la main en bas contre la queuë ledit sang & humeurs.

*De la lasseure.*

*Chapitre 30.*

**P**Our cheuaux qui sont las de trop cheminer, prenez de l'eau de trippes & de la graisse fonduë ensemble, & meslezauec de la farine de froment & de la cendre, & de ce lauez les iambes du cheual au matin & au soir. Autremét pour cheual qui est lasse: Prenez du miel deux onces, de la graisse de porc trois onces, son de froment vn picotin, faites tout bouillir ensemble & chaque iour luy en emplissez les pieds le plus chaud que pourrez & qu'il pourra endurer, & le fientés par dessus: mais faites luy auât lacher les fers. Autremét pour delasser hastiuement vn cheual, & luy assouplir les iambes & nerfs: Prenez vin & miel, & faites tout bouillir ensemble, & luy en lauez bien souuent les iambes.



Autrement pour cheual qui est las de cheminer: Prenez semence de commin, huile d'oliue, miel, farine de froment & moyeux d'œufs, & faites tout bouillir ensemble, & qu'il soit fix comme oignement: cela fait estués le cheual, & soit bien oing & frotté de cet vnguent, & les nerfs aussi qui sont dans les cuisses soient bien frottés. Autrement: Prenez huile de noix qui n'ait rien fait de miel liure, eau claire & nette vne pinte, leciue demy verre: battés fort le tout ensemble, de sorte qu'il soit bien battu: puis au soir quand les iambes, pieds, claponniers & bollez du cheual lassé seront secs & bien nettoyez & frottez, en faut oindre & frotter les iambes du cheual.





LSP



DES CHAPITRES.

De paenne, clauard ou aquarole.	chap. 118.
De l'entreailleure.	chap. 119.
De la pizaneze.	chap. 120.
De la corne oblique.	chap. 121.
D'un cheual cudelé, & qui a grand froid aux pieds.	chap. 122.
De l'encloueur.	chap. 123.
De la seconde espece d'encloueur.	chap. 124.
De la troisieme espece d'encloueur.	chap. 125.
De l'encloueur qui serompt en la couronne du pied.	chap. 126.
De la figue ou figo, qui vient sous la sole du pied du cheual.	chap. 127.
De la subiacture.	chap. 128.
De la corne qui escume.	chap. 129.
Quand la corne se dessole.	chap. 130.
De la mutation de la corne.	chap. 131.
De la sete ou setule.	chap. 132.
Du maudit au pied.	chap. 133.
D'un autre mal au pied.	chap. 134.
Quand le cheual sent douleur au pied apres auoir trauaillé.	chap. 135.
De ragiature ou flux de ventre.	chap. 136.
De l'infusion.	chap. 137.
Du mal de moro.	chap. 138.
Des glandes & escrouelles.	chap. 139.
Du mal du fic ou froncle, qui vient ailleurs qu'en la sole du pied du cheual.	chap. 140.
Du cheual élanguy ou scalmat.	chap. 141.
D'un cheual poussif.	chap. 142.
D'un cheual infustic, ou courbattu.	chap. 143.
Du ver du cheual.	chap. 144.
Du ver volant.	chap. 145.
Du farfin.	chap. 146.
Du ver nommé Anticor ou Anture, c'est à dire suffocation.	chap. 147.
De la douleur qui prouient de superfluité du sang.	chap. 148.
De la douleur prouenant de ventosité.	chap. 149.
De la douleur qui prouient d'auoir trop mangé.	chap. 150.
De la douleur qui prouient de trop retenir l'vrine.	chap. 151.



# DES CHAPITRES.

Pour cheual craintif & paresseux.	chap. 152.
D'un cheual maladiſ & peſant.	chap. 153.
D'un cheual furieux & lepreux.	chap. 154.
D'un cheual qui a mangé de la plume.	chap. 155.
D'un cheual qui mange bien & ne ſ'engraiffe, & pour l'engraiſſer.	chap. 156.
Pour faire amaigrir vn cheual trop gras.	chap. 157.
Contre la manic ou furie des cheuaux.	chap. 158.
Comment par l'art de chirurgie on peut mettre remède à vn cheual furieux.	chap. 159.
D'un cheual retif.	chap. 160.
Quand le poil de la queue tombe.	chap. 161.
De langie à la queue du cheual.	chap. 162.
Pour faire reuenir le poil.	chap. 163.
Comment il faut muer le poil noir en blanc.	chap. 164.
Pour la toux ſeiche.	chap. 165.
Contre les fieures des cheuaux.	chap. 166.
Des vers qui viennent aux couillons des cheuaux.	chap. 167.
Pour les os rompus.	chap. 168.
Pour guarir toutes playes du cheual.	chap. 169.
D'une eſcherde ou eſpine qui peut entrer en quelque lieu ſus le cheual.	chap. 170.
Du chancre,	chap. 171.
De la fiſtule.	chap. 172.
D'un nerf.	chap. 173.
D'un nerf contrit.	chap. 174.
D'un nerf tors.	chap. 175.
Contre toute douleur d'enfleure ou indignation de nerfs, chapitre 176.	
Vnguent pour reparer la chair.	chap. 177.
D'une playe faite d'une fleſche enuenimee.	chap. 178.
Contre morſure de ſerpent.	chap. 179.
Contre la morphee & toute impetigue qui aduiét aux cheuaux.	chap. 180.
Contre la mortalité des cheuaux & autres beſtes.	chapitre 181.
Memoires, ou notables.	chap. 182.



# TABLE DV TRAICTE QVE AVONS

*adiouſté nouvellement à la Mareſchalerie.*

Pour coup ou heurteure à l'œil d'un cheual, ou à l'entour d'ice- luy, ſil n'y a ſang ou playe.	chap.1.
Pour engreſſer cheuaux.	chap.2.
Pour morfondure.	chap.3.
Pour la toux.	chap.4.
Pour morues.	chap.5.
Pour gorme.	chap.6.
Pour auuies.	chap.7.
Pour tranchaiſons.	chap.8.
Pour farſin.	chap.9.
Pour cheual qui ne peut piſſer.	chap.10.
Pour cheual qui a courte aleine, & qui eſt en danger de venir pouſſif.	chap.11.
Pour mules traueſſines & autres.	chap.12.
Pour ſuros.	chap.13.
Pour malandres.	chap.14.
Pour rongnes viues.	chap.15.
Pour enclouure.	chap.16.
Pour iauars.	chap.17.
Pour rongnes, creuaſſes és paſturons & claponieres.	chap.18.
Pour auoir bon pied & ongle à un cheual.	chap.19.
Pour atteincte.	chap.20.
Pour faire endurcir la ſole du pied du cheual.	chap.21.
Pour cheual qui a la langue ou bouche entamce.	chap.22.
Pour areſtes.	chap.23.
Pour morſure d'un cheual à autre.	chap.24.
Pour lampas.	chap.25.
Pour eſtorſeure ou meſmarcheure.	chap.26.
Pour cheuaux fourbeuz.	chap.27.
Pour coup de trait, de pointe & de taille de tous baſtōs, & pour tirer le fer, boulet, & bois hors, qui pourroit eſtre demeuré dedans leſdites playes.	chap.28.
Pour le mal de rognons venant par trop eſtre refroidy.	chap.29.
Pour la laſſeure.	chap.30.

FIN DE LA TABLE.



chap. 1.	De la nature de l'homme
chap. 2.	De la vieillesse
chap. 3.	De la jeunesse
chap. 4.	De la virginité
chap. 5.	De la femme
chap. 6.	De la sagesse
chap. 7.	De la folie
chap. 8.	De la mort
chap. 9.	De la résurrection
chap. 10.	De la vie future
chap. 11.	De la gloire
chap. 12.	De la punition
chap. 13.	De la patience
chap. 14.	De la charité
chap. 15.	De la justice
chap. 16.	De la tempérance
chap. 17.	De la force
chap. 18.	De la modestie
chap. 19.	De la simplicité
chap. 20.	De la pureté
chap. 21.	De la chasteté
chap. 22.	De la sobriété
chap. 23.	De la modération
chap. 24.	De la douceur
chap. 25.	De la bonté
chap. 26.	De la miséricorde
chap. 27.	De la pitié
chap. 28.	De la compassion
chap. 29.	De la charité
chap. 30.	De la fraternité



L'ESCVIRIE  
DV S. FEDERIC GRI-  
SON GENTILHOMME NAPOLITAIN.

En laquelle est monsté l'ordre & l'art de choyrir, donter, piquer,  
dresser & manier les chevaux, tant pour l'vsage de la guerre,  
qu'autre commodité de l'homme. Avec figures de  
diuerfes sortes de mors de bride.

Nagueres traduite d'Italien en François, & nouuellement  
reueüe & augmentée.



A PARIS,  
Chez ADRIAN PERIER rue Saint Jacques.  
M. D C. X.



THE  
FEDERAL  
REPUBLIC

OF THE  
UNITED STATES  
OF AMERICA



1862





*A TRESHAVT ET PVISSANT*  
 SEIGNEVR IACQUES DE SILLY, COMTE DE  
 Rochefort, Aulneau, Cheualier de l'ordre du Roy, Capi-  
 taine de cinquante hommes d'armes de ses ordonnances,  
 Damoiseau de Commerci, Seigneur souverain Deuille,  
 Baron de Montmirail, d'Annebault, de RaiZ, la Hu-  
 nauldaye, & du Hommet, Comte de Ponthautou, Pon-  
 taudemer, & Montfort sur Risle, Seigneur de Bau-  
 gency, & de Heubecourt, &c.



ONSEIGNEVR, deslors que i'entrepris es-  
 crire en vostre chastel de Montmirail l'estat  
 de la vraye Republique sous le Roy, & de  
 la tranquillité du Royaume, repos & paci-  
 fication de tant d'hommes assemblez és  
 villes sous la police Chrestienne, l'appro-  
 bation que vous me semblastes en faire  
 d'un si clair & diuin iugement dont Dieu vous a abondam-  
 ment doué, fauorisa si bien mon commencement, m'encou-  
 ragea à conduire au but de mon paracheuemēt mes discours,  
 que ie les ay tousiours continuez en la perseuerance de ma  
 volonté, de ne vouloir de mon opinion permettre que li-  
 ure aucun soit communiqué publiquement, qu'il n'apporte  
 quelque fruit pour la conseruation de toute la société des  
 hommes. Et comme de toutes choses, aucunes sont plus bel-  
 les, grandes, admirables, requises & necessaires, de ceux aussi  
 qui s'entremessent de profiter au public, en delaisant aux sur-  
 uiuans honorable tesmoignage des actions de leur vie, n'at-  
 tendant que la recompense d'honneur de tant de peines qu'ils



ont receu parmi tant de nuicts veilles à la chandelle, tant de iours passez, traſſez & remarquez à la plume: ſi eſt-ce, que les labeurs des vns ſont beaucoup plus reccus & louez que des autres, ſelon l'art & la diſcipline à laquelle ils ont eſſayé de donner lumiere, leſquels, ceux nous doiuent eſtre plus recommandez, qui ont eſclairci l'art, dont perſonne ou peu s'eſtoiét entremettez, meſmement où les choſes ſont malaiſées d'eſtre cognues, ſinon par longue experience telle qu'il a eſté beſoin en la maieſchalerie & eſcurie eſtre ſoigneuſement pourſuiuie à la pourſuite des ſecrets de nature. Premièrement pour ſçauoir iuger que le cheual ſoit de nature chaude & temperee, pour eſtre leger & hardi, & de longue vie, de ſoy doux, docile & benin à celuy qui le nourrit, & ſi approchant au naturel de l'homme, pour le ſeruir fidelement: qu'il n'y a ſeruiteur qui aime mieux ſon maistre, qui luy ſoit plus ſeruiable, qui luy ſoit plus ſecourable à tous ſes voyages, qui luy ſoit plus fidele aux dangers de la guerre: ainſi que vous, Monſieur, auez par tant & diuerſes fois experimenté à tant de rencontres, eſcarmouches, combats ſinguliers, tournois & batailles. De qui i'ay quelques fois ouy l'effort que voſtre cheual faiſoit pis parmi les troupes peſle-meſle à St. Quentin. De qui i'ay veu le ſoin que vous auez de commander à vos Eſcuiers de recommander vos cheuaux & de les faire drefſer à la main. La deſpenſe que vous faites ordinairement pour recouurer des Turcs, Barbes, Rouſſins & cheuaux d'Eſpagne. Combien de fois ie vous ay veu prendre admiration d'Alexandre d'auoir fait baſtir Bucephalie, pour la memoire de ſon Bucephal, lequel accouſtré de ſes harnois Royaux, & caparaçonné ne voulut onc ſe laiſſer cheuaucher par autre que par ſon Roy, & tout bleſſé à la priſe de Thebes ne peut ſouffrir que ſon maistre montaſt ſur vn autre. Le ſemblable ay-ie leu du cheual de Ceſar qui ne recongneut iamais que ſon Seigneur. Les inuentions poétiques nous teſmoignent auſſi de Pegafe cheual ailé & engendré de Neptune & Meduſe, ſans lequel Bellerophon malaiſement euſt vaincu la Chimere monſtrueuſe. N'eſt-ce pas auſſi approcher du naturel de l'homme de pleurer, ne vouloir manger de



## E P I S T R E.

regret de l'absence de son maistre, & faire plusieurs autres apparences de desir de le reuoir: tels que les cheuaux que Cesar auoit laissé pres des monts Apennins deçà le fleuue Rubicon pour seruir d'estalons? N'est-ce pas estrange & esmerueillable histoire d'un cheual qui apres le trespas de son Roy Nicomede se laissa languir de faim? Et si à les Vaudeuilles quelque creance doit estre adioustee, bien plus estrange nous sembleroit qu'un cheual esueillast Regnault lors qu'on trainoit ses compagnons au supplice de la congnoissance qu'ils ont de leurs maistres, il est certain, ie l'ay veu en Allemagne & en plusieurs autres nations & contrées, & l'ay expérimenté bien souuent. De la longue vie, les histoires nous en font foy. Le vulgaire n'a peu retirer de l'opinion que le cheual ce gentil Palefroy de Regnault n'estoit viuant en sa liberté parmy les Ardenes. Pour la verité l'ay appris d'un de vos capitaines & seruiteurs qu'il a veu autrefois autour de Saumur un cheual à feu Monsieur de Sparros qui en la bataille de Montlehery, contre Charles Duc de Bourgogne, estoit noir, & depuis il l'a veu changé de couleur & poil blanc. D'estre si secourables & necessaires à l'homme, le prix de Cheualerie nous en fait preuue suffisante. Virgile n'a peu plus dignement louer le Roy Picus, que par le nom de dompteur de cheuaux. Le plus grand honneur que les Empereurs & Rois ont peu faire aux vaillans, hardis & preux gentils hommes, est de les honorer de l'ordre de Cheualerie comme en France autresfois par le Roy Iean de l'ordre de l'Estoille: & par le Roy Loys XI. de S. Michel: en Angleterre de S. George, & la Iartiere: en Espagne, de la Toison: en Sauoye, de l'Anonciade. Anciennement aux ieux & combats Olympiques & Pythiques, & ailleurs où les lices furent dressées, le prix n'estoit moindre pour le regard des cheuaux que des hommes. Les Dieux mesme s'en sont aidez, comme le braue & furieux Mars à son char esbranlé. Le beau Phœbus, qui iournellement attelle ses limoniers, les plonge & retire hors de l'Ocean. Neptune triomphe sur la mer à cheual & non du tout ensemble contens que n'eussent plus honorablement guerdonné



## E P I S T R E.

es aits cheual eurus: les Dieux meſmes ont colloqué le cheual au Ciel pour ſigne eſclairant pres du cercle Arctique: qui avecques le Verſeau nous fait reſſentir en terre de ſes effets, ceux principalement qui avec le Deltoton nous font apparoiſtre Andromede ſous le ply des genoux d'un ſi lumineux corps celeſte, ou les nous oſte avec ſa termination qu'il fait avec le Daſin. Les Muſes, iagoit qu'elles ſoient pleines de beauté & d'immortalité, ſe peuuent-elles plus plaire qu'en celle double croupe de montagne, qu'en celle belle fontaine d'Helicon Hippocrene, laquelle ne doit ſa renommee qu'à la ſource cheualine? O qu'à bon droit les Romains ont tant honorez les cheuaux aux triomphes, aux jeux, aux tournois, les ayants apres laiſſez en bronze, en marbre, en peintures qui nous ſeruent ores de merueilles! ayants impoſé ſon nom Equus, qui ſe peut en vulgaire tourner iuſte ou egal, à raiſon de la meſure & egalité que celui qui nourrit le cheual faut qu'il l'entretienne, & que le cheual doit auoir comme la balance iuſtement aux effets par la main, la gaulle, l'eſperon & la voix de celui qui le manie, ſoit au pas eſſeüé, au trot libre, au galop vigoureux, à la carriere viſte, au maniement ſeur & prompt, aux faults, à la proportion de la teſte à la main, à l'arreſt leger, à la facilité de la bouche, à la fermeté & diſpoſition de reins, en ſes bonds, au parer, au repos, ſe conformant à la volonté de celui qui eſt deſſus. Et ſi l'homme en tire tant de ſeruiſe & ſecours, & qu'il l'aime: lors qu'il luy ſuruient quelque accident de maladie, combien il ſe trouue ſoulagé & alegé de l'extreme paſſion qu'il reçoit du mal de ſon cheual, lors qu'il trouue les remedes promptement & conuenables à tant de maladies & ſi diuerſes, à quoy, ſelon Ariſtote, ſont ſubiets comme les hommes? Vos entendemens furent de Dieu bien inſpirez, gentils Grecs, Apſyrte, Hierocle, Theomneſte, Pelagon, Anatole, Eumele, Archideme, Diophane, Hippocrate, Himere, Didyme & autres qui ſi fidelement nous auez communiqué voſtre Hippiatrice, medecine Cheualine: l'ayants ſi bien diſpoſee en voſtre Veterinaire. Et ne ſont de moindre recommandation ceux qui en leur vulgaire ont trai-



## E P I S T R E.

& de des Signes, de la Nature, de L'art de choisir, dompter,  
 piquer, dresser & manier les cheuaux, tant pour la commodi-  
 té ordinaire de l'homme, que pour l'vsage de la guerre, entre  
 lesquels le seigneur Federic Grison a esté si bien approuué de  
 tous, qu'il a deuancé les autres, & surpassé ses deuanciers.  
 Mais les escrits de foy, quels qu'ils soient, sont muets, & ne  
 seruent que de tapisseries muettes, non plus que les faicts des  
 cheualliers sans la trompette des escriuains: si ne se treuent  
 les autres qui puissent leur donner vie. Tellement que tout  
 ce que le seigneur Federic auoit trassé en son vulgaire, ne luy  
 eust raporté le salaire de ceste gloire, si Charles Perier Librai-  
 re & Imprimeur n'eust employé de ses biens, sans espargner  
 chose quelconque pour l'animer d'une langue Françoisé, &  
 n'eust passé les Monts de Piedmont sans luy, lequel parmi  
 tant de troubles & peine que depuis peu de temps il peut auoir  
 souffert; n'a voulu laisser son oeuvre manqué que ne l'aye  
 depuis la premiere impression encorés fait reuestir de langa-  
 ge, de façon & d'ornemens plus beaux & necessaires, & n'en  
 demande pour satisfaire à ses frais & diligence que la seule ap-  
 probation de vostre iugement, avec sa perpetuelle seruitude  
 qu'il vous presente, se sentant grandement redeuable à tant  
 de biens que luy auez eslargy & offert d'un si grand conten-  
 tement, que secourable luy fustes ces années precedentes, le  
 retirant hors d'un perpetuel soucy & esmoy qui l'accabloit  
 d'un desespoir, si ne luy eussiez tendu la main pour l'en releuer.  
 De ma part, ie ne desire que faire entendre à ceux qui ont des  
 moyens pour aider les hommes studieux & vertueux, qu'ils  
 prennent exemple à vostre liberalité, de laquelle infinies  
 personnes se sentent si bien secourues, que vous estes le seul  
 en France qui ne vous lassiez d'auancer les amateurs des let-  
 tres, porter faueur aux hommes de tous estats selon la perfe-  
 ction qu'y pouuez recognoistre: qu'à la mienne volonté que  
 les Rois & Princes suiussent en leur tranquillité celle voie; ie  
 m'assure que leurs Royaumes & Prouinces remises en vnion  
 & concorde, leur rapporteroient plus de fruit, de plaisir, d'aïse  
 & contentement. Puisse le Seigneur Dieu vous continuer



## EPISTRE.

ceste saincte volonté : vous vueille conseruer longuement en  
santé : vous vueille faire perseverer en tant de prosperitez, que  
nous luy puissions rendre les graces, telles que le debuoir de  
nostre Foy Catholique nous commande, & que l'obligation  
de la multitude de voz bien faiçts enuers nous, requiert. A  
Paris en vostre hostel de Rochefort, ce xx. de Septembre  
M. D. LXIII.

Vostre treshumble & obeissant seruiteur,  
Bern. du Poy-Monclar.

L'ES-



# L'ESCVIRIE DE

M. FEDERIC GRISON GEN-

TILHOMME NAPOLITAIN.

## LIVRE PREMIER.

**N** n'y a en tout l'art militaire discipline plus belle que celle qui enseigne à dompter, picquer, & dresser les cheuaux: car elle n'est seulement ornee de beaux & gracieux effects, ains necessaire & de grand prix. Et d'autant plus difficile & digne de louange, qu'il est besoin en icelle vsr de temps & mesure: & l'un & l'autre diminuer & accroistre avec vn vray iugement & bon discours: tellement qu'en core le sens de l'ouye & de la veue vous fera plus capables d'icelle, si vous n'avez la pratique d'icelle reglee d'un subtil entendement. Partant ie ne fay point de doute que quiconque verra que i'ay voulu en escriuant enseigner cest art de picquer & dresser cheuaux, il ne se pourra tenir de condamner expressement mon entreprise, l'estimant vne peine perdue, comme employee en en chose, laquelle, selon la coustume vniuerselle, il semble qu'elle s'apprenne plus avec le trauail du corps qu'avecques le discours de paroles. Toutesfois cognoissant qu'encore de l'esprit, par ce qui se oit & se lit, peut naistre la perfection de la chose, combien qu'elle ne se puisse voir: & desireux du profit public i'ay trouué bon, tout tel qu'il est le mettre en lumiere: me souciant peu de plusieurs, lesquels ne considerans à l'auenture par le menu ce que i'en escry, chercheront curieusement tous moyens de le mordre & me reprendre: me confiant aussi qu'il y aura grand nombre de cheualiers de bon iugement, qui apres l'auoir bien entendu, & mis en œuvre par leur trauail: à la fin esclarciront avecques l'effect, ce que i'ay avecques la plume tracé obscurement sur le papier, desquels i'espere, ains suis certain qu'il naistra de rares effects, & que d'iceux bien aysement se tirerera vn fruit merueilleux. Si a-il esté vn temps qu'en vne ville du Royaume de Naples nommee Sibares, non les hommes seulement, mais encores les cheuaux apprenoient à baller au son de la cornemuse. Ce ne sera doncques pas grande merueille si ores le cheual animal tant docile & amy de l'homme se monstrera par cy apres par le moyen de ces miens enseignemens, vaillant, adroit, & obeissant. Partant les lisans souuent sans detraction, & avecques sincerité telle comme ie les ay escrits, corrigeant les fautes si vous y en trouuez, auiiez



d'avancer le don, lequel en cest aage par le moyen de mes labeurs vous est courtoisement présenté, non tant de moy, que de la puissante & liberale main de Dieu. Et s'il vous semble qu'en mes phrases & manieres de parler, ie n'aye esté si diligent & exquis qu'il appartiendroit. Pensez que j'ay prins de plus pres garde à bien faire qu'à bien dire: à fin que chacun qui les lira apprenne plus à dresser & piquer cheuaux qu'à parler: & ne se plaissant à la lecture il ne s'arreste pas à icelle, ains comme chassé de sa rudesse, incōtināt il recoure au fruit & à l'vtilité de l'œuvre.

Or qui vous pourroit iamais dire à plein les louanges & la grande vertu du cheual? Qui est celuy qui ne le recognoist Roy des animaux, ains vne roche inexpugnable, & tresfidele compagnon des rois? Attendu mesmement que Bucephal accoustre de ses harnois royaux ne se voulut iamais laisser cheuaucher par autre que par son Alexandre: & blessé à la prise de Thebes ne voulut iamais souffrir qu'Alexandre demonstast de luy pour monter dessus vn autre. Semblablement le cheual de César ne voulut iamais porter autre que César: & en lisant les histoires vous trouuerez infinis actes genereux & gestes glorieux de beaucoup d'autres cheuaux, pour raison desquels en leur vie ils ont esté chers renus & caressez, & accoustrez de draps precieux: & depuis leur mort honorés par pompes funebres, braues sepulchres, hautes pyramides, & par vers pleins de leurs louanges. Apres que Bucephal fut mort Alexandre feit bastir vne ville, là où il fut enterré, laquelle en memoire de luy il appella Bucephalie. Le grand poëte en son Eneide voulut comme pour vne excellence surnommer le Roy Picus d'opteur de cheuaux: comme aussi feit il en diuers autres lieux le grand Messape fils de Neptune: lequel Neptune dieu de la mer, ce dient les fables, engendra avecques Meduse le cheual aillé nommé Pegase, lequel voulant iusques au ciel fut conuerty en vn Astre. Aussi figurent les fables que Bellerophon fils du Roy Glaucque monté dessus ce cheual combatir & vainquit la monstrueuse Chymere, pource qu'il fut inuenteur & le premier au monde qui entreprint de monter dessus les cheuaux. Combien que depuis luy les Peletroniens Lapythes trouuerent [i Freni & i Giri] les morts & les tours: & que finalement furent les Thessaliens les premiers qui menerent les cheuaux à la guerre. Ce qu'ils firent à la verité d'un iugement non moins profitable que diuin. Car il ne se peut dire qu'il y eut iamais ny abondance de viures, ny feste accomplie, ne braue ieu, ny bataille grande où les cheuaux n'ayent esté, ne degré, estat, qualité ne profession humaine, soit de religion, de lettres, ou d'armes, où ils n'ayent tousiours esté, & ne soyent perpétuellement necessaires. Aussi est la valeur du cheual par dessus tout autre valeur & puissance, & a vn signe par dessus tout autre signe d'honneur merueilleux certainement, & sur toute autre chose admirable: pour-ce que

Les tous i.  
lesrons.



les nobles & grands seigneurs, ains les petits compagnons & simples soldats se font par les forces & dextérité des cheuaux, hauts, grands, braues & illustres. Qui ne dira que tout Prince se tient par raison glorieux destre appelé Cheualier? & toutesfois il prend ce nom de cest animal vrayement Royal. Des vertus & louanges duquel quand ie voudrois ie ne pourrois assez suffisamment parler : car au respect de son excellence, la langue ne pourroit suffire à en parler selon sa valeur. Parquoy contraint de m'en taire, ie laisseray presentement à vous en faire plus long discours.

Ie diray donc premierement que la qualité du cheual depend des autres elemens, & se conforme plus avec celuy duquel plus il participe. S'il tient de la terre plus que des autres il sera melancolic, terrein, pesant, & de peu de cœur: & est coustumierement de poil moreau, ou de couleur de Cerf, ou (*ammelato*) pommelé, ou de poil de souris, ou de telles autres couleurs meslees. Si plus de l'eau, il sera phlegmatique, tardif, & mol: & le plus souuent il est blanc. Si plus de l'air, il sera sanguin, gaillard, prompt, & temperé en ses mouuemens: & a coustume d'estre Bay. S'il tient plus du feu, il sera cholere, leger, ardent, & sauteur, & n'aduiet guiere qu'il soit fort netueux, & est communement (*Sauro*) roux alezan, ressemblant à la flamme, ou plustost à charbon ardent: mais quand avec la deuë proportion il sera participant de tous les elemens ensemble, alors il sera parfait. Or entre tous les poils, le Bay chastein, le (*liardo rotato*) gris rouë, que vulgairement on appelle (*liardo pomato*) gris pommelé, le (*Sagenato sopra negro*) rouan (*caue* & *li dimoro*) nommé teste de more, & encore (*Sauro metalino*) roux metallin, lequel en langue Espagnole s'appelle (*ala* & *antostado*) alezan obscur, sont les plus attrempez, & les plus estimez: de fait ils sont de plus robuste & de plus gentille nature. Apres eux sont plus à priser ceux qui de plus pres leur ressemblent: entre lesquels sont le Bay doré ou rouge en couleur comme rose, ou veritablement obscur, qui ne soit pas de ces Zains qui ont le tour des yeux, le muffle & les flancs lauez. Le (*Sauro*) roux ou alezan à guise de charbon ardent, & non de flamme: Le blanc moucheté de noir: Le (*liardo argento*) gris argenté: qui a les extremittez noires, c'est à sçauoir les pointes des aureilles, les crins, la queue, les iambes, & les bras, & si depuis les crins iusques à la queue il aura la raye noire, encote vaudra-il mieux. Le gris qui va tirant sur le (*pardiglio*) pardil: toutesfois qui n'ayt pas les extremittez noires: mais qui ayt les iambes & les bras vergez ou rayez. Et deuez noter que de tous les mauuais poils ceux qui auront les extremittez noires seront les meilleurs. Encore ne vous faut-il pas celer qu'aucune sorte de poil bien qu'il soit excellent, ou Bay, ou (*liardo*) gris ne peut estre du tout parfait s'il n'a quelque signe d'adustion par les parties basses qui au moins soyent noires, comme ie vous ay dit n'a-

Zain appelle  
l'Italien le  
cheual qui  
n'a ne signe  
ne marque,  
ne tauellure.

Pardiglio,  
couleur de  
gris cendré,  
ou de Corde-  
lier. Bras,  
iambes de  
deuant.



guieres, parlant du poil argenté & du poil gris. Combien que de toutes fortes il se trouue de bien bons cheuaux, neantmoins i'en parle selon l'experience qui s'apprend ordinairement & generalement de leur nature & complexion.

Et vous declare que le Bay chastain est choleric sanguin: & d'autant plus choleric qu'il est plus rouge en couleur de (*Sauro*) alezan en guise de feu, & non de rose: pource qu'alors il seroit plus sanguin: aussi tant plus il a de noir, tant plus tient-il de l'adust, & si le poil est comme tout noir, il a seulement les flancs rouges, il sera choleric adust: comme s'il a les flancs tous noirs, on l'appelle moreau: lequel est le plus souuent melancolic de sa nature. Et à ce melancolic, pource qu'il est froid & sec, beaucoup de gens dient qu'il auient peu d'estre temperé, phlegme, comme il est besoin au choleric sanguin, & plus encor au choleric adust: lequel pour luy adoucir ceste gloire superbe, qui luy procede de chaleur excessiue, doit auoir du poil blanc en certains lieux: non que par la qualité d'iceux la force ou dexterité luy augmente: mais à fin que par la benignité & douceur du phlegme demonstrez par le poil blanc, se tempere en luy celle malignité qui luy procede de la secheresse ou de l'excessiue chaleur de sa nature & complexion. Et pource que les cheuaux qui ont par trop de poil blanc, naturellement sont foibles comme sont les Auberes, & autres leurs semblables marquez de blanc: à ceste cause vous vueil-je aduertir que la marque ou balzane plus est petite, d'autant plus est-elle à priser: pource que le moindre feing suffit à faire cognoistre la complexion du cheual de quelque forte qu'il puisse estre.

Balzane,  
tache ou  
marque blā-  
che des bras  
& des pieds.

Mais si ne vueil-je pas que vous pensiez que le (*liardo pomato*) grison pommelē, ou le blanc mouchetē & argentē, ayant les extremitez noires: & encores le gris meslé de blanc, ne soyent cheuaux de grande valeur, comme ie vous ay dict n'aguiere. Car combien qu'ils ayent du phlegme (humeur mol & corruptible,) neantmoins par ce qu'ils monstrent ces rouelles, miroirs, ou taches, & autres parties noires, chacun d'eux sera phlegmatic du phlegme fallē (humeur aigre & incorruptible) qui naist de cholere aduste & de phlegme: tellement que pour ceste occasion ie vous dy que les cheuaux ayans ceste meslange de poil, ont accoustumé d'estre de grand courage, hardis & vaillans: & encores de ceste mesme complexion sera le cheual (*Sagenato sopra negro*) rouan, mais il tient plus du superbe, pource qu'il n'a pas tant d'humidité: comme aussi le (*Sauro metalino*) roux metalin, ou alezan, obscur, pour ce qu'il a plus de l'adust, sera pareillement plus superbe que le Bay chastain.

Et faut scauoir que quand le poil noir s'engendre de cholere aduste, le cheual de tel pelage sera furieux, courageux, & de grand sens: & bien souuent on le void estre cauteleux & trompeur, & s'appelle vulgaire-



ment, Zain. Mais quand il vient d'humeur melancolic naturel, le cheual sera alors craintif, dur & paresseux: & s'il tient de l'un ou de l'autre, il ne se peut pas tousiours cognoistre au muffle & aux flancs rouges ou noirs, & se discerner certainement: excepté que par ces mœurs & manieres de faire, & par la vaillance de ses faicts: parce qu'il aduient aucunes fois combien que le cheual ayt le poil noir dessus les flancs comme par tout le reste de son corps, neantmoins pourroit bien estre sa complexion de coleric adust, & non de melancolic naturel: cestuy-là sera le moreau parfaict, auquel est fort bien seant quelque signe blanc, pourueu qu'il soit es parties conuenables: comme aussi est-il au moreau mal teint, qu'on appelle Andrin: tellement que tout ainsi que la vertu du poil est plus grande, d'autant que les marques en sont plus parfaites: aussi quand le cheual est mal marqué, il est moins à estimer.

Pourtant il me semble qu'il eschet icy bien à propos de vous dire que le cheual doit auoir les balzanes, c'est à dire les marques blanches des pieds qui ne luy soyent pas trop chauffées, pour la raison que ie vous ay n'agueres dicté. Et encores suyuant l'experience qu'on en void tous les iours, plus sont elles à priser, moins elles montent sur les iointes des paturons. Et bien que souuentefois il y ait faute en ces signes, & s'en voyent des effectz contraires, si ne suis-je point d'aduiz de les taire. Pourtant ie vous vois declarer quels sont les meilleurs, & quels les pires.

Le Balzan de la main de la lance, sera dextre & bien maniant, mais il est coustumierement assez malheureux.

Le Balzan de la main de la bride, n'est guieres à estimer.

Le Balzan du pied droit s'appelle Arzel: & combien qu'en ses façons il apparaisse assez excellent, se garde bien neantmoins le Cheualier de le cheuaucher en iournee ou bataille: car il sera cheual superbe, vicieux & infortuné.

Le Balzan du pié de l'estrier est bien à priser, & a tousiours apparence d'estre de bon cœur & bon coureur.

Le Balzan des deux mains, sera desastré & mal fortuné, encore qu'il ait l'un ou l'autre pied blanc: car pour cela ne luy est pas du tout ostée la mauuaise qualité: pource que la raison veut que le cheual ait tousiours plus de blanc derriere que deuant.

Le Balzan seulement des deux pieds, est bien marqué. Et si avec cela il auoit l'estoille au front, lors il en faudroit faire grand compte. Et quand sans l'estoille ce Balzan des deux pieds auroit l'une ou l'autre main blanche (& tant plus si s'estoit la droite) combien que ce fust signe de prix si ne seroit-il de si grande valeur.

Le Balzan de quatre des deux mains, & des deux pieds, sera cheual loyal & entier & de bonne phantasie, mais il n'adient guiere qu'il soit

*Quest-ce que  
balzanes.*

*Des deux  
mains. i.  
des deux  
pieds de de-  
uant.*



fort. Le Balzan de la main de la lance & du pied droit, s'appelle Traué, & est dangereux, & dont on ne doit faire grand compte.

Le Balzan de la main de la bride & du pied de l'estrier est semblablement Traué: & combien qu'il soit de mauuaise marque, si n'est-il pas si meschant que l'autre.

Le Balzan de la main de la bride & du pied droit s'appelle (*Traustant*) entretraué: il est semblable de nature à l'Arzel, & encore pire: car il tombera aisément, & sera dangereux & mortel.

Le Balzan de la main de la lance & du pied du montoir, pareillement s'appelle (*Traustant*) entretraué, & est de la nature de l'autre: mais il n'est pas tant mauuais & dangereux: neantmoins ne deuez-vous adherer à l'opinion de ceux qui le tiennent de grande valeur.

Mais notez que tant le traué comme l'entretraué s'engendre au ventre de la mere avecques les deux Balzanes serrees & ioinctes ensemble: de sorte que quand il est né & qu'on le cheuauche naturellement quand il vient à se manier ou courir, il rassemble ses piedz ensemble: & alors à tout heurt l'un pied defordonne l'autre & le fait broncher & choir: & sont à ceste occasion ces cheuaux mauuais & malheureux: mais l'entretraué sera encore pire, pource que ces Balzanes estans traufantes & opposites l'une à l'autre, s'enveloppent plus confusement. Il y a quelques raisons aux autres signes blancs, d'où semblent proceder les bons ou mauuais effects des cheuaux: mais pource qu'il m'a semblé n'y auoir ny seur ny vray fondement en telles choses occultes par nature, ie n'en ay point voulu parler, m'assurant seulement en ce qui est clair par l'experience. De fait par l'experience & par les effects apparens, les Romains cogneurent le malheur & la mauuaise fortune du cheual Seian, combien qu'il fust beau par excellence. Ne m'arrestant doncques à la diuersité des opinions, ie iuge seulement par la longue experience, laquelle sans doute vous fera cognoistre vray tout ce que ie vous ay dit, & par ces signes, & par autres que ie vous diray cy apres, le cheual le plus souuent vous a enseigné & enseignera la qualité & la bonne & la mauuaise fortune à laquelle il doit estre subiect.

Le Balzan des parties basses qui portent bon signe, s'il a dauantage l'estoille au front, ou s'il a la liste ou raze blanche, qui luy descende au long du chanfrain sans luy toucher les sourcils & qui ne luy touche pas iusques sur le muffle, semblablement s'il a l'une & l'autre ensemble, il fera parfait & d'insigne bonté. Et encores si le cheual n'estoit Balzan, & il auoit seulement ces signes, si seroit-il de bon cœur & genereux.

Le Balzan des parties d'embas qui portent mauuais signe, s'il a l'estoille ou la raze blanche en la face, ou l'une & l'autre: combien que ces deux en partie donnent quelque faueur au poil, est-il bien malaisé que par elles la mauuaise soit corrigee.



Le cheual qui aura l'estoille blanche au front, qui ne luy fera liste ou raze & en aura vn autre sur le muffle, sera malheureux & de mauuaise bouche: mais s'il auoit outre cela la Balzane au pied du montoir pour ce que cestuy est vn signe de grande vertu ceste faute en seroit amende.

Et si chacune de ces Balzanes, portans ou bon ou mauuais signe estoient mouchetees de quelques taches noires: ainsi comme ce signe au mal porteroit apparence de plus grand vice, aussi au bien croistre en plus grande bonté, tellement que tel signe augmente ou la bonté ou la mauuaisiè du cheual selon l'estat auquel il se trouue: combien que beaucoup de gens tiennent que la balzane sans tache noire est tousiours meilleure.

Le cheual *Rapicam* qui a du poil blanc depuis la main en arriere, porte apparence de valeur: & s'il est semé de poil blanc de la main en auant, le plus souuent aura peu de force.

Le cheual moucheté de blanc par tout le corps, pour le plus est de bonne qualité, & souuent bien fort excellent, & plus ou moins selon la nature du pelage sur lequel sera la moucheture.

Ce que vous pourrez aisement congnoistre, parce que ie vous ay par cy deuant dit du bon & du mauuais poil, sans ce qu'il me soit besoin de vous en faire autre plus long discours. Mais s'il estoit seulement moucheté par les flancs, vers la croupe ou au col vers les espaules, ce seroit vn mauuais signe, & s'appelleroit alors le cheual tel- (*Aranatos*) taulelé ou freslonné, pource que tels cheuaux naissent depuis la my-Iuin iusques à la my-Aoust: & pource qu'ils sont encore ieunes, ils ne se peuuent avec le muffle oster les freslons (que les Espaignols appellent *Tauanos*) des flancs: & encore ne peuuent-ils atteindre de la queue pour chasser ceux qu'ils ont dessus les espaules dont ils ont, non de nature, mais à l'occasion de ces morsures de freslons, les taches de poil blanc. Et pour ce que leur naissance est tardieue, encore sont-ils moins forts au travail, tant par ce qu'au grand besoing l'herbe leur defaut, & leurs meres ne peuuent auoir abondance de lait, qu'aussi parce que l'hyuer arriuant n'ont pas aage suffisant pour souffrir ces incommoditez, & à ce moyen leur diminuent les forces, & ne sont si gaillards comme les autres.

Le cheual blanc moucheté de noir, sera fort leger, & assez adroict & de bon sens: semblablement quand il sera moucheté de rouge: toutesfois le moucheté de noir est coustumierement plus fort & plus courageux.

Le cheual de poil (*Liardo*) gris qui a seulement quelques mouchetures rouges ou tannees aux machoires, & au muffle sera superbe: & quelquesfois se depiste & s'efgare de bouche.

Le cheual (*Gazzo*) Pie, le plus souuent sera trompeur & ne sera de franc vouloir.

*Rapicam*  
cheual qui  
des espaules  
en derriere  
iusques à la  
croupe teint  
de petits poils  
blanc semez  
avec le poil  
dequoy il est.



Le cheual qui a le noir des yeux blanc, quand il chemine par la neige & par le froid, ne voit bien comme par les autres lieux.

*Ramingo*  
rebours, mor-  
ne & remu.

Le cheual qui n'a ne marque blanche ne balzane aucune, se monstre souuent (*Ramingo*) rebours & sera gay & maniable: cela aduient à cheual de tout poil, mais plus au moreau, & à toute sorte de poil bay, principalement au bay brum. (*Ramingo*) rebours est appellé le cheual qui ne va point de train certain & qui n'a point l'esprit reposé: & l'un est plus malin que l'autre: car tel se trouuera, que plus vous le voudrez forcer, moins prendra-il le train vny, mais ira comme s'il auoit deux cœurs, l'un le poullant l'autre l'arrestant, & fera tout son mouuement de l'eschine.

*Questar*  
*mingo.*

Si le cheual a l'espy seul ou accompagné avec (*Spada Romane*) l'espee Romaine sur le col apres des crins, il sera heureux: & plus encore d'autant qu'il passera plus egalelement d'un costé à l'autre. Et sera encore meilleur quand il aura dessus le front: Dauantage sera ce signe bon & notable, le faisant apparoir de courage franc & pur, & qu'il sera tres-heureux en guerre, quand il l'aura sus les deux hanches de derriere à l'endroit du tronc de la queue, là où il ne se peut regarder. Et combien qu'il eust avec ce signe quelque Balzane mauuaise, neantmoins ayant ce signe, il sera non seulement en partie, mais du tout retiré & preserué de ceste mauuaise influence. Toutesfois quand il a l'espy ou remolin sur l'espaule, ou dessus le cœur ou en autre lieu des flâcs, où il le peut choisir de l'œil, c'est vn mauuais & malheureux signe, & contraire à celuy que j'ay dict: & sera pire d'autant qu'il se trouuera plus pres du cœur, soit vers la partie de deuant ou celle de derriere.

Mais auisez vous que ie ne parle pas des espis ou remoulin qui sont naturels, lesquels tout cheual a aux lieux ordonnez par la nature, sçauoir est, au milieu du front, au gousier, en l'estomac, au nombril, & au flancs: mais des autres qui d'abondant & comme par accident sont produicts ou en icelles ou en autres parties du corps du cheual.

*Qu'est remou-*  
*lin ou espy.*

Le remolin ou espy estoit appellé des Anciens, petit cercle: pource que ce sont certains poils retors, qui sont ordinairement en forme ronde comme vn petit cercle peu plus ou moins grand qu'un demy douzain de nostre monnoye, & quelquesfois ces poils sont longs plus ou moins en façon de plume: laquelle longueur aujourd'huy s'appelle, espee Romaine.

*Qu'est espee*  
*Romaine.*

Et combien que le cheual soit de bon poil & bien marqué, & que par là il demonstre gaillarde complexion, & non seulement bonne volonté, mais aussi heureuse constellation: neantmoins il est necessaire que ses membres soient bien adiuustez, & formez avec deuë proportion, autrement la vertu du cheual ne seroit deuëment accomplie. Tellement que pour satisfaire à vostre desir, ie vois brauement vous dire quels ils doivent estre, & commenceray aux parties basses esquelles le cheualier



ualier voulant regarder & visiter le cheual, doit premierement arrester sa veüe & son discours.

Le cheual doit auoir la corne de l'ongle lissée & polie, noire, large, ronde, sèche, & creuse. Et encore qu'elle fust tendre ou molle, pourueu qu'elle ait le talon large, ce ne sera que plus grand signe de legereté. La raison est, pource que le cheual à cause de la tendreté & foiblesse de son ongle du iour qu'il est né commence à cheminer par la campagne legerement ne s'osant appuyer fermement sur l'ongle : mais s'aydant principalement des bras & du mouuement de l'eschine. Les couronnes deliees & pelues, les paturons courts, non trop couchez, ne trop releuez : A ce moyen il fera plus fort par bas, & ne bronchera si tost en auant. Les iointes grosses & si derriere elles, il a vn troupet de poil ce sera vn signe de force. Les iambes droictes & larges. Les bras nerueux, avecques les canons courts, egaux & iustes & au surplus bien faictz : pareillement les genoux gros descharnez & vnies. Les hauts des bras, ou muscles qui s'estendent depuis le genoüil iusqu'à l'espaule, quand le cheual se tient droit sur ses pieds, doiuent estre plus eslargis & distans l'un de l'autre, par haut que par bas. Les espaulles longues, larges, & charnues. La poictrine ou estomach large & rond. Le col, qui ne soit point trop court, mais qui tient plus du long que du court, gros vers la poictrine, (*marcato*) vouté par le milieu, & gresse aupres de la teste. Les oreilles petites ou plustost aiguës & droictes, de bonne longueur, & larges plus ou moins selon la taille du cheual. Le front descharné & large. Les yeux noirs & gros. Les salieres de dessus les sourcils pleines, & eminentes dehors. Les machoires deliees & maigres : Les nareux ouuerts & enflez, de sorte que le vermeil de dedans se puisse voir, à fin que la respiration luy soit plus aisée, & qu'il ait plus d'haleine : La bouche grande. Et finalement toute la teste prinse ensemble doit estre des deux costez de la face, & de ren contre longue, sèche & semblable à celle d'un Mouton, monstrant les veines par tout. Mais le Genet ou cheual leger doit auoir la teste petite, avecques les mesmes parties que i ay dictes : toutesfois ne la doit tant auoir semblable à celle du mouton. Les crins clairs semez & longs. Et ne suis point du tout contraire à l'opinion de ceux qui les veulent espais : car pourueu qu'ils ne le soient point excessiuelement & en trop grande quantité, ils ne sont pas pourtant à mespriser : & s'ils sont crespes ou bien clairs & deliés, ils signifient encore plus grande gaillardise, & s'ils estoient gros, ils demonstreroient que le cheual seroit plus de robuste nature : comme aussi s'ils sont deliez, montrent plus grand signe de bon sens, toutesfois legereté & delicatesse à l'œuvre, & peu de force à porter peine. Le garrot non seulement aigu, mais quasi estendu & droit : & que là se voye le despartement des espaulles. Le dos court & qui ne soit courbé ne vouté, ne aussi creux ny

*non Les ca  
sont les par-  
ties qui s'e-  
stendent de-  
puis les pa-  
turons inf-  
ques aux ge-  
nouils.*

*Le garrot los  
qui est sur la*



fin du col et  
des crins du  
commence-  
ment de l'es-  
chine deuant  
le premier ar-  
son.

Falci, teste  
courbure du  
derriere au  
long des iam-  
bes et cuisses  
iusques aux  
paturons en  
dehors les  
greues.

enfoncé (*I lombi*) Les reins ronds, & mieux valent, plus ils sont plains & vnis vers l'espine du milieu : laquelle espine du dos le cheual doit auoir double & vuidee en canal. Les costes larges, & longues avec vn petit interualle entre la coste de derriere & le nœud de la hanche : Le ventre long & grand, neantmoins proportionément caché deffous les costes : les flancs pleins : & l'espy ou remolin naturel qui se trouue ordinairement en tous cheuaux près de chacun flanc : plus il monte en haut vers le nœud de la hanche, & plus l'un regarde l'autre plus est grande l'apparence que le cheual soit leger : la croupe ronde & vnice, & vn peu raualee vers le canal qu'elle doit auoir au milieu : avecques assez grande distance de l'un des os ou nœuds de la hanche, iusques à l'autre : Les cuisses longues & larges, avecques les os bien formez, & fort charnus dedans & dehors. Et si le cheual a les iarez amples, secs, & bien estendus, & les faulx, ou vuidures des greues, que l'Italien appelle (*falci*) courbez & larges, comme les a le Cerf, il sera viste & adroit : mais s'il a les hanches & les iarez courbez, & les faulx estendues : il sera naturellement bon chemineur. La queue touffue & bien fournie de poil, & longue iusques à terre, avec le tronc gros de bonne mesure, & bien assis entre les cuisses, combien qu'aucuns veulent la queue rare & claire semee de poil, si le poil estoit vndé & crespé, il en seroit plus à priser. Les couillons avec le membre petits, combien qu'il y ait beaucoup de bons cheuaux qui les ont grands & gros : mais ie parle selon la vraye raison de physionomie, suiuant ce que le plus souuent l'experience demonstre. Et iaut noter que tous les membres du cheual doivent estre correspondans & proportionnez à la grandeur de son corps, qui sera comme celuy du Cerf, plus haut derriere que deuant : toutesfois s'il estoit outre mesure plus bas par deuant, il seroit dangereux à la course. Et est le cheual grandement à estimer quand il a bon cœur, & il est leger, ce qui luy vaut mieux que la force : car s'il est fort, & n'a point de cœur, ne de legereté, il ne pourra auoir la vertu & dextérité propre pour se bien manier : mais quand il sera leger & courageux au travail, encore qu'il ne soit pas tant fort, si durera-il plus qu'un plus robuste, & en tout ce qu'il fera il sera iugé plus gentil & gaillard. Neantmoins celuy qui aura toutes ces vertus ensemble, sera singulier, & digne qu'on face grand compte de luy. Encore me semble-il bon de vous aduertir qu'en l'eschine du cheual sont requises quatre qualitez fort recommandables. La premiere est, quand elle est souple, de sorte que le cheual cheminant l'abandonne toute, & branle fort quand il va, & fait le tror à deux fois & semble nager des reins, que l'Italien appelle (*namgari lombi*) La seconde, quand le cheual au commencement qu'on le cheuauche, s'anasse & amoncelle tout, courbant l'eschine, (que l'Italien dist (*agruppar et far schena dagato*) s'amonceler & faire



l'eschine de char) & fait de mesmes quand il galoppe ou quand il se veut manier à (*repolons*) passades, & ne s'espargne en rien à faire tout ce qu'il peut assemblant & emploiant toute sa puissance. Et apres qu'il a cheminé vn espace de ceste sorte, ne pouuant plus retenir ses membres, il s'abandonne & se laisse aller mesmement s'il chemine loing. En quoy apparoit la foiblesse: mais ce defaut est moindre que l'autre.

*Remises, passades, repolons, idem.*

La troisieme, quand il est dur, ferme, & asseuré de l'eschine, sans la hausser ne baisser, de sorte qu'il semble vn cheual de fer, & alors est fort à estimer.

La quatriesme, quand il n'est pas seulement dur, ferme, & asseuré de l'eschine, mais tousiours (*si aggruppa*) s'assemble & amoncelée au commencement & à la fin, & toutes les fois qu'il en est besoing & encores qu'il ne se (*agrupparsi*) amasse ou amoncelle, si ne laisse-il pourtant à vnir & assembler toute sa force. Et pouuez dire qu'un tel cheual sera fort & puissant sur tous autres.

*Aggruppa quand le cheual s'amoncelle, ou se tient tout en un monceau, & tout vny la queue entre les jambes.*

Mais ne pensez pas que pourtant que le cheual bien qu'il soit proportionné & organisé de nature, puisse de soy-mesmes bien faire & se manier, sans le secours humain & la vraye doctrine: partant luy faut-il avecques l'art recueillir les membres & les vertus occultes qui sont en luy, & selon le vray ordre & la bonne discipline, la vertu sera plus ou moins esclaircie: Ains au contraire l'art quand il est mauuais & faux, ruine & anéantit le cheual & luy couure & assoppit toute la vertu, comme aussi estant bon & vray il supplée à beaucoup de parties où nature luy a defaillly, & vrayement à iuste cause les Latins ont appellé le cheual, *Equus*, qui ne signifie autre chose que iuste, pource qu'outre les autres raisons que les anciens en ont donnees, il faut que le cheual soit en tout & par tout iuste par mesure, iuste au pas, iuste au trot, iuste au galop, iuste à la carriere, iuste au parer, iuste au manier, iuste au saut, & finalement iuste de teste, & iuste quand il est sur ses pieds arresté, & encores iuste & vniement mesuré selon la volonté de celuy qui le cheuauche. Et outre cela il luy faut, le pas esleué, le trot libre & delié, le galop vigoureux & gaillard, la carriere viste, les sauts (*agruppari*) iustes amassez & amoncellez, le parer leger, le maniement seur & prompt. Et pource que le cheual naturellement du iour qu'il sort du ventre de la mere, va le pas, le galop, & court & ne fait rien moins & avec plus grande difficulté que le trot, à ceste cause quand vous serez dessus, prenez tousiours garde à l'y aduire & rendre leger: car par ce moyen il deviendra plus iuste, & plus aisé à conduire à la perfection de toutes les autres vertus, lesquelles particulierement puis apres vous cognoistrez euidentement: car de ce trot le cheual vient à prendre au pas agilité: au galop, gaillardise: à la carriere vistesse: au saut, reins & force au parer legreteté: au maniement, seureté & grande dextérité: à la teste & au



col & à la voute du col, fermeté incroyable: & à la bouche, doux & bon appuy, qui est le fondement de toute la doctrine.

*Canexana  
licol, cheue-  
stre, canax-  
zon idem.*

Partant doncques, si vous voulez que le cheual paruienne à ses perfections, lors qu'il commencera à cheminer seur & seul auecques le (*canexzon*) licol sans qu'autre le tire, premierement quand vous voudrez monter dessus luy, sera besoin le conduire en le flattant & carressant, & quelquefois le faire menacer par quelqu'un qui sera pres de luy, & le frapper des mains du costé droict pour le faire accoster d'un montoir où vous serez, ce qu'il faudra faire auecques grand soin & diligence: & puis quand il sera pres de vous au long du montoir, l'asseurer doucement luy passant la main sur le col & sur la croupe: & ainsi monté dessus, le cheuaucherez plaissamment, tousiours le mignardant, non seulement iusques à ce que vous ayez accoustré vostre habillement: mais encore quelque espace, puis apres vous demeurerez arresté sans luy laisser faire aucun mouuement, le caressant souuent, en luy passant lors la main par dessus le col, & puis apres vous le ferez cheminer en auant deux ou trois petits pas tout doucement, puis vous arresterez encore vne autre fois, & tantost apres suiurez vostre chemin pour le mettre en besongne de la maniere que ie vous declareray tantost: mais quand il portera la bride, & qu'il sera ja instruit à l'œuvre, si vous le voulez bien entretenir à faire dextrement la volte redoublée, toutes les fois que vous le cheuaucherez & serez dessus luy: apres que vous l'aurez fait cheminer ces deux petits pas de la forme que ie vous ay dit, vous luy ferez faire tout doucement six voltes: deux voltes à main droicte, deux à main gauche, & au dernier deux autres voltes à main droicte: ou bien vous luy ferez faire seulement trois voltes comparties vne pour main, de sorte que la premiere & la derniere se fassent à droicte, & puis vous arresterez vn peu, & puis apres pourrez à vostre plaisir le faire cheminer, & poursuiure vostre voyage, toutes-fois vous veu- ie bié aduertir que le cheual à chacune volte doit tousiours encheualler le pied contraire dessus l'autre, ce que ie vous declareray plus amplement quand ie parleray cy apres des voltes redoublées.

Et si le cheual, ou par crainte du trauail, ou par obstination de courage, ou par trop grande superbie naturelle ne veut approcher du montoir pour se laisser cheuaucher, alors vous luy donnerez d'un baston entre les aureilles, & sur la teste (mais gardez les yeux) & sur tous les endroits de son corps où il vous viendra mieux à propos: & par ce moyen, tant soit-il maling ou incorrigible, rudement & sans l'espargner le vous faudra-il chastier: & encore le menaçant auec voix rude & terrible, de sorte que vous voyant obstiné contre luy il deuiendra doux au montoir comme vn agneau, & sans plus faire aucune resistance s'en approchera: mais aussi vous faut-il prendre garde de le mignar-



der & caresser toutes les fois qu'ils y rendra de son gré, & qu'il fera ce que vous voudrez.

Encores se pourroit-il bien corriger si vous le preniez de la main droicte par les resnes, le plus long que faire se pourra: ou s'il n'a point encores la bride, par la corde du licol: & vn autre par derriere luy battoit la coupe de la baguette, le sollicitant de trotter ou de gallopper avec la plus grande furie qu'il seroit possible, & le faisant tourner à l'entour de vous à main droicte, & alors vous ne bougerez vostre pied droict du lieu où vous l'aurez posé: mais seulement tournant le pied gauche vers luy, l'accompagnerez à chacun tour qu'il fera, & vous qui le tenez vous retrouverez tousiours au milieu. Et apres que vous l'aurez laissé avecques infinies voltes de ceste main, retournant la volte, vous prendrez les resnes ou la corde de la main gauche: puis le ferez semblablement par cestuy-là solliciter avec la baguette, à faire autant de voltes à main gauche: & comme n'aguières avec le pied droit, aussi ferez-vous maintenant du pied gauche sans le mouuoir de son lieu, mais tournant seulement le pied droit. En ceste maniere le pourrez-vous, puis de l'une puis de l'autre main faire esbatre vne espace de temps iusques à ce qu'il vous semble vaincu & du tout sujet. Et si d'auanture le cheual estoit de mauuais vouloir, & vn seul ne pouuoit suffire à le faire tourner aux ronds en ces voltes, seroit besoin d'y mettre plusieurs personnes avec des baguettes, & dauantage que vous en eussiez vne autre plus longue que les autres, laquelle vous changeriez de main en main en changeant les voltes. Et assez souuent vous trouueriez que sans autres qui eussent baguettes, vous seul le battant par derriere de la vostre, tantost d'une main tantost de l'autre le feriez franchement tourner & volter comme il doit. Doncques vferez vous en cela de ce qui vous semblera plus commode & plus aisé pour sa correction: laquelle luy sera à la fin tant fascheuse à comporter, que pour la crainte d'icelle, il se laissera doucement monter & cheuaucher, & le trouueriez de iour en iour plus prompt à vous obeir. Et combien que ceste difficulté de correction aduienne en cheuaux de tous aages, toutesfois la forme que ie vous vien de dire est fort bonne pour les poulains qui veulent faire resistance au commencement qu'on les veut cheuaucher, & vaudra beaucoup mieux pour eux, qu'aucun autre chastiement qu'on leur puisse faire.

Et faut que vous le cheuachiez & demouriez dessus luy, non seulement avec grand courage, & sans auoir crainte de luy, mais avec opinion que luy & vous n'estes qu'un corps, & que tous deux n'avez qu'un sens & vne seule volonté. Et apres qu'il sera discipliné par la forme que ie vous diray, toutes les fois qu'il se maniera ou prendra la volte, accompagnez-le tousiours du costé qu'il se tournera avec



*Toupet, ceste  
poignée de  
poil qui pend  
d'entre les  
aureilles en-  
tre les yeux,  
& sur le frêt  
du cheual.*

vostre personne ferme & roide sans vous pancher de costé ne d'autre, regardant tousiours la teste du cheual droit entre les deux aureilles, & non seulement alors, mais souuent, souuent pendant qu'il cheminera trottera, galoppa, ou courra : entre lesquelles aureilles vostre nez qui sera droit au milieu de son toupet, seruira de signe pour vous faire cognoistre si vous estes droitement & iustement assis en la selle, & si le cheual va iuste, & droit de col & de teste comme il appartient. Il est bien vray que iusques à ce qu'il soit enseigné & bien apprins, en la leçon que vous luy donnerez, il sera bon que quasi continuellement, vous abaissiez les yeux: du costé duquel il se volte, & luy gardiez les bras s'il les mene avec bon ordre: car s'il ne les menoit comme il doit, vous en aduisant de bonne heure, tousiours viendriez-vous à temps, tant pour luy donner le chastiment, que pour luy faire la caresse lors qu'il les manicroit à leur ordre: mais depuis qu'il sera bien entendu: vous ferez comme ie vous ay dit n'aguieres: car si vous faisiez autrement, vous pourriez estre reprins de vice non conuenable à bon & choisi cheualier. Neantmoins deuez-vous noter, que combattant contre vostre ennemy, il est besoing de regarder la main dont il tient l'espee, & prendre garde à ses mouuemens, & non autre part, toutesfois alors pource que la vertu des yeux à la capacité visue bien grande, pourriez-vous bien prendre garde à son cheual & au vostre, & quand il sautera, ou parera, & à quelque autre mouuement qu'il fera, vous l'accompagnez de vostre corps, le conformant à son mouuement, tout ainsi comme à temps il respond & se conforme à vostre requeste & volonté. Partant il faut que vostre corps avecques l'eschine voise iuste, & luy corresponde par ordre, avec pareille harmonie & concordance, comme si c'estoit vne musique, & semblablement vous tiendrez iustement les resnes de la main gauche, & la baguette de la main droite, vous tenant en le cheuauchant iuste & droit dessus luy, & vous assurant avecques les genoux, & avec les cuisses bien vniment disposees, de sorte qu'elles semblent collees avecques la selle: & laisserez aller vos iambes toutes droites, de la forme que vous les tenez estant debout sur vos piedz: & quand il sera besoing vous en soulagerez le cheual plus ou moins, ainsi qu'il y escherra: Or laissant aller vos iambes de ceste façon les pieds s'en iront poser sur les estriers en leurs lieux propres, avec la pointe & le talon de chacun d'iceux tournez de la part qu'il faudra: de maniere que tournant le visage, que vous teniez droit & iuste, de l'un ou de l'autre costé, sans le forcer toutesfois, & sans remouoir le corps, & regardant en bas vers l'estrier, vous aperceurez que la pointe de vostre pied sera tournée droit où se dressera la pointe de vostre nez. Et selon la qualité de la selle vous cheuaucherez plus court ou plus long: pourueu que tousiours l'estrier droit soit de demy point plus



court que le gauche, & tiendrez l'etrierière dessous le genouil, pource que vous en cheuaucherez plus à l'aïse & plus gaillardement, & plus magistralement pour soulager le cheual tant au saut que au maniemēt, de fait auourd'huy on en vse ainsi, toutefois quand vous tiendrez l'etrierière sur le genouil, ou cheuaucherez plus long & plus brauement, & regardera chacune pointe de vos pieds droit à la pointe de chacune aurreille du cheual, & non droit à l'espaule, comme aucuns ont voulu dire: car il seroit faux ceste façon de cheuaucher, l'etrierière dessus le genouil, anciennement sembloir plus gentille, & estoit en plus grand vſage, pource que les cheualiers de ce temps-là vſoyent fort de cheuaux bardez, & estoit besoing, pour atteindre iusques à leur ventre, auoir des esperons longs enuiron d'une paulme: tellemēt qu'ils estoient contrains quasi par necessité de cheuaucher de ceste façon. Et aussi viendroir-il bien à propos de le faire ainsi auourd'huy, quand on cheuaucheroit vn cheual bardé à la mode antique. Finalement au corps, à l'eschine, aux mains, aux cuisses, aux iambes, aux talons faut tenir & obseruer le temps & la mesure: laquelle s'apprend seulement du bon discours, & de la bonne doctrine & de la longue experience qu'on a des cheuaux, & puis apres toutes les ordonnances de pas en pas, au discours que ie vous feray, vous seront claires & manifestes. Mais iusques à ce que le cheual vienne au temps de porter bride, comme ie vous diray tantost, il luy seroit bien plus commode de le cheuaucher avec la bastine: sur laquelle entendant bien les poses de la selle, sans vous en dire autre chose, vous ſçauerez bien vous accommoder, & avec les iambes fermes & pendantes en bas, ainsi comme il faut: Et vous aduertiray que puis apres quand on vient à luy mettre la selle, qu'il la luy faut mettre plus sus le deuant que sus le derriere: car ainsi posée elle ne fera pas seulement le cheual plus beau & ioly, mais encore plus aisé: & fera sembler le cheualier monté dessus plus dispos & mieux à cheual: sinon que le cheual fust trop bas deuant & court de col, car lors la selle luy descendroit de soy mesme continuellement sur les espauls.

*Bardella bastine, premiere selle qu'on baille aux ieunes cheuaux.*

Apres que vous ferez monté dessus le cheual, & il sera bien assolé & assuré, vous le menerez le trot par la campagne de droit en droit enuiron cent pas de iuste mesure: & s'il est possible que ce soit dedans vne terre fraguere labourée avec charnuë: & là apres, en commençant à main droite, vous marquerez & designerez sur le terren deux cercles ou ronds: & par dessus ces ronds vous luy ferez puis à vne main, puis à autre ensuyuant faire deux voltes & demie au trot, qui sont dix tours, desquelles tant les premieres comme les dernieres seront à main droite, & à la fin sortant desdits ronds ou cercles vous cheminerez le trot de droit en droit, peu plus, peu moins, d'autant d'espace que contient le tour de chacun desdits ronds, qui sera enuiron de deux cens cinquante

*Assolé, assenré, ferme & droit sur les quatre pieds.*



*Piste : route  
brisée, terre  
battue &  
frayee idem.*

te paumes : au bout duquel espace vous arresterez le cheual assez bonne piece, le faisant tenir cependant egal & iuste, ferme & coy, & par l'espace de huit iours continuerez d'ainsi le faire. Et apres qu'il aura demeuré là ferme & coy, ainsi que dit est, vous le ferez tout doucement tourner à main droite, vn peu au large du commencement, de peur qu'il ne se facelache de col : puis vous en retournant par la mesme (*Piste*) route, vous en irez au trot rendre & descédre là mesmes où vous estes monté : & pour asseurer le cheual dauantage, là mesmes par fois quand il vous viendra à plaisir, vous mesmes luy osterez la bastine. Et vous faut bien prendre garde toutes les fois qu'il s'arreste, & tient coy, de le tenir iuste & esgal, comme ie vous ay dit n'agueres. Et si s'arrestant il se tient tors ayant la croppe ou la poitrine tournée plus d'vn costé que de l'autre, ou il fil tournoit le corps tout entier tout d'vn costé : il vous faudra bien garder de le redresser, ny avec l'esperon, ny avec la baguette : par ce que ne cognoissant encore ne l'vn ne l'autre, il se pourroit aisément destourner, & à l'auenture mettre en fuite : mais vn homme à pied le poussera, le releuât avec les mains au costé de la croupe ou de la bastine, ou bien à l'espaule, de la part dont il se trouuera estre hors du droit, & de la iuste & egale mesure, en le redressant & remettant au lieu, auquel il sera iuste & droit, avec les iambes de derriere & les bras de deuant ajustez à la droite ligne de la route où il est arresté. Et entre les autres choses ceste forme seroit fort bonne pour dresser & aiuster vn cheual de quelque aage qu'il puisse estre, qui s'arreste tors, par la mauuaise nourriture qu'il a eue : & estant ja enuieitly en ceste mauuaise accoustumance, lors d'abondant le pourroit bien celuy qui le pousse, chastier de la baguette.

Et si vous ne le voulez redresser de ceste façon, alors qu'il s'arreste tors, nonobstant qu'on luy tiennne le licol droit & iuste, vous le ferez cheminer le pas tout doucement dix ou douze paumes plus auant, droit vers le lieu où il se doit arrester : & là vous l'arresterez puis apres, retirant plus fort la corde du licol du costé opposite à celuy qu'il tient tors & hors mesure plus ou moins selon la resistance, qu'il fera, & en la fin vous verrez qu'il se posera iuste comme il est besoin.

Or depuis qu'il aura commencé à prendre la subiection & en partie à vous obeyr, si d'auenture il fait encores faute à s'arrester iuste, & à se tenir droit, vous le pourrez alors redresser vous seul avec le bout de la corde du licol qui vous pend de l'vn & de l'autre main l'en battant modement sur la croppe ou sur l'espaule, nommément sur le costé de la croppe ou de l'espaule opposite à celuy qui tient tors & hors du iuste, auquel iuste par ce moyen il se remettra doucement : Mais iusques à ce qu'on luy baille la bride, gardez vous bien de luy rien faire de la baguette : mais luy laissant le licol avec la bride pour quelque temps, ce-  
luy



luy sert auantage de ne luy montrer point la baguette.

Et vous declare que si le cheual est de peu de sens, ou foible & maigre, alors deuant qu'il soit bien accoustumé à estre cheuauché, ces ronds doiuent estre frayez & stampeez par autres cheuaux que le vostre, à fin qu'il vienne plus deliberement & avecques plus grand cœur, & plus libre & plus iuste par la route de ses ronds desia faite & stampee : & que s'il sortoit du battu du rond, il s'en pourroit corriger de soy-mesme en retournant incontinent dedans, pource que ce luy seroit de moindre peine de rentrer, & de trotter par la route ja rompuë & battue. Lesquels ronds apres que i'auray vn peu plus discouru avec vous sur le propos où ie suis entré : ie vous monstrey & enseigneray plus euidentement, non seulement par les paroles, mais par la figure naturelle que ie vous en représenteray au second liure. Et encore à fin que ces ronds se fassent plus aisément plus iustes, & de mesure esgale de l'un à l'autre, il sera bon du commencement & iusques à ce qu'ils soient bien grauez, & que marque apparente s'en puisse voir sur le terren en faire le premier dessein au pas, & puis les paracheuer au trot.

*Stamper  
dit l'Italian,  
pour ce que  
nous disons  
frayer, em-  
prendre, im-  
primer, en-  
foncer, mar-  
quer, ou gra-  
uer.*

Après cela vous croistrez l'ordinaire du cheual tous les iours d'une volte dauantage, & quand vous serez venu jusques à cinq voltes & demye, qui sont vingt & deux tours, ou plus ou moins selon l'esprit du cheual, lors il ne faudra plus luy croistre ne diminuer le nombre. Toutesfois auant que vous demontiez quand vous serez sorti hors des ronds, & le cheual sera reposé, il viendra bien à propos de luy faire faire environ de trois petits pas en arriere, qui seront de quatre paumes : & semblablement puis apres tout doucement le remener où il estoit, & l'arrester là vne espace de temps : puis vous en aller quand il vous plaira : mais s'il se met en deffence, ne le forcez point, car il s'en retirera bien avecques le temps & avecques la bride, & par le moyen des instructions que ie vous en donneray par le menu au second liure. Mais si le cheual est gaillard, quand vous le tournerez à droict pour vous en aller, comme ie vous disois n'agueres, vous irez au trot par la mesme (*Piste*) route de droict en droict iusques aux ronds, & non plus, & puis apres tout doucement vous le tournerez à gauche, & retournerez en arriere par les mesmes pas iusques au lieu d'où vous estes premierement party, & vne autre fois le tournant à droicte vous le ferez encore cheminer au trot iusques aux ronds, de sorte qu'en comptant l'aller & le venir ce seront quatre fois : & puis vous reposerez : & auancerez ce nombre tous les iours selon le plus ou le moins de force que vous cognoistrez au cheual : & apres que vous serez reposé vne piece, vous descendrez en ce mesme lieu, ou bien vous en irez au trot où demonter vous aurez accoustumé, comme vous avez fait au commencement.

Et faut noter, que bien qu'au commencement pour quelquesfois il



soit bon de faire volter le cheual vn peu au large , à fin qu'il se face plus ferme & plus roide de col, s'adressant par la routte de la passade à vn seul dessein: neantmoins peu à peu il faudra chacun iour le contraindre vn peu dauantage à faire la volte iuste , & l'aduire & approcher tout doucement à luy faire mettre la reste où il a la croupe , & luy faire tousiours encheualler le bras contraire de la volte par dessus l'autre en la forme que ie vous vois dire. Si vous le voulez faire volter à main droicte, vous ferez que le bras gauche luy passe par dessus le droit , & le voulant volter à la gauche, pareillement que le droit luy passe par dessus le gauche.

Quand vous apperceuez qu'il est bien rompu & va franchement à ce trot, qu'il recognoist les ronds , & qu'il s'arreste & se volte aisément, lors vous luy baillerez la bride, que lon appelle le canon , avec les branches droictes, & si elle auoit desia seruy, elle n'en seroit que meilleure. Et le tenant par le licol , peu à peu avecques les resnes vous la luy ferez sentir en la bouche: & luy faudra oindre de miel avec du sel, à fin de l'accoustumer à la mascher tousiours , & à plus modement la retenir: & mesmes par ce moyen il prédra plaisir à la recevoir, & ne deuendra fascheux à brider: & alors, comme ie vous ay dit cy deuant , vous luy pourrez mettre la selle à vostre plaisir.

Mais depuis qu'il commencera s'asseurer de la bride, luy faudra faire faire chacun iour vne volte dauantage iusques à ce que vous arriuez aux vnze voltes & demie , qui sont quarante six tours, ou bien luy en ferez moins faire , selon que vous cognoistrez sa force , & son halaine grande , & selon qu'il vous respondra & vous apperceuez qu'il vous puisse resister & les porter sans se debilter: combien que ce nombre soit conuenable à tout cheual ieune, gaillard, & nerueux: & durant quelques iours vous n'irez n'auant n'arriere ce nombre, & vous arresterez & ferez les posades en la forme que ie vous ay ditte: & semblablement vous ne ferez iamais faute de le mener quelques passades par dessus la routte, par laquelle on sort d'un bout à autre au trot, plus ou moins selon ce qu'il vous semblera qu'il le pourra porter, & à chacun bout le faire volter de la façon que ie vous ay ditte cy deuant: & puis apres vous en irez gaillardement descendre, & puis le ferez tout doucement mener en main.

*Passades, remises, repolons, idem.*

Or à mesure que ces ronds par le continuel battement du cheual deuient durs en guise d'un planché, faudra lors qu'il sera bien assésuré en iceux, luy en remarquer & stamper souuent d'autres en vn autre gueret qui soit de frais labouré & profond, à fin que par la profondeur d'iceluy il se face plus leger & plus souple de bras & de iambes, toutesfois s'il y auoit faute de terren pour en faire d'autres, quelques durs que fussent les premiers, si s'en faudroit-il seruir: mais puis apres



il seroit necessaire de pourmener le cheual ou au trot, ou au pas au trauers de quelque terre freschement labouree : pource que le cheual estant accoustumé de trotter par la terre labouree, sera tousiours puis apres plus aisé & plus souple à leuer haut & bien manier les bras & les iambes.

Et si d'auenture il n'estoit pas assez gaillard, prompt & esueillé à faire les voltes par les ronds, ou s'il estoit (*Ramingo*) rebours, remis ou coüart au trot, ou il se vouloit arrester auant la fin de sa leçon : semblablement dy-ie s'il luy auenoit de galopper en voltant lors il vous faudra solliciter & reueiller souuent avec la voix ou la parole, & avec ce truc des leures, qu'on a de cōstume de faire aux poulains pour leur donner courage d'aller auant, & outre cela en vn mesme temps assez de fois, vous souuienne de luy faire cognoistre peu à peu l'aide de la iambe & du talon en ceste maniere. Si vous le faictes volter à droicte, vous luy aiderez du costé gauche, & si vous le faites volter à gauche, vous luy aiderez du costé droit: neantmoins par fois à fin qu'il ne sorte du rond, & qu'il aille plus iuste par la route du tour, lors que vous luy donnerez le coup de la part opposite, vous luy arondirez l'autre avecques l'autre talon de l'autre costé des tours : & si nonobstant cela il voltoit encore en vacillant, quelque fois vous le frapperez de tous les deux talons ensemble egalelement ioincts pour sa plus grande correction, & tiendrez encore ce mesme ordre avec les esperons quand il aura commencé à les auoir, mais de la maniere qu'il les luy faut donner ie vous en feray tantost vne leçon.

Il aduient assez souuent que se cheual allant par les tours ou ronds ne va pas iuste & egal, & contournant le corps comme il doit faire, tellement que pour obuier à cela ie vous dy qu'il sera bon alors qu'il fera ces tours à droitte, de luy tenir la iambe gauche vers l'espaule, ou au droit des fangles : & la droitte vn peu plus en derriere vers les flancs. Et si les tours se font à gauche, de mesme façon luy mettrez vous la iambe droicte en auant vers l'espaule, & la gauche vers le flanc: & tant à l'vn comme à l'autre tour vous le frapperez des talons quand il escherra, en ces lieux mesmes, auxquels en arrondissant on le picque des esperons: lequel arrondissement ie vous declareray au second liure.

Quand le cheual va en quelque sorte que ce soit de droit en droit, soit au pas, soit au trot, soit au galop, soit en carriere, pour luy donner plus grande viffesse il le faut tousiours aider avec les deux talons egaux, & ainsi ferez-vous apres avecques les esperons. Quand il vous semblera qu'il entendra bien le trot non seulement allant de droit en droit, mais aussi en volte par les ronds, & qu'il entendra quand il se deura arrester, & qu'il recognoistra vn peu la bride, lors si vous voulez, luy pourrez-vous oster le licol, & en son lieu luy mettre les faulces resnes : & par



fois quand puis apres il sortira des tours ou ronds, on le pourroit bien encore faire aller au galop: combien qu'il seroit meilleur de ne le galopper iamais plustost qu'il n'entende le parer, & les pausades. Et aussi vous prendrez garde avec la main roide & ferme, & à l'aduanture au commencement avec toutes les deux mains deluy faire tousiours porter le col roide & la teste ferme & droicte: & avecques la plus grande facilité qu'il seroit possible, ainsi roides le faire venir aux voltes. Et notez bien que sans luy mettre les faulces resnes, quand il portera le licol avec les resnes seulement, on ne laissera pas à le bien dresser: & y en a beaucoup qui portent l'un & l'autre ensemble: mais ce seroit plus grand trauail à l'Escuyer, & reuiendroir à la fin tout à vn.

Enuiron ce temps encores commencerez vous à luy bailler les esperons, ou en voltant aux ronds, ou quand vous irez le trot, de droict en droict par dedans le garet. Et combien qu'on les luy puisse pareillement bailler à la carriere, neantmoins il vaudra beaucoup mieux luy bailler au trot, & celuy profitera pour le faire plus iuste & plus prompt: car auant que les luy donner à la carriere, il faudroit attendre iusques à ce qu'il sceust bien courre & parer, & qu'il fust desia bien fait & bien entendu, autrement ce seroit son desauantage, pour les raisons que vous entendrez cy apres. Neantmoins sçachez qu'estant le cheual ou de petit ou de grand sens, & de quelque nature que ce soit, à fin qu'il ne vous use de quelque malice, souuienne-vous à l'instant que vous luy baillez le coup des esperons, de l'ayder tousiours de la voix: car par la crainte qu'il aura de la parole de l'homme, il se diuertira de tout mauuais pensement qu'il pourroit auoir ou à pousser ruades, ou à sauter, ou à se dresser & se deffendre de vous.

Nos predecesseurs ne donnoient point les esperons au cheual iusques à ce qu'il fut bien ferme de teste, & desia bien fait & bien dressé selon qu'ils le dressoient en ce temps-là, tellement qu'à cinq, à six & à sept ans combien que le cheual se maniait bien à leur mode, si n'estoient ils pas du tout bien asseurez de sa bonté. Car quand on venoit à leur bailler les esperons en cest aage là, le plus souuent ils deuenoient vicieux, qui estoit vne grande ignorance aux Escuyers & cheuaucheurs qui ne s'auisoient pas que ces vices procedoient de leur faute: parce qu'apres que les cheuaux auoient long temps esté dressez & asseurez de la baguette, & à pleins talons & seuls sans esperons, & qu'ils se trouuoient puissans & forts en aage robuste, & gaillards, & ja enuieillis & accoustumez à la baguette & au talon, si tost qu'ils venoient à sentir les esperons qu'ils ne cognoissoient point pour ne les auoir point accoustumez, plus ils estoient gaillards & de bon sens, rant plus à la fin deuenoient-ils retifs, rebelles, & de bas cœur: & pour la crainte qu'ils auoient de ces esperons non accoustumez, ils ne se pouuoient refoudre,



ne cognoistre qu'elle estoit la volonté du cheuaucheur, attendu que sans ces pointures ils couroient & se manioient: mais par auanture pensoient-ils se sentans picquer des esperons: que le vouloir del'Escuyer ou du cheualier qui les piquoit fust tout contraire. Et à ceste occasion assez de fois ils alloient de trauers & faisoient sauts & ruades, & au long aller se conformoient & accoustumoient en ceste malice. Parquoy pour leur correction, si le cheual estoit fascheux & terrible, à fin qu'il ne se peust deffendre & faire le mauuais, ils luy donnoient des esperons dedans l'eau en vne riuiera ou en la mer: & aucunes fois luy donnoient des esperons à molettes à boutons, ou à molette de Sainte Catherine: & ne le chastioient ou corrigeoient avec telle sorte d'esperons, mais l'en piquoient seulement à la furie de la carriere, & quand ils les vouloient halter d'aller: pource qu'ils n'auoient pas cognoissance de ce que seruoit le chastiement des esperons ne d'aucun des autres chastiemens, & ne cognoissoient pas encore la varieté des secours & aydes qu'on y eust peu faire: Dont auenoit que les cheuaux se trouuoient plus confus, & moins chastiez, & avec plus grande animosité confermez en leur erreur. Et pource vous dy-ie qu'incontinent que le cheual sera assolé & assuré, & qu'il recognoistra les ronds, & aura porté enuiron dix iours la bride, tant foible, ieune, & maigre puisse-il estre ne laissez pourtant à luy bailler les esperons, comme ie vous ay dit n'aguieres: car lors estant encore simple, il aura crainte de l'Escuyer, & toutes les fois qu'il orra ceste parole, ou ce truc de leures au dessus de luy, si vous luy donnez à l'instant des esperons il ne pensera autre chose qu'à ceste voix, & à fuyr & cheminer en auant, & à ce moyen peu à peu il s'auisera du vouloir du Cheualier, de sorte que venant à cest aage, il se trouuera iuste & façonné en toutes choses, & entendra parfaitement tout chastiement, & tout ayde des esperons.

Mais si d'auenture vous roncontrez vn cheual ja auancé en aage, qui soit de sa nature rebours ou retif ( car combien que ce soit vne mesme chose, neantmoins le retif est de plus bas cœur, pour ce que tant plus on le picque & plus s'obstine, moins a de courage, & moins chemine ) soit vn ou autre, si ne luy deuez vous donner les esperons ny au trot, ny au galop, ny à la carriere: mais allant le pas par la ville en vn mesme instant avec la parole ou le truc de leures vous luy donnerez des esperons le mettant à plus grande furie de trot à la longueur du corps du cheual. Et quand il ira, lors comencerez à le caresser luy passant la main sur le col: & luy pourrez donner ceste auance des esperons dix fois le iour, en vous pourmenant: & quand il y sera assuré, vous irez puis apres le trot, ou par la ville ou par la campagne, mais il vaudroit beaucoup mieux que ce fust par vn garet profond, & là autres tantes fois le piquerez vous des esperons, le mettant lors à plus grande furie de galop,



*pelle l'Ita-  
lien, vigueur,  
bon cœur,  
grand cou-  
rage, vifteffe,  
foudain &  
impetueux  
mouvement.*

semblablement de la longueur du corps du cheual, & le ferez fouuent ainfi, continuant l'un & l'autre au pas & au trot: & en ce faifant le cheual deuendra feur aux efperons, & les entendra fort bien.

Puis apres on luy pourroit bien bailler les tours au pas, & puis au trot, & lors qu'il vous semblera diminuer de furie, vous luy baillerez les efperons avecques menaces de la voix vn peu terrible, ou avec le truc des leures, l'auançant lors en plus grande vifteffe de trot, fil va le pas, & de galop, fil va le trot. Et vous fouuienne tousiours, si le cheual sentant l'esperon auance & renforce le pas, de le flatter & caresser: vous auiez auffi qu'en cela il est befoin d'auoir la main legere, & les talons mode- rez, & vfer de tous les deux en temps & faifon, & plus ou moins selon la qualite du cheual. Et apres qu'il commencera de cognoistre les efpe- rons, vous luy ferez faire les tours au galop: comme ie vous diray plus amplement au fecond liure, vn peu deuant que vous designer la figure des ronds.

*Strade, sente,  
chemin, idē.*

Et pource qu'il y a des cheuaux fenfitifs, nourris avec mauuaife ac- couftumance & grande ignorance, lesquels se sentans poindre des ef- perons font ruades, & fuyent la strade, se mettent de trauers de part ou d'autre, & avec faults s'en vont ronflans en bonne volonte de vous iet- ter bas: ie vous aduife qu'à l'encontre de tels cheuaux ils vous faut mon- strer cruel, & faire peu de compte de leur orgueil, tellement que si vous en rencontrez quelqu'un qui ayt ce vice, quand il vous semblera feur à faire les voltes dedans les tours ou ronds, en les faifant il fera bon lors que vous verrez l'opportunité de luy donner à trois diuerfes fois trois fermes esperonnades: & si tost qu'il entrera en la malice, le battre d'v- ne baguette par la tefte de tous les deux costez, & entre les deux aureil- les, & sur les iambes de deuant, & en ce mefme instant luy crier & le menacer furieufement, & avec voix haute & terrible. Et ne cefsez d'ainfi le faire iufques à ce qu'endurant l'esperon patiemment il chemi- ne de franche volonte, & le remettant droit en la routte il se rende à voftre vouloir. Et quand il sera vaincu & doux, alors vous ferez tout le cōtraire de ce que ie vous vien de dire. Car vous ne le battrez plus, ains luy ferez en temps & lieu commode cheres & caresses, tout ainfi que fuyuant l'opportunité & quand le befoin le requeroit, il fust piqué des efperons & chastié de la voix & de la baguette en fes defordres & mau- uaittiez. Et ferez le semblable, puis apres au maniement des (*repollons*) paffades, foient de trot ou de galop: toutesfois tant cecy comme ce que ie vous ay dit par-auant ne fe peut bonnement declarer à plain par pa- roles, mais la pratique & l'experience longue, iointe avec vn bon dif- cours, vous fera au long aller bien facilement entendre tout ce que ie vous en ay dit.

Et pour-ce qu'il se trouue des cheuaux fort superbes & orgueil-



leux, impatiens des esperons, & enuieillis en leur malice, qui tousiours debattent contre le cheuaucheur, & s'efforcent de se deffendre, partant ie vous fais entendre, que plus la peau du cheual est trauaillee & eschauffee, plus le cheual souffre : parquoy ie vous dy, que lors qu'il fait le mauuais, il est bon d'aller en vn champ, & lors à voltes & à passades ou au trot, ou au galop, luy donner de la peine assez. Car avec le trauail & les battures commodes, & les coups d'esperons frequens, il viendra en si grande sueur & chaleur, que les coups ne luy donneront plus ce representement : mais tant s'en faudra qu'il face plus contre vous ou defense ou resistance, qu'au contraire il vous obeira & fera tout ce que vous voudrez, & principalement si apres qu'il se sera corrigé de ce vice de poinct en poinct vous luy faites caresses. Partant soyez aduertý que ceste forte correction sera propre à vn cheual de grand cœur : car si le cheual estoit poltron & de bas cœur, il ne seroit pas bon de le tourmenter & le trauailler avec si grande furie : pource qu'il se pourroit bien abandonner, & par son impuissance & peu de vertu deuenir retif. A tant vous suffise en tant que touche la pointure des esperons, & la façon de les donner.

Or quand vous cognoistrez puis apres que le cheual aura quelque partie d'haleine, de ces vnze voltes & demie, vous luy en osterez trois, qui sont douze tours, & luy en ferez faire seulement huit & demie & à l'auenture moins, si moins vous luy en faisiez auparauant faire, & vous en irez semblablement au trot de droit en droit reposer.

Et aux fours que vous luy ferez faire ces voltes vous le ferez encore aller en autre part de droit en droit & au trot, par l'espace d'une demie ou d'une petite carriere au plus, & le tiendrez sur le pendant ou entre les deux derniers terrains : & puis apres tout doucement vous luy ferez faire en derriere enuiron quatre petits pas, qui seront peu plus peu moins de cinq paulmes : & puis le ferez semblablement retourner tout doucement au mesme lieu d'où vous estes party, & l'arresterez, & quand vous serez arresté, vous le caresserez vne piece, luy passant la main de la baguette sur le col. Et en allant ainsi le trot, vous irez & viendrez douze fois au lieu de ces trois voltes que vous luy aurez diminuees, qui reuenoient à douze tours : mais aussi faut-il tousiours aller & venir sur la mesme ( *diste* ) route, & par les mesmes pas : & à chacun bout le faire volter iuste, avec les bras bien ordonnez, ainsi que ie vous ay dit par cy deuant, & que ie vous diray encore cy apres quand le propos y escherra : & si le cheual deuant qu'il vienne iusques à ce nombre de voltes, ou d'allees & venues, alloit bien & iustement, il ne seroit besoing de le trauailler, ne le faire continuer plus auant, ains le laisserez avecques ceste bonne bouche.

Encore faut-il noter que plus le cheual deuient dur & appuyé, se



laissant aller sur la bride, tellement que cheminant & se posant il vous force quasi la main : d'autant plus vous souviennet toutesfois qu'il arreste, le faire reculer en arriere quelque pas, & luy en faire autant retourner en avant iusques au lieu dont il estoit reculé. Et si en cela il deuient fascheux ou difficile, ou qu'il ne vueille consentir à faire ce que voudrez, il le vous faudra chastier par la forme que ie vous diray au second liure.

*Parer, ar-  
rester court,  
sur le cul.*

*Cois falchi  
ou falcando  
en le maniat  
à passades  
donne quasi  
du cul en ter-  
re quand on  
l'arreste pour  
le tourner.*

Quand il sera bien ferme & bien seur à se parer, vous luy ayderez à se tenir de la voix, & aucunesfois des esperons pareils, & de la baguette sur l'espaule droicte, peu ou point sur l'espaule gauche, & luy ferez faire les posades : & quand il les sçaura bien faire apres le trot, vous le ferez aucunesfois aller au galop, & à la fin diceluy semblablement vous luy ayderés au pendant, à fin qu'il les face plus aisément, & (coi

aisé à se poser vous prendrez peine à l'y instruire : & quand il entendra bien les posades, vous luy en ferez faire trois ou deux au moins, & là en le carressant vous arresterez vne piece.  
— Mais s'il fait les posades trop haultes, ou bien s'il ne les fait iustes, & avec toutes les parties qui leur sont propres, vous le chastierez à l'instant avecques les esperons : & s'il est besoin encore avec la baguette aux flancs, & incontinent apres faites le vne autrefois passer auant l'espace d'une courte passade : mais quand il sera arresté, vous l'aiderez de la voix, & s'il est besoin encore le pourrez-vous aider du gras de la iambe, ou des esperons, ou de la baguette sur l'espaule plus ou moins, & l'un & l'autre selon que vous verrez que besoin sera : & ainsi il deviendra bien apprins, iuste, & seur à les faire bien & de bonne grace, tellement que toutes les fois qu'il oyra ceste forme de voix, il se haussera puis apres tant de fois que vous voudrez : & encore sans le faire cheminer auant se pourroit-il bien corriger de la façon que ie vous ay dicté : & apres qu'il sera chastié, le faudra faire volter & cheminer par la mesme route qu'il a faite, & apres retourner au trot & le parer sur cependant où fut la premiere parade, & tant de fois retourner à ainsi faire iusques à ce qu'il les face bien : & les faisant bien, plus longuement vous demourrez arresté, tant plus se fera-il iuste, non seulement au parer, mais aussi en toute autre vertu à laquelle vous le voudrez aduire.

Et se faut donner garde que si le cheual est ieune assez souuent le pendant luy fait peur, & beaucoup de fois ne le peut souffrir : par tant ie vous dy qu'alors il le faut tenir aux premiers deux terrens, qui sera entre le plan & le bas, mais quand il sera seur, & il entrera en aage & en force, vous le tiendrez à la moitié du pendant, ou bien aux derniers deux terrens, qui sera entre le bas & le plan : toutesfois selon ce qu'il vous satisfera, vous vferez plus de l'un que de l'autre.

Après



Après que le cheual non seulement au trot, mais aussi au galop vous semblera leger deuant, & fera les posades, iustes du tout comme il les doit faire, lors luy pourriez-vous bien donner la carriere qui fut viste & mesuree, la renforçant tousiours de furie iusques à la fin (*chogli affalchi*) qu'il fauchera, & parera avec les posades: toutesfois auisez qu'il ne le faut pas faire courre souuent comme ie vous diray plus particulièrement auant que ie vous laisse. Mais si vous le voulez encore faire leger du derriere, quand il sçaura bien faire les posades, lors qu'il fera la posade le vous faudra ayder de la voix, & le battre ores d'un costé ores de l'autre, & ores ensemble par derriere avecques la baguette, & quelquesfois encor avec les esperons pareils, & iusques à ce qu'il commence à (*grappigiari*) hauffer la crouppe & s'ammonceler & qu'il entende que vous le voulez souuent molester en cela: tellement que puis apres incontinent qu'il s'en auisera, toutes les fois que vous luy ayderez à temps il deuendra leger du derriere. Et ainsi comme la propriété de la baguette est de faire leger le cheual par deuant, quand on l'en bat sur l'une ou sur l'autre espaulle: semblablement quand on l'en bat par les flancs c'est moyen de le faire leger du derriere.

*Affalchi*  
que en s'a-  
restant don-  
ne quasi du  
cul en ter-  
re, en fai-  
sant les cour-  
bettes ou po-  
ses.

*Esperons*  
pareils, quand  
on picque le  
cheual des  
deux espe-  
rons tout en  
un coup &  
mesme en-  
droit.

Il pourroit bien encore, quand le cheual pare, auoir vn homme à pied derriere luy, lequel faudroit qu'il fust bien accort, & qu'il entédist bien le temps & la mesure: & à l'instant que le cheual fait la posade, il le pourroit aider de la voix, & d'une petite housline, l'en battant aux hanches & sur la crouppe, qui seroit moyen de le faire hauffer: Mais aduisez aussi que si le cheual est de grand sens, & de son naturel fort en bouche, ou dur de machoires, & lequel seulement par la vraye force de l'art se seroit corrigé de sa bouche, à l'auanture cela ne luy viendrait pas bien à propos, parce qu'il vous pourroit forcer & aller en auant, se souuenant de son naturel: mais vouldroit mieux vser de l'autre maniere que ie vous ay dicté, ou bien de ce qui se fait en l'estable comme ie vous diray tantost qui fait le cheual merueilleusement leger, & monstre le moyen de (*agrupparsi*) s'amonceler & se hauffer egaleement deuant & derriere: & à toutes ses façons toutes les fois qu'il vous respond & fait ce que vous voulez, il faut cesser de le battre: ains sera lors bon de le caresser, comme ie vous ay desia maintesfois dit, & vous diray encore cy apres quand il escherra: toutesfois si au commencement il n'a encore toute la force, il ne seroit pas raisonnable de le faire leger du derriere, car estant foible il n'en pourroit pas porter la peine: mais ce luy sera assez qu'il se leue avec les posades en auant & luy pourriez apprendre l'autre puis apres quand il entrera en sa force & en son aage plus ferme.

*Accort, ad-  
uisé, experi-  
menté, prin-  
dent.*

Si le cheual est leger, & vous voulez qu'au retenir il face des faults, aydez le avecques les esperons pareils & avecques la voix, & principa-



lemét au second fault quand il se souleue en l'air, & alors singlez-le de la baguette iustement sur la croupe, & à l'un & à l'autre costé, ou bien plus du costé duquel plus il péd, & toutes les fois que vous cognoistrez qu'il aura besoing d'estre allegé deuant, il sera bon encores l'aider à réps de la baguette sus l'espaule droicte ou sur la gauche: & se faut donner garde qu'il y a des cheuaux qui se leueront beaucoup plus haut avec l'aide du gras des iambes, qu'avecque les esperons. Et ne faut pas seulement qu'il soit léger par tout ailleurs, mais qu'il le soit principalement & naturellement en faisant les faults: & puis après luy faut donner ordre au bras avec les posades de la forme que ie vous ay dicté, & que ie vous diray plus amplement, & puis l'aidant avec les esperons pareils & avec la voix à temps & pareillement avec la baguette il viendra à sauter avecques ruades, & (*sospeſo & aggruppato*) souleué & amoncelé.

Mais toutes les fois qu'au commencement il aura fait vn fault iuste & (*aggruppato*) amoncelé avec ruades, il faudra incontinent qu'il sera arreté, le flater & caresser, luy passant la main droite par dessus le col. Et apres que vous serez demeuré ainsi coy quelque piece, vous ne le tourmenterez point autrement ains seroit fort bon de descendre incontinent en ce mesme lieu, & le faire gaillardement mener en main iusques en l'estable. Car en ce faisant quand vous viendrez l'autre fois puis apres à le cheuaucher, il en fera dauantage & plus aisement & deliberément: toutesfois s'il ne vous vient à gré de descendre, vous en pourrez aller pas à pas.

Quand le cheual se leuera en hault, iusques à ce qu'il ait cognoissance de vostre volonté, & des faults, & qu'il ait totalement pris l'adresse & la mesure de (*aggrupparſi*) s'amonceler & amasser l'eschine, ne le faudra pas guere forcer, mais l'aidant par la forme que ie vous ay dicté, vous luy ferez faire à la fin du pas, ou du trot ou du galop, ou de la carriere, deux, ou trois, ou quatre faults, & non plus, lesquels il fera gentils & haults, & (*aggruppati*) amassez comme ils doiuent estre, autrement il les pourroit faire de trauers, abandonnez, & lasches, & aucunefois en danger de se leuer tout droit, & en cela le pendant luy seroit assez fauorable, lequel du commencement doit estre vn peu & non trop rampant: toutesfois si le cheual de sa nature est fort léger & sauteur, il pourra bien porter plus grand nombre de faults, & alors vous donnerez bien garde à faire de sorte qu'il aille iuste & droit par vne route: ce qu'il fera aisé de luy apprendre avecques les tours, & avec le trot, & le tenir tousiours egal, & avec les moyens que ie vous ay desia dit, & que ie vous diray encore par cy apres, le tenir ferme & seur de la teste: & puis apres quand il sera ferme, il le faudra aider avec le galop gaillard, en luy faisant faire à deux pas vn fault, ou en autre nombre egal & iuste, sans se desuoyer iamais de la mesure que lon aura commencee: & ainsi



allant tousiours en auant par telle espace que vous penserez qu'il pourra bien durer, & qu'il pourra continuer sa force : & faudra que le dernier sault soit plustost plus grand que moindre que le premier & les autres, & que le cheual saultant ne pende point plus d'un costé que de l'autre : & encore le pourroit-on bien faire saulter (*coi suoi balzi*) avec ses balançages de ferme en ferme : & aduisez bien que iusques à ce qu'il soit du tout egal & iuste au trot tant sur les ronds que sur la route de droict en droict, & qu'il ait quelque haleine & qu'il soit deuenu bien leger du deuant avec les posades, & du derriere (*con i gruppi*) avec les amoncelures & ruades, on ne luy doit en aucune maniere bailler le galop ne les saults. Mais depuis que cognoistrez qu'il entendra bien toutes ces choses, lors le cheuauchant plus rarement & avec plus grande gaillardise, & en faisant moins de tours au trot, & à la fin sortant des ronds au galop allegrement vous le verrez à temps à chasques deux pas fournis se leuer (*da gruppo in gruppo*) de bond en bond au galop gaillard, & s'en ira iuste iusques au lieu où il se va arrester & où il a accoustumé de parer : ou bien s'il ne fait cela, ie suis seur qu'arriuant au bout fera des saults, en l'aidant à temps de la voix (sans trop le forcer) & des autres aides qui luy seront propres.

*Sbalzi sont saults qui se font de corps & iambes iustes & retournant tout à l'instant en une mesme place vny sur les quatre piez comme quand on tient une balance iuste & tout à vn instant la haussant & la baissant.*

Si le cheual n'estoit point de sa nature enclin à ruades, & à se sçauoir (*agrupparsi*) amasser & amonceler le voulant forcer tant qu'il est possible à fin de luy faire venir plus aisement, vous ferez en ceste maniere: Vous en irez à l'estable derriere luy, & avec vne houffine le frapperez sur le milieu de la croupe ores plus ores moins, selon que vous en verrez le besoing, & en ce faisant vous l'aiderez encore avec la voix, de la maniere qu'on l'aide quand on luy donne les pausades, comme tantost ie vous declareray, & parce moyen il viendra à (*agrupparsi*) s'amasser & amonceler, & apres il estendra les ruades, & quand il en sera venu là vous ne le tourmenterez plus de la baguette, à fin qu'il prenne courage de faire ce que vous voulez, & le solliciterez tousiours iusques à ce qu'il vous y satisfasse: dont aduiendra que puis apres à peine orra-il le singlement de la baguette, & le son de la voix, qu'il ne (*agruppera*) s'amasse & amoncelle & face ruades, non seulement en l'estable, mais aussi quand vous ferez monté dessus.

Faut noter que quand le cheual ne fait pas les ruades iustes, lors le faut battre plus fort iusques à ce qu'il les face iustes, & puis quand il les aura vne fois tirees iustes & droittes, vous le laisserez pour vn temps avec ceste bouche: toutesfois il sera bon de l'en solliciter deux ou trois fois le iour de la forme que ie vous ay dicté n'aguières, & par ce moyen il se fera iuste & merueilleusement leger du derriere, & cognoistra bien quand vous aurez volonté qu'il (*agruppi*) s'amasse & amoncelle.



Mais si vous voulez bien l'accoustumer à cela, apres qu'il aura bien entendu ceste façon en l'estable, & quand vous serez monté dessus, vous arresterez & ferez qu'un homme à pied le menacera par derriere semblablement avec la baguette, & en temps conuenable, & ainsi deuiendra-il leger du deuant & du derriere. Et combien que non en cela seulement, mais en toutes autres choses vn cheual soit plus dur & rude que l'autre, neantmoins avec le temps, de tant gros esprit soit-il, avec le soin & la peine que vous y prendrez en temps, saison, & mesure requise, il fera ce que vous voudrez.

Quand vous luy voudrez monstrier, deuant ou apres cela, le moyen de se manier, quand vous cognoistrez qu'il sera prest à faire les voltes estroictes en cheuallant les bras avec le vray ordre, & qu'il sera ferme de teste, & fera aisément les posades, apres que vous aurez acheué vos voltes, lors en vn chemin estroit, ou en la raye au bout de laquelle sortant des ronds vous allez parer, ou bien en vn terrain, lequel au moins soit vn peu mol, & que ses pas s'y puissent former, vous le ferez cheminer au trot l'espace d'une petite carriere, ou d'une longue posade, luy baillant à temps courage avecques la voix, ou avec le truc des leures, & quand vous serez au terme de l'arrester, luy aydant de la voix, vous luy ferez faire vne posade, & en faisant la seconde alors qu'il se leuera vous prendrez avec l'ayde de la langue la volte de la main droïte, sans luy faire tordre le col, en l'aidant magistralement avec le licol ou les fausses resnes & les resnes iustes, & à temps vous luy ferez cognoistre le secours des esperons ou gras de la iambe, & de la baguette, ou de l'un ou de l'autre, ou des deux ensemble, quand il escherra plus ou moins, selon le sentiment qu'il aura, & suiuant ce que plus amplement ie vous en diray cy apres: & faites que la volte soit iuste, luy faisant mouuoir premierement les espaulles & les bras de deuant, & non la croupe & les iambes de derriere: & sans faire pause retourner par la mesme routte iusques au lieu d'où vous estes parti, & là semblablement de la forme que ie vous ay dicté, vous luy ferez faire vne posade, & en faisant la seconde vous luy ferez prendre l'autre volte à main gauche, & tant à l'aller qu'au venir qu'il y ait enuiron douze passades de trot, le dressant ainsi que j'ay dit: & ce maniement s'appelle, à demy temps.

Et combien que ie vous aye dit n'aguières qu'il faut faire volter le cheual du deuant, & non de la croupe & des iambes de derriere, neantmoins ie vous fais certain que quand il entend la voltre en tournant les espaulles & les bras, alors en quelque sorte qu'il se manie, faisant les posades en auant, il mouuera les iambes (*falcando*) en fauchant, & les haussera vn peu, de telle grace les accommodant à la volte, qu'il la suura tousiours iuste & merueilleuse, avec vn bel air, & gentil ordre, comme il est requis de la faire.



Vous souuienne qu'après cela toutes les fois qu'allant au trot vous ferez arriué à l'endroit où se doit faire la posade, il ne sera pas besoin de le solliciter ou tourmenter, pour luy faire faire : mais vous tiendrez la main ferme & droicte sans la tourner de costé ne d'autre, & lors vous luy ferez seulement cest aduertissement & aide de la langue, & vous le verrez incontinent (*falcando*) en fauchant & se haussant vn peu deuant s'accommoder, & prendre de bonne grace de soy-mesme la volte estroicte, ferme, iuste, & modérément esleuee, mettant la teste où il auoit la crouppe : & continuant de mesme façon aisement il se maniera à demy temps.

Mais après que le cheual se sçaura ainsi manier, si vous le trouuez fort & leger, vous luy ferez faire deux posades, & en faisant la troisieme, incontinent qu'il commencera à se leuer, vous le tournerez à la volte, & continuerez cest ordre : mais bien que le cheual soit fort, nerveux & leger, ie trouueray tousiours bon qu'en faisant la secôde posade ou le tourne à la volte, comme ie vous ay dit n'aguieres : pource que la volte en sera plus profitable & plus prompte, & de meilleure grace, & plus aisée : neantmoins à cheual de grande force qui va (*da gruppo in gruppo*) de bond en bond, si on le prend à la tierce posade, elle sera beaucoup plus belle : & ceste façon s'appelle maniemét à temps ou de tout temps.

Quand le cheual n'a pas grande force, ou s'il est pesant, vous le tiendrez comme glissant ou coulant sur les hanches de derriere : & sur la fin de ses (*falchi*) faux, & lors qu'il a accoustumé de faire la premiere posade, vous le tournerez à la volte tant à l'vne comme à l'autre main, & elle se fera iuste, par la forme que ie vous ay dicté. Et ceste façon s'appelle, maniemement contre temps, pource que le cheual voulant faire la premiere posade, & alors qu'il veut commencer à se leuer en l'air pour faire posade, vous luy derobez & cloyez la volte, & ne luy accordez pas le temps de faire & acheuer la posade : toutesfois à la fin quand vous irez vous arrester, vous luy en ferez faire vne. Et vous auise qu'ainsi comme le maniemement de tout temps, luy sera plus aisé quand il sçaura premierement bien faire le maniemement à demy temps : aussi ne fera-il iamais si parfaictement le maniemement contre temps, s'il n'a parauant cognoissance pareillement du demy temps, lequel à ce moyen profitera autant pour l'vn que pour l'autre.

Encore se pourroit bien manier le cheual à l'vne de ces trois manieres que ie vous viens de dire, à temps, demy temps, ou contre temps, bas & pres de terre, le faisant couler avecques les faux l'entretenant plus ou moins aux voltes selon le temps que vous en voudrez yser, & les cloyât estroictes côme il appartient, & avec l'ayde qu'il leur est necessaire, encore feroit-il la iambette ; & quand vous le voudrez manier de ceste façon il seroit bon (côme aussi seroit-il louable aux autres façons de manie-

*Iambette*  
quand le  
cheual leue  
vne main en  
l'air & la  
tient pliee.



ment) trouuer aucune fois vn lieu, auquel à chascun bout où on va passer & donner la volte, il y eust vn petit pendant où le terrain fut dur: (& encore qu'il ne fust dur, il n'y auroit pas grand danger) car il contraindrait le cheual de sorte qu'il viendrait à manier iustement & avec bonne mesure: si faut-il neantmoins noter que le cheual ne viendrait iamais à se faire en sa perfection, si on ne l'auoit parauant fait leger du deuant avec les posades.

Et sert beaucoup en toutes sortes de maniement, tant aux (*repellons*) passades comme aux voltes redoublées d'accompagner tousiours les voltes avecques la personne sans se laisser pendre de costé ne d'autre, comme ie vous en ay desia vne autre fois aduertie. Et à fin qu'il vous soit plus aisé, ores le vous diray-ie plus clairement. Quand le cheual fait la volte à main droite, vous l'accompagnerez avec le corps droit, contournant seulement l'espaule gauche vn peu vers l'oreille gauche du cheual, plus ou moins selon ce que vous cognoistrez qu'il en fera besoing, & alors si vous laissez pendre vn peu vostre corps en arriere, ce ne luy sera que plus grand secours: mais faudra faire l'un & l'autre à temps: correspondant à ce mouuement que le cheual fera (*falcando*) fauchant à la volte, & non autrement: car en ceste maniere non seulement le corps, mais les hanches avec toute la personne luy aideront à clorre tousiours la volte plus furieuse, & plus iuste avec grande facilité, & en vn mesme lieu avec merueilleuse mesure: & ainsi encore à toutes les voltes qu'il fera à main gauche, vous luy tournerez vn peu l'espaule droite vers l'oreille droite, parquoy tout ainsi que vous faites à la volte droite, ainsi ferez vous à la gauche: & cela luy seruira d'un grand contrepoix pour le faire tousiours choir iuste, & en mesme route.

Il aduient bien souuent que se trouuant le cheual las & fâché ou foible, soit que cela luy vienne de nature ou de trop grande ieunesse, il prendra trop de travail si on le manie ainsi souuent au trot: partant vous dy-ie qu'il luy sera profitable de le manier quelque fois seulement au pas, & avec vn de ces temps, dont ie vous ay parlé n'aguières, luy faire prendre les voltes selon la qualité du maniement que vous luy voudrez faire, tellement qu'ores au pas, ores au trot, vous luy montrerez tousiours la maniere que vous voudrez qu'il retienne: & vous souuienne que pour vn temps il ne faut point laisser l'ordre que vous aurez commencé au trot ou au pas: car le faire changer si souuent ne seroit que le confondre.

Après que le cheual se sçaura bien manier de toutes ces façons au pas ou au trot, vous le manierez puis après au galop avec les mesmes temps & les mesmes ordres dont ie vous ay parlé, au trot, luy faisant faire les voltes, à chacune main vne, mais que la premiere & la derniere soient



à main droicte : & vn peu deuant que vous luy donniez la volte souuienne vous de tourner la baguette du costé opposite, à fin que le cheual entende vostre volonté, & qu'il ait loisir de s'y accommoder: car par ce moyen il fera la volte plus aisement & de meilleure grace : & lors que vous le voudrés arrêter, aydes-le avec les esperons pareils, ou bien seulement avec le mol des iambes, & avec la voix & la baguette, & luy faictes faire les posades.

Mais notez qu'à la fin quand vous voulez que le cheual s'arreste, & pare si le maniement sera de tout temps, vous luy ferez faire trois posades: s'il sera de demy temps, vous luy en ferez faire deux : & s'il sera contre temps vous ne luy en ferez faire qu'une : toutefois si à chacun de ses maniements il faisoit deux ou trois posades, ce ne seroit pas faute à reprendre : mais ce seroit beaucoup mieux fait, & en cheuaucheur plus accord d'y proceder en la forme que i'ay dicté. Dauantage en chacune posade on luy pourroit bien ayder à luy faire faire vne couple de ruades, pourueu qu'il fust desia apprins à les bien faire : car autrement il ne les feroit pas en temps & lieu, ny à la façon qu'il les faudroit faire.

Et s'il estoit desia fait & prompt aux ruades, on les luy pourroit bien faire faire non au parer seulement, mais aussi aux voltes : toutesfois au maniement contre temps, elles ne luy seroient pas propres: mais elles seroient bien seantes au maniement à demy temps, ou de tout temps : & pource faire seroit bon incontinent que le cheual à la fin de la passade (*falcando*) fauchant la premiere ou la seconde posade l'ayder de la voix, ou de la baguette, ou des esperons ou des deux ou trois ensemble, selon ce que vous aduiferez qu'il en sera besoing, pour luy faire tirer vne couple de ruades en arriere, & au clore de la volte vne autre couple en auant: & suiuant puis apres la posade vous luy ferez faire le semblable à la volte de l'autre bout, & faudra ainsi cōtinuer, tellement qu'à chacune des deux il tirera deux couples de ruades, vne couple en arriere & vne couple en auant à chacune volte qu'il fera. Cōbien qu'encore à chacun bout de passade on pourroit bien lors qu'il clost la volte luy faire dōner où il tenoit la tēte & où il a la croupe, vne couple de ruades & nō plus.

Quand le cheual sera bien seur & bien iuste en tous ses maniements, vous le pourriez bien à vostre phantasie (car il n'est point besoing d'en donner regle) manier encore le faisant contourner & retourner par les passades de la forme que coule sur la terre vne anguille ou vn serpent, mais ie vous aduertie que vous gardiez d'en vser au maniement des cheuaux ieunes, car ce leur tourneroit plustost à dommage qu'à leur auantage. Et fait sçauoir que chaque volte qui se fait, chaque sorte de ces maniements des passades, se peut appeller demie volte, & encore se peut nommer volte simple.

Si auant que manier le cheual, ou en quelque autre saison que se



soit, on vous presente la baguette, vous la devez prendre tout doucement sans furie, afin que le cheual ne s'en espouuante: & apres que vous l'aurez prise, vous le caresserez en l'asseurant, & luy en mettant la moitié sur le col, ou bien le grattant aupres du garrot avec le bout de la baguette qui vous sortira au dessous du poing droict dont vous la tenez.

Et pource que c'est chose necessaire de sçauoir à temps changer main à la baguette (ce que puis apres vous seruira beaucoup à manier l'espee quand vous combattrez vostre ennemy,) pour ce que vostre main sera desia accoustumée à se poser & remuer comme il appartient, partant vous dy-ie que maniant le cheual il vous faut tenir la baguette de la main droicte, avec le bras estendu tout à bas, tenant le poing sur la cuisse droicte ou derriere elle, de sorte que la baguette luy passe au trauers du col quasi en la forme d'une croix saint André, & quand il aura pris à la fin de la passade la volte droicte, vn peu deuant que vous arriuez à l'autre volte gauche, vous la leuerez de là, & la tiendrez au costé droict peu moins de deux paulmes loin de l'œil de la bride ou de l'œil du cheual, & la pointe de la baguette, tant longue ou courte soit elle, s'auancera en auant, en quelque lieu qu'elle s'arreste, & tousiours avec le bras estendu: & quād vous approcherez de l'autre volte droicte, vous la remettrez au trauers du col du costé gauche comme vous fistes au commencement: & en ceste façon selon la volte vous luy changerez de lieu. Toutesfois auisez que combien que le cheual face la volte à main gauche pour vne fois, ce ne seroit pas faute de luy tenir la baguette sur le col, de la forme que ie vous ay dicté, attendu que c'est son premier & plus propre lieu, & dauantage pource que le cheual de son naturel est plus prompt à la volte de main gauche, il n'y auroit pas grand danger en la luy faisant faire, de ne luy bailler pas si souuent le secours de la veüe de la baguette: & vous declare que naturellement & selon la vraye discipline on la doit porter plus ou moins d'un costé que d'autre selon le besoin qu'il en est, c'est à sçauoir du costé duquel le cheual est moins ferme, & d'où il se iette le plus: tellement que s'il est d'un costé foible de col, en luy donnant le maniement tenez tousiours la baguette de ce costé-là duquel il pend: mais s'il est esgal & iuste autant d'un costé que d'autre, vous la changerez quelque fois de main, & alors si vous la teniez par fois sur son col de la forme que ie vous ay dit, il n'y aura pas grand danger: & à mesure que vous auiserez qu'il en fera besoin, vous le pourrez bien ayder ou chastier avec la baguette de l'un ou de l'autre costé de la croupe, (ainsi qu'il escherra) ou des flancs, ou des espauls: & à la fin faudra tousiours retourner à poser la main qui tient la baguette en l'un de ces deux lieux, lesquels deux lieux sont les deux gardes principales de l'espee de l'estoc.

Mais quand à raison de quelque grand desordre, il seroit besoin de le



de le chastier par la teste & entre les aureilles, combien que lors la baguette se portast ou plus ou moins haute & hors du deuoir, cela ne se pourroit pas appeller faute : parce qu'estant le cheual vicieux, & voulant estre à ceste cause chastié par le membre, sur lequel il craint plus les coups il faudroit seulement auoir esgard à le battre à temps : & partant pour ceste occasion seroit-il bien permis en tel cas la tenir là d'où il seroit plus aisé de le mettre, à fin qu'il ne puisse fuir le coup. Et quand il le faut secourir ou corriger de la baguette, ie le vous ay desia dit, & le vous diray par cy apres plus amplement en tous les endroits où le propos y escherra.

Et notez que quand vous vous pourmenez, & quand vous ne voulez en aucune sorte vous ayder de la baguette, lors il la vous faut tenir haute la pointe en sus vers l'espaule droicte avec le bras estendu en bas : & la tiendrez entre le pouce & les autres doigts de la main qui ne soient pas clos : laquelle main vous tiendrez sur la cuisse droicte, ou peu deuant ou peu derriere elle : & puis quand il la faudra mettre en œuvre, incontinent cloant le poing, vous la pourrez deualer bas au costé gauche ou droit, ainsi qu'il escherra, comme le vous ay desia dit.

Vous le pourriez bien encores manier, & tenir la baguette haute, de la forme que se tient la lance quand on court, le poing bas sans le mettre sur la cuisse, & toutes les fois que vous serez proche de la volte vous la pourriez abaissier de la main qu'il seroit besoin, & apres la volte la retourner là en son premier lieu.

Et à fin de vous en donner plus claire intelligence ie vous dy, quand vous maniez le cheual, s'il ne clost du tout la volte, outre les autres secours qui y escheent, comme ie vous ay desia dit, & vous diray encore cy apres, à fin qu'il s'en aille serrer dedans la vraye routte, vous le faudra ayder avec la baguette, ou le battre en l'une ou en l'autre espaule du costé opposite à la volte que vous ferez, & de ce costé vous la clorrez puis apres, de la forme que ie vous ay dicte, & avec cest ordre continuant le maniemēt, vous luy changerez de main.

Quand vous irez pourmener sans baguette, vous faudra tenir la main droicte ouuerte sur l'arson, sur le bort duquel vous poserez le pouce ; mais le voulant manier ou faire courre, ce seroit vice de tenir la main, ains lors vous faudra seulement de la main droicte prendre les resnes par le milieu d'où elles pendent, & ainsi close en les serrant la, tenir là où vous la soulez tenir, & employer tenant la baguette.

Après que vous l'aurez manié au galop furieux ou gaillard, quand il sera en haleine & il aura reprins son vent, lors vous le pourmenez au pas sans le tourmenter par la mesme routte enuiron douze fois qu'à aller qu'à venir : & à chacune fois que vous arriueriez au bout de la route, vous le ferez volter, de sorte que le bras opposite s'encheualle dessus



l'autre, comme n'aguières ie vous ay amplement declaré, car par ce moyen en le maniant le tour ensuiuant, vous le trouuerez disposé & accoustré avec plus grande aisance sans qu'il face aucune faute: & toutes les fois qu'il perdra son ordre, & ne fera les voltes de ceste mesure, il le vous faudra corriger de la maniere que ie vous enseigneray bien tost au second liure: & tant plus vous luy accoustumeriez cest ordre en vn garer, d'autant plus deuendrait-il leger à tout maniemment.

Et seroit fort bon, auant que le manier soit au trot, soit au galop, & de quelque vistesse ou temps que ce soit aucune fois le pourmener ainsi par la routte où il deura prendre le maniemment, & pareillement luy faire faire au commencement ce que ie vous ay dit n'aguières que vous luy deuiez faire faire à la fin: car cela luy monstrera la voye plus certaine, laquelle il continuera avec plus grande gayeré puis apres, & avec le vray ordre & de meilleure grace, & ainsi que vous le voudrez, & principalement quand il commencera à apprendre.

Dauantage il vous faut aduiser qu'aucune fois le cheual ieune, pour ce qu'il n'a pas encore toute sa force naturellement pour auoir moins de peine si tost qu'il arriuera, voudra prendre la volte, & fuyra le temps qui y sera propre: tellement que lors quand vous luy donnerez ces passades, soient courtes ou longues, ou au trot, ou au galop, arriué au bout de chacune d'icelles, vous luy ferez faire les posades en nombre tel que requiert la qualité du maniemment que vous luy voulez faire: mais ce seroit bien le meilleur les luy faire faire au nombre qui est propre aux voltes de tout temps, ou de demy téps, puis vous arrester quelque peu & le caresser, puis apres luy donner la volte avec les secours que ie vous ay dit, & vous diray cy apres: sus laquelle s'il ne tenoit pas encore bien l'ordre, & estoit trop prompt à s'auancer, vous pourriez vn peu arrester, car il deuendra puis apres iuste, egal & leger aux voltes: & apres qu'il y sera seur & aisé à vostre plaisir, vous le pourrez bien manier vistement & sans pause en toutes les sortes de tout temps, de my temps, & contre temps.

Mais si le cheual est bien entendu, il n'aura point besoing de cela: ains pour l'entretenir, suffira apres que vous l'aurez pourmené, aller seulement vne fois au galop, l'espace d'une petite carriere, & la fin en le tenant droit avec les posades, vous arrester là vne piece, & puis vous en pourrez retourner au pas ou au trot iusques à l'autre bout duquel vous estes party, & apres le retourner, & le manier par la mesme routte avec le temps qu'il sçait bien faire.

Mais aduisez aussi que si le cheual est trop sensible, & encore il vous derobe le temps, & prend la volte plus tost que vous ne voulez, & à l'auenture la prend couchée, ce seroit bien alléz de le bien manier souvent, non en autre maniere qu'à tout temps, au pas, ou au trot, ou au



galop, l'arrestant vne piece, & puis le faisant tourner bas, luy faire encheualler les bras, ou bien luy faire faire la iambette: laquelle ie vous diray au quart liure comment on luy apprend: par ce que prenant ceste accoustumance, il ira avec plus grande mesure & tousiours iuste, au temps & à la façon que vous voudrez.

Il y a beaucoup de cheuaux de leur nature superbes, despits, lasches, & foibles: lesquels pour auoir esté mal nourris & battus outre raison quand vous les voulez manier, & ils sont arriuez au bout de la passade ou au trot, ou au galop, lors que vous leur donnez la volte, ils la prennent à grand contrecœur: & le plus souuent la font large & peu iuste comme il est besoing, & qui n'a ne son temps ne sa mesure. Partant vous dy-ie, que pour les chastier de tel vice, vous faudra leur faire faire la passade au pas: & quant vous serez pres du bout à la longueur d'un cheual, lors vous luy donnerez plus grande viffesse de trot ou de galop: & arriué là vous ferez faire la volte à droicte qui soit iuste, & apres qu'elle sera close vous l'arresterez vne piece, & puis vous prendrez à cheminer au pas tout doucement par ceste mesme routte: & tout ainsi que vous fistes à la volte droicte, en approchant du bout, vous le hasterez à furie de trot ou de galop, & luy ferez faire la volte à gauche & vous arresterez apres icelle: & puis retourné cheminerez au pas ne plus ne moins qu'au commencement & de mesme ordre, tant qu'à l'aller & au venir vous faciez ainsi iusques à huiet fois, & à la fin vous faudra parer avec les posades. Et ne faut oublier que chacune de ces voltes sera selon le maniemment que vous luy voudrez faire faire, ou à temps, ou à demy temps ou contretemps.

Mais notez bien que chacune fois que vous luy auez fait faire la volte, & que vous estes arresté ainsi que ie vous ay dit, vous pourrez cheminer au pas enuiron trois pas, & puis le mettre au trot: & quand vous approcherez du bout à la longueur du corps du cheual le mettant au galop, ou continuant le mesme trot, vous luy ferez faire l'autre volte, vous arrestant semblablement apres icelle: & de ceste forme entore continuant vos ordonnances.

Quand vous apperceurez que le cheual entend & va de ce temps que vous luy auez monstté, apres que vous luy auez fait faire la volte, & vous serez vn peu arresté sur icelle: vous en irez au galop, & continuerez quelques iours ainsi le faire: & apres qu'il sera bien seur & bien iuste, & entendra la mode, apres qu'il aura clos la volte vous n'userez plus de ceste maniere, mais sans luy donner ny arrest ny pause, vous le ferez cheminer auant: autrement il prédroit vn mauuais vice, duquel pourroiet naistre plusieurs grandes fautes: car cest arrest apres la volte se doit faire seulement quand le cheual pour aucunes des causes que ie vous ay dictes cy deuât, ne fait pas la volte vraye & iuste côme il appartient.



Plusieurs cheuaux mal nourriz & instruits, tournent en se maniant la croupe & les hanches plustost que les espauls: tellement qu'en ce faisant il leur seroit impossible de se manier bien & iustement: partant vous di-je que quand vous viendra entre les mains vn cheual enuieilly en ceste mauuaise accoustumance, il faudra avec grande diligence le solliciter au pas ou au trot de droit en droit, dedans le garet en vne raye ou seillon, & le corriger tousiours, non seulement quand il chemine, mais aussi quand vous luy faictes faire la volte, ores avec le gras des iambes, ores avecques l'esperon de la iambe opposite à la volte que vous luy donnez quand vous estes au bout, & ores au court à la longueur du corps du cheual, & ores au long, tant que peut estre longue la passade ou la carriere, vne piece à l'une, & vne piece à l'autre mode, tant qu'à la fin il s'aduise de sa faute.

Et si cela ne suffisoit pour le corriger, vous irez pourmener en vn lieu où vous ayez d'un costé vne pante de mur, duquel vous approcherez le plus pres que vous pourrez: & quand vous en serez au bout, vous ferez parer le cheual, & puis volter à droicte avecques plus ou moins d'ayde de la iambe ou de l'esperon gauche, & plus ou moins promptement selon que vous en verrez estre besoin, combien qu'aux premieres fois ordinairement il aduient qu'il se tourne tout doucement: & retournant par la mesme routte: vous aurez le pan de mur à main droicte: Et quand vous serez au bout, vous le tournerez semblablement hors du mur à main gauche, l'aydant de la mesme façon que vous fistes à la volte droicte: & comme vous fistes par la raye ou seillon, vous le pourmenerez au pas ou au trot tant qu'il vous semble qu'il commence à entendre ce que vous voulez, & autant qu'il le peut porter: car en ceste maniere il ne pourra tourner la croupe, & sera contraint quand il se maniera puis apres, se tourner tousiours avec la poitrine.

Et outre tout cela avecques toutes ces aydes, pareillement le pourriez-vous manier en vn fossé: lequel si vous n'auiez à main, vous en pourriez faire vn à vostre plaisir, aussi long que vous voulez longue la passade, & qui soit large par dessous enuiron de deux paulmes, & peu plus ou moins profond d'une paulme & qui d'autant en montant s'elargisse peu à peu, de sorte que la largeur de la bouche monstre la forme d'une baguette: & au plus on le pourroit faire profond de quatre paulmes, & d'autant plus le faudroit-il tenir large à l'emboucheure. Mais en ceste maniere vous sera besoin lors en luy faisant faire la volte, yser d'une plus grande temperance, & de plus grande fermeté de main & de temps & de mesure avecques le vray art, & piquer le cheual des esperons en temps & saison conuenable du costé opposite à celui de la volte, & encore de l'autre costé quand il escherra, & principalement si vous voulez seruir de ce fossé pour donner la iambette, cōme ie



vous diray. Combien qu'un parfait cheuaucheur apres qu'il aura pris la pratique des ordonnances & preceptes de l'art que ie vous ay dit & diray, sans ayde ne de seillon, ne de pante de mur, ne de fosse, au milieu de la rase campagne pourra manier le cheual & luy enseigner toute vertu, & la aisément le corriger de tout vice ou defaut qu'il pourroit auoir.

Quand le cheual se sçaura bien tourner & volter à toutes mains, dextre & prompt à s'employer à toutes ces sortes de maniemens que ie vous ay dit, lors à vostre bon plaisir luy pourrez-vous oster les faulces resnes : & vous faudra aussi bien apres les luy auoir ostez, luy tenir tousiours la main de la bride ferme, avec un doux appuy, comme quand il les portoit : & toutesfois (*comme vien sotto*) quand il s'embridera bien luy faudra accourir les resnes : & quand vous cognoistrez qu'il tiendra la teste ferme & iuste en son lieu comme pour aller ferir droit du front, il ne luy faudra faire autre chose sinon de l'y entretenir, en luy donnant souuent les voltes, & encore le maniement au trot ou au pas, & aucunes fois au galop, & pareillement sur le trot ou sur le galop luy faire faire les posades au plan ou au pendant de la forme que i'ay dit, le faisant souuent cheminer ores au trot furieux & long, ores au trot plus doux & plus court, & aucunes fois au pas dedans un garet qui soit fraichement & profondement labouré, luy tenant tousiours la main de la bride ferme & roide sans luy iamais donner autre liberté iusques à ce qu'il soit dompté & fait (si ne la faut-il pas toutesfois tenir si ferme que sa fermeté le face sortir du vray temperament & de la iuste mesure) & à ce moyen il deuiendra de luy mesme merueilleusement leger, & prendra un doux appuy marchant la bride avecques grand plaisir : & en cela consiste un des plus grands moyens, & des plus aisez pour arrester la teste du cheual : car combien qu'elle soit vaine & peu arrestee, il la composera de bonne façon, & n'en fera plus mouuement qui ne soit propre & bien seant. Et ce que maintenant ie vous en ay dit est contraire à la maniere dont souloient vser les anciens : lesquels apres auoir manié ou fait courre le cheual pensans seulement à le caresser pour l'encourager à bien faire, laschoient la main pour quelque temps, iusques à ce qu'il fust arrêté, & luy abandonnoient la bride.

Et faut bien noter qu'estant le cheual reduit à tenir la teste iuste & droite (*& col mastacio di sotto*) & quand il s'embride bien lors plus il est pesant à la main & chargé de malchoires & fort en bouche, tant plus à la carriere & aux passades, & en quelque sorte qu'on le manie, luy faut-il porter & tenir la main de la bride legere & temperee : car autrement il passeroit outre en s'appuyant sur la bride & s'appesantiroit outre mesure, & de iour à autre feroit moins de compte de la bride, & resisteroit tousiours à l'encontre : mais aussi n'estant point contraint de ceste malignité de bouche, il faudra faire le contraire, ainsi que ie vous



ay desia discouru.

Il n'y a pas encore long temps que beaucoup de cheuaucheurs v-  
soient de la Camarre, non pas seulement pour asseurer la teste du che-  
ual, mais aussi pour le faire plus leger du deuant & aux posades, & à fin  
de le faire aller avec l'eschine gaillarde, & assemblé en toute sa force:  
neantmoins quand on luy ostoit puis apres, s'apperceuant de la liberté  
il branloit & remuoit plus fort la teste, tellement qu'apres qu'on luy  
auoit osté la camarre, il eut bien esté besoing l'aider & chastier suiuant  
les ordonnances, aydes, secours & chastiemens que ie vous ay dit &  
diray, & luy faire cognoistre sa faute, car sans cela la camarre en si peu  
de temps n'eut pas esté suffisante: toutesfois elle luy eust bien peu ser-  
uir si par long espace de temps il se fust accoustumé à la porter: ce que  
nous deuons fuir cognoissans combien est brieue la vie humaine, à fin  
que nous venions plustost à iouir des graces que Dieu nous a faictes.  
Or retournant à nostre propos ie vous dis que sans la camarre aisé-  
ment avec les reigles que ie vous baille, le cheual deuendra seur, fer-  
me, & leger, & assemblé en toutes ses forces: toutesfois quand vous  
voudrez vser de la camarre, la faisant porter peu plus ou moins de  
quinze iours, à vn cheual pesant & peu leger du deuant, difficile &  
mal asseuré de teste, pourueu que vous vsiez puis apres des ordonnan-  
ces que ie vous ay baillées quand il escherra, veritablement en moins  
de temps vous le trouuerez beaucoup auancé. Le premier inuenteur  
de la camarre fut Messere Euangeliste de Milan, de son temps tres-sin-  
gulier cheuaucheur & grand maistre à manier cheuaux.

Or quand vous voulez monstrier le cheual en la compagnie de plu-  
sieurs Gentils-hommes & Cheualiers, à vn grand Prince, à vn Roy, à  
vn Empereur, le vray lieu propre à cest effect, doit estre disposé de for-  
te, que ces Princes puissent bien voir la carriere de l'un des costez &  
pres du lieu ou le cheual vient parer: & doit estre ce lieu loing deux  
enuirois d'une iuste passade, d'où ils pourront aisément voir le com-  
mencement, le milieu & la fin, & chacune particularité du maniement  
qu'on luy fera faire. Partant soyez aduertis que le costé droit y sera  
beaucoup meilleur à cause que le cheuaucheur ou l'Escuier à chacune  
volte qu'il fera aux passades leur tournera tousiours le visage & non  
les espauls: combien qu'aucuns veulent dire que tels grands Seigneurs  
doient estre à l'autre bout d'où le cheual se vient poser: mais il me sem-  
ble que cela ne viendroit pas bien à propos, non seulement à cause  
que peu souuent la routte seroit commode pour donner lieu & com-  
modité à tous ces Seigneurs, de voir manier le cheual: mais aussi à cau-  
se que si la gourmette, ou les resnes ou le porte-mors se rompoit, ou  
le cheual auoit forte bouche il en pourroit aisément aduenir quelque  
malheur: Ce qui n'auendra iamais estant les Seigneurs du costé & de la



forme que ie vous ay dit: mais il seroit bon pour le seul Prince de demourer au lieu contraire, pourueu qu'au bout de ce lieu, auquel le cheual se va parer y eust vn eschaffaut, ou vne fenestre, ou vne loge, d'où il peut regarder à son aise, sans ce quil fust monté à cheual. Neantmoins les Cheualliers & les Princes de ce temps cy, n'vser point auourd'huy, ce me semble, de tant de ceremonies & ne regardent de si pres à toutes ces particularitez: toutesfois i'ay bien voulu vous en discourir amplement, à fin que vous ayez cognoissance du vray ordre qu'on y doit tenir. Parquoy notez, maintenant la forme de laquelle il y faut proceder.

Vous partirez au trot tenant la pointe de la baguette haut vers l'espaule droište, ainsi que ie vous ay cy deuant dit vous enseignant l'ordre de la baguette: & quand vous ferez au bout de la carrière en abaissant la baguette vous ferez faire au cheual vne demie volte iuste droište, & vous arresterez vn peu: & puis vous cheminerez tout doucement de la longueur du corps du cheual & incontinent apres vous partirez furieusement luy donnant carrière, & passerez par deuant le Prince de la forme & mesure que ie vous ay dicté: lequel sera à vostre main droište vous regardant: & quand vous ferez au parer, & vos faux seront acheuez, lors à la premiere, ou à la seconde, ou bien à la tierce posade selon le maniement duquel vous voudrez vser à temps ou demy temps, ou contre temps & selon ce que le cheual sçait faire & peut souffrir, incontinent vous le ferez volter à droište & retournerez avecques la passade par la route de la carrière, & quand vous ferez au bout de la passade avec le temps que vous printes la premiere fois vous le ferez volter à gauche, & cheminerez par ceste route, & quand vous en ferez au bout vous le ferez volter à la droište comme vous fistes au commencement, & par ceste route vous en irez parer où vous fistes la volte gauche, & ferez les posades au nombre conuenable au maniement que vous ferez: & ainsi vous arresterez au deuant du seigneur ou Prince, lequel en ce faisant se trouuera ayant la face tournée vers vostre costé gauche, à la longueur du corps du cheual.

Ou bien quand vous luy donnerez carrière, vous pourriez bien puis apres le retenir, & parer vn peu plus en arriere que le lieu où est le Prince, à costé: lequel à ce moyen vous seroit lors à main droište. Et quand le cheual sera du tout arresté, & aura fait les posades, vous le ferez passer auant à (*tire de repolon*) trait de passade & commodement selon le temps duquel vous entendrez vser le ferez volter à droište: & par la mesme route retournerez iusques au bout où vous parastes à la carrière, & avec semblable temps le ferez volter à gauche, de sorte qu'allât & venant vous ferez quatre passades: toutesfois si le cheual estoit fort puissant, vous pourriez bien aller iusqu'à six, & la premiere & derniere volte seront tousiours à droište, & viédrez à la fin parer deuant le Prince.



Encore se pourroit bien le cheual apres la course parer droit à droit du seigneur ou Prince, lequel vous regardera à la droicte, ou bien le faire poser vn peu plus auant qu'il ne seroit enuiron dix paulmes, & sans le remettre plus auant alors qu'il fait les posades, luy bailler la vostre droicte, avec celuy de trois temps qu'il vous plaira, & qu'il sçait mieux faire, & retourner en arriere par la routte de la carriere avec la passade, & puis le faire volter à gauche, & ainsi faire iusqu'à deux ou quatre passades vous arrestant incontinent apres la derniere volte, que vous clorrez à main droicte où vous parastes premierement, & ainsi se trouuera le Prince à vostre costé gauche: & tant à ceste forme de passades que ie vous ay premierement dictes comme à celle que ie vous dis maintenant, incontinent que le cheual sera arresté & aura paré, vous luy faudra donner les voltes redoublees, & auant qu'il redouble ou apres, il seroit bon de luy faire faire la capriole, s'il l'entend, ou les couruettes: toutesfois la capriole se feroit bien meilleure & plus gaillarde auant que courre, & luy faudroit consequemment donner deux voltes doubles à chacune main, & puis se pourroit bien monstrier avec la carriere, & se manier à passades, & vne autre fois luy bailler les voltes doubles à la fin d'icelles.

Et vous faut entendre que chacune de ces formes de bailler les (*re-polons*) passades à la fin de la carriere, est bonne seulement pour les cheuaux qui sont fort puissans, & qui respondent aisément à tout ce qu'on leur veut faire faire, & qui vont avec bon ordre, & avec la vraye façon de la guerre: car il est bien certain qu'en tout ce qu'on fait faire au cheual en le monstrant on le fait tant qu'on peut approcher de la vraye semblance de la guerre: où la premiere chose est d'aller à course à l'encôte de ses ennemis avecques la lance: & puis on entre au milieu d'eux l'espee au poing, & en sort-on à passades: mais pource que l'vsance aujourdhuy accoustumee & obseruee est au contraire de cecy, à raison de la foiblesse qui se trouue generally en tous les cheuaux, ou à peu pres. Je vous diray vn autre moyen de faire bien paroistre vn cheual & le faire beaucoup estimer: & par lequel combien qu'il ne fut pas fort gaillard, si paroistra-il de plus grande force & de plus grand cœur: & suit seulement la forme d'une petite & vraye bataille singuliere.

Auant que courre vous vous mettrez en la carriere où sera le Prince vous regardant à vostre costé droit: & auançant le cheual vous le manierez, de sorte qu'en allant & reuenant vous ferez six, huit, dix, ou douze, passades, plus ou moins furieuses selon ce que vous verrez estre conuenable au sens & à l'esprit du cheual, lesquelles vous commencerez & finirez tousiours à main droicte: & puis à l'un de ces nombres vous retrouuerez à parer au lieu d'où vous estes premierement party, & là vous arresterez & l'ayderez comme ie vous ay dit cy deuant, & si le  
voulez



voulez manier plus furieusement qu'à l'ordinaire, soient les passades iusques au nombre de six, ou de huit, & non plus, autrement il ne les pourroit pas porter, & viendrait sa legereté, & sa viffesse à defaillir, qui seroit vn grand vice. Car le cheual doit à chacune des passades auancer plustost de furie & de viffesse qu'en defaillir : & à la fin apres qu'il se fera rep osé, vous luy ferez faire deux voltes doubles à main droicte, & deux pareillement redoublées à la gauche, & encore deux autres à la fin à main droicte, & puis vous l'arresterez : ou bien si vous n'en voulez tant faire, vous en ferez vne seule à chacune main qui seront trois voltes, dont la premiere & la derniere se feront à droicte : & deuant que les faire doubles, vous luy pourrez faire faire la capriole, s'il la sçait faire, combien qu'on la luy pourroit bien faire faire puis apres, mais il luy sera plus aisé de la faire parauant. Mais en ce qui touche les ordonances & enseignemens pour bien apprendre au cheual les voltes redoublées, la capriole, & les couruettés, ie les vous diray & deduiray amplement au second & quatriesme liure, & vous declareray familierement quel moyen vous y faut tenir.

Or apres cela vous en irez au bout de la carriere, & ainsi que ie vous ay dit deuant, vous la luy donnerez, & apres qu'il aura paré en ce lieu qui est vn peu plus deçà auant qu'arriuer là où est le Prince, lequel vous trouuerez lors vous regardant à vostre main droicte, si tost que le cheual aura acheué ses passades, tout ainsi comme au commencement, lors vous luy ferez aussi faire les voltes redoublées. Et noterez que tout cheual fait plus aisément les voltes doubles à la fin des passades, ou à la fin de la carriere, qu'il ne fait en autre temps.

Encore pourroit-on bien apres que le cheual a couru & qu'à la fin de la course il a fait les voltes redoublées le laisser prendre son haleine vne espace de temps, en l'arrestant où il a paré, & puis le pourmener par la carriere : & puis quand vous cognoistrez qu'il ne poussera plus si fort & qu'il sera en haleine à vostre poste, sans que vous l'ayez plustost manié à passades, vous le pourrez lors manier & à passades, & avec les voltes à rebours. & tout ainsi qu'il vous plaira.

Combien que ie vous aye dit quelques formes suyuant lesquelles vous pourriez bien faire paroistre vn cheual, neantmoins pensez qu'outre tout cela, il sera besoin de vostre discours, & que plus ou moins vous croissiez les voltes aux passades, & de ferme en ferme selon que vous cognoistrez qu'il vous respondra, & qu'il sera gaillard & de longue haleine, & à l'auenture viendra-il quelque fois à propos apres que le cheual aura fourny le nombre des voltes & des passades que ie vous ay dit, de retourner à le manier à passades courtes & à passades longues, & à luy faire redoubler infinies voltes, de sorte que le cheual monstrera toute sa vertu beaucoup plus grande qu'elle n'auoit esté au



commencement : & pareillement pourroit-il bien venir à propos de faire tout le contraire de ce que ie vous ay dit : tellement qu'il vous faut necessairement cognoistre l'estat du cheual, quand il est las : & puis sçauoir encore combien se peut estendre sa puissance , & quand il est besoing luy faire faire voltes à rebours, & quand il est commode de se trouuer deuant le Prince & volter deuant luy à main droite pour la derniere fois, & quand il est bon luy donner premierement la carriere, & quand plustost le maniement , & quelle pause il vous y faut entre-mesler toutes les fois qu'il y retourne , tenant ceste regle generale , à toute heure que le cheual se manie , qu'il est besoing de le laisser tousiours avec bon cœur & grand courage , à fin que se voulant à la fin employer , il ne deuienne mol & lasche , & qu'il responde tousiours en vn mesme ton.

Partant vous faut-il noter que ie ne parle pas maintenant des cheuaux ieunes, aufquels on apprend encore leur maniement, car bien souvent vn desordre ou vne faute faite , quelque grande qu'elle soit se corrige auecques le temps : mais ie parle seulement des cheuaux qui desia sont hors de l'escole, & desquels on veut faire monstre, dequoy il n'est point besoing que ie vous tienne plus long propos : neantmoins ie ne laisseray à vous dire beaucoup de secrets, qui plus clairement vous ouuriront les moyens de manier le cheual iustement & de l'ayder, & de le chastier, & de luy apprendre plusieurs vertus : lesquels ie vous diray tous l'un apres l'autre ainsi que le propos en escherra : & ce que i'en laisseray en vn liure, ie le vous diray en l'autre. Et combien que ie vous aye simplement dit la plus grande partie des choses necessaires pour l'apprendre & enseigner : & toutesfois il y a encore beaucoup de particularitez, lesquelles petit à petit ie vous declareray par le menu, & si ie les vous eusse dit toutes ensemble du commencement ie vous eusse à la verité totalement confondus.



43

# SECOND LIVRE DE L'ECVIRIE DE M.

FEDERIC GRISON.

**L**e me semble maintenant bien à propos de vous dire que vous deuez bien aduiser en maniant le cheual, d'aller & reuenir tousiours par vne mesme (*piste*) routte, & encore vous rendre tousiours au mesme lieu d'où vous partirez (*col repolone*) auecques la passade: & où vous luy aurez fait faire la premiere volte vous deuez tousiours puis apres arriuer iusques à ce mesme lieu, & là luy donner toutes les autres voltes. Et pour cognoistre que le cheual est en tout & par tout egal, iuste & obeissant, il fera fort bon, auant qu'acheuer le iuste nombre des (*repolons*) passades, luy changer de main, & luy donner les voltes à rebours, & quand vous le menez parer, luy faire tousiours faire la derniere à main droicte tout ainsi que la premiere, comme souuent ie vous ay dit.

Et est singulièrement à noter (nómmément pource que chacun fait du contraire) que si au terrain où se manie le cheual, soit à (*repolons*) passades, soit à voltes redoublees, s'il se trouuoit à l'auenture quelque pierre, il vous faut bien garder de l'oster, pource qu'elle ne luy fera aucun empeschement, mais ce luy sera occasion de le faire aller plus iuste, & plus correct, & auec plus grande subiection à son cheuauteur: mais au contraire quand on luy apprendra le maniemént, s'il n'es'y trouue point de pierre, aucune fois vous y en faudra mettre. Semblablement quand puis apres vous voudrez manier le cheual, si aux bouts des (*repolons*) passades y auoit vers les coins des costez où se feront les voltes, vne pierre ou deux d'environ vne paumé de hauteur, le cheual pour crainte d'elles viendrait à faire les voltes plus closes, & à l'auanture auec la iambette sans ce qu'il fust besoing de suiure les ordonnances que ie vous donneray cy apres quand ie vous parleray des formes dont on peut vser en la luy donnant: toutes fois quand on le fait courre, le chemin ou la carriere par où il court, doiuent estre nets, parce qu'il en courra plustost & plus seurement.

Gardez vous bien quand vous baillerez la volte, que elle ne soit couchee: car c'est vne chose laide & dangereuse, & dont peu de cheuauteurs s'aduissent, mais il faut qu'elle soit iuste, & que le cheual mette la teste droictement où il a la croupe, ce que auec les parolles ie ne vous puis suffisamment monstrer: neantmoins si vous l'entretenez en le maniant souuent au trot furieux: & l'aidez en vn seillon ou en vne routte faicte de trauers en vn garet mol. auec l'ordre que ie vous ay dit, & ne



sortant point de ce seillon ou de cette rotte, de luy-mesme il viendra aisément à faire la volte estroicte, naturelle, & iuste: & la vous faudra faire basse iusques à ce que le cheual l'entende bien, toutesfois la faisant basse du temps que vous la voudrez, il la fera tousiours mieux, & de meilleure grace: & auindra par ce moyen qu'il se duira à faire toutes les voltes avec le bras plié, & agile à faire la iambette. Quand au maniment des passades le cheual prend les voltes larges ou couchees, lors vn peu deuant que vous arriuez au lieu où vous les deuez faire, vous faudra à chacune fois le chastier de la bride, en la barre ou emboucheure qui est du costé duquel vous ferez la volte. Et vous souuienne que quand il sera corrigé, il ne le vous faudra plus autrement molester: car il viendra iuste avec son vray temps, & n'osera iamais plus s'auancer hors de la rourte battuë. Et ce chastiment de bride aux barres ou emboucheures: vous le trouuerez avec toutes ses particularitez au troiesme liure.

Le desordre de faire la volte couchee (combien que le plus souuent il aduienne au contretemps) quand il eschet au maniment du demy temps ou de tout temps, au iugement de plusieurs sera pire & moins supportable. Partant si le cheual est foible vous faudra prendre garde qu'apres qu'il sera bien seur & iuste à la main, alors qu'il fait (*gli falchi*) les faux, si vous le couchez vn peu plus d'vne paulme: vers le costé duquel vous le voulez volter, il fermera la volte plus aisément & gracieusement, sans ce qu'il force ou despire vous sera seulement en tel cas permis qu'il se couche, & non point dauantage que ie vous ay dit, car le faisant autrement ce seroit vice.

Mais quand le cheual à quelque sorte de maniment que ce soit, ou au pas, ou au trot, ou au galop, avec la furie qui plus luy est propre ou soit de tout temps, ou de demy temps, ou de contre tēps, sera la volte de main droicte faulse, ou il ne la fera pas iuste: ou bien si contre vostre volonté il la fait trop haute, ou trop basse, alors quand vous l'aurez fait volter le faisant cheminer en auant vous le chastierez le picquant vne fois ou deux de l'esperon gauche plus ou moins selon le sentiment qu'il a: & quand il sera arriué au lieu accoustumé faites le encor volter à la mesme main droicte: car par le moyen de tel chastiment il viendra à faire celle volte iuste & correcte, & haute ou basse de la sorte que vous la voudrez. Et suiuant puis apres la passade quand vous serez arriué à l'autre bout, faites le volter à main gauche tellement que où escheoit la volte droicte, se fera la gauche, & où eschoit la gauche se fera la droicte: & avec ceste mesure vous poursuiurez le nombre de vostre maniment. Pareillement si ne faisoit bien la volte gauche, le vous faudra chastier avecques l'esperon opposite qui est le droit retournant à la volte gauche, & aux passades semblablement avecques l'ordre que ie



vous ay dit. Et ainsi mettez-vous les voltes l'une deuant l'autre, de la façon que ie vous ay dit n'aguières, quand ie vous ay parlé qu'il seroit bon en faisant le maniemment pour faire cognoistre l'egalité, l'obeissance, & le iuste maniemment du cheual, de changer la main, & auancer les voltes au rebours l'une deuant l'autre. Car en ce faisant tant à la volte droicte comme à la gauche aucunesfois sans le chastiment des esperons, seulement en auançant les voltes l'une deuant l'autre le cheual se corrigera. Dauantage, quand le cheual sera du tout appris, s'il preuoit ceste crainte de ne faire la volte iuste à l'un des bouts, on pourroit bien encore alors le faire volter, auant qu'arriuer au bout : & s'il vous sembloit que la passade fut en ce faisant trop accourcie, cest espace qui lors se perd vous le regagnerez puis apres à l'autre bout en faisant la volte de l'autre main : toutesfois peu souuent trouuerez vous guieres grand auantage en ceste maniere. Partant il suffira de le chastier par la forme que ie vous ay dit auant ceste-cy : par le moyen de laquelle si le cheual ne se corrigeoit du premier coup, vous la pourriez continuer & y retourner tousiours iusques à ce qu'il fist bien, & qu'il eust laissé ce vice : & tant plus il tardera à s'en venir & à se reduire (ce que toutesfois sera quasi impossible, car ie suis certain qu'il s'en viendra incontinent dès la premiere volte que vous luy ferez faire à rebours) tant plus le vous faudra-il enseigner avec impetuosité & vehemence plus grande. Et encores'il sortoit de la piste, le vous faudra-il chastier en luy donnant vne fois ou deux de la baguette sur le flanc, & l'y faire rentrer à force : encore se pourroit-il bien chastier avec l'esperon du costé duquel il se retire, & le retournant à sa leçon vous suiurez vostre maniemment. Encore ne vous doy-ie celer qu'aucunesfois ce chastiment de l'esperon dont ie vous ay n'aguières parlé, se peut faire, non seulement de la part opposite, mais aussi en luy baillant des esperons ioints des deux costez tout ensemble : & ne laissant toutesfois de luy auancer les voltes à rebours, ainsi que lors vous ay dit.

Pour vous faire plus clairement entendre, & avecques la vraye raison & sans fausseté, comment il faut aider au cheual avec les esperons lors qu'on le manie. Je vous dis que quand vous le voulez volter à la main droicte, il le vous faut aider du costé opposite avec l'esperon gauche & l'arondir ensemblement avecques l'autre esperon, à fin qu'il aille iuste, & qu'il retourne à sa routte : & le voulant volter à main gauche avec semblable ordonnance le vous faudra pareillement ayder avec l'esperon droit, & en ce mesme instant l'arondir avecques le gauche : & par ce moyen il ira iuste & correct tousiours en vn mesme rond sans s'auancer d'un costé plus que de l'autre. Et vous faut bien noter qu'aucunesfois il le faut aider au commencement de la volte, autrefois au milieu, & autrefois à l'instant qu'il la clost & lors qu'il la clost, ne faut pas que



l'esperon qui arrondit la volte batte à per, ains ira en mesme temps battre vn peu plus en arriere que l'autre qui bat au long des fangles du costé opposite, comme il est besoin. Et en cela s'ourd vne grande difficulté pour scauoir bien cognoistre le sentiment du cheual & le piquer à temps & le poindre plus ou moins selon qu'il en est besoing, ce que ie ne vous puis bonnement exprimer de parole, mais la pratique & l'experience vous en feront sages.

Or vous diray-ie les caules pour lesquelles quand on pique le cheual de l'esperon contraire il le faut arrondir à temps du costé duquel il clost la volte. La premiere raison est, pource qu'il ira plus egal & plus iuste, & qu'ensemble tournant les espauls il esleuera les hanches. La seconde pource qu'il se trouuera des cheuaux tant legers, & de si prompt sentiment, qu'aussi tost qu'ils se sentiront poindre seulement du costé opposite, ils viendront à se tourner trop court à l'auenture tors de col ou de teste: ou bien passeront le but auquel il faut clorre la volte, se mettant hors de la vraye routte: tellement qu'il sera besoing que vous le secouriez ensemblement, & que l'arrondissiez à tēps avec l'esperon, ou à tout le moins avec la iambe, ou de l'vn ou de l'autre, cōme vous cognoistrés qu'il luy sera propre, car par ce moyen il sera contraint de se corriger de telles fautes, & viendra iustement tōber au but & au signe conuenable.

Neantmoins il est aucunesfois besoin, non de l'arrondir seulement, mais de le battre également avec les esperons pareils vers les fangles: & cela se fait quand le cheual en redoublant est acheminé aux voltes, & alors vous le piquez pour l'aiuster avec plus grāde subiection de suyure les autres voltes. Et le faut aucunesfois battre plus ou moins d'vn costé que de l'autre, selon l'inclination qu'il a plus à vne main qu'à l'autre, & à fin de luy oster la mauuaise accoustumance qu'il aura prise. Et partant sera besoing de bien tost la descouurir, & le secourir à temps d'vn costé, ou de tous les deux suyuant ce que ie vous ay dit, & diray cy apres par tout où il escherra d'en parler: toutesfois quand on manie le cheual naturellement, faut tousiours commencer à l'ayder du costé opposite à la volte. Et de ce secours assez de fois (s'il n'auoit pas le temps & la vraye & iuste mesure des talons) le pourrez-vous ayder seulement, sans l'arrondir du costé de la volte en vn mesme temps, avecques l'autre esperon, & principalement s'il est de bonne & gentille nature: & si vous n'estes contraint d'autrement le faire par sa dureté & lourdisse, ou par quelque autre accident que vous cognoistrez qu'il aura prins de la mauuaise creance ou nourriture qu'il aura eue de son cheuaucheur.

Et pour le vous faire plus clairement entendre, ie vous dy que si le cheual est plus dur d'vne main que l'autre, quand vous le voudrez faire voler de ceste main là il le vous faudra ayder avec le grās de la iambe opposite, & en vn mesme temps l'arrondir avecques l'esperon du costé



que vous le voulez faire volter, qui sera l'opposite de celuy que ie vous ay dit, neantmoins le vous faudra peu à peu reduire à luy faire cognoistre le vray secours des esperons ainsi comme il appartient, & laisseriez ceste forme laquelle est contraire au naturel, & appartient seulement à cheual viel & mal nourry & instruit en ieunesse, ou qui faict les voltes couchees. Tellement que ie vous dy derechef, que si aucune de ces necessitez ne vous y contrainst, il suffira que vous l'ayez seulement de l'esperon du costé opposite, en temps & lieu comme ie vous ay dit au commencement.

Dauantage, pour l'adiuster de teste & de col, à fin qu'il vienne egal quand il se manie, si vous cognoissiez qu'il en prenne faueur & auancement, il seroit bon aucunesfois de l'ayder de l'estrier dessous l'espaule du costé opposite à la volte: & bien qu'on n'en vse guieres, toutesfois cela souuent profite à vn cheual ieune, iusques à ce qu'il soit appris.

Et faut bien noter, que le plus souuēt le cheual, quand il entend bien les voltes, & recognoist les esperons, en la maniere que ie vous ay dit, & il oit venant à la fin de la passade ce mouuement & son de langue, & se sent alors vn peu tirer la bride pour luy donner la volte, il n'attendra pas l'ayde des esperons, mais de soy-mesme la prendra: & alors il ne seroit pas bon de luy faire aucun secours des esperons, ains suffira seulement ce son de la langue, & quelque fois l'ayde du gras des iambes de la mesme forme qu'on a coutume de l'ayder: & apres qu'il a faict la volte, alors faictes-le aller en auant, le piquant avec les esperons pareils seulement au commencement de la passade: toutesfois s'il estoit trop esueillé il n'auroit besoing de l'vne ny de l'autre. Et partant vous faut prendre garde qu'il luy faut bailler du secours plus ou moins selon sa qualité: combien que de quelque qualité & complexion qu'il soit, quand il a esté bien nourry & instruit, il souffre & prend bien tout le secours que vous luy voulez donner, soit de la main, soit des esperons, & l'entendra iustement avec l'ordre conuenable, & prendra le tēps que vous voudrez.

Et quand il le souffre & prend bien, à fin qu'il aille pareillemēt prendre la volte iuste & à temps, assez correcte, tout ainsi comme au cōmencement de chacune passade vous le faictes aller auant, le secourāt avecques les esperons pareils, semblablement non seulement quand il vous respond bien, mais encore le plus souuent quand vous approcherez d'environ seize paumes (plus ou moins selon la longueur de la passade) du bout où vous deuez faire la volte, soit à droicte ou à gauche le vous faudra battre avec les esperons pareils: & toutes les fois que vous le piquerez, le vous faudra pareillement ayder tousiours de la voix, tant pour luy donner courage que pour le faire plus iuste & plus correct, & vn peu deuant que vous arriuez à la volte, il le faut aider de la langue, à fin qu'en glissant ou coulant il s'appreste pour la faire plus



gracieuse & de plus bel air. Et vous faut pareillement auiser que si le cheual est trop gaillard & prompt, il ne le faut pas ayder de la langue auant qu'arriuer à la volte, mais quasi à l'instant mesme que vous le voulez faire volter.

Souuienne-vous que si le cheual n'est pas de grand sens, il le vous faudra piquer des esperons au commencement, & à la moitié de la passade, & encore vne autrefois quand vous arriueriez pres de la volte. Et encore si à ceste derniere fois que vous le piquerez vous faites ensemble ce son de langue luy tenant la main iuste sans la tourner de part ne d'autre, il viendra à prendre la volte de bonne grace, & ainsi qu'il appartient, tellement que lors il ne sera point besoin de luy donner autre secours des esperons: neantmoins le cheuauteur doit bien estre accort pour cognoistre la complexion & nature du cheual, & où, & quand, & combien il le faut ayder de la langue ou des esperons, ou autrement ce que vous cognoistrez bien par la pratique, & l'experience longue, comme ie vous ay dit parauant. Et dauantage quand il sera seur & ferme de teste, cela le fera iuste & correct de telle sorte, qu'en allant par la passade, il ne fera plus semblant de remuer la teste, ne de la baisser entre les iambes, ne d'autre mauuaise contenance: & en diuers endroits, auant que ie vous diray le moyen de luy arrester seurement la teste.

Quand vous volterez le cheual en quelque sorte de maniemment que ce soit, vous n'eslargirez le bras gauche en l'une ny en l'autre part, ains le tiendrez ferme, & avec vn peu de signe en certain temps & en certaine maniere vous tournerez seulement le poing de la bride, de sorte toutesfois que ce poing ne sorte point de la droicte ligne de l'incarcature du col du cheual, & ne s'auançant ne ça ne là, de peur qu'il ne face la volte couchee, ains qu'il voise iuste & ferme. Si ferez vous neantmoins tousiours chacune des voltes plustost basse que haute, & aydee selon les vrayes ordonnances que ie vous ay dictes: car à ce moyen le cheual les fera de meilleure grace, & à l'auenture, s'il est de gentille nature, sans que autrement on luy enseigne, il viendra à faire la iambette; mais auisez que les voltes soient tousiours égales & d'un temps, reuenant tousiours à la forme du maniemment que vous aurez commencé: car si vous faisiez autrement il y auroit grande occasion de vous en blâmer, comme homme ignorant & sans discours, n'entendant point l'art de manier cheuaux. Etaient coustumierement ceste faute à tous ceux qui donnēt au cheual le maniemment furieux en forme de carriere: car alors le cheual par necessité faict la premiere volte d'une sorte de temps, laquelle ne pouuant continuer, il va tousiours apres en diminuant, & variant les voltes, tellement qu'à chacune passade l'une sera differente de l'autre. Mais l'Escuyer bien accort & entendu, quand il apprend au cheual à se  
manier,



manier, à la fin avec vn meur & sage aduis il cognoistra selon la qualité & complexion du cheual, combien grande est la furie qu'il peut souffrir, & puis apres s'arreste à icelle. Et au maniement pareillement encore luy donne-il celle sorte de temps, laquelle il peut comporter, soit à temps, ou demy temps, ou contre temps: & celle mesure qu'il prend du commencement, tant aux passades comme aux voltes, il l'entretiendra tousiours puis apres aisément iusques à la fin.

Et pour vous donner quelque signe par le moyen duquel se puisse cognoistre à quel cheual soit conuenable le maniement du galop, & à quelle moindre ou plus grande furie, ie vous aduertiy que toutes les fois que vous cognoistrez que naturellement le cheual a force, & bonne bouche, apres qu'il sera bien instruit à se reuolter à l'une & l'autre main, il se pourra bien à vostre plaisir manier furieusement, mais s'il est trop esueillé, ou s'il est chargé de maschoires & fort en bouche, & tendre & foible d'eschine & de iambes, combien que par la bonne nourriture & instruction il semble auoir bone bouche, neantmoins alors vous cognoistrez bien de vous mesmes qu'il sera besoing de le manier avec plus de respect, & ne le mettre en si grande furie: mais s'il estoit gaillard de reins & de bras, combien qu'il fust chargé de maschoires & fort en bride par le moyen du bon enseignement il se pourroit bien manier de toutes sortes: toutes fois le cheual de quelque façon & corpulence qu'il puisse estre ou bonne ou mauuaise, tant plus on l'entretiendra en le maniant sur le pas, & sur le trot, & peu souuent sur le galop, sans luy donner carriere ou autre furie de viffesse, tant plus, sans se toucher des fers du derriere sur ceux de deuant (que nous disons forger) il viendra puis apres gaillard, iuste, & ferme, avecques toutes les bonnes parties, qui sont requises au vray & parfait maniement.

Encore vous veulx ie aduertir, qu'il faut picquer le cheual apres des sangles & non pas aux flancs, par ce que le faisant autrement, vous feriez faute: toutes fois en le maniant, comme ie vous ay desia dit par cy deuant, tousiours au costé duquel se va arondir la volte en temps & opportunité conuenable, ne le faut pas piquer del'esperon tout pareil à l'autre, c'est à dire, tout apres des sangles, ains vn peu plus en arriere: tellement que ce secours à ceste occasion s'appelle vulgairement arondir des esperons, pour ce qu'il force merueilleusement le cheual à se plier dextrement & faire la volte esgale & ronde.

*Quest-ce  
qu'arondir.*

Après que le cheual entendra bien la carriere, vous la luy donnerez pour le plus vne fois tous les deux mois, & encore seroit-il meilleur que vous luy donnassiez moins souuent, & d'autant plus, si vous aperceuez que de son naturel il fust dur de bouche: & tout ainsi cōme il vous luy faut faire recognoistre en pourmenant la carriere, auant qu'il la courre & apres qu'il aura couru, vous faudra semblablement vne fois



*Agrappare  
attraper, for-  
ger, quand il  
frappe des fers  
de derriere  
contre les crâ-  
pons des fers  
de deuant.*

pour le moins le pourmener par icelle. Et en cela beaucoup de gens s'abusent, pensant que le faisant courre souuent il en face la carriere plus viste: ce que, sous correction, n'est pas veritable, ains la carriere souuent donnée au cheual luy desasseure & agare la teste & la bouche, le met en fuite, luy diminue la force, & neantmoins il la fait tant moins viste & longue: & si l'estoit foible de iambes il se pourroit (*agrappare*) forger ou entretailer, & viendrait tous les iours pire & plus foible. Mais si vous voulez que le cheual soit prompt & viste à la course sans ce qu'il se demente ou affoiblisse, vous l'accoutumerez à aller par les tours au trot furieux comme ie vous ay dit: car par ce moyen il se fera tellement souple des bras, que puis apres quand il viendra courre, il courra avec plus grande vistesse, plus grande assurance de teste, plus grande force & facilité.

Ceste regle fut curieusement obseruée à l'endroit de ce grand cheuaucheur d'escuirie Messire Colas le Pagan, c'est à sçauoir que iamais il n'eust fait courre le cheual pour chose du monde, iusques à ce qu'il eust esté bien seur, & bien appris iusques au bout: tellement qu'apres l'auoir cheuauché & manié quatre ou six mois, ou à l'auenture vn an, il luy apprenoit à courir vn peu plus ou moins de huit iours, & le mettoit de telle sorte en carriere, qu'il y venoit roide d'eschine & avec force, ferme, & assuré de teste, parant à temps, iuste, léger, & bien se maniant. Et quand il le vouloit reduire à extreme bonté, il suiuiot du commencement iusques à la fin de sa monture tous les maniemens au pas & au trot, & si l'n'estoit necessairement contraint peu souuent au galop: & iamais depuis ne le faisoit aucunement courre ny le manioit de furie. Et quand il le cognoissoit bien parfait & entierement accomply en sa doctrine, puis apres il le rendoit à son maistre, lequel Cheualier son maistre incontinent qu'il estoit monté dessus en quelque sorte qu'il le maniait, fust à passades ou à voltes redoublees, & avec mille carrieres, il luy respondoit avecques si grande promptitude & telle mesure & avec tant bonne grace en toutes ses façons, que luy & tous autres demouroient merueilleusement esbahis de voir cheual tant prompt & adroit.

Et partant ie vous ose affermer que le trot quand il se baille au cheual avec l'ordre que ie vous ay dit & que ie vous diray encores, est le commencement & la fin, & le fondement de toutes les vertus du cheual: & qu'avecques le trot seul, sans ce que iamais on l'exerçast ou maniait en autre forme quelconque il viendrait à toute perfection. Toutefois si l'escuier seulement pour cognoistre l'estat, la qualité, & la vistesse du cheual au commencement qu'il le cheuauche, luy donnoit deux ou trois carrieres, cela ne seroit pas reputé faute pourueu que puis apres il le maniait avec le temps & la mesure, & l'ordre requis & necessaire selon ce que ie vous ay dit.



Dauantage vous faut noter que la carriere doit estre prompte, viste & battue, & si le cheual est grand & gros non trop longue: mais tant plus est de taille moyenne, & tient du gener tant plus longue luy faut il bailler, non tant longue toutesfois qu'elle passe la iuste mesure. Et quand vous le voudrez faire sauter ou bondir vous la faudra faire beaucoup plus courte que de mesure: & generalement en luy baillant la carriere, iamais ne le faut picquer sans le secours de la voix, & principalement tant qu'il est ieune, & iusques à ce qu'il soit rompu à tous maniemens, & qu'il entende bien la volonté de son cheuaucheur: & si vous voulez qu'il soit aspre au parer ou au poser, aydez-le en la forme que ie vous ay dit cy deuant.

Et combien qu'au premier liure ie vous aye dit breuement comme on luy doit donner les posades, par ce qu'elles seruent de fondement principal à la mesure que tient le cheual, il me semble bien à propos maintenant de vous en parler plus amplement, & vous dire vn ordre seur & aisé pour les luy faire faire legeres, & aisément les entendre.

Vous en irez à la campagne en vn chemin long, & duquel le terrain soit plein & propre pour bien manier vn cheual: & là vous cheminerez peu plus ou moins de quarante paulmes au trot furieux, & puis arresterez le cheual, & lors vous l'ayderez de la voix & des esperons, & aucunes fois de la baguette sur l'espaule droite: & s'il ne faisoit pour tout cela aucun semblant de se hausser par deuant au moins de l'vn des bras, le tenant tousiours arresté, vous le faudra chastier vne ou deux, ou trois fois avec les esperons pareils, en l'aydant de la voix: & incontinct apres vous luy ferez faire autant de chemin en auant au mesme trot furieux, & puis l'arrestant ferez le semblable de ce que ie vous vien de dire, & vous faudra aussi continuer de trot en trot, & d'arrest en arrest, iusques à ce qu'il vienne à se soufleuer vn peu de terre, & quand il sera haussé, ou aura fait vn seul acte de posade, le vous faudra doucement mignarder & caresser, l'assurant avec la main droicte, ou avec la baguette que vous luy passerez sur le col, & aupres du garror, & puis vous arresterez là vne piece. Puis apres cheminant en auant pareillement au trot, vous verrez que lors qu'il sera arresté, oyant la voix, de soy mesme il viendra aisément & allaiement à se poser hault, & alors peu souuēt le vous faudra-il ayder des esperons, ains seulement du gras des iambes, & encore qu'il luy fust besoing de l'aider de la baguette ou des esperons ou du mollet de la iambe, si ne faut-il iamais oublier de l'aider pareillement de la voix. Et si vous auiez quelque lieu auquel lors que le cheual s'arreste, le terrain le plus souuent se trouuaist vn peu plus bas, ce luy seroit vne grāde faueur: & sçachez que quand il se leuera seulemēt vne fois de l'vn des bras avec quelque signe de posade, cōme ie vous ay dit, en le caressant puis apres à temps, vous le verrez venir gaillardement à en faire tāt qu'il vous plaira.



Quand le cheual ſçaura faire la poſade au trot, on le pourra bien faire aller puis apres au galop, & à l'arrest l'aider ſemblablement de la maniere que j'ay dit: & ainſi le caſſer ſ'il fait bien, & le chaffier, ſ'il fait mal, & l'ayder avec les eſperons pareils, & avec la voix enſemble, & de galop en galop tenir le meſme ordre que ie vous ay dit n'aguieres au trot ce qui luy ſervira non ſeulement à faire les poſades, mais auſſi (*ch'egli affalchi*) à fin qu'il fauche ou face les faux.

Après que le cheual entendra les poſades, & l'ayde des eſperons & de la voix & de la baguette, gardez vous de le retenir court: car il pourroit bien prendre vice de ſ'arreſter & ſe leuer qu'aſi à chacun pas en deſpit de vous & à ſa volonté: mais vous en irez en vn chemin, auſſi long comme peut eſtre vne juſte carriere, auquel lieu où le cheual ſe doit arreſter, ſ'il y auoit vn pendant grand & egal, il en ſeroit bien meilleur: & premierement vous faudroit aller au trot & arreſter le cheual ſur ce pendant ou au commencement, ou au milieu, ou à la fin, ſelon ce que le cheual pourra porter, & l'aider de la forme que ie vous ay dit, ou des eſperons ou du gras des iambes, & de la voix, ou bien de la voix toute ſeule plus ou moins ſelon le ſentiment que vous verrez qu'il aura. Et apres qu'il ſera ſeur, en ce pendant vous le pourrez bien faire aller au galop, & l'aider de meſme façon à l'arrest, car par ce moyen il viendra à faire les poſades plus gracieuſes (*con iſalchi*) avec les faux en auant: mais encore vous faut-il dire que le plus ſouuent & quaſi tousiours il luy faut donner les poſades au trot: car il en ſera plus leger: tellement que puis apres tant de ferme en ferme, comme au pas & au galop, & à la carriere, toutes les fois que vous voudrez il gardera meilleure meſure aux poſades, & les fera plus aiſément.

Toutesfois notez que ſi le cheual eſt leger de ſa nature, il ne ſera pas beſoyn de luy donner ſi ſouuent les poſades au pendant, & ſuffira les luy faire faire le plus ſouuent ſur le plan, en la maniere que ie vous ay dit. Mais ſ'il eſtoit dur à faire (*iſalchi*) les faux, pour le conduire à les bien faire, & (*inſſalcar*) à faucher comme il appartient, le pendant luy ſeroit tousiours neceſſaire iuſques à ce qu'il entendit à ſe laſcher en arriere, & ſe leuer deuant avec les poſades.

Quand le cheual en ces entrefaictes auroit deſia pris le vice de ſ'arreſter ſouuent avec les poſades contre voſtre volonté (ce qui aduient ſouuent à cheuaux ieunes) le vous faudra incontinent chaffier avec la voix, & de la baguette ſur le flancs, & aucunesfois ſur le deuant des bras, & à l'auanture des eſperons en toutes les ſortes qu'on pourra, & le forcer d'aller en auant, & de faire les poſades ſeulement quand vous l'en requerez, ou de la voix ou de la langue, & des eſperons, ou du gras des iambes, ou de la baguette ou ſemblablement, ou de l'un ou de l'autre ſelon le courage qu'il a: car il y a des cheuaux tant poltrons & de ſi



mauvais entendement, que les aydant continuellement des esperons au parer, puis apres toutes les fois qu'on les pique, ils s'arrestent & sont posades, & pour coups ou autres chastiments qu'on leur puisse donner, on ne les peut faire aller auant: & alors il vous faut vser d'une grande temperance, & peu à peu leur faire cognoistre quand vous voulez qu'ils cheminent, & quand vous voulez qu'ils parent, & ce avec les esperons: neantmoins iusques à ce qu'ils ayent la vraye cognoissance de cela, au parer les faudra seulement aider de la voix, vous reseruant les esperons & la baguette, le plus souuent pour le chastier, & le faire cheminer franchement.

Et quand il sçaura bien parer & faire les posades, vous luy pourriez bien à vostre phantasie donner la carriere, comme parauant ie vous ay dit vne autre fois: car auant cela ce seroit faute. Et à l'arrest puis apres le faudroit semondre & aider à faire les posades: & il les feroit gracieuses & de bel air, & encore qu'on ne l'aidast point, si les feroit-il de luy-mesme.

Ie ne sçay si vous auez bien entendu ce que ie vous ay dict, qu'au retenir faut aider le cheual de la voix: & pour le vous declarer plus amplement & clairement, ie vous dy que quand vous le voudrez aider de la voix vous direz à temps ceste parole, avec vn ton conuenable à luy donner courage, hap, hap: ou heb, heb: Ou bien quand vous le voudrez semondre de la voix à se leuer, non seulement en auant, mais aussi en arriere, & à faire sauts, ou avec ruades ou sans ruades, vous direz hop, hop.

Encore se pourroit bien le cheual au retenir, aider de la langue, en mettant la pointe d'icelle quasi au milieu de vostre palais: & en vn coup la desliant, & commençant à la denouer & décocher, vous ferez vn certain son de la langue, qui fera vn merueilleux secours au cheual, non tant au retenir (car alors cest aide de la voix que ie vous ay dit parauant luy est plus propre) comme aux voltes simples de la passade, & aux voltes redoublees: lequel son de langue combien qu'il ne se puisse suffisamment descrire, ou exprimer plus clairement qu'en ce que ie vous en ay maintenant déclaré, toutesfois ie suis bien certain que vous & tout homme qui a discours, entendrez assez de ce que ie vous en vien de dire.

Mais aussi faut-il bien noter, que vous deuez vser de paroles toutes differentes à celles que ie vous ay nagueres dictes, quand de la voix vous voudrez chastier le cheual de quelque desordre, comme ie vous ay dict au premier liure, & vous diray encore en autres lieux quand il y escherra. Et à fin que vous ne vous confondiez point, ie vous aduise que quand le cheual vse de quelque malice, comme de bransler la teste, se leuer de bout, ou s'appuyer sur la bride, ou bien quand il fera d'autres notables fautes, lors vous luy donnerez le chastement, avec vne



voix horrible & effrayante, & heureusement direz ( avec vn cry aspre & menaçant ) celle de ces paroles qui vous viendra plus à gré. Or fus, or fus, or la, or la, ha traistre, ha ribaud, tourne, tourne, tourne, arreste, arreste, tourne cy, tourne là, & autres semblables, pourueu que le cry soit terrible, & que vous disiez paroles qui vous sembleront plus conformes & plus propres à intimider le cheual pour sa correction : & continuerez d'ainsi faire iusques à ce qu'il se reuienne & se corrige de sa faute, & ferez la voix plus ou moins haute, selon que la faute sera plus ou moins grande. Mais aussi quand il sera vaincu & réduit vous faudra incontinent taire, ou bien avec vn ton plaisant & bas changer de voix, tousiours l'assurant, & luy passant la main dessus l'inarcature du col, & à le gratter, ou entre les crins, ou aucunesfois vers le garrot, ou bien en voix basse & douce dire, ho, ho, ho, ho, & plus ou moins, selon que vous cognoistrez qu'il suffira pour l'assurer, & tous ensemble ferez cela de la main, & direz cecy de la bouche.

Je vous dy encore dauantage, qu'en maniant le cheual à passades, & aussi quand il trotte, ou galoppe, ou court en quelque sorte & maniere que ce soit, à toutes les fois qu'il sera besoing ( luyuant tousiours ce que ie vous ay dit & diray ) de l'ayder tousiours de la voix pour l'encourager d'aller en auant, il sera bon que vous disiez ces paroles, eya, eya, ou vie, vie : & tant cestes-ey comme celles-là qui luy sont propres, en luy donnant les posades à la fin quand il vient parer ne se doyuent mettre l'une deuant l'autre, ne se dire en autre maniere. Et tout auant vous en dy-ie du son ou mouuement de la langue qui se faict pour son secours en faisant les voltes, ou aux passades, ou en redoublant. Neantmoins à la carriere vous le pouuez ayder de la voix pour le solliciter de se haster, non seulement ainsi que ie vous ay dit n'aguieres : mais par plusieurs autres mots & manieres dont se pourra aduiser le cheuaucheur, pourueu que les paroles soyent propres, & prononcées avec vn accent brief, vif, hasté, & au temps & lieu conuenable.

Or si vous voulez sçauoir comment il faut faire, à fin que le cheual entende la bride, & se retire en arriere quand vous voudrez, & qu'il porte bien sa teste sans qu'il vous force la main, ie vous dy qu'il vous faut tenir cest ordre. Quand vous l'aurez arresté, vous luy faudra tirer la bride remperément avec la main ferme plus ou moins selon la dureté & deffense de la bouche sans luy donner aucune liberté, & luy donner de la baguette tout doucement sur le col, & ainsi le solliciter quelque espace de temps. S'il ne se meut point pour tout cela, ou bien s'il se met en deffense, vous le faudra piquer des esperons à temps, tantost del'un, tantost del'autre, & plus du costé duquel il tourne les hanches, à fin de le faire aller iuste & droit. Et seroit bon qu'un homme à pied se vint



planter deuant luy, & lors que vous luy tirez la bride, qu'il le batist d'une baguette sur les bras ou sur les genoux, & quelque-fois sur le muffle, s'il estoit besoing, & non autrement, & le menaçoit par fois sans autrement le battre. Si tout cela ne suffisoit, le vous faut faire prendre par les gardes de la bride par cest homme mesme, & le faire forcer de se retirer en arriere, & le molester & solliciter en vne sorte & en l'autre, iusques à ce qu'au moins il retire vn bras: & quand il aura bien fait, ne faillez pas de le caresser ainsi que ie vous ay dit souuent, & vous arrestez plaisamment vne piece. Puis apres faites en encore autant en luy tirant seulement la bride, & vous verrez que le cheual pour les caresses que vous luy aurez faites se retirera en arriere de tous les deux bras, & vous entendra bien.

Et s'il ne se retiroit pour cela en luy baillant l'esperon en la maniere que ie vous ay dicté, il sera contraint de se reculer en arriere, & assez léger à la main. Encor quand vous luy ferez ce signe luy touchant de la moitié de la baguette sur le col, & direz ceste parole en bas ton seulement que le cheual le puisse entendre. En arriere, vous cognoistrez puis apres qu'incontinent que le cheual orra ceste parole, ou sentira ce signe de la baguette, ou quand vous luy tirerez vn peu la bride, il se reculera en arriere tant que vous voudrez: & toutes les fois qu'il se couchera là dessus sans faire le vray appuy sur la bride vous luy ferez le semblable. Et ne perdez pas l'esperance de le reduire, s'il fait quelque faute ou desordre en l'enseignant de ceste façon: car à la fin vous le trouuerez en moins d'une heure vaincu, chastié & facile à faire ce que vous voudrez. Et encoré cela luy seruira beaucoup pour luy faire faire les posades iustes, & de bonne grace avec les bras pliez.

Outre les voltes & ronds dont ie vous ay parlé par cy deuant, & que ie vous declareray encor cy apres, lesquels sont merueilleusement propres pour donner haleine & appuy, & pour rendre le cheual iuste & léger, il seroit bon tous les matins par l'espace de dix ou douze iours de faire monter le cheual par vne longue montee qui fut enuiron d'un mille au pas furieux, tant qu'il le pourroit souffrir, & puis apres le faire incontinent descendre par mesme chemin, & encore si ceste montee estoit labourée à seillons ou rayes de trauers, d'autant plus le cheual haufferoit les bras: mais alors faudra aller de mesure & non si hastiue-ment, & par ce moyen vous le duirez non seulement à cest effect, mais à faire tous les maniemens que ie vous ay dict, & diray puis apres, plus gaillards avec meilleure haleine, & plus iuste bouche: & encoré s'il se battoit des fers de derriere à ceux des mains de deuant, le faisant monter en ceste sorte, il se corrigera de façon qu'il ne se touchera plus si souuent. Mais de la correction de ce vice ie vous en parleray plus au long cy apres. Toutefois pour luy faire bien & legerement leuer les

*Mille, demie  
lieue.*



bras & les espauls, beaucoup luy profitera de le faire cheminer au trot en l'eau, dedans vne riuere ou dedans la mer.

Ie ne vueil oublier à vous dire encore vne autre fois que vos ronds doiuent estre en deux circuits l'un pres de l'autre, & que chacun d'iceux doit auoir en rondeur & circonference enuiron deux cens cinquante paumes, & que iusques à ce que le cheual soit deueloppé & souple des bras & des iambes, & seur de teste, & qu'il entende le parer, & les voltes à l'une & à l'autre main les luy faudra faire faire au trot dedans vn guaret, comme ie vous ay desia dit, & qu'ils soient imprimez & marquez de la forme que ie vous feray tantost voir. Et notez que deux tours de chaque costé, qui sont quatre quarts, ne font qu'une volte: iusques à quinze voltes & demie ( qui sont soixante & deux tours ) c'est nombre propre & conuenable particulièrement à tout cheual de grande haleine & de quelque aage robuste qu'il puisse estre. Neantmoins generalement vous ne passerez point les onze voltes & demie, comme ie vous ay dit cy deuant. Combien qu'à quelques cheuaux qui sont de force rarement extreme, & à d'autres qui pareillement sont gaillards, mal nourris & accoustumez à la liberré, pour les rendre subiects & iustes aucunes fois on en pourroit donner non seulement quinze, mais trente voltes & demie ( qui sont cent vingt & deux tours. ) Mais il ne faudroit pas souuent ainsi faire: car si vous le continuiez souuent cela seroit cause de luy debilater l'espine du milieu, & de totalement luy perdre & annichiller la vertu de tous ses membres: & à l'exemple du fer, lequel ne se consume pas moins le mettant en œuvre outre le deuoir, qu'en le laissant enrouiller à faute de l'y mettre. Et par trop trauailler les cheuaux, il aduient que plusieurs au commencement qu'on le cheuauche iusques à l'aage de quatre ou cinq ans monstrent vne force merueilleuse, & puis apres au temps que tant pour l'haleine que pour l'aage leur force & bonté deuroit s'accroistre, on les trouue au contraire merueilleusement flaks & lasches. Combien que le plus souuent sans ce trauail on descouure coustumierement la foiblesse du cheual ( quand elle est naturelle ) lors qu'il entre au quatriesme an de son aage iusques au septiesme. Et la raison est ceste-cy, pource que du commencement tous cheuaux craignent ceux qui les cheuauchent, & la crainte les fait vnir & assembler toute leur volonté & leur force, tellement qu'ils cheminent tousiours veillans & sensibles, & cela les fait sembler forts. Mais apres qu'ils se sont asseurez avecques l'homme, ils ne se soucient plus de s'efforcer à l'œuvre, & ne se monstrent plus si gaillards comme ils souloient aux premiers iours qu'on commença à les cheuaucher, & lors paroissent debiles, & lasches en leur naturel, & tousiours de plus en plus à mesure qu'ils s'encharnent & engraisent. Toutesfois quand le cheual est gaillard de sa nature, si on le manie & cheuauche de  
bonne



bonne sorte, & ainsi qu'il appartient d'an en an, on le voit tousiours croistre & s'auancer en vertu & valeur. Et pource qu'à cheuaux de certaine qualité il est besoing donner le plus souuent les voltes au galop, il me semble bien à propos de vous dire maintenant en quels cas eschet ceste necessité.

Quand vous voulez apprendre au cheual d'aller au maniemement des passades en furie, lors il luy faut donner les voltes d'un galop estroit, ferré & viste, & luy bailler les voltes en moindre nombre, lequel vous pourrez croistre ou diminuer selon que vous cognoistrez sa force moindre ou plus grande, & selon ce qu'il vous respond plus promptement, pour bien aller iuste.

Au cheual qui va leger à la main & ne se veut point appuyer sur sa bride, & qui fuit, & engorge sa langue, vous donnerez aussi les voltes au galop: car par ce moyen il ne s'appuyera pas seulement, mais le plus souuent se posant sur les barres ou emboucheures (qui sont les deux places des costez de la bouche au dessus des dents escalonniers ou crochets de dessous) il mettra seurement la langue sous la bride.

Quand le cheual ou par mauuaise nourriture ou mesme de sa nature est (*singardo*, *cioè ramingo*) craintif ou rebours, apres que vous l'aurez asseuré des esperons comme ie vous ay dit parauant au premier liure quand i'en ay parlé, vous luy ferez faire les voltes au trot assez rompues, delices & hastées, & puis apres les luy donnerez au galop avec la plus grande furie qu'il sera possible, luy donnant souuent le secours de la voix, ou de la baguette, ou des esperons à temps & saison, ore en vne, ore en vne autre sorte: & en continuant ainsi il viendra à s'asseurer, & laissera ses phantasies & opiniaistretes, & pensera seulement à acheuer tost & viste le nombre des voltes.

Mais notez qu'il ne faut pas au commencement luy en donner beaucoup au galop, parce qu'il se pourroit despiter & s'arrester, ains croistre le nombre petit à petit.

Et vous faut encore aduertir que ce vice est en aucuns plus grand, en autres moindre: tellement que quand il ne sera point trop grand, aussi ne sera-il pas de grande importance, pource que ce qui defaudra à la course se supplera au maniemement, à cause que tels cheuaux sont bien mauuais, comme ie vous dis alors que ie vous parlay des signes & de balzanés.

Quand le cheual sur le galop s'en va iouant à son mors & baissant la teste, & ne se tient point iuste, ou quand il iette ruades, lors vous luy donnerez les voltes au galop furieux, les commençant toutesfois premierement au trot, & parce moyen il viendra à prendre bonne grace & bonne mesure. Et à chaque mouuement qu'il fera ou de folastrier ou de ruer, le vous faudra chastier seulement de la voix, ou de la voix & de la



baguette sur les flancs, & aucunes fois des esperons, en luy haussant vn peu la main de la bride, & avec ce chastiment il viendra iuste: mais continuez tousiours iusques à ce que le voyez vaincu, & qu'il ait laissé ses mauuaistiez, & quand il commencera à bien aller, continuez aussi vos voltes au galop, le caressant & l'asseurant de la main droicte sur le col & de la voix plaisante & basse.

Et alors s'il iette ruades en galoppant, si tout ce que i'ay dit ne suffit pour le corriger, en luy faisant ce chastiment, prenez luy encore à l'instant la reinne droicte de la main droicte sans interualle, & la tirant vous luy baillerez quelque (*suffrenata*) soubride ou secouee de bride en l'emboucheure, & le plus souuent au moyen de ce coup en la bouche il ne pensera plus à ruer, & toutes les fois qu'il y retournera vous luy ferez le semblable.

Quand le cheual s'en va sans ordre, & sans train assuré (*sbalzando*) en balançant ou bondissant, & ne se veut point mettre au iuste, vous luy donnerez encore les voltes au galop avec furie en commençant semblablement au trot, & pareillement le chastierez à temps de la voix & de la baguette: & quand il sera corrigé & ira bien, vous le caresserez semblablement, & continuerez vostre galop.

Quand le cheual de sa nature est superbe & furieux ou ardent & de peu de force, & quand vous le voulez galopper, il luy prend souuent vn certain contrecœur de sorte qu'il souffle gros comme vn pouffif, apres qu'il sera assuré sur les ronds à faire les voltes au trot, vous les luy donnerez au galop à temps, car par ce moyen il se fera seur & iuste, & à la carriere puis apres il entendra le parer, & ne se mettra point en fuite, comme font continuellement tous cheuaux de telle nature.

Quand le cheual non seulement au galop, mais aussi au maniement tousiours va pissant, il luy sert beaucoup de luy donner vn doux galop en faisant les voltes, en le caressant de la forme que ie vous ay dicté souuent, à fin que s'accoustumant avecques ces voltes, il s'assure en ce galop, & qu'il laisse en partie la grande crainte qu'il auoit.

Quand le cheual sera dur & paresseux il sera bon de luy donner les voltes au trot delié & libre, & aussi au galop furieux: & vous faudra faire le contraire au cheual qui sera gaillard, leger & de grand cœur & viste, & chaque fois qu'il galoppera souuienne vous tousiours de l'ayder de la voix, de la baguette & des esperons, plus ou moins selon son sens, & selon ce qu'il respond à vostre volonté.

Mais notez bien aussi que n'estant contraint d'aucune de toutes ces choses, il vous faut ordinairement, comme ie vous ay ia dit, luy donner les voltes au trot le plus delié & libre que faire se pourra: & suffira que en sortant des ronds le plus souuent apres qu'il sera seur & arresté de bouche & de teste, vous le faciez galopper de droit, & à la fin du galop



parer avec les posades.

Neantmoins quand vous verrez qu'il ira librement, également & iustement au trot par les ronds, à la fin quand il sera bien instruit en tous les ordres, à fin qu'il prenne cognoissance & accoustumance du galop en voltant, vous luy ferez faire les voltes au galop. Mais quand il vous semblera qu'il aura prins la mesure & la facilité de les faire, vous l'en travaillerez le moins que vous pourrez. Car il suffira pour l'entretenir en sa perfection, luy ramentevoir seulement tous les ordres au trot.

Aduisez aussi qu'à d'aucuns cheuaux qui sont fort ardens & de grand sens & (*bascos*) fretillans & farouches, & mal cheuauchez par autres: tellement qu'en leur baillant le trot, ils se reposent sur la main du cheuaucheur, & tirent auant (ce que toutesfois n'aduient gueres) il ne faut pas donner les voltes ny au trot ny au galop, mais legerement au pas: & petit à petit apres qu'ils seront assurez par quelques iours, vous les laisserez s'acheminer d'eux mesmes au trot.

Aussi vous vous deurez bien garder de faire les voltes ainsi comme aucuns en vsent, c'est à sçauoir, dedans la circonference, & remarquer d'un rond: pource que pour beaucoup de raisons, si le cheual est encore ieune, les ronds fort battus & entrelassez l'un dedans l'autre le pourroyent empescher, & le despiter, & le conduire à quelque crainte, tellement qu'arriuant au lieu où on auroit accoustumé de luy faire faire les voltes, quand vous le voudriez faire aller auant, il se pourroit bien confondre, & se faire retif, ou à tout le moins il n'iroit avec si bon ordre ne si iustement qu'il deuroit: combien qu'à un cheual vieil & de bon esprit, aucune fois ie le permettrois quand il seroit dur de col & dur à la volte: & encore pour monstrier qu'en quelque forme qu'on changeast les tours, il seroit tousiours assuré de la volte, & ne changeroit point de contenance.

Il se trouuera quelque cheual ieune, lequel faisant les tours au trot, ou au galop, ou allant par chemin droit se touchera des pieds aux mains ou aux fers de deuant, partant vous dy-ie qu'en ce cas il faudra ferrer le cheual de sorte que les fers de derriere soyent plus courts que de coustume: & ne luy faudra pas donner si grand nombre de tours, ny avec si grande furie: car en le cheuauchant souuent la force luy croistra tousiours avec l'halcine; & à mesure que ces deux croistront, pareillement luy croistra la bonne volonté, & la viftesse à l'aller, soit au trot, soit au galop. Et outre cela encore luy profitera beaucoup quasi toutes les fois qu'il se frappera des fers des pieds à ceux des mains, le chastier à temps de l'esperon opposité, au tour qu'il fera. Et si cheminant en chemin droit en quelque forme que ce



fust, il forgeoit ainsi que dit est, il se pourroit pareillement corriger de l'esperon de ce costé du ventre duquel il a le col plus dur: & aucunefois il se pourroit pareillement chastier de la baguette de l'un & de l'autre costé de l'espaule. Et semblablement il luy pourra beaucoup seruir de le faire aller au trot, ou au galop par des chemins ou des champs pleins de pierres: & si vous n'auiez ceste commodité, vous pourriez faire semer dedans les ronds de paume en paume plusieurs pierres de toutes sortes, petites, moyennes & grosses: & cela sera occasion que le cheual cheminera si franchement, si léger deuant & avec telle discretion, qu'il ne battra plus les mains avec les fers des pieds que bien peu & raremēt: toutesfois si le cheual auoit mauuais ongles, quoy que ce soit, s'il n'auoit pas trop bon pied, cela ne luy viendrait pas bien à propos, pour doubte qu'il ne fist faux quartier: mais luy donnant peu à peu l'halaine, & bien à manger, & ne le rompant & abbastardissant point avec travail excessif, & ne le tourmentant ou aigrissant point avecques trop grande furie, & le chastiant à temps de la forme que ie vous ay dit, ie suis certain qu'il prendra force, & à la fin vous le trouuerez bien correct, sans ce qu'il se batte plus les mains des fers des pieds. Dauantage ie vous apprend que si par les ronds de lieu à autre vous faisiez cauer de petits fossez ou degrez, cela luy seroit occasion de se corriger de ce vice: & encor au cheual ayant ce vice, profitera de le pourmener souuent de biais à trauers des seillons de quelque guaret fort profond: mais en tout cecy vous vaille vostre discours, car de toutes ces formes que ie vous ay dit profitables à corriger le cheual qui forge, vous deurez choisir celle que vous cognoistrez plus propre & commode à la complexion du cheual: car combien qu'elles soyent toutes bonnes, si y a il des cheuaux lesquels ayans crainte de quelqu'un de ces chastiments prendront grand amendement par le moyen d'iceluy: & d'autres auxquels faisant le semblable n'y trouuerez aucun amendement: de sorte qu'il seroit besoing de leur donner quelque autre correction, de celles que ie vous ay dit.

Et si d'auenture il aduient que le cheual ne soit point iuste & arresté en cheminant, ains qu'il aille branslant & remuant la teste, & alongeant le museau tant aux tours que vous luy ferez faire au pas, ou au trot, ou au galop, comme encore cheminant par le chemin droit en quelque sorte ou maniemēt que ce soit ou court, ou long, ou bien estant arresté en quelque lieu, incontinent que vous luy verrez faire vn tel desordre, vous luy donnerez de la baguette vn grand coup entre les deux oreilles, & puis vous l'en battrez, plus ou moins selon ce que vous en verrez estre besoing, & ensemble le chastierez de la voix: & quelque autrefois puis apres quand il fera semblable faute, sans luy donner autre coup, vous le chastierez seulement de la voix, ou bien des esperons



& de la voix, & aucunes fois des esperons seulement de l'un ou de l'autre costé, principalement lors que voyant la baguette, se souuenant d'en auoir esté frappé entre les oreilles, il branlera ou remuera la teste: desquelles formes de chastiments, mesmement des esperons, & du moyen qu'il faut garder, ie vous en ay desia parlé, & vous en parleray encore quand il y escherra.

Et notez bien qu'apres que le cheual a recongneu deux ou trois, ou quatre fois les coups de la baguette sur les oreilles oyant puis apres seulement la voix, ou se sentant toucher à temps de l'esperon, sans le plus molester de la baguette, il se rendra merueilleusement suiet & se corrigera: & si le chastiant de la baguette il vous semble qu'il se mette en plus grand desordre & mauuaistié, & que lors il esgare plus fort sa teste, ne doutez neantmoins pour chose qu'il face, qu'il ne vienne à la fin à se corriger de son vice, & à cheminer correct & iuste, & qu'il ne fuyue avec bon ordre tous les maniemens que vous luy voudrez donner, recognoissant & ce chastiment & tous les autres. Tellement qu'encores aduenant qu'à un cheual extremement mauuais, opiniastre, & vicieux, pour sa grande malice (& non autrement) vous faciez cognoistre le chastiment de la baguette, luy en donnant de grands & horribles coups, ou d'un baston vne fois seulement, ou au plus deux ou trois fois, bien qu'il fust de fort maligne nature, si ne faudroit-il iamais plus tout le demeurant de la vie, luy donner si rude chastiment pource que puis apres le chastiant à temps de voix seulement, ou de l'esperon, ainsi que ie vous ay dict, le baston qu'il auroit parauant senty sur sa teste, & ses oreilles luy reuiendroient tousiours en memoire, de sorte qu'il se corrigerait & amenderoit franchement.

Or vous vueil-je bien maintenant bailler la forme des ronds, que ie vous ay desia tant de fois offerte, avecques paroles escrites dedans: car par icelles, & ce que ie vous ay desia dict parauant, vous les pourrez bien aisement & facilement entendre: & aussi de la forme dont ie vous les peindray, vous entendrez aisement combien ils sont differens des ronds anciens, desquels on ysoit encores n'aguieres entre les arbres & en la campagne, & estoient beaucoup plus larges, tellement qu'on n'alloit dedans iceux avecques aucune mesure ny proportion, ne de nombre ny de largeur, en changeant de lieu, ny avecques si bonne ordonnance comme lon fait aujourd'huy.







Ces deux demies voltes iointes ensemble s'appellent vne volte entiere, qui sont quatre tours, c'est à sçauoir deux tours de chacun costé comme vous les voyez icy figurees, & comme ie vous ay desia dit parauant & se commencent tousiours à la main droicte, & chacun tour en fait vn quart : le quel tour ie vous aduertiy qu'il se peut encore appeller, rond, cercle, ou contour. Or quand vous serez arriué au bout de ceste (*solca*) route ou seillon (lequel se pourroit pareillement bien faire d'un des costez du tour droit) parant le cheual apres luy auoir fait faire les posades, vous l'arresterez là vne piece : & apres qu'il sera reposé à iuste, si vous luy voulez encore enseigner à redoubler, vous luy donnerez tout doucemēt deux voltes estroictes à main droicte l'aidant avec la langue, & modestement de la baguette du costé contraire, & du gras de la iambe gauche, & quelquefois doucement de l'esperon de la mesme iambe, peu à peu & plus ou moins selon qu'il en sera besoing : incontinent apres vous ferez le semblable à main gauche, l'aidant semblablement de mesme façon de la iambe droicte, & à la fin vous ferez encor deux voltes à main droicte, ainsi qu'au commencement, & puis vous l'arresterez à la maniere accoustumee, & luy ferez les caresses ordinaires.

Et faut de pres prendre garde que le cheual en redoublant qui fait les voltes à main droicte, il doit encheualler ou eniamber le bras gauche par dessus le droit, & quand il volte à main gauche, pareillement il faudra qu'il face passer le bras droit par dessus le gauche conformément à l'ordre du maniement des passades dont ie vous ay parlé au premier liure : & le contraindrez d'aller iuste, sans s'elargir, de sorte qu'il retourne tousiours en vn mesme lieu, & par vne mesme (*piste*) route, & qu'il remue fort les bras & les espauls & toutes les fois que vous luy donnerez la volte à quelque main que ce soit, vous tiendrez ceste mesure de luy faire tousiours mettre la teste où il a la croupe, & clorre la volte du costé où estoit tourné vostre visage quand vous la commençastes.

Si le cheual n'est assez prompt à bien remuer & manier ses bras avec le vray ordre, c'est à sçauoir, quand il volte à main droicte, tant s'en faut qu'il encheualle le bras gauche dessus le droit, qu'il le fait passer dessous, & encore s'en frappe-il bien souuent contre l'autre, & fait le mesme voltant à gauche, mettant le bras droit sous le gauche, ou pareillement s'en frappant : ie vous auise que tel vice n'est pas de grande importance, & que plus il est mal adroit à se volter de chacune main, & plus il se bat ses bras l'un de l'autre en voltant, tant plus viendra-il à s'en corriger, & faire dextre à la fin, & se souuenant du mal qu'il se fait il viendra à s'en garder, ou en faisant la iambette, ou encheuallant l'un pied sur l'autre, comme il est requis, tellement que puis apres il se trouuera plus

*Iambette,  
quand le*



*cheval tient  
une main en  
l'air ployee:  
aucunesfois  
le frappant  
plusieursfois  
contre terre.*

leger, plus iuste, & plus adroit à volter.

Mais à fin de le faire venir plus aisement à se corriger, & d'autant plus qu'il seroit de faux & mauvais entendement & peu dispos à bien se manier, vous faudra aller au bout d'un long chemin & posément sans furie le faire volter en ceste maniere vne ou deux voltes à droicte, & puis cheminer deux pas en auant, & l'arrestant luy faire faire encore autant de voltes à gauche, & puis cheminer encore deux pas en auant, & faire encore apres autant de voltes à droicte, & continuant ainsi passerez tout ce chemin, faisant tousiours de deux en deux pas les deux voltes, ore à droicte, ore à gauche n'outrepasant ne ce nombre ne cest ordre auquel vous aurez commencé, l'aydant neantmoins tousiours avec la langue & la jambe, & avec l'esperon contraire à la volte que vous ferez lors comme ie vous ay dit parauant: & encore sera-il bon de l'arondir quelquefois: & l'ayder avec les deux esperons, ainsi que ie vous ay desia dit. Cheminant ainsi, le cheual se trouuera pareillement acheminé à tourner & encheualler quasi tousiours l'un bras sur l'autre en voltant, comme le vray ordre le requiert: & la derniere fois quand vous ferez arriué au bout de ce chemin, ne le vous faudra plus faire cheminer deux pas auant: ains apres qu'il aura volté à droicte sans mouuoir de la mesme (piste) routte le volter encore à gauche & puis derechef le volter à droicte, & cela fait vous arrester là.

Neantmoins aduisez que si le cheual ne fait les voltes de l'un des costez si bien & iustement comme il appartient, il vaudra mieux de deux en deux pas le faire tousiours volter de ce mesme costé, & tant en faisant ces deux pas comme apres les voltes acheuees le chastier de l'esperon du costé opposite à la volte que vous ferez lors, & continuer ainsi iusques à ce qu'il se rende correct & iuste: mais apres qu'il se sera rauisé & ira bien, lors tant au pas qu'à la fin des voltes, le flaterez & caresserez, le voltant vne fois ou deux de chacune main en la forme deuant dicte.

Encore pourrez vous bien de deux en deux pas le faire volter deux fois à droicte & autant à gauche, ou bien de deux en deux pas vous ferez six voltes, deux à droicte, deux à gauche, & puis encore deux à droicte: & ainsi suyure le chemin luy donnant à temps s'il y eschet le chastement ou le secours de la forme que ie vous ay dit, & diray quand il viendra à propos.

Mais notez qu'en tous ses ordres & façons tousiours les dernieres voltes ne plus ne moins que les premieres se doyent bailler à droicte, & se doyent enseigner au cheual en le faisant aller auant en quelqu'une des formes que ie vien de dire: non seulement pour rendre leger le cheual & luy faire encheualler le bras l'un sur l'autre: mais aussi pource que quand il redouble, pour peu ou prou qu'il se retirast en arriere,

indubitable



Indubitablement la volte seroit trouuee fausse, & partant seroit grandement à blâmer : car la perfection de la volte est recogne seulement en ce quelle se face en vne mesme (*piste*) routte, & semblablement aussi en vn mesme lieu : & encores que le cheual en voltant s'auantageast vn peu en auant, ce ne seroit pas vice, comme s'il se reculloit en arriere, ou se retiroyt de quelque costé.

Et si le chemin où vous ferez tout ce que dessus estoit court pour faire les pas & les voltes, faudra seulement, quand vous ferez au bout, tourner visagé, & puis faire aller auant le cheual tousiours par la (*piste*) routte, battue, & par les mesmes traces où vous aurez passé, par auant & encore avec le mesme ordre, tellement qu'allant & venant vous pourrez faire ce chemin trois fois, ou plus ou moins selon ce que vous verrez que besoing en fera.

Puis apres il sera besoing artificieusement luy donner plus de furie à ces voltes redoublees avec vne certaine mesure plus hastee, autrement tout ce que ie vous en ay dit seroit de nul profit. Et pour cest effect ore ie vous dy, qu'il vous faudra faire aller le cheual ou au trot ou au galop autant que tient vne petite carriere, & l'arrester au bout du chemin avec vne ou deux ou trois posades: puis apres l'aydant de la langue & de l'esperon gauche, & s'il estoit pesant & de peu de sens, & encore s'il ne vous respondoit bien, l'arondissant en vn mesme temps, avecques l'un & l'autre esperon le faire volter (*sospefo*) souleué en l'air du costé droit luy mettant la teste où lors il a la croupe, qui sera vne demie volte, puis l'arrester vne piece, & du mesme costé droit avecques mesme ordre clorre l'autre moitié de la volte, le posant iuste en la mesme routte en laquelle il estoit au commencement : & ainsi illegallement ferez vous du costé gauche & à la fin retournerez en faire encore autant à main droite, tellement que ce seront trois voltes, la premiere & la dernière à main droite & celle du milieu à gauche, & le sollicitant souvent en ceste maniere vous luy apprendrez les voltes (*sospefo*) esleues, furieuses & hautes ou bien de demy air ou moyennes: & quand puis apres il sera duiet, & les fera aisement vous luy pourrez bien alors redoubler le nombre, cloyant entierement les voltes à chacune main sans aucune pause.

Outre ceste forme, vous pourriez bien encores vser d'une autre, c'est à sçauoir, toutes les fois que vous donnez au cheual les deux voltes à droite, supposé qu'il entende l'ordre de remuer & encheualler les bras de la forme que ie vous ay dict, faudra à chacune seconde volte quand vous ferez à la moitié d'icelle, l'ayder de la langue, de la baguette & de l'esperon contraire à la volte que vous ferez lors : & par ce moyen il viendra prompt & aisé à clorre tousiours d'une bonne grace & avec vn bel air la dernière demie volte.



Et le mesme ferez vous à la moitié de chacune seconde volte qu'il fera à gauche, l'aydant pareillement de la langue, de la baguette & de l'esperon contraire plus ou moins, & plus de l'un que de l'autre selon le sens & l'esprit du cheual: mais tant voltant à l'une comme à l'autre main vous l'arondirez ensemblement de l'autre esperon, au moins s'il y escher: & c'est arondissement quand il se fait en temps & lieu, luy fert d'un secours merueilleux pour luy faire prendre en despit de luy toutesfois que vous voudrez la volte iuste, egale, furieuse & haute. Notez neantmoins selon ceste reigle que maintenant ie vous baille, que les premieres voltes, soient de main droite ou de main gauche, ne doivent pas estre furieuses, & suffira assez qu'on les baille avec mesure encheuallant le bras contraire par dessus l'autre, & puis à la moitié de chacune seconde volte luy donner vn peu de furie, la cloyant à la fin de la forme que ie vous ay dit.

Et à fin que plus clairement vous puissiez entendre ce que maintenant ie vous enseigne, ie vous aduise que quand on redouble, chacune volte reuiet à deux quarts, tellement que deux voltes à droite font quatre quarts, & chacun quart demie volte: & commençant du dernier quart, de quart en quart vous luy donnerez vn peu plus de furie, mais tant qu'il n'aura point de furie à l'un vous ne luy en baillerez point aussi à l'autre: & tout ainsi ferez vous aux deux voltes de la main gauche qui font semblablement quatre quarts, & suivant ceste maniere vous apperceurez puis après que de soy-mesme il viendra, & aux premieres & aux secondes voltes de chacune main, furieux & à temps, & iuste. Encore pourriez-vous bien pour quelques iours seulement au dernier quart de chacune volte le haster, & le faire aller leger & esleué en l'air, & le faire tomber au lieu mesme d'où il auoit commencé les voltes. Et à la fin quand il entendra bien toutes les voltes avec la viffesse requise vous faudra ordinairement (iusques à ce qu'il sçache bien aisement redoubler) luy faire faire trois voltes à chacune main, & aduiser que la premiere volte se face tousiours doucement & posément, car parce moyen vous luy trouuerez puis après les bras acheminez à le plier & encheualler de bonne sorte, & le verrez suiure de soy-mesme légèrement & hastiuement avecques bonne mesure les autres deux voltes doubles de chacun costé sans se confondre ny esgarer, & vous en-horte de prendre bien pres garde à ce que ie vous dy maintenant, pource que chacune de ces formes sera de merueilleusement grand effect pour rendre tous cheuaux plus prompts & adroits, ou redoubler & combien que le cheual soit pesant, paresseux & de gros entendement, neantmoins par ces moyens il deuiendra aisé, leger, adroit & vif: mais aussi vous faudra il distinguer & prudemment discerner à quel cheual sera plus propre l'une ou l'autre forme. Car



luy voulant enseigner à faire ruades en redoublant ceste seconde forme ne luy viendrait pas si bien à propos, comme celle que ie vous ay dict parauant : car alors à chacune demie volte il luy faudroit ayder à luy faire tirer vne couple de ruades, tellement qu'en chacune volte entiere, il donneroit deux couples de ruades iustes, l'une en auant, & l'autre en arriere tousiours à l'endroit d'où il oste la teste & met la croupe, & qui plus est, encor auant que luy donner la volte on le pourroit bien aider, au premier, au second, ou au tiers temps, qu'il demeure (*pallottando*) pallottant ou sautelant, & luy faire donner vne couple de ruades en arriere, & puis apres suyure la volte avec les deux couples de ruades ainsi que ie vous ay dit, & pour luy faire prendre courage du commencement à chacun quart qui est demie volte, le faudroit arrester vne piece, & alors si vous le caressez, l'asseurant avec la main, tant plus aura-il de courage. Et vous aduertis que seulement aux voltes redoublees, vne volte simple s'appellera demie volte : lesquelles voltes simples ie vous ay parauant enseigné quand ie vous ay parlé des autres trois temps du maniement des (*repolons*) passades.

Or seroit-il beaucoup meilleur & plus profitable à la fin quand vous serez sorty de vos ronds, ou au trot, ou au galop, apres que le cheual aura paré, le faire redoubler de la forme que ie vous ay naguieres dict, & si sa dreté, & son ineptitude, & peu de sens ne vous contrainst pareillement apres qu'il sera sorty des ronds & faict les posades, & que là vous l'aurez arresté vne piece sans vser de tant d'ordres & diuerses formes, vous luy pourrez enseigner à manier & accoustre ses bras, comme ie vous ay dit & déclaré parauant, apres la figure des ronds, & mesmes enseignemens luy pourriez vous semblablement faire à la fin du maniement des passades, soient ou au pas, ou au trot, ou au galop, apres qu'il aura paré, ne le laissant point sortir de la (*piste*) routte, ainsi comme vous aurez faict à l'issue des ronds. Mais les ordres & formes de faire aller le cheual en auant, comme ie vous ay déclaré, sont propres seulement pour quelques cheuaux, qui se retirent en arriere ou qui sont durs à faire ces voltes, & à l'auanture enuieillis en leurs mauuaises accoustumances : lesquels en les menant & maniant de ceste forme le plus souuent deuiennent puis apres aises, prompts, & adroits : & par ce moyen on supplée à leur defaut, & à ce qu'il leur manque de nature.

Mais vn cheual qui seroit fort paresseux & dur à l'esperon, & difficile à faire les voltes redoublees, apres qu'il sçaura bien encheualler les bras l'un sur l'autre, vous despitueusement en vn lieu estroit ou en la campagne, le voltant avec plus grande furie qu'il pourra prendre sans aucune pause, le piquerez continuellement des esperons de la forme que vous aurez accoustumé de l'ayder & si fort & si souuent que le sang luy



forte des costez au long des fangles : & à chacune main luy donnerez enuiron sept voltes, ne vous departant iamais du nombre que vous aurez commencé, & le battant fort du costé contraire à la volte, de la baguette sur l'espaule, & combien que lors il ne face semblant de s'en guieres soucier, toutesfois quand puis apres vous viendrez à le cheuaucher la matinée suiuiante, à raison de la douleur des pointures des esperons qu'il aura eues en ces parties, lesquelles ne seront point encore reprises, mais refroidies seront beaucoup plus douloureuses, lors il sentira plus fort les coups d'esperon & se souuiendra & cognoistra franchement qu'on luy auoit donné les premiers coups pour le chastier de sa paresse, tellement que quand vous le manierez puis apres avec vne ou deux voltes à chacune main en l'aidant selon l'ordre que ie vous ay dit, il viendra beaucoup plus prompt & plus aisé à faire les voltes doubles, que vous luy baillerez, qu'il n'estoit au parauant suiuiant sa paresse naturelle. Comme aussi si le cheual estoit brusq & de vif entendement, & fort sensible luy faisant en temps & lieu, l'enseignement & le chastiant de la forme que ie vous ay dit, il deuiendra patient, & vous respondra encore également avec mesure conuenable comme ie vous ay dict plus clairement vous parlant du cheual qui ne veut pas souffrir les esperons, mais aussi en ce cas ne faudroit pas cheuaucher le cheual la matinée suiuiante: car cela viendrait seulement à propos s'il estoit lent & paresseux de la mode que ie vous ay n'aguieres dit, autrement au cheual esueille il feroit l'effect contraire, comme vous auez desia peu entendre parauant.

Encores à cheual qui est lent & morne au redoubler, apres qu'il sçaura ( faisant les voltes ) bien encheualler les bras l'un sur l'autre, il pourra beaucoup profiter aucune fois apres luy auoir donné au trot vne petite passade que vous aurez finie en galop, & quand il aura fait la volte simple, clorre promptement l'autre moitié de la volte à la mesme main, & lors luy faisant caresses l'arrester vn peu, & parauenture lors sans l'arrester vous le trouuerez tant prompt & adroit qu'il pourra bien continuer deux voltes redoublées à chacune main, & vous souuienne ( tant qu'il redouble ) tousiours l'aider avec la plus grande viffesse de langue que vous pourrez, car se trouuant acheminé au moyen de la furie de la passade, il ne sera pas seulement prompt & aisé à prendre les voltes doubles, mais il prendra aussi pareillement la vraye intelligence du secours que l'on luy fait, tellement que puis apres entendant le son de la langue il prendra incontinent les voltes, sans qu'il soit plus besoing de les luy donner avec ces passades, car il les fera en tout temps iustement, & avec bonne mesure, & en toutes les sortes que vous voudrez.

Si le cheual en redoublant fait les voltes en s'auançant trop en auant, & ne l'en pouuez autrement corriger, vous rengerez de sorte le



cheual qu'il ayt la teste contre vn mur, ou contre vn arbre six paulmes ou enuiron entre deux, & luy ferez faire les voltes d'ordre que ie vous ay dit, le fermant tousiours vers le mur ou l'arbre: car il ne pourra à ce moyen s'auancer plus qu'il ne deura, & luy sera force de les faire tousiours iustes & en vne mesme (*piſte*) routte.

Encores si vous luy voulez olter ce vice sans vous ayder de mur ou d'arbre à l'encontre, le vous faudra manier avec la main vn peu plus ferme que de coustume, toutesfois non tant roide qu'il n'y ait iuste temperament, & à chacune fois que les voltes seront closes, autant qu'il se fera aduancé, autant vous faudra il le retirer peu à peu & faire reculer en arriere.

Vous pourriez bien encore apres l'auoir manié à passades au pas ou au trot ou galop au trauers d'un garet, & apres qu'il auroit paré, le faire redoubler dedans vne routte ia battue de ses pieds, & le retirer en arriere tousiours apres comme ie vous ay dit: car alors toutes les fois qu'il s'auancera, ce luy sera peine de laisser le terrein ferme & dur pour se mettre au mol où il enfondre tellement que puis apres petit à petit il se corrigera de luy mesme, & fera à la fin les voltes tousiours en vn seul lieu ne partant iamais de sa routte. Et de mesme façon le vous faudra il corriger quand en doublant il se retirera en arriere, luy en faisant faire tout autant en auant pour luy faire perdre ce vice.

Semblablement quand il s'auancera en redoublant plus qu'il ne deura, il luy pourra beaucoup seruir de le faire souuent redoubler au plan qui sera au bout d'un pendant, luy mettant les bras & la teste vers le hault, & les iambes vers le bas. Et au contraire, si le voulez garder de se retirer en arriere vous le pourrez faire redoubler en ce mesme lieu, luy mettant la teste vers le bas, & la croupe vers le hault.

Ets'il se confond en ce faisant, sans encheualler les bras l'un sur l'autre & sans qu'il puisse se souleuer & hauffer en l'air comme il appartient: s'il ne chemine ne s'arreste iustement, & s'il ne va pas avec la furie conuenable, alors toutes les fois que vous aurez acheué les voltes, vous le faudra arrester; & arresté qu'il sera, s'il aura fait quelque faute en faisant les voltes, vous luy donnerez vn ou deux coups de l'esperon contraire aux voltes qu'il aura faictes, & incontinent que vous luy donnerez encore autant de coups de l'autre esperon, en ce mesme instant vous continuerez à le picquer de l'esperon contraire, & ne sortant point de ceste routte vous le ferez puis apres pareillement volter du mesme costé, & en la mesme forme qu'il voltoit parauant quand il fit la faute, & à la fin vous trouuerez que par le moyen de se chastierment il s'en corrigera: & quand vous apperceurez qu'une fois il aura fait les voltes parfaites, lors vous le caresserez vous arrestant vne piece, & ainsi vous faudra il continuer. Mais aussi souuenez vous toutes les fois que



le cheual fera faute, de le chastier en la forme que ie vous ay dit, & de le caresser quand il fera bien sans luy donner autre secours des esperons.

Et si d'aventure il fait les voltes trop hautes pour les luy faire abaïsser le vous faudra chastier de mesme façon, & puis le faire volter du costé mesme d'où il voltroit, & il s'abbaïssera par ce moyen. Et s'il fait les voltes basses, & vous les luy voulez faire hausser, encore les haussera-il avec ce mesme ordre & chastiment d'esperons. Et ne vous faut point esmerveiller si au cheual vne mesme forme de chastiment fait deux contraires effects & differens l'un de l'autre: car nous voyons le semblable en enseignant vn enfant, lequel pour la crainte de certain chastiment, se taira & demourra coy & arresté & puis pour frayeur de ce chastiment mesme & pour complaire à son maistre, parlera, & faisant tousiours violent exercice se mouuera de lieu à autre.

Mais notez neantmoins que si vous le voulez chastier pour auoir fait quelque faute que ce soit en redoublant les voltes, vous le pourrez bien corriger de la façon que ie vous ay maintesfois dit en plusieurs autres maniemens, esquels elle est necessaire, le picquant seulement vne fois ou deux, del'esperon contraire à la volte sans le piquer de l'autre costé, & ne faudroit neantmoins laisser de le volter puis apres du costé mesme auquel il auroit fait la faute, ce qui sera beaucoup plus aisé & ne sera besoing de si grand artifice, combien que ceste autre maniere seroit bien de plus grand chastiment, & luy profiteroit beaucoup plus pour l'adiuster pourueu qu'on en vlast en temps & saison & ainsi qu'il appartient: & d'autant plus quand le cheual estant de vif esprit, ou maling, ou n'ayans trop bonne volonté, fuit le battu de sa routte sur laquelle il se doit tousiours trouuer iustement & avec mesure.

Puis apres quand le cheual sera bien iuste & bien seur à volter aisément & dextrement & bien entendant vostre volonté à chacune fois que vous voudrez redoubler, aydez luy de la langue, & s'il est besoing aydez-le pareillement de la baguette par deuant ou par derriere, à l'endroit duquel il est besoing le faire hausser: & puis la luy monstrez tousiours du costé contraire à la volte en l'un des deux endroits où il la faut tenir, le secourant à temps avecques les esperons en la forme que ie vous ay dit, & aucunesfois le faut aider du gras de la iambe, & de l'un ou de l'autre, plus ou moins & en temps & saison de tous les deux selon ce que vous cognoistrez que besoing en sera: & pendant qu'il redoublera, aduisez que le secours de la langue ne luy manque iamais, car par ce moyen il viendra à (*spesolaris*) se guinder furieusement & iustement, remuant les espaulès, la croupe, & là seurement mettant la teste, clorra la volte en ce mesme endroit & en la mesme routte où il estoit



premierement, & egalelement tant à l'une main qu'à l'autre: & si d'avantage vous voulez qu'il se leue avecques ruades, d'abondant aussi le vous faudra ayder de la voix ayant tousiours en memoire d'accompagner les voltes iustes avec proportionné branle de vostre corps & faire tousiours les premieres & les dernieres à main droicte.

Or vous faut il sçauoir que vous pouuez faire commencer le cheual à faire les voltes redoublées en deux manieres: l'une quand auant que redoubler vous luy ferez souuenir de ce qu'il doit faire, le souleuant en auant (*pallottando*) en palottant ou sautelant, & le prendrez au second ou au tiers temps le secourant incontinent aux voltes de la forme que ie vous ay dit. L'autre maniere est quand vous ne le voulez faire souleuer (*conquel pallottare*) avec ces sautellemens, & à l'auenture en auant & en arriere en forme de capriole: ains le faisant soudain redoubler, au premier temps qu'il se leue, vous le secourrez faire les voltes, sans attendre ne le second ne le tiers temps, & lors il ne vous sera ia besoing d'vser de si grand art, ne de si grande mesure, comme il estoit mestier en l'une & en l'autre maniere. Et vous aduise qu'il sera besoing d'vser de vostre secours & prudence pourceque vous rencontrerez des cheuaux, lesquels en redoublant entendront mieux le secours de la baguette sur l'espaule du costé contraire, que de l'esperon sur le ventre, comme aussi d'autres prendront mieux l'aide de l'esperon que celuy de la baguette: & partant leur faudra bailler celuy qu'ils prendront & entendront mieux, & auquel ils sont plus prompts d'obeir. Mais aussi prenez garde que quand le cheual vous respond plus aisement au secours de la baguette que des esperons, que c'est signe (le plus souuent) qu'il est foible, & qu'il a plus d'allegresse, & legereté, que de force & de puissance, tout ainsi comme quand il prend mieux les esperons il demonstre par cela qu'il a plus de force: toutesfois s'il est bien né & bien nourry de quelque nature & complexion qu'il puisse estre, il entendra & prendra le secours des esperons mieux que tous les autres.

Et notez que tant au pas comme au trot & au galop, & à la carriere, & au maniement des passades, & aux voltes redoublées quand ce vient à clorre l'une ou l'autre volte, toutes les fois qu'au retenir le cheual se desrobe de vous & s'en suit à la main droicte, vous faudra lors à l'instant ou peu auant qu'il s'arreste, luy approcher le gras de vostre iambe droicte, & encore l'esperon du mesme costé, s'il y eschet, pres de son ventre: & quand ce sera vers la main gauche, tout ainsi ferez-vous de la iambe & l'esperon gauche: & del'un ou de l'autre costé duquel il tera ceste faute, plus ou moins le piquerez-vous de l'esperon selon que vous cognoistrez qu'il sera prompt & entendu: & par ce moyen il sera puis apres tousiours contraint de s'arrestier, egalelement & iustement & en une mesme route, & se trouuera à la fin tellement corrigé, qu'il n'aura



plus de besoing d'aucun secours ne de cestuy-cy ny d'autre, de sorte que si lors vous luy bailliez, il retourneroit à vice.

Encore me semble-il bon de vous esclaircir le maniement, & la correction & enseignement du cheual en tout ce qui me sera possible. Partant il vous faut entendre que toutes les fois qu'il sera droit, prompt & aisé au redoubler vous pourrez bien petit à petit au pas ou au trot luy enseigner à se manier à passades en ceste forme. Quand vous serez au bout de la passade, donnez luy vne volte & demie redoublée, & incontinent apres retournez par la routte de ceste mesme passade, & quand vous en serez à l'autre bout, baillez luy semblable volte à l'autre main, & continuez ainsi iusques à tel nombre que vous penserez qu'il puisse porter, faisant tousiours la premiere & la derniere volte à droicte, & encore à la fin faictes-le tousiours parer avec les posades.

Aussi le pourrez vous bien encore manier de la forme que ie vous vois dire. Quand vous serez arriué au bout de la passade vous luy donnerez demie volte à droicte, & à l'instant vous changerez de main à gauche, redoublant la volte entiere, & puis retournant par la routte de la mesme passade quand vous serez à l'autre bout, vous luy baillerez la demie volte à gauche & tout soudain retournerez à l'autre main clorre la volte entiere à droicte, & de ceste façon continuerez les autres passades, tousiours faisant à chacun bout vne volte & demie, & partant à la fin luy ferez pareillement faire les posades. Et tant en ce manient comme au precedent, faut au commencement seulement faire les voltes simplement & doucement, pourueu qu'il encheualle les bras l'un sur l'autre.

Et apres que le cheual entendra bien ces voltes au pas ou au trot, vous luy pourriez bien faire faire ces passades au galop, plus ou moins furieux selon la qualité & complexion du cheual, toutesfois aduisez que l'une ne l'autre maniere de ces maniemens n'est aucunement bonne ne profitable à quelque combat ou bataille que ce soit. Ains si le cheual estoit foible d'eschine tant plus luy diminueroit-il sa force: toutesfois si le cheual n'estoit du tout gaillard, ains en partie pour faire vne monstre & brauade de sa promptitude & dextérité, il seroit bien feant en l'estable d'un grand Seigneur bien fournie d'autres cheuaux, qu'il y eust au moins vne couple de telle sorte, & apprins à ces maniemens: car vous deuez scauoir qu'outre ses autres vertus, il se montreroit puis apres plus iuste, plus prompt, & plus adroit que de coustume.

Dauantage ie vous dy que les voltes redoublées non seulement à la passade de la forme que ie vous vien de dire, mais encore de ferme en ferme, & principalement si vous en faictes deux à chacune main, si le cheual est foible & peu leger, & ne les fait assez dextrement, si vous le voulez trop forcer, elles luy rompent les reins, luy debilitent les nerfs,



nerfs, & diminuent beaucoup de sa force. Partant ie vous aduise qu'en tel deffaut, si vous le voulez manier avec les voltes redoublées comme il appartient, il suffira pour quelque temps, luy faire faire seulement vne volte à chacune main : car au combat il luy seruira plus que s'il auoit fait deux voltes, & l'entretiendra tellement en sa force, que sa vigueur & sa bonté seront de plus longue durée. Et outre tout cela encore sera la volte plus pliee d'eschine & plus ronde, estant aidée d'esperons, & à chacune volte il s'accommodera les bras avec plus bel air, & meilleure grace, de sorte qu'il vous donnera plaisir faisant l'un & l'autre, & si cent fois à chacune heure vous le requeriez de volter à chacune main, en ceste forme il vous respondroit tousiours iustement. Et s'il n'estoit du tout bien adroit à clore les voltes, & que les faisant il fust pesant & paresseux, & de dur & gros entendement, & assez foible, lasche, & mol, en ce cas ie vous dy que c'est vn signe que le cheual ne sera pas de durée, & pourtant qu'il ne luy faut donner en maniere que ce soit les voltes redoublées, pour ce qu'elles ne le feroient qu'affoiblir: de sorte que changeant puis apres de main, & venant estre cheuauché d'un cheualier, ou Escuyer moins expert que le cheuaucheur qui l'auroit enseigné, car il ne feroit pas les voltes simples des passades assez iustes, ainsi qu'il est requis.

Et pource qu'il est indubitable que pour le fondement de toute vertu, il faut que le cheual ayt l'arc du col, & la teste ferme & la bouche bonne, il me semble bon à ce propos vous aduertir que vous gardiez bien de tomber en la faute que beaucoup d'escuyers & cheuaucheurs font, lesquels changeant tant d'aspres & diuerses brides au cheual, pensant par ce moyen le faire ferme de teste, & plus agile au retenir, & ne s'aduissent pas que par le moyen de ces brides ou il s'aneantit & appoltronnit, ou il s'exaspere & aigrist, de sorte qu'il ne sera iamais possible de le faire ainsi venir à perfection : mais le moyen de luy faire venir, est le bon art & la vraye discipline qui enseigne de luy bailler vne bride plaisante, sur laquelle il se puisse doucement appuyer & s'asseurer la bouche au trot & au galop, en portant la main temperée & ferme aux tours, sans le mettre en fuite, luy monstrant la maniere de bien faire les voltes à passades, & de les redoubler, luy enseignant les posades, & luy faisant cognoistre la voix de celuy qui le cheuauche, au son de laquelle il entende quand on veut qu'il arreste & pare, luy baillant peu souuent la carriere, luy faisant en temps & lieu caresses quand il fait bien, & le chastiant pareillement à temps quand il fait mal: car par ces moyens il deuendra accompli en toute vertu en perfection, & se conformera en tout & par tout au vouloir de celuy qui le cheuauchera.

Or qui ne sçait que si en maniant le cheual vous luy donnez environ dix passades, & si à la fin il se met & appesantit sur la main, & s'en



va avec le nez haut & allongé en auant, ou bas plus ou moins vers la poitrine, qu'il fait cela non par la faute de la bride, ne pour volonté qu'il ait de courir, ou de traualier, mais seulement pour se reposer, & ne pense qu'à eschapper & vous gagner, à fin que vous ne le tourmentiez plus. Partant non en ce cas seulement, mais toutes les fois qu'il tombera en ce vice vous faudra bien garder de vous laisser gagner & vaincre par luy, mais le battant de la baguette par la teste, & au milieu, entre les oreilles, & de tous les deux costez sur les espaulles & les corrigeant avec vne voix furieuse & terrible, vous faudra ainsi continuer tant que durera son opiniastreté & mauuaise, & iusques à ce qu'il soit vaincu, & vne autre fois il craindra de tomber en tel inconuenient, quand il luy souuiendra que ce ne luy seroit tousiours que plus grand traual, & d'autant plus si cela aduenoit en vn guerret profond: neantmoins notez bien, que lors que vous apperceurez qu'il sera du tout, au moins en partie vaincu, il ne le faudra pas incontinent laisser là reposer, ains retourner à le manier vn petit au trot, & puis apres au galop, pourueu qu'il ne sorte pas beaucoup d'haleine. Puis apres vous arrestant tout ainsi que vous l'aurez corrigé & battu en mal faisant, aussi lors qu'il aura bien fait, faudra que luy faciez caresses sur le col, ou sur le garrot. Et le laissant en ceste bonne bouche vous trouuerez qu'une autre fois il craindra de sortir de vos bornes & entendra vostre volonté. Et combien qu'il ait la teste grosse, les maschoires pleines, le col gros & court, & l'eschine longue & foible, & la bouche petite & mauuaise, neantmoins apres que par les moyens dessusdits vous luy aurez fait entendre vostre volonté, quand vous luy baillerez puis apres la carriere incontinent qu'il orra ce son de vostre voix, quasi sans luy tirer la bride, il s'arrestera avec les faux, & fera les posades brauement & de bonne grace: & à l'auenture le plus souuent se rendra-il tant subiect, qu'encore sans gourmette il ne laisseroit pas de bien parer, & sans resistance, de se correctement manier. Toutes ces choses comme experimentees & bien esprouuees ie vous ay par cy deuant declarees, & vous les declareray encores plus amplement par cy apres.

Ie ne vous dy pas pourtant qu'il ne soit bien necessaire de prendre garde à la qualité de la bride: car apres que le cheual est bien appris, & feut de teste & de col, il est besoing luy bailler la bride peu plus ou peu moins gaillarde selon la qualité de la bouche, à fin que par le moyen d'icelle, il aille ou plus leger ou plus appuyé, & subiect à son cheuaucheur.

Et vous faut entendre que quand le cheual a mauuaise bouche, cela luy procede de l'une de ces causes, c'est à sçauoir ou qu'il est dur de barbe, ou dur d'embocheure, ou dur de langue, ou qu'il est si extremement flac & foible, que s'abandonnât à la course, & ne se pouuant puis apres recueillir l'eschine, il ne se peut pas aisément arrester. Aucune-

*Barbe, le lien  
où repose la  
gourmette.*



fois aussi cela aduient quand le cheual est de grand sens, & que pour auoir esté fort battu, & cheuauché outre tout ordre & mesure, quand il faut parer, il ne cognoist pas bien la volonté de son cheuaucheur, ains à l'auenture il pense en fuyant & courant se sauuer de sa subiection, & à ceste occasion il s'en va ainsi desesperément égaré de bouche.

S'il est dur de barbe, ie vous dy que plus vous luy mettrez des gourmettes quarrées, espineuses, à pointes de diamants, à espy, & à siettes, & dures, & toutes d'une piece à nœuds, tant pis faites vous: pource qu'elles luy gastent & rôpent entierement la barbe, & aussi d'autant plus, que plus il se met en deffense: & puis la nature pouruoit & secoure ce membre blessé, de dureté plus grâde formée en cor ou car dur comme vn os, tellement que le cheual puis apres viendra à moins craindre la bride, & prendre plus grande liberté: & combien que du commencement il semble qu'il aille leger, toutesfois quand la barbe sera eschauffée peu à peu, il se chargera & appuyra tant plus fort sur la bride, & tant plus il l'aura rompue & gastée de la gourmette tant moins de douleur il y sentira à cause de la chaleur naturelle qui y entrera. Partant ne sera-il point besoing de luy bailler autre gourmette, que celle dont on vse communément, faite à saint rondes: & avec l'art & la discipline ainsi que j'ay dit, on pourra corriger ses fautes.

Mais pource qu'il y a des cheuaux fort delicats de barbe & d'emboucheure, (combien qu'il s'en trouue peu) tellement qu'encore qu'on leur baille le canon ia vieil, my vîé, & lié avec la gourmette couuerte de toile, si n'oseront-ils iamais s'y appuyer, ains iront tousiours la teste haute avec telle crainte de la bride que leur voulant puis apres enseigner à se manier, ils ne vous pourront respondre à temps ne iustement selon le secours que vous leur ferez de la main & des esperons, & ne feront autrement chose qui vaille. En ce cas ie vous aduise qu'il faudra les cheuaucher sans gourmette: & quand vous apperceurez qu'un tel cheual commencera à prendre courage & assurance, & à s'appuyer sur la bride, lors au lieu de la gourmette vous luy baillerez pour quelques iours vn ruban renforcé & large comme le poulse qui ne luy ferre point la barbe, mais soit autant tiré qu'il suffira pour empescher que la bride ne s'efgare en la bouche: & à la fin quand vous l'aurez bien appris & corrigé de ce vice, luy ostant le ruban vous luy remettrez la gourmette accoustumée, ou bien en ferez faire vne autre plus legere de fil de fer à mailles cesarines qui soyent pleines & egales tant qu'il sera possible, & de forme dont les orfeures font les chaines qu'ils appellent, à la Cesarine.

Quand le cheual est dur d'emboucheure, si vous luy mettez ces bastonnets, ces boulettes ou ballotes taillées, ces rouës, ces aneleers, ces

*Aneleers,  
patenostres.*



ie vous dy qu'alors que le cheual fuira le vray appuy, sera besoing que luy teniez tousiours la main haute en l'air, & n'aura aucune fermeté, & ne pourra faire chose de bien. Et si d'auenture il aduient qu'on luy tiennela main ferme, ou que le cheual pour se defendre de ceste aspreté se charge ou appuye sur la bride, lors facilement les barres ou emboucheures qui sont couuertes de chair & non de fer se pourront vlcérer: & à ceste occasion, tant pour la mesme raison que ie vous ay dit des gourmettes, comme encore pource que tousiours en la bouche du cheual le mors fraye contre la chair saine & contre l'vlceree, il fera tousiours quelque mauuais mouuement & ne sera iamais iuste, pource que à raison de la douleur qu'il sentira continuellement en la partie vlceree il ne pourra iamais penser à bien faire, ny au bon ordre que son cheuaucheur luy enseignera, partant la volonté du cheual ne pourra respondre & s'y n'ir en la sienne comme requiert la vraye discipline, ains tout son pensement sera seulement mis à se defendre: & combien que le cheual prinst ceste escorcheure d'emboucheure pour chastiment, & qu'à ce moyen il allast ferme, si seroit-ce neantmoins vn grand desordre de luy entretenir tousiours la bouche ainsi deschiree.

Neantmoins si vous luy baillez le mors ouuert qui soit (*suenat*) couddé ou à (*chiappo*) pas d'asne, vous luy donnerez en ce faisant le vray appuy: & puis apres avec la doctrine il se fera leger, & habile à toute vertu: car sans luy deliurer vn peu la langue on luy pourroit faire les emboucheures suiettes apres qu'elles sont endurcies.

Mais aussi si le cheual est dur de langue & se defend contre la bride, ou la fuit & l'engorge, lors luy mettant les castaignes, les rouës & autres telles choses pour la luy faire tenir sous le mors, ou la luy faire subtile, & luy oster la defense qu'il en fait vous feriez vne grande faute (à ce qu'il me semble) car attendu que la langue est vn membre sans repos qui tousiours est en action, quasi comme la paupiere de l'œil, toutes les fois qu'il remuera, & trouuera chose qui l'offensera ou il la retirera fuyant ce qui le blessera, ou si par fortune il la met dessous, estant gaillarde & delicate, elle ne pourra iamais souffrir le mors, ne s'adiuster, & fera tousiours le cheual quelque desordre.

Et est bien aisé à cognoistre pareillement que toutes les fois qu'on luy mettra en la bouche le mors ouuert, la langue perdra sa defense & sans aucun vice ou desordre elle s'asseurera sous le mors, par le moyen duquel en le maniant le cheual reuiendra à l'vn & à l'autre effect.

Quand le cheual à faute de force, prend le frain aux dents, & tire de la bouche, si le cuidant retenir & corriger vous luy baillerez vn mors fort rude & aspre, ie vous dy qu'il ne s'en amendera pas, ains s'en ira auant plus desesperement, & si d'auenture il s'arreste & se retient en partie au moyen de l'aspreté de la bride il fera le plus souuent des be-



stiaux mouuemens de la teste, & viendra au parer despireusement & hors de toute mesure.

Mais luy mettant vn mors qui ne l'offense point, & le reiglant avec rarité de carriere, & avec la vraye haleine, & la vraye discipline ainsi que ie vous ay dict, & vous diray encores cy apres, le cheual se maintiendra & maniera bien. Et vous dy semblablement qu'il est besoing d'vser de bonne reigle & de bonne doctrine quand le cheual pour estre trop gaillard & sensible & pour n'entendre le vouloir de son cheuauteur s'en va tant quil peut sans ordre, reigle ne mesure. Partant vous vueil-ie dire maintenant quels mors sera plus leger, quel plus gaillard, pareillement à quelle bouche sera propre l'un, & à quelle bouche sera bon l'autre. Mais ie parleray seulement des brides & mors qui sont plus propres & conuenables, & laisseray vser des autres au vulgaire populace tant que bon luy semblera sans en faire mention aucune: & vous enseigneray puis apres plusieurs belles ordonnances qui seruiron pour corriger les cheuaux de toutes leurs fautes, & de leur faire perdre tous leurs vices.



L'ECVIRIE DE  
TROISIEME LIVRE DE  
L'ECVIRIE DE M.  
FEDERIC GRISON.



Le premier mors qu'on doit bailler au cheual soit de bonne ou de mauuaise bouche, c'est le Canon avec les branches droictes, comme ie vous ay desia dit au premier liure: & iusques à ce qu'il sera ferme, & seur, & qu'il se sçaura bien manier, & qu'il entendra tout ce qui est propre, & conuenable, au vray ordre du maniement, ne la luy faudra iamais changer. Puis apres s'il a bonne & gentille bouche, vous luy pourrez bien bailler vn canon qui ait les gardes tourneés.

Quand le cheual fera demōstratiō d'auoir la bouche quelque peu dure, vous luy baillerez la (*Scacia*) que no<sup>9</sup> appellōs cōmunemēt mors à hotte.

Si le cheual n'a pas grande bouche, toutesfois delicate & autrement bonne, outre ces mors on luy pourroit bien proprement mettre vn melon doux & poly à semblance d'oliue, qui n'eust pas dessus que la Siciliane seulement.

*Siciliane,  
tranchefille.*

Ces melons se pourroient bien faire ronds, & vn peu grosslets, & à chacun costé d'iceux par dehors faudroit mettre vn anneau ou rouelle, que l'Italien appelle vulgairement (*falto*) & est cest anneau ou rouelle propre à vn cheual qui faict vn peu de (*chiomazugli*) c'est à dire, qui se defend avec les leures, & ne se pose pas sur les emboucheures comme il doit, mais se les renferme dedans la bouche de telle sorte qu'il s'appuye sur icelles, & vous force merueilleusement.

*Qu'est-ce  
chiomazuo-  
les.*

Neantmoins notez qu'à cheual qui fera ces (*chiomazuoles*) viendra plus à propos de luy bailler vn mors à poire, ou à campanelle à cul de bassin, encore pourroit bien estre à cul plat. Et quand l'vn ou l'autre de ces mors seroient (*à faciette*) à faces ou bossés, gardez vous bien de luy en bailler: mais s'il y a à chacun d'iceux vn anneau du costé de dehors tant plus puissant sera-il pour faire son effect dedans la bouche du cheual: toutesfois à cheual ayant ce vice profitera pareillement de luy bailler vne Scace avec vn bouton entaillé & aisé à se tourner, à chacun des costez d'icelle, & plus les boutons ou ballottes seront gros, tant plus la scace se couvrira & sera forte, mais ie serois tousiours d'avis qu'ils fussent de moyenne grosseur, ains plustost bas & petis: & encore à chacun costé du nœud aupres du bouton, ou ballotte, pourroit-on mettre deux annelets, ou patenostres, & si les boutōs ou ballottes estoient vn peu plus estroits lors faudroit-il mettre trois annelets, ou patenostres, & seroit ce mors bien propre à cheual qui porte la langue hors la bouche. Et combien qu'on vse bien souuent pour corriger les (*chiomazuoles*) d'une poire



doubling ou d'une campanelle pareillement double à cul de bassin, c'est à sçavoir, deux petites poires, ou deux petites campanelles à chacun costé, ou d'un bastonnet avec les boutons ou ballottes rondes, ou avec les annelets gaillards, & assez esleuez en guise de rouës: neantmoins ie vous conseille de n'en user point, pource que peu souuent y trouueriez vous auancement ou amendement, & principalement du bastonnet qu'à les annelets gaillards.

Tous ces mors qui sont à melons ronds, & poires, à campanelles, & scaces, & à bastonnets avec les boutons, combien qu'ils soient clos, si ont-ils neantmoins un peu de ressemblance à l'ouuert: & sinon beaucoup, au moins en partie ils font la langue plus libre.

Mais notez bien qu'à ces mors ny à autres n'est propre ne bien seante la castaigne au milieu, comme on en usoit anciennement, & comme quelques ieunes cheuaucheurs vsent encores auourd'huy en quelques endroits de par le monde, qui est une chose tresmauuaise: & laquelle castaigne il seroit plus conuenable de la nommer rouë, ou rouëlle.

Toutesfois s'il vous semble bon encore de luy donner quelque (*licchet*) billot au lieu de la castaigne, vous mettrez aupres du nœud à chacun de ces mors un anelet, ou deux au plus, & quelque fois trois de chacun costé, ainsi que ie vous ay dict à la scace, avecques les boutons qui soyent iustes & aisez à se tourner, lesquels toutesfois quand n'y seroyent point, ie n'en feroye pas grand compte. Et pource que tous ces mors sont clos, & sont seulement propres à cheuaux qui sont de bonne nature, ou qui ne sont au moins de trop mauuaise volôre, ie vous vois maintenant parler des mors ouuerts, lesquels sont beaucoup meilleurs & corrigent plus aisément quelque vice de bouche que le cheual puisse auoir, & entierement par le moyë d'iceux, & de la bonne discipline tout cheual se fait seur & iuste.

*Boutons, ballottes,*

Si le cheual est delicat d'emboucheures, & engorge sa langue, vous luy baillerez un mors qui aura un demy cannon (*svenato*) coudé & ouuert: auquel neantmoins n'y aura point de ces bracelets ou filets avec des patenostres, là où communement se soustient nouë la bride, mais sans cela de soy-même se liera (*à perno*) à clou, mais plus iuste & meilleur seroit-il (*à chiappo*) à couplet ou crochet, & simplement aura la seule Siciliane ou tranche-fille par dessus: & le tour (*della svenatura*) de l'ouverture & coudure se peut faire en deux manieres: c'est à sçavoir, à pied de char, ou à col d'oye: laquelle façon à col d'oye fera le cheual plus libre de langue, & plus subiect de bouche, tellement qu'il sera en partie plus fort que l'autre.

*Bracelets, filets, idem.*

*Perno, clou, ceste petite piece qui tra- uerse le ioinct au milieu du mantant.*

Si le cheual n'est point delicat d'emboucheures, & s'il engorge sa langue, vous luy baillerez le cannon (*venato*) ouuert & coudé, entier avec les bracelets, plains d'annelets, ainsi qu'on en use generally: mais cestuy-cy & cestuy-là se pourroyent bien nouër & ioindre avec une piécette au milieu, & ainsi luy feront-ils la bouche un peu plus



*Scace mors à  
hotte.*

subiette, avec plus grande liberté de langue. Encore luy pourroit-on bien bailler vne demie scase (*suenata*) coudee & ouuerte, laquelle seroit taillée ainsi que le demi canon duquel ie vous ay n'aguieres parlé, & se pourroit pareillement le tour d'icelle faire à pied de chat, & à col d'oye.

Si le cheual est vn peu dur d'emboucheure, & il engorge sa langue, vous luy baillerez vne scase coudee ou ouuerte, ainsi qu'on a accoustumé, avec les bracelets : & pareillement l'une & l'autre se peut nouer & ioinde avec la piecette, & le fera plus libre de langue & plus subiect de bouche.

Encore pourroit-on bien en la scase tant coudee ou ouuerte comme close, à chacun des costez d'icelle, où le cheual s'appuye, faire deux pourfils esleuez ronds en guise de petits cordons vn pourfil dessus, & l'autre dessous, qui soient vn peu plus gros qu'une ficelle double : car par ce moyen la scase le pressera sur les emboucheures, & ne le fera pas seulement plus suict, mais le gardera de faire (*chiomaz uoles*.)

Et tant au canon coude & ouuert comme à la scase coudee & ouuerte, à cheual qui se boit, la bride, les bracelets lors se pourroient bien attacher des costez des (*stanguettes*) tenons ou œils de branches à ces trous où on a accoustumé de mettre les (*polsonnets*) tourez de la Siciliane : & combien que seulement avec l'art, pourueu que le cheual ait vne bride plaisante, ils'ostera de ce vice, comme ie vous declareray incontinent apres, toutesfois il m'a semblé bon vous nommer toutes ces façons de mors de bride, à fin que vous soyiez bien experts à cognoistre facilement toute bonne bride, de laquelle on doit proprement vser.

Si le cheual est fort dur d'emboucheures, vous luy baillerez vn (*chiappon*) pas d'asne avec les oliues ou avec les melons doux & polis, & si aux melons il y auoit des annelets ou rouelles du costé de dehors, il seroit aucunes fois plus à craindre.

Si le cheual a la bouche grande & est dur d'emboucheures vous luy baillerez vn (*scace*) mors à hotte à (*chiappone*) pas d'asne.

Si le cheual est dur de bouche, & se defend fort avec les (*chiomaz uoles*) vous luy baillerez vne poire à chiappon, ou vne campanelle à chiappon, laquelle campanelle se pourroit bien faire à cul plat ou à cul de bassin, & semblablement à chacunes desdites poires & campanelles, on pourroit encore mettre vn annelet du costé de dehors, & la façon en seroit encore bien plus gaillarde.

Et notez que tous ces (*chiappons*) pas d'asne doyuent estre sains & entiers aux mitans, auxquels doit pendre la saluiere, & tous se doyuent nouer avec les bastonnets qui tiennent les melons, & les campanelles & les poires, où s'appuye le cheual, mais quand ils sont d'une piece avec

*Saluiere,  
bauerette, à  
bahillons.*



avec les costez, fuyez les & n'en vsez point, car tels mors sont tousiours aspres & de peu de saueur.

Encore chacun de ces (*chiappons*) pas d'asne, se pourroyent bien faire avec les bracelets pleins d'annelets attachez du costé du montant, & en ces trous où on met coustumierement la Siciliane, & non aux lieux ausquels se soustient & enchasse l'emboucheure (comme au commencement on en souloit vser, & encores aujourd'huy on vse en beaucoup de lieux.) Toutesfois on les doit seulement bailler à cheuaux qui sont de fort mauuaise nature, chargez de machoires, & durs d'emboucheure, & de bouche, ou bien qui boiuent les mors. Mais faut noter que tant plus haut seront les trous des (*stanguettes*) tenons ou œils des branches où se nouënt les bracelets, tant plus en sera le mors gaillard: & de mesme vous dy-je, quand semblablement vous attacherez les bracelets aux canons: (*svenats*) coudez, & sçauz (*svenates*) coudees, comme ie vous ay dit naguieres vous en parlant.

Ces bracelets, par beaucoup de maistres, & en beaucoup de lieux sont appelez filets, anciennement tous les chiappons s'appelloient, mors à fer de cheual, en specifiant à chacun d'iceux le nom de la qualité des costez où estoit l'appuy du cheual, en ceste maniere mors à fer de cheual avec les melons, mors à fer de cheual avec les poires, scace ou mors à hotte à fer de cheual, à pas d'asne, & ainsi des autres.

Si le cheual a petite bouche, & est dur d'emboucheures, on luy pourra bailler vn simple & entier pié de chat avec les melons doux ou avec les oliues: mais s'il a la bouche grande & dure, baillez le luy encor tousiours avec les poires ou les campanelles.

Si le cheual a la bouche seiche & sans saueur, & il n'est pas fort dur d'emboucheures, & neantmoins va avec la teste basse, vous luy pourrez bien bailler vn demy pié de chat avec deux campanelles, quand outre tout cela il feroit encores les (*chiomaçuales*). Ce demy pié de chat est quasi semblable au (*chiappon*) pas d'asne, duquel ie vous ay n'agueres parlé, & y a seulement difference de ce que cestui-cy est (*spezatto*) repris & reioint par le milieu, & quarré, & vn peu plus estroit dessus le montant qu'il n'est dessous, & est entier d'une piece aux costez où le cheual s'appuye, & là encor se pourroit-il bien aggraver & attacher, & lors feroit-il moins fort, & à la Siciliane (si vous vouliez) vous pourriez aussi mettre deux ou quatre saluieres ou bauerettes. Encore se pourroit-il appeller (*chiappon spezato*) pas d'asne repris, & faut noter qu'au milieu où il se rejoint, il se peut lier & reprendre ensemble (*à perno*) à clou ou (*à chiappo*) à couplet, toutesfois repris, (*à chiappo*) à couplet, il fera le plus souuent le cheual plus ferme, plus seur, & plus iuste de reste & de col. Beaucoup de gens appellent le mors de ceste façon, vn quadret, mais notez que le montant se peut faire non seulement à pié de chat,



mais aussi à tour de bonne grace à col d'oye, ainsi qu'on fait aux (*chiappons*) pas d'asne ou entiers, ou reioints de la forme que ie vous ay dicté.

Or tous ces mors (*svenats*) coudez & ouuers, le pourront faire plus ou moins haut de montant, selon ce que vous verrez qu'ils seront plus propres à la bouche du cheual. Scachez neantmoins que plus le montant sera haut, plus il rendra le cheual suiet, & plus sera bas, plus sera le cheual libre, de sorte que l'un fera plus d'effect que l'autre : mais la plus grande hauteur qu'on doit donner au montant sera seulement d'autant qu'il suffit à rendre la langue du cheual libre, & ne faut qu'il luy offense le palais en aucune sorte, autrement seroit vne grande faute, qui estoit toutesfois en vsage au temps passé. Et notez que si le cheual n'est seur de teste, ou s'il la porte trop basse, à chacun de ces mors, soyent clos, soyent ouuers, vous faudra faire les branches droittes, & d'autant plus droittes que le cheual baisse la teste. Autrement vous deurez faire les branches tournees : & alors plus elles sont droittes & reuiennent en arriere vers le cheuauteur, tant moins gaillard fera le mors, & releuera le nez au cheual, luy faisant allonger le muffle. Et au contraire plus elles seront tournees & courront en auant, tant plus le cheual s'embridera & approchera tousiours le muffle de son estomach.

Ie vous dy dauantage, que plus l'œil de la bride est haut, plus il releue le col & la teste du cheual, & au contraire plus il est bas, plus l'abaisse. Toutesfois i'estimeray tousiours & en toutes choses le moyen qu'il ne soit trop haut, ne trop bas, mais qu'il soit commun & iuste, ainsi que requiert la proportion du mors, encōre si la necessité ne vous contraint d'autrement le faire.

Encore vous vueil-je bien aduertir, que le mors doit estre plus ou moins long, selon la grandeur du cheual, & suiuant la force qu'il a, & selon ce qu'il porte la teste : car si le cheual est de grande taille, ou foible d'eschine, ou s'il porte la teste basse & peu assēuree, si vous luy baillez le mors vn peu plus long que l'ordinaire, cela luy auance beaucoup. Neantmoins prenez garde que le mors que i'appelle long, beaucoup d'autres le pourront appeller court : car à quelque cheual que ce soit (s'il n'y auoit grande necessité) ie ne vueil point que vous baillez guerres le mors plus long d'une paume : tellement que vous deuez efforcer tant qu'il vous sera possible, de bailler plustost au cheual les branches courtes que longues : non tant courtes toutesfois qu'elles ne reuiennent à iuste mesure selon la proportion du cheual.

Et comme ie vous ay desia dit vne autrefois iusques à ce que le cheual soit tout assēuré & ferme de teste vous luy laisserez tousiours les branches droittes, & puis apres vous luy faudra bailler les tournees : lesquelles, outre ce qu'elles luy font baisser la teste à son naturel, & ainsi qu'il est requis, encores luy feront elles paroistre de meilleure grace le



mors en la bouche, combien que les branches droiçte se pourroyent bien faire auancees de telle sorte, qu'elles feroient ce mesme effect que font les tournees. Et entant que touche la temperature du mors, pour cognoistre à quel cheual faut bailler le montant plus haut, & pareillement plus hausser les yeux du mors, & les gardes plus ou moins droiçtes ou tournees, & à quel plus longues, & à quel plus courtes, pour ne vous mettre en confusion, ie ne vous en ay point voulu parler plus auant. Toutesfois si vous auez bon discours, de vous mesmes vous le iugerez, & baillerez au cheual mors plus fort ou plus leger, selon ce que vous cognoistrez grande la mauuaistié & durescé de la bouche. Et vous auise que vous ne deuez point vsfer d'autre formes de mors, que celles que ie vous vien de dire, pource qu'elles sont plaisantes & douces, & n'offensent la bouche du cheual, sinon quand il se met en quelque desordre, & luy est ceste offense necessaire pour luy seruir de chastiment, mais quand il va iustement, chacun de ces mors luy donne faueur & doux appuy, sans luy faire aucune offense, ce que parauenture ne feroient pas les autres, pource que le cheual ne s'y oseroit appuyer, & si à la fin estant hors d'haleine, il estoit contraint des'y appuyer, ils luy deschireroient la bouche & le conduiroient à pis faire, tellement que pour ordre ou desordre que peust faire le pauvre animal, il se trouueroit tousiours offensé, & ce luy seroit bien grande occasion de le destourner & egarer de teste, & qui plus est de le mettre en telle confusion qu'il ne pourroit iamais entendre la volonté de son cheuauteur.

Si vous faut-il neantmoins singulierement noter, que tout cheual se pourra le plus souuent corriger de quelque desordre ou defaut de bouche qu'il puisse auoir, sans vsfer de tant de mors, mais seulement avecques l'art, en vsant de ces trois sortes. La premiere c'est le Canon, La seconde, c'est la Scace ou mors à hotte, ou clause, ou (*suenata*) coudee ouuerte. La tierce, c'est le (*chiappon*) pas d'asne avec les melôs doux & polis, à oliues, sans annelets, ou avec les annelets: combien qu'il vous faille bien auiser à luy donner la vraye proportion, comme ie vous ay n'agueres breuement discouru.

Notez qu'il faut tousiours mettre le mors en la bouche du cheual vn peu par dessus les dents escalonnières ou crochets, pource qu'à ce moyen il ira tant plus esleué & ferme de teste, & plus seurement s'y appuyra & avecques moins de trauail on luy enseignera les posades, toutesfois on luy pourra mettre plus ou moins bas selon la force & qualité du cheual: mais generalement à tous cheuaux il suffira seulement qu'on le luy touche si haut que se posant sur les emboucheures il ne luy touche, ne batte sur les escalonnières ou crochets: car autrement il feroit souuent vn inepte mouuement de teste.

Aussi est grandement à estimer la musserolle, pource que si le che-



ual porte naturellement la bouche close, elle ne peut nuire, & encore qu'il la tienne ouuerte, elle ne luy ayde pas seulement ains le corrige de telle sorte qu'estant accoustumé à la porter (combien que puis apres s'on la luy oste) il se trouuera tellement correct, qu'il ira tousiours avec la bouche iuste & avec grande mesure : encore le fera-elle ferme de reste, & ferme de col & d'inarcature, cheminât tousiours avec son vray appuy. Et ne vueil point respondre à ceux qui la veulent blasmer : car pour le peu de discours & d'experience qu'ils ont, il vaut mieux s'en raire, & laisser leur langue deliée.

Encore vous faut-il noter que non seulement quand le cheual se manie de ferme en ferme ou à (*repolons*) passades: mais soit qu'il aille au pas, ou au trot, ou au galop qu'il courre, il doit tousiours au moins avecques vn peu d'appuy: car il en ira plus seurement, & à la rencontre, il en donnera plus ferme & plus grand heurt, comme aussi au maniement de quelque sorte qu'il puisse estre, il sera contraint de venir plus seur & tousiours en vn endroit & en vne route, egal, & iuste, & assez correct.

Quand le cheual se boit la bride ou fait (*chiomaxuoles*) bien que l'vn & l'autre vice se puisse corriger avec la qualité de la bride, neantmoins il me semble bon & bien à propos de vous dire maintenant (ainsi que ie vous ay promis parauant vous parlant des mors) ceste forme de l'en corriger, qui à mon aduis n'est pas à desestimer.

Vous prendrez vn peu plus d'vne paume de cordelle, qui sera subtile & deliée en façon d'vn lasset double & gros: & en attacherez vn au bout de l'œil de la bride dessous la gourmette, puis apres vous renuerferez au cheual la leure de dessous, & là luy mettrez la cordelle entre la leure & la genciue, à l'endroit où sont enchassées les dents, la tournant à l'autre œil de la bride, auquel pareillement vous lierez l'autre bout de la cordelle, ainsi qu'au commencement vous auiez fait à l'autre, & tant plus vous la lierez roide & tiree, tant plus fera-elle le mors gaillard, & si vous sçauiez bien dextrement nouër les deux bouts aux deux yeux de la bride, il n'y a homme qui s'auise de ce mystere. Et notez qu'au lieu de ceste cordele, on pourroit bien mettre vne chaînette, & seruira cela non seulement à le corriger à ce qu'il ne se boiue plus la bride & qu'il ne face plus de (*chiomaxuoles*) mais encores le plus souuent à cheual qui tire hors la langue, la luy fera retirer dedans, & l'allege aussi quand il s'appuye plus qu'il ne doit, & encores s'il estoit dur d'emboucheures par le moyen de cest artifice, il se fera leger, de sorte qu'il ne pourra avec icelles faire, ne defense ne force. Et fera ceste cordelle ou chaînette tout vn & mesme effer, tant avecques les mors gaillards, comme avec tout simple canon ou simple scace.

Quand le cheual fait les forcettes, si vous luy mettez la muferolle



bien estroite, & luy donnez à temps les esperons, tantost l'un tantost l'autre, & plus celuy du costé opposé à celuy duquel (*ganhueggia*) il iouë & remuë plus la face & tort la bouche, & si vous le chastiez aussi aucunes fois de la bride mesme, de l'une ou de l'autre emboucheure, de toutes les deux ensemble & luy tenez la main temperee & ferme, il se corrigera aisement de ce vice.

Encore pourroit-on bien pour sa correction le chastier aucunes fois, non seulement le piquant des esperons par le ventre, mais aussi en luy donnant de la pointe du pié, ou le battant de l'estrier dessous l'espaule ou dessus vers l'essèle, du costé opposé de celuy duquel il fait le vice: & toutes les fois qu'il fera ceste faute vous retournerez aussi à l'en corriger, le trauillant puis en une, puis en autre sorte, & par ce moyen il viendra à la fin à cognoistre l'occasion de son chastiment, & vaincu aiustera sa bouche.

Et pource que le cheual fait bien souuent les forcettes, non par mauuaisië de bouche, mais pource qu'il ne peut souffrir le montant du mors, ie vous dy que sans vser de ces artifices, ains seulement luy baillant le mors clos, ou non totalement ouuert, & plus ou moins gaillard selon que vous cognoistrez la delicatessè de sa bouche, il ira fort bien. Mais aussi vous faudra-il tenir la main ferme, & plus ou moins legere selon ce que vous verrez qu'il sera conuenable à la qualité de sa bouche. Pource qu'aucunes fois quelques cheuaux tombent en ce vice: par la faute de leurs cheuaucheurs qui n'ont pas la main feure & bien attrempee, ne l'art & l'auis de bien manier la bride pour dompter le cheual à temps, & luy faire endurer le mors avec artifice de la main, soit qu'il ait les emboucheures dures, soit qu'il les ait tendres.

Quand le cheual plonge & abaisse la teste & s'appesantit sur la bride, à chacune fois que derobant le temps il vous fera ceste contenance, vous faudra tenir la main ferme sans vous la laisser forcer, & soudain le chastiant luy bailler vn ou deux coups de tous les deux esperons. Et s'il fait ceste mine quand vous serez atresté, luy baillant ce mesme chastiment des esperons, ne le faudra point faire mouuoir hors du lieu où il se trouuera. Et s'il l'a fait en cheminant, tout soudain arrestant la main vous luy baillerez pareillement le chastiment de l'esperon, & aucunes fois de tous les deux ioints & pareils: & ne le ferez neantmoins aller plustost qu'auparauant, & ne le mettrez en fuite: & s'il retourne cent fois à ce vice, cent fois l'en chastierez vous, car par ce moyen vous le dompterez: & pareillement vous auiserez à le chastier, quand pour raison des autres fautes que ie vous ay n'aguières dictes, & vous diray encore par cy apres encore il luy aduient droit de tomber en ce vice.

Encore vous faut-il noter, quand il ne plonge pas bien & n'abaisse



pas la teste iuste & la faiet pendre beaucoup plus d'un costé que d'autre que lors il le vous faudra chastier de l'esperon contraire à celui duquel il pend & s'abaisse le plus.

Et si d'auenture le cheual estoit ardent & furieux incontinent que vous luy aurez baillé le chastiment merité, sera bon que vous luy mettiez la main sur l'incarcature du col, ou sur le garrot, en signe de careffe: car par ce moyen il ne se mettra point en fuite, & souffrant le chastiment cognoistra sa faute, & s'asleurant fera bien.

Quant au parer qu'il fera, semblablement il plongera & abaissera la teste, outre ce qu'il luy faudra tenir tousiours la main temperee & ferme, quand il fera ce desordre, vous luy faudra bailler (*suffrenata*) un tour de bride de la resne droicte: & arresté qu'il fera, le vous faudra incontinent & en l'instant chastier des esperons, tantost d'un, tâtost d'autre: puis apres vous retournerez en arriere, & encore vne autrefois cheminerez par la mesme routte, ou au trot, ou au galop, ainsi que vous auez fait parauant, & puis le ferez parer: & tiendrez ceste resne droicte avec la main droicte tousiours preste, à fin que s'il venoit encore à faire la faute qu'il a faiete parauant, vous le puissiez promptement corriger de ce costé-là: & s'il pare sans faire faute, vous ne deurez pourtant laisser de l'auiiser tout doucement, luy faisant sentir en la bouche que vous tenez ceste resne en la main, à fin que par crainte du chastiment, il cesse de retourner à son vice: & lors qu'il ne fera plus de faute, le vous faudra caresser, mais aussi tant qu'il continuera son vice, ne vous faudra iamais cesser de le chastier: & ce chastiment mesme se pourroit bien pareillement faire avecques la fausse resne principalement à un poulain, mais il ne seroit pas de si grande & si prompte correction.

Si cela ne suffit pour luy faire recognoistre sa faute, vous luy baillez le (*suffrenata*) tour de bride, avec toutes les deux resnes, mais seulement avec la main gauche, & sera ce chastiment de bride sur toutes les deux emboucheures: & ores de ceste, ores de l'autre façon le vous faudra traualier, iusques à ce qu'il se corrige.

Quand le cheual cheminant par la ville, ou par la campagne, ou mesmes quand il est arresté, remuë ou toute la teste, ou s'il iette & alonge le nez en dehors, ou tort le col à droicte ou à gauche, le vous faudra chastier tousiours de l'esperon contraire en ceste maniere. S'il meut ou tourne la teste, ou tord le col à main gauche, alors vous luy donnerez vne ou deux pointades de l'esperon droict, en tournant pareillement (si bon vous semble) un peu le poing de la bride deuers ce mesme costé droict, s'il faiet semblable faute à main droicte, vous luy donnerez semblable chastiment de l'esperon gauche, tournant pareillemēt le poing de la bride du mesme costé: & par ce mesme moyen il se corrigera de



ce vice, & se fera du tout iuste de teste, & roide de col & d'arc, & ne se remuera ou tordra plus. Et pource que les ordonnances qui suyuent ne seront moins profitables que ceste-cy, pourtant vous faudra-il esprouuer & vsfer or de l'une, or de l'autre, & puis vous arrester à celle que vous cognoistrez par experiéce plus propre à vostre cheual, & moyennant laquelle il se corrigera & amendera plus aisement & plustost, reuenant iuste comme il est requis.

Parquoy ie vous declaire semblablement que si le cheual a le col mol du costé gauche, & dur du costé droict, tenant la bride à la mode accoustumee selô la forme requise, vous pourrez prédre la resne droicte du doigt indice, laquelle resne se tiendra puis apres entre le doigt indice & le pouce. Encor se pourroit bien ceste resne droicte prendre auecques ce doigt indice, & auecques le doigt du milieu ioints ensemble. Et s'il a le col dur du costé gauche & mol du droict: vous pourriez lors tenir le petit doigt entre les deux resnes, ainsi que vous le tenez quand le cheual va iustement, & y mettre aussi le doigt annulaire ou medecin, & encore celuy du milieu: & par ce moyen de quelque costé qu'il eust ce vice, il s'efforceroit, de sorte que peu à peu il viendroit incontinent à se tourner de ce costé duquel il auroit le col plus dur.

Encor quand le cheual va touruant le muffle d'un costé ou d'autre, & ne porte point le col ferme ne la teste iuste, & tousiours seure comme il est requis, il luy seruira beaucoup de le corriger lors seulement de la bride, en ceste maniere. Quand il se tourne ou se tord du costé gauche, alors vous faudra soudain tourner & abbaissier le poing de la bride vers le costé gauche, & luy bailler la (*suffrenade*) scouee qui luy batte l'emboucheure droicte, retournant incontinent vostre poing à son droict lieu, auquel il estoit parauant, & ferez le semblable toutes les fois qu'il fera telle faute: & s'il faisoit cé desordre à main droicte, lors vous pareillemét tournant & abbaissant soudain la main de la bride du costé droict, le chastierez semblablement en luy baillant la (*suffrenade*) scouee en l'emboucheure gauche, & incontinent apres remettrez la main en son droit lieu. Encore luy pourroit-on bien donner ce chastiment sans abaisser la main, mais en tirant seulement la bride autant qu'il suffira pour luy bailler le (*suffrenade*) tour de bride en l'emboucheure opposite du costé duquel vous le voulez faire retirer, tellement que ne luy souffrant faire ces fautes, vous irez tousiours magistralement le corrigeant: mais sur tout il sera besoing que vous ayez la main de la bride merueilleusement temperee pour en faire à temps les mouuemens necessaires, & l'arrester aussi à temps comme il est requis: vous souuienne que le temperament de la main est le souuerain moyen pour rendre tout cheual bien correct & iuste de teste.

Si le cheual ne va pas seulement par fois auec le col tord ou la teste



de costé, ains continuellement va en ceste sorte pendant, rompu, mol, & tors du costé gauche, le vous faudra lors chastier non seulement de la bride, ou avec l'esperon droit, mais sera bon que vous luy appuyez le gras de vostre jambe droite sur le ventre ioignant les sangles, & que vous le poigniez legerement de fois à autre de l'esperon de la mesme jambe, & aucunes fois de ceste esperon mesmes le piquerés à bon esciër, & l'un ou l'autre ferez vous, plus ou moins, selon ce que plus ou moins croistra ou diminuera la faute. Et quand le cheual pour la peine qu'il sentira continuelle du costé droit, tournera la teste celle part, vous luy faudra incontinent leuer la jambe, & le talon droit d'aupres du ventre, & à l'instant le caresser comme ie vous ay dit souuent. Et s'il tourne ou tord le col ou la teste à main droite, le vous faudra chastier de la jambe, & de l'esperon gauche en mesme façon & de mesme ordre: car par ce moyen toutes les fois qu'il sentira puis apres vostre jambe s'accoster de l'un ou de l'autre costé de son vêtre, il ira incontinent bien iuste, & se tournera de tout tel costé que vous voudrez.

Et outre cela, au lieu de le piquer des esperons du costé duquel il a le col plus dur, aucune fois le vous faudra battre de l'estrier, ou bien du bout du pié sous l'espaule du mesme costé: car à ce moyen il se tournera de celle part pour regarder que c'est qui le fasche & tourmente en cest endroit: & ainsi que ie vous ay dict parauant, lors luy ferez, vous caresses: & à ce moyen vous verrez qu'il cessera d'aller mol & tors de la part contraire, cognoissant la cause de son chastiment & à chacune fois que vous le toucherez puis apres, ou de la jambe ou de l'esperon du costé contraire à celuy duquel il se tordra, tout soudain il viendra egal & iuste comme il appartient: & lors vous pourrez retirer l'estrier au large, & ne vous sera plus besoin de le traualier, ains le vous faudra plaisamment asseurer avec caresses & pourrez vser de l'une ou de l'autre forme de chastiment, continuant celle que vous luy cognoistrez plus propre, & ne discontinuerez point iusques à ce qu'il se soit corrigé de son vice.

Encore pour luy oster ce vice vous le pourrez bien chastier non de la bride, ou des esperons, ou du gras de la jambe, ou de l'estrier, seulement, mais aussi de la baguette par le flanc ou par le ventre au long des sangles, où on le pique coustumierement pourueu que ce chastiment se feist à temps, & pareillement du costé contraire: tellement que le chastiment ou le secours qu'on luy fait des esperons seuls, se peut faire semblablement de la baguette seule. Toutesfois il se fait plus souuent des esperons, & est de plus grand effet, & sent mieux son expert cheuauteur que celuy de la baguette: combien que pour la plus grande correction encore vous luy pourriés bien bailler l'un & l'autre ensemble si vous cognoissiez qu'il en fust besoin, & non pas autrement.

Notez



Notez aussi que toutes les fois que le cheual se tourne ou pend plus d'un costé que d'autre, il luy faut tenir la resne contraire plus tiree & plus courte que l'autre, & d'autant plus qu'il va plus tors ou pendant en ceste maniere. S'il pend plus à main gauche vous tiendrez plus courte la resne droicte: & s'il pend plus à main droicte, pareillement peu à peu vous accourcirez plus la resne gauche: & pour retenir celle qui sera besoin d'accourir, se faudra ayder de la main droicte, & encore avec cela sera-il bon de luy bailler quelque chastiment de bride. Toutesfois quand le cheual va iuste & droit, les deux resnes se doiuent tenir egales, ou la gauche vn peu plus longue: Et à fin que vous ne soyiez point contrainct de luy tenir l'une plus courte que l'autre, du commencement que vous le cheuaucherez en sa ieunesse, vous efforcerez de l'aiuster de bouche avecques les faulses resnes, luy portant tousiours les resnes egales & iustes: car par ce moyen il viendra puis apres avec iuste mesure à faire tous ses mouuemens tant d'une part que de l'autre.

Mais pour plus aisement corriger le cheual qui porte le col mol & tors d'un costé & dur de l'autre, ou bien qui tourne ou tord la teste de l'un des costez: vous irez à vos ronds, & luy donnerez tant de voltes de l'une & de l'autre main comme il vous semblera qu'il puisse conuenablement souffrir: & cependant vous le ferez aller tousiours le chastiant de la bride, du gras de la iambe, de l'estrier, de l'esperon, de la baguette, & ce du costé contraire à celui duquel il portera le col mol & tors (qui sera de la part dont il est dur à se tourner) ne vous deuoyant neantmoins iamais de la reigle & de l'ordre que ie vous ay dit n'aguières, plus ou moins variant ou renforçant ces chastimens en lieu & en temps, & au besoing: & vous souuienne tousiours de porter la main de la bride de la forme que ie vous ay parauant dicte: & vous assurez au surplus que par ce moyen il se corrigera sans faute, & deuiendra iuste & egal de col & de teste.

Et si vous voulez que bien tost il se face iuste vous cheminerez quinze ou vingt paulmes au plus, au trot ou au pas (& principalement au commencement que vous luy donnerez cest enseignement) & à chacune fois l'arresterez, & le ferez soudain volter, l'aidant de langue & d'esperon, ou du gras de la iambe du costé contraire, souuent l'arondirez de l'autre costé, & lors luy faudra tousiours faire encheualler le bras contraire de la volte par dessus l'autre, & s'il ne fait en ceste maniere la volte, avec le col ferme & iuste, & la teste ferme, vous irez le chastiant pareillement des esperons du costé contraire, iusques à ce que vous soyiez arriué à l'autre bout: & arriué & arresté là vous le ferez encore volter de la mesme main comme vous faictes retournant tousiours par la mesme routte, tellement que iusques à ce qu'il soit iuste, vous l'irez tousiours esbranlant de ce costé, & quand vous cognoistrez



qu'il viendra iuste & egal & parfaictement seur de teste & de col & de bras, vous le volterez vne fois à chacune main à dextre & fenestre, le trouuillant tout vn long espace de temps en ceste maniere, tellement que l'aller & le reuenir en arriere reuienne iusques à trente fois, plus ou moins selon que le cheual le pourra souffrir, le laissant tousiours avecques bonne bouche, & luy faisant faire tousiours la premiere & la derniere volte à main droicte. Et se faut bien donner garde de luy porter tousiours la main ferme, & temperamment la tourner vn peu vers le costé duquel le col est plus dur, comme il est requis de la tourner: & cela ne l'asseurera pas seulement de teste & de col, mais aussi le rendra plus adroit & aisé en tous les maniements qu'on luy fera faire, luy assouplissant & accoustrant les bras ainsi qu'il appartient: & se faut bien souuenir aussi quand il fera bien de le caresser d'heure à autre, & ne luy aider plus des esperons en faisant les voltes, & ne l'en chastier en cheminant, toutesfois il sera bon de neluy oster iamais le secours de la langue. Encore s'il a le col roide & dur à main droicte, il luy profitera beaucoup si vous luy prenez soudain de la main droicte la resne droicte par la moitié, & la tirant plus ou moins selon qu'il en sera besoing, & luy donnant les voltes dedans les ronds vous verrez qu'il pliera le col. Semblablement s'il a le col dur du costé gauche, vous pourrez pareillement en faisant les voltes gouverner la bride avecques la main droicte, & de la main gauche prendre la resne gauche par la moitié, & faire tout ainsi que vous auez fait à l'autre main. Toutesfois quand il est dur de col du costé gauche, il ne vous sera ia besoing d'y obseruer tant de ceremonies comme il faudra lors que vous le trouuerez dur à main droicte, pource qu'estant naturellement tout cheual plus adroit & plus prompt à main droicte: sans autrement changer la main de la bride (ce que communement semble difforme) toutes les fois que vous luy accourcirez la resne gauche, en ensuiuant les regles & les ordonnances que ie vous ay dit parauant, & que ie vous diray encore cy apres, il suffira pour sa correction.

Et si vous voulez avecques plus grande force contraindre de venir du tout se renger du costé duquel il a le col plus dur, vous tournant faudra que vous abaissiez l'espaule & tout le corps de ce costé là, & que vous teniez la teste basse regardant tousiours à l'œil du cheual, & encore sera-il bon que vous tourniez vn peu la main de la bride de ce mesme costé, ainsi que ie vous ay dit parauant: & tout soudain vous apperceurez que le cheual de cest œil vous regardera au visage, & faisant ce mouuement il sera contraint de s'amollir le col de ce costé là: mais alors mesmes que vous ferez cela, sera bon que vous accostiez du mesme costé, duquel vous auez le visage tourné, le gras de vostre



iambe au ventre du cheual, plus ou moins selon ce qu'il en sera besoing, & que ie vous ay dit en l'autre regle, & vous faudra vn peu retirer à vous celle mesme iambe & vous appuyer ferme de l'autre pied sur l'estrier pendant de l'autre costé: car d'autant plus aisement abaisserez-vous la teste de l'autre costé, duquel il a le col plus entier ainsi comme ie vous ay dit parauant: tellement que des hanches en bas vous pendrez tout d'un costé, duquel costé, pour la fosse que vous y ferez en pendant s'abaissera vn petit la selle, & depuis les hanches en haut, vous serez panché & pendant du costé duquel il a le col plus dur & roide & cheminerez ainsi tors en donnant au cheual le contrepoids de toute vostre personne enuiron vn mille, comprins l'aller & le venir, ou bien aux voltes pour l'adiuster plus aisement, vous vserez de ceste ordonnance à chacun tour auquel il portera le col plus dur. Neantmoins aduisez, que iusques à ce que le cheual soit corrigé de ce vice, vous le deurez ainsi chastier en quelque lieu de la campagne où personne ne vous voye, pource que non seulement les ignorans, mais beaucoup d'autres parauenture lesquels presument sçauoir en cest art tout ce qui s'en peut sçauoir, pource qu'ils n'entendront pas les raisons, vous voyans cheuaucher ainsi tors le pourroient blasmer, & suffira assez que puis apres on leur face voir l'effect quand l'œuvre sera accomplie. Et si d'auenture vous n'entendez si promptement ce que ie vous vien de dire, pour cela ne perdez pas l'esperance de corriger vostre cheual de tel vice: car toutes les fois que vous vserez des autres ordonnances que ie vous ay dit, vous trouuerez tant de moyen qu'il suffira pour l'en corriger: & encore ceste ordonnance & les autres vous pourront-elles beaucoup seruir pour luy oster toute creance ou accoustumance dont ie vous parleray tantost.

Si le cheual hannist, ou bien si vous aduisez qu'il pour pense à faire quelque malice avec ou contre les autres cheuaux qui sont aupres de luy & de vous, ou si vous cognoissez qu'il soit en fantasie de donner ruades, le vous faudra promptement chastier avec l'un ou l'autre des esperons, comme ie vous ay dit parauant, continuant de le piquer selon ce que vous verrez l'importance de sa malignité, & le chastier en ceste maniere. S'il fait la faute du costé gauche le faudra chastier de l'esperon droit, si du costé droit, de l'esperon gauche, & aussi au cas pareil s'il fait faute allant par chemin droit. Combien qu'encore le pourroit-on bien chastier plus ou moins avec les coups d'esperon correspondans l'un à l'autre. Et aucunes fois suffiroit le chastier seulement de la bride sur l'un ou sur l'autre emboucheure, en toutes les deux, & si cela ne suffit, vous luy donnerez le chastiment de la voix & de la baguette sur l'un ou sur l'autre flanc, & à l'auenture viendra-il tousiours



bien à propos pour vne ou deux fois luy en donner tousiours sur la teste & entre les aureilles.

Si quand vous corrigez le cheual pour quelque faute qu'il face avec vn ou deux esperons, ou avec l'vn & l'autre correspondans, lors que vous luy donnez des esperons, il secouë la teste & les aureilles, vous faudra incontinent à toute force redoubler les coups d'esperon du mesme costé duquel vous auez commencé à le chastier. Les continuant & multipliant iusques à ce qu'il se rende, & qu'arrestant sa teste sans la tourner ne çà ne là il endure les coups d'esperon & soit vaincu. Et vous donnez garde de luy souffrir ou laisser passer faute qu'il face tant soit elle petite, ains le corrigez or en l'vne or en l'autre sorte à chacune fois que vous le verrez faillir.

Et à fin de vous faire entendre plus aisement, quel est le chastiment des coups d'esperons correspondans l'vn à l'autre, ie vous aduise qu'il le vous faudra faire en ceste maniere. Quand le cheual fait la faute du costé gauche, aussi tost que vous luy auez baillé le coup de l'esperon droit, à l'instant que vous luy ostez du ventre, luy faut donner le coup de l'esperon gauche, & incontinent apres cestuy-là, luy en bailler vn autre de l'esperon droit, qui seront trois coups, deux à droicte, & vn à gauche, & de mesme façon les pourrez vous commencer de l'esperon gauche quand il fera la faute du costé droit, de sorte que vous ne le piquiez point des deux esperons ensemble: mais en guise de musique, l'vn appelle & s'uyue incontinent l'autre, & que le premier & le dernier soient du costé contraire à celuy duquel se fait le desordre, & le seul du milieu de ce costé: & avec ceste proportion vous pourriez multiplier les coups, selon ce que vous verrez que besoing en sera, & le faisant aussi en temps & lieu, vous verrez naistre de grands & vertueux effects.

Quand le cheual en cheminant dresse vne aureille & abaisse l'autre, & en fait certains mouuements qui font sembler qu'il ait vne mouche là dedans, lors vous faudra tenir sur vos gardes, car le plus souuent le cheual faisant ceste contenance pour pense de faire quelque meschanceté, comme de faire faults, ou pannades, ou ruades, ou se mettre de trauers, ou de se planter, & dresser, ou de faire quelque autre mouuement dangereux & desesperé: & lors incontinent & à l'instant, vous faudra interrompre son tel pensement, en luy donnant deux ou trois coups de l'esperon contraire au costé duquel il remue plus l'aureille, & à chacune fois qu'il y retournera, vous luy ferez le semblable, & si vous estiez en campagne il viendroit bien à propos à l'instant que vous luy donnez le coup de l'esperon le chastier ensemblement d'vne voix horrible, & encore ne seroit-il pas mauuais de luy bailler vne (*souffrenade*) tour de bride sur l'vne des emboucheures.

Si le cheual estoit fort maling, & ne laissoit pas de poursuuyre ses



desseins & malices pour penſees, alors il ſeroit beſoing de le chafter, non ſeulement avec voix horrible & grands coups d'eſperon, mais de baſtonnades entre les oreilles : & bien que ſa gloire & ſa malice ſoit ſi grande, qu'il ne laiſſe pour tel chaſtiement toujours d'eſtre vicieux, il ne faudra pas neantmoins vous deſeſperer : car ie vous oſe aſſeurer, pourueu que vous ne vous laiſſiez point gagner, que le chaſtiant courageuſement & à propos vne fois ou deux de ceſte façon qu'il ſe rendra ſubiection à vous, & que tant que vous ſerez monté deſſus, il ne fera plus de faute : & qu'il laiſſera ces penſements fantaſtiques, de ſorte que puis apres vous craignant il fera tout ce que voudrez : toutesſois vous faudra-il toujours eſtre bien aduiſé de le caſſer incontinent que vous le verrez bien faire, & de le laiſſer toujours avec bonne bouche.

Auſſi vous faudra-il bien prendre garde qu'aucunes fois à la verité, il luy entrera dedans l'oreille quelque petite mouche, ou bien le pindra pres de là autour de la teſtiere, & à ceſte occaſion & non par malice, il fera quelque mouuement des oreilles : & partant ne meritera-il pas alors ſi rude chaſtiement ains ſuffira le ſolliciter modeſtement avec l'eſperon contraire, à fin qu'il ſe deſparte de ſe penſement de la mouche qui le poind, ou d'autre choſe qui le faſche.

Si d'adventure le cheual receuant le coup de baſton ou de baguette au long des oreilles, ſe leue droit ou uſe ſouuent de ceſte façon pour quelque autre occaſion que ce ſoit : vous faudra lors incontinent que vous le verrez ſouſleuer, luy donner de grands coups de baguette, en façon d'auant main ou main droite entre les bras & les genoux, de façon que les ploiant, il n'oſera plus faire ceſte faute. Et notez auſſi qu'à vn cheual qui eſt couſtumier de ſe dreſſer en l'air, auant qu'il vienne à faire ceſte faute, vous luy faudra donner vn coup de baguette ſur les bras, & pour plus grande ſeuerité luy porter puis apres la baguette abaiffée & pendante deuant les genoux, & lors il faudra qu'elle ſoit longue iuſques à terre : & par ce moyen cognoiſſant le cheual la ſubiection & correction de la baguette, laiſſera du tout ceſte malice.

La creance ou accouſtumanche procede au cheual d'une de ces occaſions : ou pource que le mors eſt trop gaillard, & pource qu'il le ſerre & contraint d'un coſté, à raiſon du mal qui l'offenſe en la bouche, il craint à ce volter d'un coſté plus que de l'autre, ou pource que ne ſachant pas bien encore dextrement agencer & tourner les bras ne le col à la volte, il la prend à tel contrecœur, que puis apres ſe ſentant las, il s'eſſorce de ne volter en aucune maniere : & aucunes fois combien que le cheual ait eſté bien nourry : toutesſois n'ayant pas beaucoup d'haieine il fera le ſemblable, ou bien pource qu'un cheuauteur mal expert, luy aidera à la volte au rebours de bien, le cheual n'entendant point ſa volonté ne ſe pourra reſoudre, & à la fin ne voudra volter : ou à l'aduen-

*Creanza  
creance, ton-  
te manniſe  
couſtume  
duite, nour-  
riture, do-  
ctrine, vice,  
obſtination.*



ture du commencement il aura esté mal cheuauché, de sorte qu'il se sera rompu & tors le col d'un costé, & l'aura dur de l'autre, & partant pour le moindre despit ou fâcherie qu'on luy face, il ne daignera volter, ou bien le cheual cognoistra la bestise & sotise de son cheuaucheur qui aura peur de luy, & qui ne l'osera battre ou chastier quand il ne voudra pas volter, & partant le laissera en son opiniastre fantasie, qui est vne grande occasion au cheual de s'obstiner & endurcir en sa mauuaisié: & combien que ie vous puisse dire diuers moyens de le corriger, selon la diuersité des causes, desquelles procede ce vice, si ne les vous vueil-je pas icy deduire particulièrement, craignant vous mettre en confusion, mais ie vous diray seulement les moyens generaux pour oster au cheual toute creance & accoustumance de quelque occasion qu'elle puisse proceder: & pource que naturellement le cheual est plus prompt à volter à gauche qu'à droicte, il me semble qu'il vault donc beaucoup mieux que ie commence à vous deduire comment il se doit bien corriger quand il a la creance à main droicte.

Quand le cheual a la creance ou ce vice à main droicte, vous faudra aller en campagne où soit le gueret labouré de frais à seillons, & là puis apres marquer & stamper deux tours ou ronds quasi tels que ceux que ie vous ay monstrez & figurez parauant, & de la forte que ie vous monstrey & figureray tantost, & commençant à la main droicte, où il a la creance, vous ferez sus l'un de ces ronds enuiron trois tours au trot, & encore ne sortant point de la routte de l'autre rond, pareillement à main droicte, vous faudra faire aussi au trot trois autres tours & puis apres retournerez encore sur la routte du premier rond, & y ferez encore autant de tours comme vous fistes au commencement, & continuerez ainsi iusques à ce qu'il vous semblera que le cheual soit assez prompt de ceste main. Et notez que ces six tours (qui sont trois sur chacun rond) s'appelleront vne volte entiere à main droicte, tellement que sept voltes & demie (qui sont quarante cinq tours) ou neuf voltes & demie (qui sont cinquante sept tours) sera nombre conuenable pour tout cheual de grand haleine qui fera vne telle faute.

Et apres que vous aurez acheué vos tours, vous en irez au trot par vn droit chemin aussi long qu'est la course d'une iuste carriere ou peu ou moins, ou comme est vne iuste passade, & au bout vous arresterez avecques les posades, & puis le caresserez vne piece luy passant la main par dessus le col: mais aussi faisant toutes ces choses & celles que ie vous diray encore cy apres, faudra que vous teniez tousiours la resne droicte plus courte que l'autre, & puis apres qu'il sera arresté & reposé, vous ferez mettre vn homme au deuant de luy, tenant vne baguette en la main, & lors vous tournerez le poing de la bride pour luy faire



prendre la volte droicte, & celuy qui sera deuant luy avec la baguette, lors luy en donnera sur le muffle du costé gauche deux ou trois coups, & iusques à ce qu'il se tourne ne cessera de l'en frapper, faisant toujours cependant ce mouuement & son de la langue qu'on a accoustumé de faire aux voltes quand on le manie: & de peur que le cheual alors ne se dresse, aucune fois cestuy-là luy donnera de la baguette sur les bras, & le trauaillant & molestant de ceste façon vous verrez qu'à la fin il se voltera: mais aussi tost qu'il aura prins la volte, il le vous faudra caresser en cheminant iusqu'au bout des ronds au lieu dont vous estes party, & apres que vous serez là arresté, il y aura semblablement vn autre homme avec la baguette en la main, lequel cependant que vous efforcerez lors de luy faire prendre la volte pareillement à main droicte, le menacera, ou le battra de la baguette au costé gauche du muffle comme il fit au commencement: & s'il est dur & mal-aisé à se volter, à fin qu'il y vienne plus aisement, à chacun bout de la carriere apres qu'il aura posé, vous luy ferez faire enuiron deux pas en arriere, & soudain luy ferez prendre la volte: mais apres qu'il l'entendra & la prendra bien, il ne sera plus besoing de luy faire faire ces pas, pource que celuy seroit occasion de tomber en desordre, & de faire les voltes du tout abandonnees & trop esleuees sur les hanches: mais cheminant ainsi & le faisant volter peu plus peu moins de sept fois, il sera vaincu, tellement que le maniant de ceste façon trois ou quatre iours ensuiuant, vous le trouuerez à la fin bien corrigé de ce vice & confirmé en sa bonté.

Et notez que si la creance n'est fort grande, & si le cheual n'a le col dur d'un costé, & mol & rompu de l'autre, quand à la fin des ronds sortant il aura cheminé au trot par la raye de droit en droit, alors apres qu'il aura volté à droicte, & il retournera au trot vers l'empreinte des tours ou ronds, il seroit encor bon quand il sera à ce bout là le faire volter à main gauche, & l'autre fois qu'il arriuera à l'autre bout, vous le pourriez bien faire volter à droicte, avec le secours de la langue, & ce chastiment de baguette de celuy qui est au deuant de luy, ainsi continuer de mesme ordre, & à la fin vous le pourriez arrester vers les ronds, à fin que la derniere volte, ne plus ne moins que la premiere se fist à main droicte. Et puis apres quand le cheual arriuera à peine ou force vers celuy qui tiendra la baguette deuant luy, se voyant seulement menacer, & oyant ce mouuement de langue encore qu'on ne luy touche point, neantmoins se voltera. Et alors sans ce qu'il y ait plus personne avec baguette au deuant de luy, toutes les fois qu'on luy abaissera la baguette à main gauche & qu'on luy fera ce mouuement de langue, il prendra bien aisement les voltes. Mais aduisez que celuy qui se mettra



ainsi avec la baguette au deuant de luy, soit aussi accort & experimenté comme celuy qui le cheuauche: car il gist grande prudence & experience à bien sçauoir menacer le cheual, & à le frapper en temps & en lieu commode, & à le secourir de la langue & d'autre ayde en saison, & de fuir tant qu'il est possible de luy donner coup sur le muffle.

*Stampe, imprimée, remarquée, portrait.*

Or icy ensuiuant est la stampe & la figure des tours & ronds desquels ie vous ay n'aguieres parlé, laquelle est bien peu differente à celle que ie vous ay baillée parauant, pource qu'elle contient le circuit en tout rond enuiron deux cens paulmes: mais par ceste figure suiuaute & par les mots qui y sont escrits & parce que ie vous ay delia dit & ie vous diray encore cy apres vous apprendrez plus aisement la forme qui luy sera propre, aux tours qu'il faudra faire dessus.

Ces six





Demie Voie droite en retour

Demie Voie droite en retour

nant parcy don estes Veni

Et arrive aux roches suaves -  
parvenant en Volant -

Demie Voie gauche

Demie Voie droite

De cest antre vasse parvenant a main droite 3. tous et puis p  
icy retourner au pr. rond.

Par on sort

Premierement sous feres a ceste main droite 3. tous et puis  
nous continueres.



Ces six tours à main droicte qui sont trois de chacun costé ne feront qu'une seule volte : & faut noter que si le cheual a la creance à main gauche, vous le faudra faire commencer à l'autre rond, & semblablement luy changer de main de trois en trois tours, le voltant neantmoins à la mesme main & de droit en droit aller parer, & apres qu'il aura paré (ainsi comme à la creance à main droicte) alors qu'il volte, le faudra chastier de la baguette au costé contraire, c'est à dire du costé droit du muffle, (qui est le costé contraire à celuy duquel il tient la creance) le faire frapper de la baguette par cest homme à pied qui sera droit devant luy; tellement que vous userez des mesmes façons & ordonnances dont vous aydastes pour corriger la creance de main droicte: car ce me semble superfluité de vous le dechiffrer plus amplement par le menu, & repeter encore tant de fois ce que vous pouuez de vous mesmes aisement tousiours entendre.

Et à fin que vous puissiez rendre compte pourquoy aux premiers ronds que ie vous ay figurez au second liure, quatre tours font une volte, & à ceux-cy il faut six tours pour chacune volte, ie vous aduise que ceste en est la raison. Quand vous faites trois tours à chacun costé, si au second tour vous changez de main, il ne seroit pas acheué, ains à ce second vous manqueroit pour clorre la volte un peu moins de la moitié, & partant vous faut-il fournir ceste moitié, & au tiers changer de main: & combien qu'au troisieme toute la volte ne soit close, il n'y a point de danger pour cela, car les deux tours furent clos parfaitement & iustes, ainsi comme furent tousiours parfaits & iustes les premiers.

Et pource qu'il y a deux sortes de voltes, l'une est la volte large des ronds, l'autre est la volte estroicte du manement, tant à passa des comme de ferme en ferme, il m'a semblé bon de vous dire, à fin que vous soyez bien instruit & sans vostre confusion, que selon ce que ie vous ay dit parauant, & que ie vous dy maintenant, & vous diray encore cy apres de ce mot, volte, ainsi cognoistrez vous quand ie parle de l'une ou de l'autre, c'est à sçauoir, ou des demies voltes des passades que lon appelle voltes simples, ou des voltes redoublées, ou bien des voltes qui se font aux ronds.

Au surplus ie vous aduerty, que ces reigles ne se doyent pas prendre à l'extremité & à pied leué: car si vous rencontriez un cheual fascheux & dur à quelque tour, lors il feroit bon retourner quatre ou cinq fois à la mesme main, & par la mesme routte, & plus ou moins selon que besoing en fera.

Encore se pourroit bien corriger le cheual de sa creance sans ces tours, de la façon que ie vous vois dire. Vous faudra aller en la campagne en un chemin long, qui des deux costez soit renclos des hayes ou de murs: & là ne faudroit pas monter dessus le cheual, mais luy adiufter les resnes sur le col avec le bouton abaissé, & puis apres s'il a la creance à main droicte, vous luy lierez un bout d'une aniere ferme en guise de



courroye à l'œil droit du mors, auquel on luy met la faulſe reſne droite au commencement qu'on le cheuauche: & l'autre bout à la ſurſangle du meſme coſté, & faites qu'il ſoit bien tiré, à fin que le cheual vienne aiſement à ſe plier avec le col, & puis apres le laiſſant ſeul, vous mettez au deuant de luy avec vne baguette en la main, & vn autre ſe mettra pareillement derriere luy avec vne autre baguette, & premierement vous qui ſerez deuant, luy baillerez vn coup de baguette ſur le coſté gauche du muſſe, & incontinent il voltera à droite, & à chacune fois qu'il tournera le nez vers celui qui ſera derriere, il luy baillera ſemblablement vn coup de baguette ſur le coſté gauche du muſſe, & auſſi le trauaillerez-vous vne piece: dont il aduiendra que puis apres ſans autre ſecours de baguette il voltera de ſoy meſme promptement pour la crainte des coups qu'il aura receus, tellement que peu à peu de ſoy meſme il ſe chaſtiera, ſe voltant puis apres bien aiſement, & ſans contrainte du coſté duquel parauant il ne ſe vouloit pas voler.

Mais auſſi notez que toutes fois & quantes que frappez le cheual ſur le muſſe de la baguette il luy faut enſemblement donner le ſecours de la langue avec ce mouuement & ce ſon que ie vous ay dit, & encor que vous ne l'en frappiez, neantmoins iuſques à ce qu'il ſe volte de ſon bon gré, ne faut pas que ce ſecours luy defaille, à fin qu'il ſ'accouſtume tellement à cela, que puis apres toutes les fois qu'ilorra ce ſon de langue il ſe tourne en voltât gaillardement, ſans luy donner autre ſecours ne faueur.

Et ſi le cheual en faiſant ces voltes ſe laiſſoit tomber de fortune, n'en faites point autre compte, mais le laiſſez tomber tant qu'il voudra, car il ſe releuera de luy meſmes, & ſ'en trouuera à la fin mieux correct & chaſtié. Puis apres quand vous apperceurez qu'il ſera vn peu las, vous luy deſtacherez ce bout de lanier ou courroye qui eſtoit attaché à la ſurſangle, & puis monterez deſſus, & en cheminant au trot tiendrez ce bout de la main droite, & au bout d'environ cinquante paulmes vous arreſterez: & lors, tout ainſi que ie vous ay dit en la reigle des tours, faites qu'un homme à pied ſe mette deuant luy avec vne baguette en la main, qui le menace du coſté gauche du muſſe, & n'y aura pas grand danger qu'il luy baille encore là quelque coup de baguette iuſques à ce qu'il ſe volte, & alors vous luy donnerez vn peu de ſecours en luy tirât ceſte lanier ou courroye qui vous ſeruira de faulſe reſne: & ne vous oubliez pas auſſi en luy donnant la volte de faire ces mouuements & ſons de la langue que ie vous ay dit parauant, & à ce moyen il ſe voltera. Et cheminant en auant iuſques au lieu dont vous partiſtes, vous arreſterez là vne autre fois, & puis volterez pareillement à main droite avec le meſme chaſtiement d'un autre, qui ſe viendra mettre au deuant de luy avec la baguette: ou bien ſ'il n'y auoit perſonne deuant luy, vous le ferez vous meſmes voler à gauche, & arriué à l'autre bout du commencement



tout ainſi que vous luy aurez deſſa fait, vous le volterez à main droite, & le ſecourerez vous meſmes, & celuy qui ſera deuant luy avec la baguette. Et notez que par trois fois ſeulement il le faudra ayder avec la faulſe reſne, & puis apres luy oſter: car pour le faire voler, ſuffira ſeulement la crainte de la baguette que tiendra celuy qui ſera deuant luy: & à la fin ſans ce qu'il y ait perſonne deuant luy, toutesfois que vous qui le cheuaucherez, encore vous luy monſtrerez touſiours voſtre baguette du coſté contraire, & l'ayderez touſiours de la langue, en luy tirant & tenant la reſne droite plus courte que l'autre il ſe voltera promptement & ſans difficulté.

Quand le cheual a la creance à main gauche, il vous faudra ſemblablement lier vn bout de laniere ou courroye à l'œil de (*l'incaſtatura*) l'entailleure ou emboiture de la bride, c'eſt à dire au lieu où on a de couſtume de mettre la faulſe reſne au poulain, & attacherez ſemblablement l'autre bout à la ſurſangle, vſant de la meſme maniere que ie vous ay dit parauant à la creance de main droite, & conformement à toutes ces ordonnances le vous faudra touſiours egallement corriger, changeant ſeulement la main, ou le coſté duquel il luy faudra donner le chaſtiement où le ſecours.

Quelques cheuaucheurs encore ſimples & peu experts, ſe pourroyent bien trouuer auſſi mettant au cheual vn petit licol ſeulement avec la corde qui luy pende du coſté duquel il ne ſe veut point voler: & quand il fera reſiſtance de tourner de ce coſté-là, vn homme à pied qui tiendra ce bout de corde, la tirant le fera voler. Et ſe doit mettre ceſte corde dedans le nœud ou l'anneau du licol ou cheueſtre, de ſorte que la tirant il ſ'eſtreigne, & que la laſchant il ſ'eſlargiſſe, & lors le cheualier ou cheuaucheur qui ſera deſſus le cheual luy aydera pareillement de la langue, à fin que prenant ceſte accouſtumanche oyant ſeulement le ſon de la langue ſans autrement tirer la corde il volte ainſi que lon voudra.

On luy pourroit bien encore mettre vne petite corde longue d'environ ſix paulmes, vn bout de laquelle ſeroit attaché à l'œil du mors où ſ'attache la teſtiere, du coſté contraire à celuy duquel il a la creance, & puis faudroit luy faire paſſer ceſte cordelle entre la leure de deſſous & les genciues de la façon que ie vous ay dit parauant pour corriger le cheual qui fait chiomazuoles, & ſe boit le mors, mais il ne faudra pas nouër l'autre bout à l'autre œil, ains le paſſer par dedans, & puis la tirer tant que le cheual pourra ſouffrir, ou tant qu'il deura ſuffire à ce qu'elle ne luy ſorte de la bouche, & ſans luy donner tour à l'entour du fer ſeulement faudra faire vn nœud à la corde aupres de l'œil du mors, de peur qu'elle ne ſe laſche trop, & puis le cheualier ou cheuaucheur monté deſſus le cheual, tenant ce bout de corde en la main en guiſe de faulſe reſne, à chacune fois qu'il tirera le



cheval sera contraint de se volter, & neantmoins ne faudra iamais oublier de luy donner encore ensemblement le secours de la langue. Et pource que la cordelle en la tenant longuement pourroit offenser la main, ie vous auiſe qu'on la luy pourroit bien bailler longue ſeulement, d'autant qu'il en faudra d'un œil du mors en paſſant dedans la bouche iuſques à l'autre œil, & au bout qui ſort de ceſt autre œil vous pourrez lier vne fauſſe reſne de cuir.

Encore y a-il beaucoup de bons cheualiers qui corrigent la creance avec artifices de fer : car les vns ſont faire expres des mors, leſquels ont dedans la bouche du cheual vne moitié ouurée d'une façon, & l'autre moitié d'une autre : & du coſté de la creance mettent la moitié la plus gaillarde, à fin que le cheual ſe volte plus promptement du coſté du quel la bride l'offenſe le plus : mais cela me ſemble faux & ſans vray fondement, tellement que pour pluſieurs raiſons que ie vous pourrois dire ie le vous deſens expreſſément, pource que pour quelque occaſion que procedaſt la creance, cela ne viendrait pas bien à propos : car il faut toujours maintenir la bouche du cheual en ſauueur, & eſt beſoing que le mors luy ſoit iuſte, & qu'il ne le preſſe point plus d'un coſté que d'autre : ioinct auſſi que ſi vn tel mors luy faiſoit perdre la creance d'un coſté, il la luy feroit aiſement perdre de l'autre coſté, & ſans cela encores ne viendrait il iuſte ne de col ne de bouche, & luy faudroit bien tenir la main toujours preſte & legere, & finalement ſans ſon naturel appuy, il ne viendrait iamais ny égal ne iuſte aux voltes doubles. Et ſi d'auenture vn tel mors en quelque cheual particulier faiſoit quelque bon eſſect, cela ne viendrait pas de la qualité du mors, mais de la bonne nature du cheual. Toutesfois ie vous aduiſe qu'il y pourroit auoir exception en la ſcace cloſe ou (*ſvenata*) coudee & ouuerte de quelque forte qu'elle ſoit ou qu'elle puiſſe eſtre. Car au cheual qui a creance ou qui va avec le muſſe tors, ſe pourroit bien faire en la ſcace, ſeulement du coſté de la creance vn pourfil releué de la façon que ie vous ay dict en vous diſcourant des mors de bride : car le cheual ſe ſentant preſſé de ce coſté, pourra perdre ce vice ſans perdre la ſeureté de ſon appuy : & cela luy profitera beaucoup pour le faire aller iuſte & égal comme il appartient : & pource qu'on me pourroit dire que pour les meſmes raiſons on deuroit pour corriger ce vice uſer d'un mors avec deux melons doux & ronds, en l'un deſquels du coſté de la creance fuſt proprement entaillé vn anneau au milieu du melon : neantmoins ie vous dy pour reſolution que tel melon annelé vous ne vous deuez ſeruir aucunement, pource qu'il offenſe plus l'emboucheure que ne fait la ſcace avec ſon pourfil : & encore qui luy ſeruiſt pour ceſt eſſect, ſi luy feroit-il puis apres grád deſtoubier des autres vertus neceſſaires toutesfois qui n'auoit que ce ſeul reſpect, on y pourroit bien trouuer auancement.



Si le cheual a la creance à droicte ou à gauche on luy pourra aussi mettre du mesme costé le crochet auxquels accrochela maille de la gourmette, ce crochet est appellé des Italiés, (*guācetto*) & faudroit qu'au derriere de ce crochet y eust deux petites pointes aiguës en façon de deux ergoz de coq: car se sentant le cheual puis apres poindre en la barbe de ce costé là pres de la bouche, aisement il se voltera. Et au commencement pour luy monstrier seulement le chemin de la volte, & l'acheminer à ce qu'il doit faire, il ne seroit pas mauvais de l'aider deux ou trois fois avec la fausse resne. Aussi pourroit-on bien au nœud de ceste, S, qui soustient ce crochet, pareillement faire deux pointes par en haut du costé qui s'attache à l'œil du mors, de sorte que ces pointes le poindront en haut vers le coing de la bouche & non pas si bas vers la barbe comme feront les pointes du crochet: & par fois il aduiendra que quelque cheual se corrigera plustost luy mettant ces pointes de l'autre costé du muffle, combien qu'il soit plus naturel & plus à propos de les mettre du costé duquel il ne se volte volontiers, comme ie vous ay dit parauant.

Encore luy profitera beaucoup, au lieu de ces pointes de crochet & cel S, luy mettre deux ou trois petis clouz qui seront fichez en la testiere dedans le porte-mors, de sorte que les pointes seront dedans, & les testes dehors. Cest expedient pareillement est bon à vn cheual qui porte la teste ou le muffle tors, & alors en faudra de la façon que ie vous diray: & bien que ie vous en aye amplement parlé parauant, si vient-il maintenant à propos de vous en dire ce peu de paroles, & puis apres ie vous declareray vn beau secret pour faire perdre au cheual toute creance & mauuaise accoustumance.

Quand le cheual porte le muffle tors, lors vous luy mettrez ces trois petis clouz de dedans le porte-mors, & en ficherez encores trois autres dedans la musserolle, & si nonobstant cela il porte encore toute la teste torse, outre ces petis clouz que vous aurez fichez à ce costé de porte-mors & à la musserolle, vous en mettrez encore trois à la testiere: neantmoins aduisez que si le vice n'est point trop grand, suffiroient seulement ceux que vous aurez mis en la musserolle, avec les trois autres de la testiere: mais si le cheual estoit enuieilli en ce vice, il auroit besoing de tous ensemble, & plus ou moins selon que vous verrez que mestier en fera. Et à fin que personne ne s'en aduisast, il seroit bon estant la testiere double, & pareillement la musserolle, de les descoudre, & au second cuir de dessous attacher ces petis clouz de la façon que ie vous ay dit, & puis les faire recoudre comme elles estoient parauant tellement que les pointes viendront piquer la chair & les machoires du cheual, & les testes seront couuertes du cuir de dessus la testiere: ou bien ces petis clouz se pourroyent ficher dedans vne petite lame de fer aussi large



que la testiere, sous laquelle ceste lame seroit attachee du costé duquel vous le voudrez chastier, & cela seroit de plus grand chastiment, & luy faudra faire porter ces clous enuiron dix iours, & les luy ostant puis apres à raison des escorcheures qu'ils auront faictes en la iouë, & enuiron les maschoires du cheual, il demeurera tousiours en crainte, & ira tourner du costé mesme, comme s'ils y estoient encore: & y a des cheuaux ausquels mettant ces clouz du mesme costé de la testiere duquel ils vont tors & tournez, ils seruiroyent pour les faire aller iuste. Encore au cheual tordant le muffle se pourroyent bien bailler le (*guancetto*) crochet avec ceste, S, dont ie vous ay parlé parauant, & laquelle seule luy pourroit encore beaucoup profiter.

Mais gardez de vous abuser: car toutes ces choses bien souuent ne suffiront pas pour le corriger de son vice, ains sera besoing avec tout cela adiouster l'ordre & la discipline que ie vous ay parauant dicté. Car encore que la discipline fust toute seule, neantmoins si elle luy est bien donnee en temps & à propos, elle sera de si grande vertu, que mesmes sans le secours de tous tels artifices elle pourra faire aller le cheual droit & iuste: comme aussi par mesme moyen on luy pourra faire perdre la creance de la forme que ie vous ay ia dit, & vous diray encore cy apres sans le petiticol, sans la cordelle, sans le (*guancetto*) crochet sans les clouz aisement & parauenture en vne heure: mais de toutes ces formes & artifices pourra bien faire son profit le cheualier ou cheuaucheur qui n'a pas seur iugement pour la temperature de la main, & qui ne se sçait resoudre en ce qui est propre au cheual pour son chastiment.

Et pource qu'il se trouuera quelque cheual lequel du commencement iusques à la fin de sa discipline aura tousiours tors le muffle & le col, auquel vice par la faute & negligence de son cheuaucheur n'aura iamais esté pourueu, tellement qu'il aura fait son col tors & plié comme vn arc d'vn costé, & dur & entier de l'autre, faisant monstre d'estre né ainsi contrefait. Partant ie vous dy qu'il faudra à tel cheual vser avec grand soin tous ces moyens & formes d'artifices en temps & lieu, & avec mesure & proportion conuenables: & outre tout cela il luy sera bon pour quelques iours du costé duquel il sera dur luy attacher vn bout de laniere ou courroye au mors ou bien à l'œil de (*l'incastature*) l'entaillure ou emboiteure ou à la muserolle que lors vous luy mettrez & non à celle qui tient ordinairement à la testiere, & l'autre bout à la surfangle comme ie vous ay dit par auant en la reigle de la correction de la creance le faire chacune fois en ceste sorte ar-  
rester vn long espace de temps, & encore pour quelques iours on le pourroit cheuaucher encore tousiours, puis apres avec la laniere ou courroye plus fort tiree, & encore profiteroit-il tousiours



bien plus de luy mettre le licol, & semblablement du costé duquel il est dur luy lier vn des bouts. Et notez encore que iusques à ce qu'il fera iuste ne le faudra cheuaucher que d'une main seulement, faudra aussi que son cheuauteur soit homme bien instruit en ceste discipline, pource que la variant il rendroit son vice incurable: toutesfois ie vous dy derechef que le cheuauteur fondé en bonne doctrine sans tout cela luy osterà, & cestuy-cy & tout autre vice avec les ordonnances & les regles que ie vous ay dit & vous diray encore, & avec le bon discours du maistre qui l'enseigne. Et auient aucunes fois au cheual qui a ce vice & chemine avec le col tors, que luy retournant les crins de l'autre part de luy-mesme peu à peu se redresse, & principalement le corrigeant à temps avec la main de la bride, ou avec l'esperon, ainsi que ie vous ay raconté au 69. 70. 71. 72. 73. & 74. fueillets, & autres.

Il y a beaucoup de secrets merueilleux, lesquels en discourant de paroles semblent de peu d'importance: mais apres qu'on a cognu l'effect & l'issue, on en fait bien fort grand compte. C'est ce qui me donne le courage de vous dire maintenant vne chose, & vn moyen bien seur pour dompter & vaincre tout cheual, & le faire promptement volter en despit de luy de quelque costé qu'il vous plaira: toutesfois suis-je bien certain qu'à plusieurs hommes de ce monde l'effect en semblera du tout contraire en l'oyant, & d'autant plus qu'ils auront moins de discours & d'experience, dequoy ie ne fais pas grand compte, asseuré que plusieurs bons cheualiers & cheuauteurs de bons discours cognoistront par experience la verité du secret que ie vous voys dire.

Vous faudra aller en la campagne où il y ait guerret profond & mol, & là vous ferez toutes vos ordonnances maniant le cheual à passades au trot ou au galop, mais il vaudroit mieux commencer aux passades, aux pas, puis apres le continuer au trot. Et quand vous verrez qu'il fera difficulté de volter d'un costé & qu'il s'en defendra, alors vous luy ferez demonstration d'une grande ferocité, avec voix haute & cris horribles le menaçant & le battant d'un baston entre les aureilles & de tous les deux costez de la teste, & plus du costé duquel il se volte plus volontiers, ou de la part que vous cognoistrez qu'il vous sera plus facile à le chastier, le requerant & semondant souuent de se volter: & si pour tout cela il ne fait compte de volter du costé que vous voudrez, lors vous le piquerez & luy tirant & secouant la bride le ferez cheminer à tors & à traers, or au trot, or au galop, or à la course, de droit en droit, ou par les tours au rond, & ferez l'un ou l'autre, & l'un & l'autre plus ou moins selon qu'il vous semblera plus propre à le dompter & vaincre sa malice, & luy donner repos, & sans ordre ne respect le travaillez & molesterez en ceste façon pour le chastier & le vaincre. Et si luy prenoit le frein au dents ou s'appesantissoit sur la bride & fuyoit à la



à la desespérance, ne vous estonnez pas pour cela, ains le travaillez & chastiez tant plus fort avec voix hautes & cris horribles, & puis l'arrestant en ceste colere, efforcez vous vne autre fois de le faire volter, & s'il ne se veut volter recommencez encore à le tourmenter & travailler de mesme sorte, & ne cessez point de le chastier & molester courageusement iusques à ce qu'il se reduise à bien faire, & à se tourner du costé que vous voudrez: & quand il s'y sera volté, lors le vous faudra manier vne piece à passades au trot ou au galop, ainsi qu'il vous semblera le meilleur: & pour luy ôster l'enuie & l'opportunité de se dresser debout sur les iambes de derriere, encore qu'il en eust desesperee volonté faudra avant qu'il vienne à desordonner & dereigler ainsi desespéremment, d'heure à autre le battre de la baguette sur le deuant des bras: mais aussi quand il viendra à recognoistre sa faute, & à faire les voltes libres à toutes mains & sans resistance, vous desisterez incontinent de le manier & tourmenter en ceste furie, & le caresserez de voix, de main, & de repos, le pourmenant au petit pas: & toutes les fois qu'il retournera à faire semblable desordre, vous recommencerez semblablement à le chastier rudement comme deuant, & vous pouvez tenir assuré que par ce moyen il se chastiera de sorte, que puis apres venant à le cheuaucher vous le trouuerez hors de ce vice, & plus prompt à se tourner de ce costé que de l'autre: mais aussi faites resolution de ne partir de là du matin au soir iusques à ce qu'il soit vaincu: car ce seroit grande faute de le laisser obstiné en son desordre, combien qu'il pourra aduenir qu'en moins d'une heure il se rendra & abandonnera à vostre volonté, & se voltera mille fois de chacun costé. Cestuy est l'un des souverains remedes pour ôster au cheual toute créace, en usant toutesfois à temps & lieu comme il appartient: Et en cecy ne vous doit sembler qu'il y ait aucune contradiction de paroles, car le desordre fait à temps est le plus grand ordre du monde: & ne pensez point que le cheual s'en oublie: car il craindra puis apres si fort son cheuauteur, que s'il le vouloit mettre au feu il ne craindra point d'y entrer. Mais aussi donnez vous bien garde quand il vous respondra à propos, de le plus battre ou tourmenter en aucune maniere, ains en le faisant cheminer & pourmener assurez le tousiours de la baguette, & plus fort de ce costé duquel le chastiement fut plus rude, comme ie vous diray cy apres plus amplemēt.

Encore vous vueil-je dire vn autre moyen qui n'est pas moins à estimer que le precedent, & qui peut beaucoup profiter. Quand le cheual fait difficulté de se volter d'un costé, ou se volte plus volontiers d'une main que de l'autre, incontinent apres que vous l'aurez molesté & conuie de se volter du costé duquel il est dur & fuit la volte, il le vous faudra pour vn temps laisser volter avec vne grandissime furie du costé duquel il se volte volontiers & sans defense ou contrainte, & ce



pendant vous ne cesserez point de le tourmenter de la voix & de la baguette entre les oreilles, & sur la teste, mesmes du costé duquel il est dur à se volter, & d'une continuelle haleine le ferez tant volter de ce costé duquel il sera prompt à tourner, tousiours en le battant & tourmentant, iusques à ce qu'il soit las & fasché & quasi prest à se ietter en terre, ou que par extreme lasseté, il commence à perdre l'haleine, & lors estant las de virer & volter de ce costé là, si vous le voltez puis apres du costé duquel il faisoit resistance en l'aidant toutesfois des secours qui luy sont propres dont ie vous ay parlé parauant, il s'y voltera avec moindre difficulté & fascherie, n'ayant point esté trauaillé de ce costé, mais aussi quand il s'y voltera ne le faudra plus trauailler ne battre. Car apres qu'il aura receu tels aspres chastiemens avec fascherie insupportable quand il voltoit du costé duquel il auoit accoustumé de se tourner plus volontiers, & venant à receuoir non coups de baston ne chastiemment de cris ne de voix, ains caresses & applaudissemens quand il sera tourné & volté du costé duquel il estoit plus dur & plus difficile, alors il se trouuera tellement correct que malaisément retournera-il plus à ceste obstination de volter d'une main & non de l'autre. Mais notez que la pratique & experience, plus que l'escriture & la langue, vous peut enseigner les circonstances des temps & lieux, & des qualitez des cheuaux, & aussi semblablement vous peut monstrier à quel sera plus propre & conuenable ceste reigle de chastiemment que l'une des autres.

Et ordinairement à chacune fois que vous aurez chastié le cheual tât de ce vice que d'autre quelcôque, que ie vous aye dit ou que ie vous diray cy apres, il le vous faudra tousiours cheuaucher la matinee ensuiuant: car il en ira beaucoup mieux, & se trouuera plus prompt & memoratif, & assez sensible à cognoistre vostre volonté, & à du tout se conformer en sa vertu, à raison du chastiemēt qu'il aura receu le mesme iour precedent.

Si le cheual est retif, ce vice luy procede le plus souuent de la faute de son cheuauteur par vne de ces occasions, c'est à sçauoir, ou que le cheual est tant poltron & fayneant, & a tant peu de cœur & de force, qu'estant trop tourmenté il perd du tout le cœur, & s'aneantit de sorte que se despirant & obstinant il ne veut point passer ny aller auant: ou qu'il est superbe & gaillard de sa nature, de sorte que quand il se sent trauailler & tourmenter pour peu qu'il soit pressé d'haleine, il se defend avecques sauts: & (*conagrupparsi*) amoncellemens & ruades, & autres telles malices, ou bien fera tout cela si tost qu'on commence à le cheuaucher, de maniere que s'il apperçoit lors que son cheuauteur le craigne, il prendra vne animosité & courage si grand qu'en despit de luy ils'arrestera, & fera infinies meschancetez: & de ces deux especes



de retifs la pire est celle qui procede de poltronnerie , & de peu de cœur & de force. Combien qu'il y ait encore d'autres cheuaux non seulement gaillards de nature, mais aussi rebours & farouches & de deux volontez, lesquels pensent tousiours à resister & se defendre, & ceux-là sont encore pires que tous les autres.

Quand le cheual retif à faute de cœur & de force , il le vous faudra cheuaucher en vn long chemin, ferme par les costez de murs ou de hautes hayes, & vous mettre à l'vn des bouts & faire mettre derriere le cheual quelques hommes avec des baguettes ou bastons, & des autres avec des pierres en la main & quand il ne voudra pas aller auant, ou au pas, ou au trot, ou au galop, incontinent ces hommes qui seront derriere luy donneront bastonnades & coups de pierres sur les iambes, & sur les iarrêts, & ne cesseront de crier & le menacer rudement à haute & horrible voix, & vous qui serez monté dessus, demeurerez coy, & vous ne direz pas vn seul mot: mais eux tant que le cheual perseuerera en son obstination, & ne voudra franchement aller auant ne fineront de crier & le menacer, & le tourmenter avec impetuosité & furie grande, en la maniere que ie vous ay dicté. Neantmoins quand il se rendra & sera vaincu & passera allant auant, tous ces hommes à l'instant se tairont & cesseront de le tourmenter, & vous qui le cheuaucherez commencerez à le caresser sur le col, & ainsi allant & venant vous passerez le long de ce chemin enuiron huit fois, & puis descédrez de cheual doucement, ou bien vous en irez au petit pas iusques à la maison : & pour quelques iours iusqu'à ce qu'il soit du tout franc à cheminer & aller auant, vous luy continuerez ceste discipline, le chastiant de ceste façon à chacune fois qu'il fera le retif: Et deuez sçauoir ceste reigle comme certaine & bien experimentee: & au moyen de laquelle tout cheual retif deuiendra franc & de bonne volonté.

Et notez que cela mesme se pourroit faire non seulement en vne rue longue & close des deux costez, mais aussi en vne campagne grande & large ou en vn gueret, mais le trauail des hommes à pied, seroit bien grand, pource que fuyant le cheual à trauers champs & s'eslargissant, de part ou d'autre pour la liberté de l'espace, ils se laisseroyent bien plustost, & auroient beaucoup plus de peine à le suiure pour le chastier.

Encore y a il des cheuaux, lesquels outre ce qu'ils ne veulent point aller auant, encore sont-ils tant obstinez que tant plus vous les tourmentez, & plus ils reculent en arriere: & partant ie vous aduertie que combien que le cheual ait ce vice, neantmoins il ne vous faut pas laisser de le chastier en la maniere que ie vous ay dicté, renforçant tousiours d'hommes, de pierres, & de bastons plus sa malice & obstination sera grande: & encore seroit-il bon de le faire volter aucunes fois du costé du-



quel il recule, & fait semblant de vouloir aller & l'y faire furieusement cheminer au galop furieux & estroit l'espace d'une carriere, le menaçât tousiours de la voix, & le battant entre les oreilles & sur la teste, & puis le volter derechef vers le costé auquel il refusera d'aller, & le forcer de passer avant, le corrigeant lors de la parole & de la voix plus que du baston, & s'il chemine, lors vous taisant le caresserez, & à la fin il se rendra, & obeira seurement à vostre volonté, cognoissant clairement qu'il aura eu beaucoup moindre fascherie à cheminer avant avecques caresses, qu'à s'arrester obstinément, ou reculer en arriere, & à courir & galopper avecques tant de coups & bastonnades.

Et si d'aventure il persistoit encore en sa malice, & ne vouloit cheminer, vous luy pourriez faire faire une demie volte, & incontinent apres, luy tirant la bride le faire reculer en arriere environ dix pas, avec la plus grande furie qu'il sera possible & puis le faire volter luy tournant la teste, du costé duquel il la tenoit premierement, & où il ne vouloit pas passer avant, & le semondre de cheminer: & à ce moyen il aduient souuent que le cheual s'achemine à bien faire.

Et à fin que plus aisement vous le puissiez du tout corriger de sa malice, outre toutes ces reigles, vous luy pourriez encores lier une corde au tronc de la queue l'entortillant au tour de ce tronc comme s'entortille le ruban ou trouffe queue quand vous le cheuauchez & la laisser pendre & trainer à terre environ la longueur de six pas. Puis apres vous faudra pareillement cheuaucher le cheual par le mesme chemin & vous efforcer de le faire aller avant au pas, au trot, ou au galop, en l'espace en laquelle il aura accoustumé de se deffendre & l'arrester le plus souuent: & s'il ne veut cheminer avant, ains se recule en arriere, soudain un homme à pied prenne celle corde pendante & la tire en arriere vers luy: lors le cheual pour la crainte qu'il aura de se faire ainsi tirer en arriere, passera avant s'efforçant d'eschapper des mains de celui qui le tirera par derriere: & si tost que le cheual ira avant, faudra soudain que celui qui tiendra ceste corde la lasche, & lors le cheual se sentant ce traineau de corde à la queue, cheminera encore plustost: & à chacune fois qu'il se voudra ainsi deffendre & faire le retif, cest homme qui le suiura par derriere reprendra incontinent la corde & la tirera à soy, & incontinent qu'il commencera à cheminer avant, la laissera, & pour plus forte correction vous le ferez tousiours outre cela molester de bastons, de pierres, de menasses & de cris, comme ie vous ay dit parauant.

Et cela vous seruira pour plus grande seurété: car en tirant ceste corde, elle se pourroit bien destacher du tronc de la queue du cheual (comme aisement il peut aduenir) & s'en venir toute à celui qui la tire, principalement s'il ne sçait bien faire le dernier nœud de la corde avec le



poil de la queue, ce qui ne se peut bien dire & exprimer de paroles, partant le faudroit voir à l'œil. Et pource, pour assurance plus grande à celui qui ne scauroit faire ce nœud, m'a semblé bon de vous aduertir, qu'il faudra attacher le premier bout de la corde à la boucle de la selle à laquelle lon attache la croupiere, & puis apres l'entortiller autour du tronc de la queue: & à ce moyen elle sera ferme & assuree sans iamais se deslier pour force qu'on luy face en la tirant, & en viendra meilleur & plus seur effect.

Quand vous cognoistrez que le cheual sera retif seulement à raison de sa gaillardise, & par la faute du cheuauteur qui fust couart & eust crainte du cheual, alors vous monté sus luy irez en vn champ labouré de frais, & quand en luy baillant sa leçon il fera semblant de s'arrester & de ne vouloir aller auant au pas, au trot, ou au galop, incontinent qu'il s'arretera, ou avec ruades ou sans ruades, ou qu'il fera semblant de s'arrester comme ie vous ay dit en la reigle precedente qu'il vous falloir tenir coy & vous taire, maintenant tout au contraire vous fardra le menacer & crier apres luy à haute & horrible voix, & luy donner bastonnades sur la teste, & entre les aureilles & sur le deuât des bras, & combien qu'il face lors quelque semblant de sauter ou se ruer & mettre de trauers, ou de se planter & arrester, de se coucher, alors tant plus il s'efforcera de faire telles ou pareilles malices, tant plus vous faut-il renforcer & redoubler vos menaces, cris & bastonnades, & pour le traouiller dauantage luy donner à temps en furie les voltes de l'vne main, & de l'autre, ou bien de celle de laquelle il vous force le plus: & à la fin quand il s'aduitera qu'il ne vous peut offenser ne vaincre ne de pensée ne d'effect, il se rendra tellement subiect à vous qu'il cheminera puis apres de tous les costez, & tout ainsi que vous voudrez, & se maniera sans aucun vice ou desordre. Mais tout ainsi qu'à l'autre reigle, n'oubliez pas aussi tost qu'il se rendra vaincu & obeissant de le caresser de la voix & de la main sur le col, & le faites aller au long du champ enuiron dix fois au trot, & puis apres au galop, & à la fin au petit pas: & quand il retournera à sa mauuaise & obstinee volonte, vous recommencerez semblablement à le chastier.

Combien que le cheual soit retif par sa gaillardise, neantmoins vous le pourriez bien corriger & chastier de la forme que ie vous ay dicté premierement parlant de la correction du cheual retif, à faute de cœur & de force, comme aussi cestuy-cy se pourroit bien corriger par le seul chastement du cheuauteur, combien que l'autre chastement, duquel ie vous ay parlé premierement soit beaucoup plus naturel.

Notez que quand le cheual recognoist les grands coups qu'il a receus sur la teste & entre les aureilles, il suffira puis apres de le chastier



seulement de voix & de cris hauts & horribles, & avec temperament les croistre & diminuer ainsi que croistra & diminuera son obstination & sa malice, & d'autant plus que vous apperceurez par la qualité de son poil & par autres signes qu'il soit naturellement rebours & farouche, & de deux cœurs. Et sçachez que contre vn tel cheual ne fut, n'est & ne sera iamais meilleur ne plus seur chastiment & qu'il craigne plus, que la voix de l'homme: laquelle est de telle efficace & vertu, qu'elle ne le confond, ne destourne, ne debauché, ne esgare de soy, ne affoiblit de cœur, ne met en fuite, ne le despise & obstine, ne le desesperé & abandonne, comme font bien souuent les bastonnades: l'esquelles bien qu'elles facent de grands effects, & soyent causes d'infinites vertus, aussi les faut-il donner en temps & lieu, & puis apres luy faire congnoistre avecques les caresses & applaudissements que la faute fust occasion de son chastiment.

En vne grande necessité, & lors seulement que le cheuaucheur n'entend & ne tient ny doctrine ne temps ne mesure à dompter le cheual, ny à luy faire recognoistre sa faute, vous prendrez vn chat le plus mauuais que vous pourrez recouurer; & le lierez à la renuerse le ventre dessus au bout d'vne longue perche en guise d'vne pique, & longue environ de seize paumes, mais le faudra lier de sorte que la teste & les pieds luy demeurent francs: & quand le cheual fera semblant de faire le retif & de ne vouloir pas cheminer auant, vn homme à pied prendra ceste perche & soudain mettra le chat, ores entre les iambes, ore aux iarrêts, ores entre les cuisses, & souuent entre les couillons & sur la croupe, & luy & autres qui seront à l'entour, lors menaceront & crieront apres le cheual qui sera par ce moyen contrainct de se rendre & aller auant, mais encores faudra tousiours que celuy qui sera monté dessus se tienne coy & se taise, & que seulement il prenne garde à le caresser tousiours quand il commencera à bien faire.

Encore sert il beaucoup pour chastier vn cheual retif, de prendre en la main droicte vn clou ou vn poinçon, & lors qu'il fait difficulté d'aller auant, l'en poindre & piquer bien fort par derriere, à l'environ de la bouuhe où s'attache la croupiere, & pour malice ou desordre qu'il face soit de fauts ou de ruades ne cesser iamais de l'en poindre iusques à ce qu'il cesse de ses malices, & qu'il se rende prompt à cheminer auant. Mais aussi incontinent qu'il sera vaincu, il ne le faudra plus poindre, ains de la mesme main droicte le caresser sur le col: & si quelque fois puis apres il se souuenoit de renchoir en son vice, lors aussi tost que vous luy toucheriez sur la croupe seulement avec la main ouuerte sans autrement le poindre du clou il s'aduiferoit de sa faute & se corrigeant chemineroit auant au desir de son cheuaucheur.



Après que le cheual sera vaincu, & ayant perdu sa mauuaise opinion, cheminera franchement sans contrainte, lors vous le pourrez bien manier au pas, au trot, & au galop, aux passades & aux voltes, & luy mon-  
strer la manière de les faire dextrement, & d'encheualler les bras, & de faire la iambette au maniement, & toutes les autres vertus & dexteritez des maniemens dont ie vous ay discouru parauant, & vous parleray en-  
core cy apres.

Messire Vincent Respin de Naples, me dict vn iour qu'il auoit eu de l'ecurie du Roy vn cheual qui estoit retif de longues annees, & qu'un fois il luy fit lier derriere la queue vn herisson par vn pied: lequel ne se prit pas plustost à se herisser & crier, que le cheual en eut si grand peur, qu'il commença incontinent à aller auant & à courre de grande vitesse, tellement qu'il deuient puis apres si prompt à la course, qu'il y eut bien à faire à l'adiufter de bouche pour l'arrester & garder tousiours de prendre à chacune fois la course.

Mais combien qu'alors tel remede se trouuaist bon & bien à propos pour corriger vn cheual de tel vice, ie vous dy neantmoins que ce seroit vn bien grand desordre de vous en seruir à tout propos, pource qu'il aduiendroit qu'il estourdirait & feroit desesperer quelques cheuaux qui n'entendroyent point vostre volonté: comme aussi seroit-ce de leur lier deslous la queue de la croupiere vn petit chien ou quelque autre animal mordant & de grande voix, qui pende enuiron deux paumes, & qui soit bien lié d'une corde qui passe entre les cuisses du cheual, laquelle le cheuaucheur tiene de la main droite, & la tire pour faire crier le chien, & ainsi molester le cheual: ou bien au lieu de l'animal luy lier par derriere en la mesme forme vn fer long enuiron d'une paume & demie, & large d'environ trois doigts, tout plein de pointes en guise d'espines, & lors que le cheual ne voudra cheminer, luy tirer semblablement la corde pour le poindre de ces pointes, & ainsi le faire aller. Et partant prenez pour resolution que tous tels chastiments sont de peu d'importance, & qu'il vaudra beaucoup mieux s'uyre les ordonnances & les reigles que ie vous ay baillees parauant avec soing & diligence, car il n'y a cheual tant retif qui par le moyen d'icelle ne se corrige de son vice. Toutesfois ie ne vueil pas nier qu'il ne soit bien seant à vn Escuyer ou cheualier d'auoir cognoissance de ces chastiments, & de tous autres quelques petits & de peu d'importance qu'ils soyent, & de tout ce qui peut seruir à corriger tousiours le vice d'un tel cheual: desquels combien que ie vous peusse parler plus amplement, toutesfois pource qu'ils ne me semblent point profitables, j'ay mieux aimé vous en finir icy le compte, pour passer outre à vous dire choses de plus grand effect, & de plus grande substance.

Mais s'il vous tombe entre les mains vn cheual, lequel en le cheua-



chant apres qu'il aura vn peu cheminé, ou quand il sera arresté, ou en quelque autre sorte que se soit se couche à terre: vous ferez qu'un homme à pied bien expert s'arreste deuant luy au lieu auquel vous aurez encore deliberé de le faire arrester, ou que vous sçaurez qu'il se voudra coucher: incontinent que le cheual s'approchera de luy, cestuy-là le menaçant d'un baston avec hauts & horribles cris, les haussant & abaissant de voix en temps & lieu, selon qu'il aduifera que plus ou moins luy croistra la fantasie de se coucher, & avec gestes terribles le regardera tousiours entre deux yeux, à fin de l'estonner par ce moyen & le rendre subiect. Et à la fin le cheual en aura si grand' peur qu'il perdra la volonté de se coucher, & regardant encore avec grande crainte cestuy-là entre deux yeux demeurera coy & ententif à la volonté de son cheuaucheur, lequel alors cependant qu'on le chastiera de ceste façon, se tiendra coy, & se taira sans faire aucun mouuement: mais puis apres il faudra faire trotter le cheual par les ronds, & mettre à l'entour des hommes à pied qui facent tout le semblable, & à ce moyen il se corrigera: & si d'auenture il se couche à terre, vous le ferez tenir là à force quelque espace de temps en despit de luy, le chastiant cruellement de la voix, & à grands coups de baston sur la teste, & entre les aureilles & de tous les costez que vous le pourrez frapper, & si pour tout cela il ne se corrige, ce sera la faute de celuy qui sera deuant luy, & pareillement des autres qui seront à l'entour de luy aux ronds, lesquels n'auront grace ne raison, ne mesure, ne contenance assez fiere pour le bien corriger. Et en ce cas ceux pourront bien vser d'un baston long enuiron de six paumes, au bout duquel ils attacheront vn petit bateau de paille ou d'estoupe qu'ils allumeront, & incontinent que le cheual se couchera ou fera semblant de se coucher, ils luy mettront soudain sous le nez: & lors le cheual en aura si grand frayeur tant de la flamme qui luy estincellera aux yeux comme de la fumee qui luy entrera dedans les nareaux & du feu qui luy bruslera le nez & la teste qu'il sera contrainct de se leuer. Ce chastiment se pourroit pareillement bailler par derriere à vn cheual retif, ore aux iambes, tantost aux iarets, ore entre les cuisses, tantost aux cuillons: mais doucement, & tant qu'il suffiroit pour luy donner crainte sans l'offenser.

Encores quand le cheual se couche, il seroit bon de luy mettre à chacun costé vn homme à pied tenant vne seringue pleine d'eau en la main lequel incontinent que le cheual se coucheroit ou feroit semblant de se coucher, luy ietteroit ceste eau dedans les yeux. Et cela pourroit bien profiter pareillement à la creance, pourueu qu'on iectast l'eau en l'œil du costé contraire de la creance: & par ces moyens & chacun d'iceux il aduiendra peu souuent que lon ne face du tout perdre au cheual la mauuaise & vilaine coustume, encore que le cheuaucheur soit peu ingenieux



genieux & peu expert : toutesfois ie vous declare qu'un bon escuyer ou accort cheualier, & de bonne discipline iamais ne s'aidera que bien peu de telles sortes de chastiments, pource que par son bon discours, & de sa propre vertu il fera sans tout cela semblables effects en milles autres diuerfes manieres.

Encore vous vueil-je dire qu'il y a beaucoup de cheuaux lesquels cheminent franchement & ne sont point retifs, & ne se couchent point à terre : mais quand ce vient à passer vne eau grande ou petite qu'elle soit, ils ne veulent pas passer, & dauantage se couchent dedans. Et ne faut point douter que tels cheuaux ne soyent nez sous le signe du Lion qui a grande influence & participation du feu : & toutesfois tous ceux qui sont nez sous ce signe ne sont pas subiects à ce vice, comme aussi il n'est pas vray, sous correction, que lon cognoisse tel vice au col du cheual au signe de l'espy, ou aux dents quand elles luy tombent, ains la vraye cognoissance qu'on en peut auoir, est de les voir tomber & coucher en l'eau. A tel vice corriger n'y a point de plus seurs remedes que ceux que ie vous vois dire. Vous ferez cheuaucher le cheual qui a coustume de se coucher en l'eau par vn vallet, & ferez aller trois hommes à l'entour de luy : & quand le cheual sera entré dedans l'eau, tant celuy qui sera monté dessus comme ceux qui seront aupres le forceront à toute force de mettre la teste sous l'eau, de sorte que l'eau luy entre dedans les oreilles, & faudra qu'ils ne la luy laissent hausser pour mine qu'il face : ains outre cela qu'ils luy donnent force bastonnades, & se mettent tous à crier hautement & horriblement apres luy, & s'il fait force pour se hausser, qu'ils le forcent au contraire de tenir la teste sous l'eau en despit qu'il en ait : & apres qu'ils l'auront longuement trauaillé en ceste façon, incontinent qu'il aura leué la teste hors de l'eau, & commencera à respirer, luy faudra donner force bastonnades entre les oreilles : & puis apres luy replonger encore à toute force la teste dedans l'eau, & quand on luy aura assez longuement tenu, & il se fera leué la teste hors de l'eau, & vous l'en voudrez faire sortir, tous ces hommes le suiuront incontinent à grands cris & fortes menaces, & avec lourdes bastonnades, iusques à ce qu'il soit hors de l'eau : mais aussi quand il sera dehors, il ne le faudra plus tourmenter : car ce luy seroit donner occasion de desordre ou autre plus grand vice.

Puis apres le iour ensuiuant vous le ferez autre fois cheuaucher par ce vallet, & entrer en la mesme eau : & quand il y entrera, si celuy qui sera monté dessus s'apperçoit qu'il face semblant de s'arrester pour se coucher, & aucunesfois deuant qu'ils s'en apperçoie, incontinent que le cheual sera entré en l'eau, sans luy donner loisir d'y penser qu'il le pique des esperons, & luy donne bastonnades sur la teste, & entre les oreilles, & aux flancs, le menaçant avec haute & horrible voix : car par



ce moyen il interrompra son pensément , & le fera passer seurement. Et se trouuera des cheuaux auxquels il ne fera point besoing de donner le chastiement precedent, ains avec ce dernier seulement se corrigeront aisement.

Encor luy pourroit-on bien faire perdre ce vice luy faisant passer vn nœud courant à l'entour de la bourse des couillons, & faisant sortir entre les cuisses de derriere le bout de la corde: & lors celuy qui sera dessus le cheual prenant ce bout de corde en la main droicte entrera dedans l'eau, & quand il apperceura que le cheual fera semblant de se coucher, incontinent il tirera la corde, le piquât ensemble des esperons & le menaçant de la voix: & si le cheual pour ce chastiement passe auant sans se coucher, luy faudra à l'instant lascher la corde, & le nœud qui sera courant pareillement se laschera sans plus luy donner de fascherie. Et autant de fois qu'il retournera à son maling pensément de se coucher, celuy qui le cheuauchera luy recommencera semblablement le pareil chastiement en toutes les formes que ie vous ay dit: & si le cheual (nonobstant tous ces chastiemens) ne laissoit à se coucher, luy faudra pour renfort plonger la teste dedans l'eau de la maniere que ie vous ay dit, tant que l'eau luy entre dedans les oreilles & luy tirer la corde du nœud courant qui luy ferrera les couillons, à fin que par la douleur qu'il sentira il se corrige de sa faute.

Ie vous vueil bien aduertir que les anciens à tous cheuaux retifs de quelque espece que ce fust, vsoient semblablement du nœud courant: & neantmoins que cela ne me semble pas bon d'vser d'une chose, quand le cheual perseuere en sa faute, laquelle outre ce qu'elle ne porte point seur remede, encore offense-elle sa santé: ce que ne feront pas les autres chastiemens & les reigles & ordonnances que ie vous ay parauant amplement declarees: car toutes les fois que perseuerant en icelles on vsera du temps, mesure & proportion conuenable, l'effect & le succez en sera heureux & certain: & doit on vser de ce nœud courant seulement en extreme necessité pour corriger vn cheual traistre & enuicilly en ceste mauuaise accoustumance de s'arrester & de se coucher en l'eau. Or vous vueil-je maintenant parler du vice contraire au retif, qui est quand le cheual tire & passe auant en despit de celuy qui le cheuauche: lequel vice ne procede pas seulement de ce que le cheual a mauuaise bouche, mais aussi de la creance que luy donna son premier cheuaucheur, laquelle fut sans ordre, reigle ne raison, pource qu'estant le cheual trop sensible & trop vis, ou trop dur de bouche, comme ie vous ay declare parauant, ne le pouuant son cheuaucheur vaincre ne dompter, ne luy donner à entendre sa volonté, ne quand il doit s'arrester & parer, tirant à la main & prenant le frein aux dents ne s'arretera pas, ou s'il s'arreste, il fera vn desordre d'arrest & de contenance. Lequel vice se corrigera



non avec la bride seulement, mais avec la crainte du chastiment que vous luy donnerez, qui sera tel que ie vous vois dire.

Vous tombant entre les mains vn cheual entaché de ce vice, vous commencerez à le cheuaucher avec plus grand esgard & diligence, que si ce fust vn poulain. Et premierement sera besoing en vn long chemin & fermé des deux costez que vous luy appreniez à s'arrester sur le pas, puis sur le trot, puis apres sur le galop: & chacune fois qu'il s'arretera apres le trot, le pas, ou le galop, vous luy ferez faire les posades, desquelles ie vous ay enseigné parauant la forme, avec les secours & chastimens necessaires. Mais pource qu'il aura pris ceste accoustumance & maligne liberté de s'en aller & tirer auant sans s'arrester, vous faudra bien garder de le faire courre pour deux ou trois mois durans, ains à chacune fois qu'apres le galop il aura fait les posades, vous ferez mettre deuant luy vn homme qui aura vne baguette ou vn baston en la main, qui lors luy battra legerement les bras, & peu souuent le muffle, & le fera ainsi reculer en arriere peu plus, peu moins de cinq paumes: & à ce moyen le cheual cognoissant vostre volonté, incontinent quil sera arresté, & verra deuant luy celui qui tiendra le baston en la main, & sentant encore que vous luy tirerez vn peu la bride, se reculera de soy mesme sans se faire battre. Puis apres qu'il sera bien ferme & bien aisé à parer, & bien seur à se retirer, vous irez encore au mesme lieu & sans le piquer des esperons ne frapper de la baguette, & sans mot dire, ou trop le forcer vous luy baillerez doucement la carriere. Et quand vous ferez aupres du lieu auquel il a de coustume de s'arrester sur le galop lors vous luy aiderez de la voix à parer, & encore celui qui sera deuant luy l'aidant semblablement de la voix pour plus grande seureté, le menacera pareillement du baston: & s'il s'apperçoit que le cheual face semblant de vouloir tirer auant & passer outre, il luy en donnera vn grand coup sur le muffle: mais ie suis seur qu'vsant en temps & lieu & bien à propos des reigles & ordonnances que ie vous vien de donner, il ne sera ia besoing de luy donner coup de baston: car oyant seulement la voix dont vous aurez accoustumé d'vser en faisant les posades, & se sentant ensemble tirer la bride, & voyant deuant soy cest homme tenant le baston, il s'arretera aisement de soy mesme, & aussi tost qu'il sera arresté, vous commencerez à le caresser, & ne plus ne moins que vous fistes à la fin du trot ou du galop, vous le ferez reculer en arriere, & puis apres allant & venant vous le ferez pourmener par ce chemin enuiron six fois, vous arrestant tousiours en ce mesme lieu auquel vous aurez accoustumé de parer. Et puis apres pour quelques iours ne le faudra plus faire courre, mais le faire aller au trot & au galop ainsi qu'au commencement: & vous souuienne de luy mettre tousiours deuant luy celui qui tiendra le baston en la main, lequel encore



sans auoir baston pourroit bien tenir en ses mains certain nombre de pierres, & les luy ietter à temps vers le muffle, ou contre les bras, mais alors il seroit besoing d'auoir la main fort asseuree pour tirer la pierre, ce qui n'adiendra gueres; & partant ie serois d'aduis qu'on ne s'amusast iamais à luy ietter de pierres, mais si on mettoit deuant luy, vn ou deux hommes qui eussent des petits boteaux de paille allumez & attachez au bout d'un baston de la façon que ie vous ay dicté pour corriger le cheual qui se couche à terre, ce luy seroit correction grande pour le faire soudain parer. Neantmoins vous vueil- ie asseurer que seulement avecques la bride qu'il porte, sans ces pierres & ceste paille, avec les autres corrections que ie vous ay parauant dictes & qui sont trop plus à louer, facilement ils s'arrestera. Encore ceste paille allumee pourroit seruir à la correction d'un cheual qui a creance, en luy mettant du costé contraire à la creance pour le faire soudain tourner de la quelle creance, combien que ie vous en aye parauant amplement parlé, pource qu'il est maintenant venu à propos, ie vous ay bien voulu dire ce mot en passant; non pource toutesfois que ie vous conseille de vous en ayder.

Or considerez & aduisez bien combien profite l'aspre chastiment, pourueu qu'il soit rude & terrible. Et pour vous en faire preuue ie vous dy qu'assez de fois on a veu quelques cheualiers & escuyers, lesquels par fortune s'estant mis à faire courre leur cheuaux en vne grande campagne, despitez de ce qu'ils leurs voyent auoir si mauuaise bouche, & pource entrez en grande cholere & quasi en volônté de les faire mourir à raison de leur grande malignité, les auroyent fait courre si longuement & desesperément, les battans tousiours des esperons & de la baguette entre les aureilles & de tous costez, les menaçant à hautes & horribles voix, que les cheuaux perdans l'haleine & plus ne pouuans, se seroyent à la fin arrestez de soy-mesme, tellement que le iour suyuant les faisant courre en iuste carriere & à la fin leurs tirans vn peti la bride ils s'arrestoyent aisement & sans contrainte. Mais ne pensez pas pourtant que ie vous vueille conseiller d'vser de ce chastiment: car outre ce que cela desuoye & desesperé le cheual, & le met en grand danger de sa vie: encore n'en reuiet-il tousiours bonne issue, pource qu'à quelques cheuaux de mauuaise fantasie, il est besoing faire connoistre avecques plus grand artifice la vraye cause de leurs chastiments: & le vous ay dit à fin que vous soyiez bien expert à l'intelligence du cheual pour vous donner garde quelle sera sa promptitude aux bonnes & artificielles corrections, à chacune fois que l'homme le chastie avecques temps, mesure & raison. Mais ce chastiment desesperé seroit bon à vn cheual lequel tirant à la main & prenant le frein aux dents, fuyroit & vous emporteroit & forceroit.



Et vous faut noter & retenir ceste reigle generale que iusques à ce que le cheual se sçache bien tenir & parer au pas & au trot, ne luy faut point donner de galop: & puis apres iusqu'à ce qu'il se sçache bien tenir & parer au galop, ne luy faut iamais donner carriere ne course. Et si vous voulez qu'il ne face point les posades, il suffira seulement à la fin du pas, ou du trot, ou du galop, quand il sera arresté en luy tirant la bride, & luy donnant la crainte de celuy qui sera deuant luy, avec le baston luy faire faire quelques pas en arriere, & puis suyure la reigle que ie vous ay dicté: toutesfois faisant les posades ils'acheminera à se tenir plus seurement & certainement.

Mais si vous voulez avec moins de peine le corriger de ce vice, outre toutes ces reigles vous luy faudra bailler vn mors conuenable & bien propre à la qualité de sa bouche, ainsi comme ie vous les ay remarquez au commencement de celiure.

Et combien que le cheual fust de la pire nature du monde, & enuieilly en ce vice de tirer auant & passer outre en despit de son cheuaucheur, si sera-il aisé à corriger en luy baillant le chastiment suyuant les ordonnances & les reigles que ie vous ay dictes, & luy mettant la cordelette sous les genciuës, attachee aux yeux du mors, comme ie vous l'ay amplement déclaré, combien que la cordelette seule le plus souvent fera cest effect avec vn simple mors, mais apres que par ce moyen il sera bien chastié de la bouche, il ne luy sera plus besoing ne de cestuy ny d'autre secours, ains tousiours puis apres il s'arrestera & tiendra en luy tirant seulement la bride.

Neantmoins notez que pour entretenir iuste & en bonne haleine le cheual, tant en ce que ie vous ay dit, comme en ce que ie vous diray encore cy apres, ne vous faut iamais laisser vos tours ou ronds, & puis de l'allegier sur le pendant, & faire vos posades.

Mais pource que beaucoup de gens iugent seulement selon ce qui se presente à eux de prime face, & ne fondent point les raisons où il les faut fonder, & partant pourroyent-ils dire que le chastiment du baston fait le cheual craintif & luy oste la hardiesse, j'ay esté d'aduis de vous declarer que ceste opinion est faulse: car quand on corrige le cheual incontinent qu'il a fait faute, apres qu'il s'en sera corrigé il cognoistra clairement que sa malice en fut cause: & cela se void manifestement par l'experience que luy mesme continuellement vous en monstre: car apres que par le moyen du chastiment il sera corrigé, il ne retournera iamais puis apres à faire la faute, ne de mouuoir la teste, ne de la creance, ne de faire le retif, ne de fuir & tirer à la main, ou se déborder de bouche, ne de se coucher en terre ou en l'eau, ne de se ietter de costé, ne des autres fantasies, toutesfois quand on luy baille le coup de baston sans ce qu'il ayt fait aucune faute, alors il se trouue con-



fus, & ne pourra refoudre ne penser la cause pour laquelle on l'aura battu: tellement que tousiours apres quand il verra le baston ou la baguette, il sera tout espouuanté: & ne se peut pas faire pire chose que de battre cheual, principalement sur la teste, quand il vous obeit & va bien. Et partant vous ay-ie dict & diray encore cy apres qu'il est besoing que le cheuaucheur ou escuyer donne le chastiment & le secours ou ayde au cheual, en lieu, à temps, & avec mesure. Et pource qu'on me pourroit dire qu'il semble quasi impossible que le cheual ayt tel discours: à cela ie responds qu'estant le cheual créé de Dieu pour s'assurer & se conformer à la volonté de l'homme, ne se faut point esmerveiller s'il est en partie conforme à nostre entendement. Et quelle assurance en voulons nous plus grande que celle que l'experience nous en monstre tous les iours, non seulement de l'intelligence, mais encore de l'obeissance, & de la promptitude d'esprit que le cheual nous fait apparoir en ses operations. Et encore quel animal voyez vous en ce monde assuré & hardy, & plus approché de l'homme que luy? Lequel vous pouuez tous les iours voir courir de si grande promptitude dedans les armées, entrer & sortir des bataillons sans craindre n'armes, n'espees, ne lances, ne tant de voix, de sons, de bruits, & de rumeurs diuers, ne feu, ne eau, ne fer, & encore qu'il soit blessé à mort, iamais ne se retire de son droict chemin, & avec son cheualier persiste iusqu'à la fin: neantmoins à plus grande cautelle, ie vous vueil bien ramenteuoir que ces chastimens de bastons & de baguettes, quand ils se feront par vn homme de pied, il ne les faudra iamais faire sinon en vne extreme necessité, comme quand le cheual est enuieilly en la creance, ou de long temps accoustumé à emporter son homme: & la raison est pource que peu d'hommes se trouueront qui entendent & sçachent bien donner le chastiment au cheual à temps & avec mesure, ainsi qu'il eschet & appartient.

Or faudra-il donc lors que le cheual sera desreglé & descouragé à raison des coups de baston que luy aura donné son cheuaucheur hors temps, saison & mesure, & sans auoir failly, luy faire artificieusement entendre que vostre vouloir est, qu'il ne craigne ne baston ny espee, n'autre chose quelconque: car cecy sera le moyen de le faire reuenir à son naturel, & vnir son vouloir au vostre: & s'il estoit de la nature, ou par quelque accident lasche & poltron, cela luy seruiroit pour luy faire reuenir le cœur. Quel deura estre le moyen duquel il vous y faudra vser, ie le vous vois briuelement declarer en ce quart & dernier liure: & vous donner pareillement quelque aduis de quelques autres vertus que vous luy pourrez enseigner.



# QUATRIESME LIVRE DE L'ECVIRIE DV SIEVR

FEDERIC GRISON.



**Q**UAND vous serez monté sur vostre cheual, tant qu'il ira au pas ou au trot, vous irez pareillemét tousiours l'asseurant & luy tenant la baguette entre les oreilles, & tantost à l'un, tantost à l'autre costé de la teste pres des yeux, & souuent le caresserez la luy passant sur le col. Puis après quand il sera assuré en ceste façon, vous en irez en vn lieu tel que bon luy semblera, & ferez mettre deuant vous vn homme à pied qui tiendra vn baston en la main, lequel peu à peu commencera à faire semblant au cheual de le vouloir battre de ce baston par la teste, & lors aussi vous donnerez courage au cheual de s'aduancer contre cest homme en le faisant aller vers luy, lequel alors fera semblant de fuir, & reculera en arriere : & quand vous cognoistrez que le cheual ne craindra plus le baston, vous semblablement ferez venir cest homme à pied contre le cheual avec vne espee en la main, & continuerez d'ainsi faire iusques à ce que le cheual soit du tout assuré : mais notez qu'en ce faisant il vous faudra bien garder qu'on ne frappe le cheual par la teste ne de baston, ne d'espee, car ce sera bien assez qu'on luy en face monstre & signe au long de la teste, & qu'il aille hardiment à l'encontre de celuy qui luy fait ce signe. Apres cela il seroit bon pour luy croistre le courage que vous füssiez venir deuant luy plusieurs hommes à pied, qui le menaçassent avecques haute voix & cris horribles, & lors vous qui serez dessus le ferez auancer & aller trois fois vers eux. La premiere fois au pas, la seconde au trot, la tierce au galop : & lors ceux-là feront contenance de fuir se retirans en arriere : & si outre cela ils menaçoient avec bastons & espees, d'autant plus seroit-ce pour plus fort assurer & enhardir le cheual. Encore seroit-ce bon moyen de luy donner grand courage & hardiesse, si le cheuauchant vous l'accostiez d'un cheual, ou le mettiez au milieu de deux cheuaux aguerris & feurs au bruit, & aux coups d'artillerie, & puis peu loing de luy faire lascher quelques harquebuses sans boulet, & tant plus il s'assurera de tant plus pres de luy les pourroit on faire sonner : & lors le vous faudroit tousiours assurer de la main, & le caresser de parolles, & en toutes sortes possibles, desquelles ie vous parleray tantost : tellement qu'ordinairement vous ne cesserez de le mignarder & caresser, & luy faire bonne chere tant qu'il fera ce que vous voudrez, & se rendra prompt & obeissant à vostre desir.



Mais pource qu'il est bien besoing qu'il ait hardiesse & grand courage à l'encontre des autres cheuaux, vous le ferez face à face aller contre vn autre cheual, mais vous faudra bien garder qu'il ne reçoïue ne donne aucun coup, de peur que le coup ne l'estonne ou intimide. Et lors que vous l'auancerez contre l'autre cheual: si l'autre cheual est de bas cœur, il se reculera en arriere, & s'il estoit courageux, il vous faudroit donner ordre que celuy qui seroit dessus luy retirant la bride le fust reculer en arriere: car par ce moyen le vostre prendra cœur & hardiesse de s'auancer tousiours plus vigoureulement.

Dauantage, vous en irez en vne campagne ensemble avec vn autre cheuaucheur monté sur vn autre cheual, & vous mettrez l'vn deuant l'autre reculez d'environ dix pas le long de la passade, & puis partirez ensemble au trot & viendrez l'vn contre l'autre, vous pour aller d'où il part, & luy pour venir là d'où vous ferez party, & arriuez que vous y ferez chacun de vous voltera à droïste, retournera passer, & à l'autre bout voltera à main gauche, & maniant ainsi les cheuaux de cest ordre à chacune fois, au milieu de la passade l'vn cheual passera loing de l'autre environ d'une paume: tellement que ces deux cheuaux ainsi passans & repassans s'asseureront l'vn avec l'autre, & pourrez encore faire de mesme puis apres au galop.

Mais aduisez bien qu'en passant & repassant les cheuaux ne heurtent pas l'vn contre l'autre, mais suffira seulement qu'en passant bien pres l'vn de l'autre, toutesfois ils ne se touchent point. Encore pourrez vous bien aller à la campagne où seront vos tours ou ronds, & en commencer au trot la volte à main droïste, & en mesme temps vn autre cheualier par le mesme rond prendra la volte à main gauche & de mesme ordre changerez les tours & suyurez les voltes, & à fin que vous ne heurtiez aux rencontres, l'vn de vous s'esslargira au tour de la volte d'environ deux paumes plus qu'il n'est large, & pareillement pourrez vous bien puis apres le faire mesme au galop: & par ce moyen aduiedra semblablement que tous les deux cheuaux voltât de ceste façon & rencontrans souuēt l'vn ou l'autre s'encouragerôt & s'enhardiront facilement.

Je vous dy dauantage qu'il seruira beaucoup à vostre cheual pour l'asseurer, si estant dessus vous le tenez arresté au long des tours ou ronds & le faites regarder vn autre cheual qui ira en iceux au trot ou au galop. Aussi luy profitera-il beaucoup de vous arrester en vn lieu auquel vn cheual en fin de carriere viendra parer, ou bien de vous tenir sur le cheual à costé de la carriere par laquelle il court: & si le cheual par nature ou par accident qu'il eust eu, lors que l'autre s'approche pres deluy, de frayeur se voltoit de costé, en ce cas vous faudroit donc faire tenir vn autre cheual hardy & courageux au costé du vostre, car à l'exemple de cestuy-là le vostre pareillement prendra cœur & s'asseu-  
rera



ra sans plus se reculer ne fuir : & encore luy profitera-il beaucoup pour l'enhardir, de le pourmener aucunes fois par la ville avec vn autre cheual asseuré & de bon visage. Et pource que bien souuent il aduiendra que le cheual sera farouche & craintif par la ville où il rencontre grande varieté des differentes choses, partant ie vous declare que tel vice prouient bien souuent de la ieunesse du cheual, & à faute de luy faire beaucoup voir, & de le cheuaucher en lieux publics & frequentez : ou bien cela peut venir à raison de quelque mal ou offense qu'on luy a faite, ou qui luy est incidemment aduenue en passant par quelque rue, & puis toutes les fois qu'il rencontre vne semblable chose il s'estonne & s'espouuante : ou bien cela luy aduiendra ( qui sera bien le pis ) pour auoir courte & mauuaise veüe.

Quand ce vice aduiendra à cheual ieune, gardez vous bien quand vous luy verrez faire ces contenance de frayeur, pour quelque chose nouuelle qu'il verra, de le battre ou tourmenter en aucune sorte : car si vous le battez il pensera que les coups luy viendront de ce qu'il verra, & à chacunes fois qu'il viendra à voir puis apres vne telle chose, il s'en effrayera plus fort & en craindra dauantage; mais pour le bien corriger, il vous faudra arrester & l'asseurer : & combien qu'il face puis apres quelques difficulté de passer, vous apperceurez bien tost apres que peu à peu ores'arrestant, ore cheminant il s'asseurera de la chose qu'il auoit commencé à craindre : & lors vous l'en faudra approcher, & le faire arrester ou dessus ou aupres quelque espace de temps. & quand il sera tout asseuré & commencera à cheminer, souuiennez vous de le caresser sur le col : toutes fois il pourroit bien aduenir qu'acunes fois il vint en obstination de ne passer point, ce qui aduient le plus souuent quand il a receu quelque mal de ce qu'il voit ou qu'il sent, & alors seroit besoyn de vous taire & tenir coy sans luy donner aucune fascherie, & qu'vn homme à pied se mist derriere & le sollicitast du truc des leures & le menaçaist de la voix, & par fois luy auançaist quelque bastonnade sur la croupe & sur les iambes, & quand il commenceroit à cheminer, lors il le faudroit caresser.

Neantmoins quand le cheual est tout appris & bien seur au pas, au trot, au galop, à la course, au parer, aux passades, aux maniemens, à toutes mains, & entend bien tous les chastiments & les secours que ie vous ay declarez & encores declareray, alors s'il a frayeur & s'arreste vous faudra incontinent, sans luy faire autrement recognoistre ce dont il a crainte, le solliciter de passer auant avec la voix, & avecques le gras des iambes, ou avecques les esperons ensemble & la bague, & par ce moyen vous verrez tousiours qu'à la fin il passera outre.

Quand par debilité de veüe le cheual chemine en doute, alors ne le



faut-il pas battre, mais peu à peu le faire aller auant & l'ayder en le caressant: & aucunes fois vous l'ayderez seulement de la parole, & si vous cognoissez qu'il ait quelque frayeur, & qu'il face doubte de passer ou de ne passer point, lors en vn instant sans luy donner le loisir d'entrer en plus grand doubte, mais en luy donnant courage vous l'aiderez de la voix & des esperons s'il en est besoing, & le plus souuent il quittera le doute & la crainte qu'il s'estoit figuree & imaginee & cheminant passera outre. Mais pour dutout asseurer vn cheual ieune il profitera beaucoup de le cheuaucher de nuict, & le cheuaucher de iour par les rues & places où sont beaucoup d'artisans de differentes sortes & où il y a toujours du bruit, comme par les marchez par les grandes places entre les mareschaux & chauderonniers, armeuriers & orfeures, & par les lieux où il y a bestes mortes & où se voient leurs peaux & par là cheminer pas à pas, & à chascque fois que le cheual fera contenance d'auoir frayeur, vous luy donnerez le chastiment selon les ordonnances que ie vous ay baillees, & il s'asseurera: aucunes fois aussi sert au cheualoureux de luy mettre pour quelques iours vn ventail au front ou vn peu plus bas qu'vne des oreilles attaché sous le cuir de la testiere, & ainsi cheminant de iour ou de nuict ce ventail prendra vent, & tournant roidement & rouant continuellement deuant les yeux & pres des oreilles du cheual il s'en asseurera plus fort, & à raison de la blancheur des ailles du ventail qui en tournant luy donnera aux yeux, la veüe s'asseurera & n'aura plus crainte de ses ombres que pour sa debilité elle se figuroit & imaginoit parauant. Ce ventail est appelé molinet: c'est celui que portent les enfans & qu'ils prennent plaisir à faire tourner courans à l'encontre de l'air. Neantmoins ie vous vueil bien aduertir qu'à la plus part des cheuaux ce ventail profite beaucoup, mais aussi y a il des cheuaux ausquels la frayeur augmente apres qu'on leur a osté & ainsi leur nuist plus qu'il ne leur profite. Toutesfois ie ne m'en suis pas voulu taire, mais ie vous dy que quand vous apperceurez telle qualité aux cheuaux, qu'il vous faudra bien garder de plus vser de tel artifice, mais des autres reigles que ie vous ay baillees parauant par le moyen desquelles se fera pareil effect, ainsi que ie vous l'ay parauant amplement déclaré. Encore quand vous vserez de ce ventail ou molinet, vous luy pourrez laisser les ailles blanches au pur naturel du papier, ou les luy peindre de iaune, verd, rouge, bleu, noir, & de toutes les autres couleurs que vous penserez plus propres pour asseurer vostre cheual.

Et tout ainsi qu'il n'est point necessaire à vn bon Cheualier de scauoir iouer à la balle ou à la paulme, ou voltiger, & neantmoins ce luy est chose honneste & bien seante de le scauoir, non seulement pour la bonne grace, mais pour le faire plus adroit & plus agile à tous les maniemens des armes: tout ainsi vous diray-ie du cheual, que combien



qu'il ne luy soit necessaire de sçavoir faire la capriole, qu'il aille ondoyant & (*con aggrupparsi*) avec amonceleures ou accroupisseures & (*da gruppo in cruppo*) de bond en bond, & prompt & léger de mains & pieds deuant & derriere, toutesfois on ne peut nier qu'en ce faisant il n'ait fort bonne grace, & que ce ne luy soit vn moyen de le rendre plus prompt & adroit aux autres vertus necessaires. Et partant me semble-il maintenant bien à propos de vous dire la maniere par laquelle on peut encore apprendre vn cheual à bien faire la capriole.

Après que le cheual sçaura bien faire les posades, & que l'aurez encore allegé du derriere de la façon que ie vous ay dit parauant vous baillant les reigles & ordonnances de l'vn & de l'autre, vous en irez pour quelques iours au trot sur le pédant qui sera long & entre les deux premiers terrens vous l'arresterez pour luy faire faire deux posades, & incontinent après le vous faudra ayder avec le truc des leures pour luy faire faire au trot deux pas en auant d'environ trois paulmes, & au dernier pas vous luy aiderez à faire deux autres pareilles posades que les premiers, & puis continuerez semblablement ces deux pas au trot & à la fin d'iceux deux autres posades, & puis vous l'arresterez. Et après qu'il entendra bien cela, & à chacune fois qu'il ira puis après parer, au lieu de ces deux pas au trot, vous luy ferez faire (*duo gruppi*) deux sauts amonceleux iustes & esgaux se souleuant en arriere, & se releuant de bonne grace avec les posades en auant: & puis de paulme en paulme il s'en ira ondoyant de l'eschine s'amoncelant tousiours & pallottant avec les bras iustement ployez, & en ceste maniere toutes les fois que vous voudrez il vous fera la capriole: & lors si vous le voulez ayder, à chacune accroupisseure ou amonceleure il vous donnera vne couple de ruades, & avec grande facilité & bon ordre à peine touchera-il des pieds à terre qu'il ne se releue incontinent en haut: mais il faudra bien aduiser qu'il ne se desuoye du temps & de la mesure, & du commencement iustes à la fin qu'il aille tousiours esgal & iuste.

*Pallottant, rousât ou sautellant.*

Si le cheual est foible de reins, que l'Italien appelle (*lombi*) il fera ses pas au trot bas & pres de terre ou bien s'esleuera egalemeut & tousiours d'une mesure & d'un nombre faisant les posades puis après de si bonne grace & de telle mesure que combien qu'il ne face point d'amonceleures si fera-il toutesfois la capriole de bonne grace & telle qu'elle sera fort belle à voir.

En ceste maniere le cheual tenant de la genette, encore luy pourroit on bien enseigner à faire les couruettes, toutes-fois quand il est grand de face, la capriole luy est bien mieux seante, laquelle se faisant basse, a bien peu de difference d'avec les couruettes: car ces couruettes ne se font pas seulement en allant auant comme en faisant la capriole, mais estant arresté en vn lieu & n'en bougeant pour vn temps, en

*Grand de face, de grande taille. Comme se font les couruettes.*



dansant dessus les hanches & les bras, & semblablement se retirant puis apres en arriere & de l'un & de l'autre costé.

Notez que ce que vous faites faire au cheual luy donnant la capriole, encore luy ferez-vous faire quand vous luy voudrez donner le gallop gaillard. Partant de deux en deux pas, il faudra bien prendre le temps & la mesure, & l'aider: mais en cecy & mesmes aux couruettes, pour neant vous efforcerez-vous d'y employer l'art & la doctrine si le cheual n'estoit de sa nature prompt & léger du corps, nommément allegre & souple de bras & de iambes.

Au surplus si vous luy voulez apprendre à faire la iambette (laquelle luy sera profitable, & luy donnera fort bonne grace en se maniant) montez dessus le cheual & vous en allez en vn lieu fort estroit, ou bien dedans vn fossé qui soit fait de l'une des deux sortes que ie vous ay dittes parauant vous baillant la reigle pour corriger le cheual, lequel voltant tourne les hanches plustost que les espaulles, & là tout doucement le ferez volter à main droite, & puis apres à main gauche, retournant neantmoins tousiours à la volte droite de quart en quart, vne ou deux, ou trois fois pour main, de la façon que ie vous ay dit vous parlant des voltes redoublées: car estant la place estroite, & le tournant estroitement, le cheual à chacune fois qu'il voltera ne pouuant sans grande peine lors qu'il viendra pour clore la volte encheualler les bras l'un sur l'autre, craindra tousiours de se frapper ce bras du bras contraire à la volte, de sorte que pour s'en garder puis apres faudra qu'ainsi roide de col & ferme de teste il le leue en haut, & que par ce moyen il vienne à faire la iambette. Et apres qu'il aura pris ceste accoustumance, à chacune fois que vous l'ayderez puis apres de l'esperon contraire à la volte, & il oira le secours de la langue, ou des deux ensemble ou de l'un ou de l'autre, il fera tousiours la iambette du costé duquel il se tournera ainsi comme il appartient: mais il se faudra bien donner garde que le cheual en lieu de souleuer le bras ne se recule en arriere, ou en tournant qu'il ne sorte hors du creux du fossé: car ce seroit vn vice tout contraire à ce que vous auriez intention de faire: & partant il faudra que vous soyiez bien curieux & diligent à faire volter auéc fermeté & temperature de main, & le chastier à temps & auéc mesure, & l'aidiez quelque fois, & le caressiez des manieres que vous scauez maintenant apres les auoir si souuent ouyes de moy, & qui d'heure à autre vous viendront en plus grande cognoissance. Et encore pourrez-vous ou en ce chemin estroit ou dedans ce fossé faire aller le cheual la longueur de la passade au pas ou au trot ou enuiron quinze paumes plus court que la passade, & luy donnant à l'un des bouts la demie volte à main droite: & à l'autre bout la demie volte à la gauche il s'accômodera beaucoup plus aisément le bras à faire la iambette: & là encores vse-



rez-vous de semblables chastiments ou secours quand vous verrez qu'il en sera besoing, tellement qu'aux passades encores puis apres il se pourra manier avec l'un ou avec l'autre bras, tousiours avec la iambette. Et se fera le mesme effect encores plus aisement en vn lieu auquel il y ait vn chemin courbe: vn peu eleué aux deux costez, & se trouuera souuent en la campagne en quelque endroits où la pluye par la force de l'eau & de la lauasé qui aura couru, aura caué vn petit chemin creux d'environ deux paumes, qui aura des deux costez le terrein vn peu eleué en biais quasi en forme de baquette, de façon du fossé dont ie vous ay parlé parauant: tellement que se tournant & voltant dedans ce creux & sur le terrein esleué aux deux costez, celuy seroit peine de volter sans faire la iambette du costé duquel il tourneroit: & alors faudroit pareillement commencer à le faire volter bas en tenant la main ferme sans la tordre de part ne d'autre, & luy aidant à temps de la langue & des esperons ou du gras des iambes plus ou moins, & plus de l'un que de l'autre selon le courage & le bon cœur qu'il aura, & selon qu'il vous obeist. Et notez que si les bouts de ces lieux esquels avec les passades au pas ou au trot vous irez parer & faire les voltes, outre le peu de hauteur qu'auroient leurs costez estoient vn peu couchez en pendant ils en seroient d'autant plus à estimer, & pareillement si le creux du chemin estoit large de trois paulmes, toutesfois de quelque sorte qu'il puisse estre il luy seruira beaucoup. Et encores si ce chemin ou fossé creux n'estoit haut & esleué que de l'un des costez, encor qu'il n'en fust tant à estimer, si vous en pourriez vous bien seruir, en suivant neantmoins les ordres des voltes du costé le plus esleué: & si ne vous vueil pas celer qu'au maniement des passades la iambette sert beaucoup, ains me semble fort necessaire & beaucoup mieux seante qu'aux voltes redoublées: mais si vous le voulez contraindre de la faire sans vous aider d'aucune de ces reigles, vous en faudra aller à l'estable, & là vous mettre du costé droit de la mangeoire où il est attaché & tenir la babuette en la main, de laquelle vous le frapperez sur le bras droit, ore dessus le genouil ore par le milieu, ore par la ioincture basse, & ore derriere sur le reply du iarret, tantost moins tantost plus fort, & ensemble iusques à ce qu'il se hausse, vous ferez ce mouuement & son de la langue: & quand il leuera le bras, cependant qu'il le tiendra en l'air il ne le vous faudra plus frapper, mais sans mot dire, seulement le menacer souuent de la baquette faisant semblant de luy en vouloir donner dessus, à fin que par la crainte qu'il aura de ceste menace il se garde de l'abaisser, & à chacune fois qu'il retournera le poser à terre, vous l'aideriez & le chastierez pour le luy faire rehausser, & ce ferez iusques à ce qu'il le releue vne autrefois le faisant tenir puis apres vne piece ainsi leué, & pour luy donner



courage, & cependant qu'il tient le pied leué en l'air luy gratter aucunes fois le garrot avec la main, & cela sera occasion de luy faire tenir leué plus volontiers: & faisant de mesme façon du costé gauche vous luy ferez semblablement faire la iambette du bras gauche.

Après que le cheual entendra bien cela & sçaura bien leuer l'un & l'autre bras, vous irez pareillement à l'estable, & vous mettrez du costé droit avecques la baguette en la main, & vn autre homme ayant vn esperon en la main se mettra de l'autre costé à main gauche, & lors que vous le frapperez de la baguette sur le bras droit, l'autre luy donnera vn coup d'esperon aupres des sangles du costé gauche & fera ensemble ce son de langue, & vous vous tairez, car le cheual oyant le son de la langue, & se sentant piquer de l'esperon ensemble & frapper de la baguette, haussera promptement le bras droit: vous ferez le semblable le battant de la baguette sur le bras gauche: & le poignant ensemble de l'esperon au costé droit quand vous luy voudrez faire leuer le bras gauche: mais le faudra piquer à temps de cest esperon aucunes fois tout doucement, autrefois plus rudement: & par ce moyen vous trouuerez que toutes les fois que vous le piquerez, ou de l'esperon ou d'un clou, ou d'un baston pointu du costé contraire, & ferez ensemble ce mouuement de langue, sans ce qu'il y ait de l'autre costé personne tenant la baguette en la main il haussera le bras & le tiendra hault en l'air à l'aduenture vn quart d'heure, ou plus ou moins tant que vous voudrez, & encore le plus souuent sans ce qu'on l'aide de l'esperon, il ne l'osera abbaïsser tant que vous serez present: tellement que vous mettant du costé droit, il tiendra tousiours en hault le bras gauche & vous trouuant du costé gauche il fera le semblable du bras droit.

Mais si le cheual du commencement faisoit semblant de vouloir à toute force seulement leuer le bras du costé, duquel il se sentiroit pindre, ce qui aduiant bien souuent, alors vous qui luy donnez le coup de l'esperon, si le cheual n'est point malicieux, luy toucherez de vostre pied sur le bras contraire, & ce signe l'aduïsera de ce qu'il aura à faire, de façon qu'il haussera ce bras là, sans se mettre en autre confusion: & iusqu'à ce qu'il soit bien aduïse vous luy continuerez ce signe du pied par deux ou trois fois, & puis apres il n'en sera plus besoing: mais si pour plus grande seureté, & d'autant plus si le cheual estoit superbe, vous vouliez tenir la baguette en l'autre main & lors seulement qu'il ne vous respond point l'en frappiez sur le ply du bras contraire ou bien en quelque autre endroit, à l'instant que vous luy donnez le coup de l'esperon, ce luy seroit vne bonne & aisée correction.

Et vous faut noter que lors que vous luy donnez le coup d'esperon s'il ne hausse le bras contraire, ou s'il leue le bras du mesme costé duquel il se sent piquer incontinent vous redoublez & renforcerez



les coups d'esperon, & ne cesserez point de le chastier de ceste façon ou des autres que ie vous ay dites iusques à ce qu'il cognoisse sa faute & qu'il haussé le bras contraire selon vostre desir : & par ce moyen il se corrigera de telle sorte que toutes les fois que vous luy ferez puis apres seulement ce signe & semblant de le vouloir picquer de l'esperon, encore que vous ne l'en piquiez point, si ne laissera-il pas toutesfois à vous respondre incontinent, & à faire tout ce que vous voudrez.

Et combien qu'à l'aduenture en moins d'un iour on enseignera aisement au cheual à faire ceste iambette par les moyens que ie vous ay dit, toutesfois à fin de l'y accoustumer mieux, & de le rompre à la faire plus dextrement & aisement, il seroit fort bon que tous les iours pour le moins vne heure on luy fist tenir or l'un or l'autre bras esleué en l'estable, en luy faisant tousiours entendre ce son de la langue, & cognoistre le coup d'esperon du costé contraire comme ie vous ay encore pareillement déclaré.

Mais si le cheual estoit ou fort ingenieux ou fort maling, il ne faudroit pas pour cela laisser à suiure vostre intention, ains pour quelque defense ou desordre qu'il peust faire ne vous faudroit cesser de le menacer avec haute & terrible voix, & de le battre de l'esperon & de la baguette pour luy faire entendre raison, & tantost apres retournerez à poursuivre vos ordonnances.

Neantmoins aduisez que ceste forme de luy faire faire la iambette en l'estable ne se doit point visiter iusques à ce que vous cognoissiez que le cheual commence à bien entendre les autres choses, & qu'il se rende suiet: car autrement il y auroit beaucoup plus grande difficulté à luy apprendre.

Encore sera-il besoing que le cheual face la iambette non seulement en l'estable, mais aussi quand vous ferez monté dessus luy & qu'il entende à la bien faire toutes les fois qu'il vous plaira. Et par cest effect il faudra que le cheuauchant vous arrestiez vn espace de temps le tenant ferme & seur ayant la teste en son propre lieu : & à main droicte y aura vn homme à pied tenant la baguette en la main, & tout ainsi que vous fistes en l'estable il le frappera sur le bras droict, faisant pareillement ce son de langue, & iusques à ce qu'il leue le bras en l'air il ne cessera de le molester en ceste maniere, plus ou moins selonqu'il obeira & respondra incontinent que le cheual aura haussé le bras vous qui ferez monté dessus luy gratterez le garrot, car par ce moyen il viendra plus aisement & plus promptement à faire la iambette: & quand vous voudrez qu'il la face de l'autre costé pareillement cest homme à pied s'en ira du costé gauche & fera tout ainsi qu'il aura faict à main droicte.

Et depuis que le cheual entendra ces ordonnances, alors qu'on luy frappera sur l'un ou sur l'autre bras, vous qui ferez monté dessus, ferez



ce son & mouuement de langue, & l'homme à pied se taira.

Puis apres quád il entédra encore ceste reigle, vous alors que cest hómme à pied le frappera sur l'vn des bras, ferez ce mouuement & son de la lague, & dauantage le piquerez de l'esperon cōtraire, & incontínét qu'il hauffera le bras vous ne le faudra plus piquer, ains le caresser incōtinét.

A la parfin quand le cheual aura bien entendu vostre volonté, & recognoistra l'esperon, alors sans qu'autre le frappe de la baguette, quand il vous plaira que le cheual face la iambette du bras droit, luy donerez vn coup d'esperon du costé gauche, ensemble ferez ce son de langue, & s'il faisoit le fourd ou le pareilleux à faire la iambette, faudroit lors renforcer & redoubler les coups d'esperon, sans cesse de faire ce son de la langue, car par ce moyen sans doute il fera la iambette seurement. Et quand vous voudrez qu'il la face du bras gauche vous le frapperez de l'esperon pareillement du costé droit avecques semblable ordonnance, & il viendra incontínét à faire la iambette du bras gauche. Si pour plus grande seureté vous vouliez tenir la baguette, & le cheual quand luy donneriez le coup de l'esperon contraire avec le son de la langue ne vous obeissoit & respondoit promptement, alors autant quand il sera arresté comme quand vous le manierez & luy donnerez la volte, le pourrez d'abōdant singler de la baguette du costé du bras qu'il ne voudroit point hauffer, & le batte tant de l'esperon comme de la baguette plus ou moins selon qu'en verriez le besoing. Toutesfois ie vous ose asseurer que pour peu qu'il y soit accoustumé, que seulement oyant puis apres le son de la langue, & à peine sentant la pointe de l'esperon du costé contraire, ou seulement sentant accoster pres de son ventre le gras de vostre iambe, il fera tout ce que vous voudrez sans qu'il soit besoing vous aider de la baguette ne d'aucun autre secours.

Et combien qu'il soit bien aisé de luy apprédre tout cela en moins de trois heures, toutesfois ne vous faudra laisser routes les fois que vous ferez monté dessus le faire tenir vne piece avecques la iambette leuee ore avec l'vn, ore avec l'autre bras, à fin que puis apres il la face plus promptement & plus aisément quand vous le manierez tousiours tāt de ferme en ferme en redoublant, cōme aux passades encore avec les voltes simples.

Et à fin qu'en redoublant il face la iambette de meilleure grace & avec plus bel air, il faudra pour le commencement luy donner seulement vne volte à chacune main. Car puis apres il n'aura plustost acheué la volte droicte avec la iambette qu'il ne s'appreste à en faire vne autre à la volte gauche, laquelle acheuée le cheual s'apprestera semblablement à faire la iambette à la volte de main droicte, cloyant la volte comme il fit au commencement.

Encore pour luy donner meilleur courage à faire la iambette, le vous faudra souuent manier à passades au pas & au trot : car quand il  
fera



sera iuste & ferme de teste, & il le voltera bas estroit, s'il entend bien les regles de la iambette l'aydant & frappant à temps de la façon que ie vous ay ditte, il sera tousiours cōtraint puis apres de s'accourir la iābe, de laquelle il fera la volte de bel air & de bonne grace, & quand vous apperceurez qu'il entendra bien ce qu'il deura faire à vostre discretion, lors le pourriez vous bien manier au galop, & à temps, & avecques furie.

Et pource que ie sçay bien qu'il y aura plus grande difficulté à enseigner vn cheual que l'autre, partant vous dy-ie qu'il ne vous faudra point desesperer si vostre cheual ne vient pas si promptement & si aisément à faire ce que vous voudrez: mais suiuez rondement les reigles & ordonnances que ie vous ay baillez, car tant plus dur & difficile sera-il à faire la iambette & les autres choses que ie vous ay dictes & vous diray encore cy apres, il en viendra à la fin à plus grande perfection.

Encore vueil-ie bien que vous sçachiez que tout cheual de bonne nature quand il sera reduit à ces termes d'aller ferme de teste, de col & d'arc, & entendra bien la volte & la fera iuste & estroicte, l'entretenant avec le temps & le secours qu'il appartient en tournant les bras par deuant, il sera contraint en se maniant mettre la teste où il a la croupe, & se tourner avec la iambette de soy-mesme, sans qu'on luy enseigne par le moyen de tant de secours & d'artifices: si sera-il bon toutesfois de luy faire souuent continuer vos ordres dedans ce fossé ou dedans ce chemin naturellement creusé de la pluye, qui sera bien le meilleur. Et ne sera point besoin de vous trauailler aux autres reigles que ie vous ay dictes propres pour luy apprendre la iambette, sinon au cheual de peu de valeur, pesant & dur, & de mauuais esprit, en l'extreme necessité.

Si vous voulez apprendre au cheual de mettre la teste entre les iambes, & abaisser bas le muffle, & le piquant des esperôs (chose qui profite beaucoup en combattant) toutes les fois que vous arresterez vostre cheual, s'il leue le nez en haut, le tenant en ceste façon, vous le molesterez tantost le piquant de l'esperon droit, tantost du gauche, tantost de tous les deux ensemble, & ferez cela avec temps & mesure: & lors tiendrez ferme la main de la bride, & aucunesfois en ce mesme temps vous le presserez de la main droite sur le col, & le forcerez de la baisser, & s'il n'obeyt à vostre desir, lors en luy tirant la bride vous luy ferez faire environ trois pas en arriere, qui seront peu plus peu moins de cinq paumes: & puis apres tout doucement vous le ferez retourner là d'où vous estes party, & ferez ainsi beaucoup de fois, & en ce faisant toutes les fois que vous luy verrez allonger le nez, le vous faudra chastier de la forme que ie vous ay dicté: si tost que sentant le coup d'esperon, il aura seulement vne fois abaissé le muffle vers la poitrine, incontinent vous le caresserez sans plus le battre, & sans force luy tirer la bride vn peu plus que de coustume.



Et si cent fois il retourne à hausser la teste, autant de fois retournerrez vous à le chastier comme deuant, & vous verrez à la fin que sentant le coup d'esperon, ou reculant en arriere il abbaissera le muffle, & lors non seulement cesserez de le tourmenter, mais luy ferez caresses, à fin que par ce moyen il cognoisse vostre volonté, & la cognoissant incontinent qu'en cheminant ou estant arresté, puis apres il sentira le coup d'esperon, il ne faudra point d'abaisser le muffle, & le tenir en son droit lieu. Et s'il estoit dur & difficile à ce faire, aucunes fois apres que vous l'aurez molesté & piqué de tous les deux esperons, ou de l'un ou de l'autre, vous luy donnerez de la pointe du pied ou de l'estrier vers l'esselle, ou dessous l'espaule en son costé, & tiendrez quelque fois l'estrier vne piece arresté contre son espaule: & à ce moyen il abbaissera la teste de ce costé-là pour regarder que c'est qui le moleste en cest endroit: & incontinent qu'il sera abbaissé vous aussi tost retirerez vostre pied & l'estrier de son espaule, & luy ferez caresses dessus le col, & ferez ainsi l'un & l'autre, & de l'un & de l'autre main iusques à ce qu'il vous obeisse & face ce que vous voulez.

Ainsi que la vertu du feu ou de Soleil, souuent se void faire diuers effects tous contraires l'un à l'autre amolissant vne matiere & endurecissant l'autre, le semblable vous dirai-je du chastiment de l'esperon, lequel fait abaisser le muffle & la teste au cheual, & toutes fois si le cheual la portoit trop basse, en luy portant la bride vn peu plus haute & vn peu plus legere que de coustume & le frappant souuent par dessus l'espaule de la pointe de la baguette sur le milieu de la croupe, & le piquant à temps des esperons, il leuera la teste & la portera iuste & droite comme il appartient. Pour corriger ce vice il profitera grandement au cheual de luy tenir la bride vn peu plus haute que de coustume, & luy tenir la gourmette large, qui soit couuerte de toile. Et pareillement quand le cheual ne se veut arrester ne tenir coy, si vous luy tenez la main ferme à temps, & le chastiez semblablement des esperons, or de l'un, or de l'autre, or de tous les deux ensemble, il recognoistra sa faute, & sans se mouuoir ne bouger du lieu où il se trouuera se tiendra coy & ferme sur les quatre pieds, combien que le principal effect de l'esperon est de le faire aller auant. Et à chacune fois que le cheual laissera le trot ou vous pourmenant par la ville, ou allant par la campagne, le vous faudra piquer d'un esperon du costé duquel il aura le col plus dur & plus roide: & par ce moyen il le reprendra incontinent, & le continuera de fort bone grace, & encore se fera-il esgal & iuste & ferme de col, & prendra plus d'haleine, & se renforcera les reins, & s'accoustre l'eschine, se portant en tout & par tout ainsi qu'il appartiendra, & se fera plus leger, & plus souple de bras & de iambes; mais quand il portera son col esgal & iuste de chacū costé, lors si vous le voulez mettre au trot, le vous fau-



dra piquer des deux esperons pareils : & s'il vous venoit à gré pour luy donner meilleur courage, vous le pourriez bien encore aider en mesme instant de ce truc de leures, ou avec quelque petit mot que vous aurez accoustumé de luy dire, le voulant par fois acheminer: & à chacune fois qu'il laissera son trot vous ferez tousiours le semblable, & à fin que cest vſage & accoustumance reuienne quasi à vne autre nature, ne le laissez iamais aller au pas, sinon quand vous le voudrez accoustumer d'aller à la genette ou legere : car lors il ne le faudra pas si souuent molester des esperons, ne le mettre au trot pource que le pas luy sera plus propre, & suffira de le picquer seulement pour le dresser, & affermir de teste: & de col, & l'adiuster aux voltes simples és passades & aux voltes redoublées, & pour luy donner vistesse à la carriere, car tant moins on le pique tant plus ferme porte-il la queue, ce qui est bien propre au genet ou cheual leger, à cause qu'il la doit porter franche, & non pas liée comme le courſier & le cheual de moyenne taille : toutesfois de quelque sorte que soit le cheual, ou de grande taille, ou leger, le plus souuent quand il vous respondra bien au chastiment des esperons pour l'asseurer le vous faudra caresser à temps, & d'autant plus que vous cognoistrez qu'il se rendra plus obeissant, ou qu'il sera plus ardent, & que pour les coups il entrera en quelque crainte ou despit, car l'un se fait pour l'encourager à bien faire, & l'autre pour l'asseurer à souffrir, en cela vous faudra vſer d'une grande diligence.

Et quand le cheual sera arresté, si vous vouliez le faire tourner d'un costé ou de l'autre, ou aller de costé, semblablement peu à peu le vous faudroit menacer, & quelque fois le piquer fort de l'esperon du costé cōtraire en ceste maniere. Si vous voulez qu'il costaye du costé gauche, il le faudra chastier du costé droit : & si voulez qu'il se costaye du costé droit, le chastiment se fera du costé gauche : & iusques à ce qu'il vous entende iamais vous ne cesserez de le molester, ore du gras de la iambe, ore de l'esperon, tantost asprement, tantost doucement, tousiours aux endroits que ie vous ay dit : & quand pour la crainte du coup d'esperon il s'en ira tourné de costé, ou costoyant ainsi que vous le demandez, lors vous le caresserez incontînēt & retirerez le tallon de son ventre sans plus le toucher. A ce moyen toutes les fois qu'il sentira puis apres un peu tenir ferme sa bride, & se toucher d'un esperon à la façon que ie vous ay dicté, ou bien du gras de la iambe, il se tournera incontînēt de l'autre costé ou peu ou prou à vostre desir, & luy enseignant cela à l'adventure encore à ce moyen ira il en couruettes. Et si vous voulez qu'il tourne tant seulement d'un costé la croupe, & les hanches de derriere sans mouuoir les espaules, & qu'il tienne tousiours la teste droicte à l'encontre de l'ennemy, ce qui profite grandement en combattâr à cheual corps à corps, vous vſerez pareillemēt de la mesme



ordonnance, mais vous tournerez dauantage vn peu la main de la bride au mesme temps, & du mesme costé que vous luy donnerez le coup d'esperon pour luy faire tourner les hanches. Et ferez tout l'opposite avec la main de la bride quand vous voudrez qu'il se tourne tout entierement d'vn costé comme ie vous ay dit parauant: & tous ces chastiemens ou secours ne feront pas seulement lesdits effets, mais luy donneront dauantage la vraye intelligence de souffrir les esperons volontiers: & si vous voulez d'abondant luy faire bien cognoistre la baguette, vous faudra lors que le piquerez del'esperon du mesme costé contraire au flanc & par fois sur l'espaule le menacer ou aider ou battre avec la baguette, & puis apres il l'entendra & cognoistra ou seule sans esperon ou accompagnée del'esperon: & si au comencement que vous luy enseignerez toutes ces choses, il ne vous respondoit point bien, ains faisoit tout le contraire, ne perdez pourtant le courage, car à la fin vous le trouuerez tres facile & prompt à faire tout ce que vous voudrez.

Or est ceste la grande difficulté, & en laquelle se doit principalement monstrier l'artifice & l'esprit du cheualier vaillant, de faire entendre au cheual la cause pour laquelle on luy donne le chastiment ou le secours, non des esperons seulement, mais de quelque sorte qu'il puisse estre. Car aussi tost que le cheual entendra ce poinct-là, il sera tousiours conforme, & ira obeissant au desir du cheualier: partant faut-il aucunes fois tenir la main plus legere, aucunes fois plus ferme, par fois vser d'apreté, par fois de temperament & douceur, tant aux tallons qu'aux autres operations de tous les membres du corps: tellement qu'il y est requis vn grand & infiny discours pour cognoistre & bien vser du temps, du lieu, de la mesure, & quand il luy faudra croistre ou diminuer le secours ou le chastiment, & quand, & où, & combien l'vn ou l'autre luy est plus propre: car sans cela il est impossible de paruenir à la perfection de ceste vertu de cheualerie, & peut-on bien dire que l'ignorance de toutes ces choses a esté occasion que iamais aucun n'a osé entreprendre de rediger par escrit les reigles de ceste discipline. Aussi suis-ie bien asseuré que beaucoup de gens blasmeront ce que i'en ay escrit icy, pource qu'il leur semblera que ces moyens de dompter, enseigner & manier les cheuaux ne soient ne vrais ne faisable, comme estans encore tousiours alienez & hors de l'vsage commun de tous les cheuaucheurs & escuyers encore qui sont & furent iamais au monde. Mais aussi tous ceux qui puis apres verront naistre tant de beaux effects de ces reigles & ordonnances que i'ay icy redigees cognoistront la valeur de l'infinitie grace que le ciel à present leur depart.

Et notez & retenez bien que le cheual se peut chastier en sept diuerses manieres, c'est à scauoir de voix, de baguette, de bride, de gras de jambe, d'estrier, d'esperon & de volte. Le chastiment de la voix.



comme ie vous ay dit au commencement, est celuy que le cheual craint le plus & qui luy profite, & le rite plus, de quelque faute ou desordre qu'il face. Le chastiment de la baguette, combien qu'en quelques cheuaux il semble du commencement peu profitable, & quasi plus nuisant qu'aidant, toutesfois on cognoist puis apres qu'en le baillant à temps, il sert beaucoup pour asseurer le cheual de teste, & luy oster tout mauuais pensément. Le chastiment de la bride est bon pour corriger la bouche & rendre le cheual iuste de col & de teste, & profite beaucoup pour l'asseurer. Le chastiment du gras de la jambe & encore celuy de l'estrier rend ferme & iuste le cheual de toutes pars deuant & derriere. Le chastiment de l'esperon n'a pas seulement cest effect d'asseurer & adiufter merueilleusement le cheual, mais aussi de le rendre fort obeissant & subiet, & bien entendu, & se conformant du tout au vouloir de son cheuaucheur. Le chastiment de la volte, demontre & enseigne au cheual la mesure & la vraye forme du maniement non seulement aux passades, mais aussi de ferme en ferme au redoubler: & auant ce chastiment de volte doit souuent & quasi tousiours preceder le chastiment de l'esperon. Et si vous prenez de bien pres garde à ce que ie vous ay dit, vous trouueriez que ie vous ay bien au long déclaré tous ces chastimens, & les temps & les moyens d'en yser ou de l'un ou de l'autre, ou de plusieurs ensemble.

Pareillement se peut donner au cheual aide ou le secours en sept diuerses manieres, c'est à sçauoir, de la voix, de la langue, de la baguette de la bride, du gras de la jambe, de l'estrier & des esperons. Et tous ces secours sont de merueilleux effects quand ils se font en temps & lieu, comme ie vous ay parauant monstré clairement par tout où il en a escheu propos, autant au moins qu'il m'a esté permis pour la difficulté de la maniere, & vous aduise que le secours de l'estrier est bien peu vité, de quoy ie pense bien que vous foyez aduisez en lisant ce mien discours, pour le peu que ie vous en ay parlé.

Mais aussi vaudra-il beaucoup mieux que vous ne donniez aucun secours au cheual, si vous ne cognoissez & n'avez la mesure & le vray temps de les luy donner à saison & à propos. Ou à tout le moins faites tant que vous ayez ceste cognoissance seulement de vous en sçauoir seruir à temps pour le chastier & corriger quand il fait faute, qui vous sera moyen bien aisé, & au surplus tant profitable que le cheual puis apres pour la crainte qu'il en aura vous respondra plus promptement que si vous luy bailliez le secours hors saison, lequel seroit cause de l'estourdir & estonner de sorte qu'il se confondroit sans pouuoir entendre quelle seroit vostre volonté.

Encore me semble-il bien à propos de vous dire que seulement en deux manieres on asseure & caresse lon le cheual, l'une avecques la voix



plaisante & basse, l'autre, avecques la main, la luy coulant sur l'incarcure du col, ou l'en grattant en cest endroit mesme, & principalement aulong du col & sur le garrot, ou bien faisant le semblable de la baguette en temps & lieu ainsi que ie vous ay déclaré. Et pource qu'il sera beaucoup plus seur de caresser le cheual de la main, partant vous dy- ie que quand vous voudrez faire cest effect, si vous tenez la baguette en la main droite, incontinent vous la faudra mettre à trauers quasi par la moitié en la main gauche entre le poulce & les resnes, & à ce moyen vous aurez la main droite libre pour l'asseurer, & la baguette tousiours preste & aisee pour la reprendre puis apres quand il vous plaira, & la tenant en ceste façon en la main gauche, elle vous fera paroistre cheualier dispos & ne vous destourbera en aucune sorte.

Et vous aduise que quiconque sçaura chastier à temps le cheual de l'un de ces chastiemens qu'il verra le plus propre à corriger sa faute, & qui sçaura pareillement à temps luy donner le secours plus ou moins selon le besoing, & le sçaura caresser à temps il se pourra bien appeller bon cheualier & bien expert en ceste faculté: combien que ces caresses à temps ne sont pas tant necessaires: car sans elles, en chastiant & secourant le cheual à temps, il paruiendra neantmoins à la perfection de toute vertu. Toutefois à plus grande cautelle, & pour luy donner meilleur courage à bien faire, ie vous ay bien voulu ramenteuoir ces caresses, lesquelles neantmoins omises par fois ne se peuvent imputer à desordre. Mais pour paruenir à ceste perfection de vertu & de bonté de cheual, ie vous dy que tout ainsi que le nauire se guide & conduit par le nocher par le moyen du timon, sans lequel elle demoureroit en confusion sans seure conduicte, aussi vostre cheual se gouvernera par vous, & se conduira par le moyen de son timon qui est le mors de bride, & les resnes qui la soustiennent sont comme le manche du timon, lesquelles se tiennent de la main gauche, & se guident de la raison & de vostre bon discours. Et quand le cheual se maine soit au pas, soit au trot, soit qu'il courre ou qu'il galoppe, ou qu'il pare ou saute avecques ruades ou sans ruades, ou volte à passades ou redouble de ferme en ferme ou face la capriole & les couruettes, il faut tousiours qu'au mouuement de vostre main gauche qui tient le gouuernail respondent à tēps les rames, c'est à dire vos iambes ou vos esperons, ou tous deux ensemble, ou l'un ou l'autre, & tousiours la baguette aussi & la voix ou la langue.

Notez que quand le cheual sera bien instruit & bien iuste, il ne vous sera plus mestier de porter baguette pour l'en secourir, mais seulement pour vous assurer la main en ces deux parts esquelles en combattant il vous faut tenir l'espee. Aussi ne sera il plus besoing que vous faciez aucun mouuement de langue, ne que vous tordiez plus les iambes, ne le corps pour secourir le cheual en ses fautes. Mais vous faudra aller



droit, iuste de corps, de mains, de cuisses, de genoux, de iambes, de talons en la forme que ie vous ay parauant briefuement discouruë, lors le cheual au moindre signe de secoürs de la bride ou des esperõs que vous luy pourrez faire entendre vostre vouloir. Et en tout maniemet qu'il fera il vous accompagnera, & vous l'accõpagnerez, de sorte qu'il viẽdra en rout & par tout tousiours avec tẽps & mesure, & à la veuẽ des regards semblera que vous & luy n'ayez qu'un corps, vn sens & vne volõtẽ.

Et combien qu'aucuns dient & soustienent qu'il vaudroit beaucoup mieux laisser porter au cheual quand on le cheuauche sa teste libre & non contrainte, l'entretenant en sa libertẽ ou ferocitẽ naturelle sans luy faire chastiemet ny aucune subiectiõ : toutesfois on voit apertement qu'en ceste maniere le cheualier seroit guidẽ & cõduit du cheual : lequel n'estant nourry pour conduire & corriger l'homme s'en pourroit aller precipiter & son cheualier avec luy. Partant est-il necessaĩre que le cheual entende la volõtẽ de son cheualier, & qu'il luy obeĩsse selon son desir en temps & lieu, & luy faut faire entendre au moyẽ de l'arc & de la vraye discipline que la plus gaillardẽ partie de son corps, qui est le front, doit passer la premiere & la plus foible, qui est le muffle, se doit retirer dessous vers la poĩtrine. Et n'en desplaise aux ieunes & modernes qui ont soustenu le contraire: car plus le cheual porte sa teste libre estendant le muffle en auant & allongeant le nez, tant plus ira-il avec l'eschine abandonnee & lasche, tellement que le plus souuent, il fera le maniemet despiteux, couchẽ & largẽ & sans ordre aucun, & plus aisement perdra l'aleĩne: mais quand il portera le muffle plus retirẽ dessous vers la poĩtrine, & plus fort il s'ẽbridera pour aller ferir du front, tant plus d'heure à autre se renforcera-il d'eschine, ayant où s'appuyer & souuent (*da grupp in grupp*) de bond en bond vnira toute sa force, dont encore luy viendra plus grande legeretẽ & plus prõpte adressẽ, & plus grande force aux reins, & facilitẽ plus grande à se manĩer. Quand il porte le muffle allongẽ, la force de laquelle il se pourroit beaucoup aduancer, ne luy manquera pas seulement, mais encore il fera & à la course & en tous ses autres maniemens plus dangereux & aisẽ à cheoir, de sorte qu'une petite pierre le pourroit grandement offenser, pource qu'il ne peut regarder à ses pieds: mais quand il s'ẽbride bien, retirant le muffle dessous, & va pour ferir droit du front, alors il ne va point à l'auẽglette, aĩns tousiours en courant ou autrement se maniant, il regarde à tout ce qu'il fait. Quand il porte le muffle allongẽ, s'il s'en alloĩt heurter contre quelque chose de ceste partie qui est la plus foible qu'il ait, & sur laquelle il craĩt plus les coups, outre ce que telle rencontre seroit de peu de force, encore pourroit-il aisement par tel heurt mortellement renuerter, mais quand il heurte du front, ayant le muffle retirẽ dessous, pource que le front est la partie la plus forte que nature



luy ait baillee il donnera le coup gaillard, & sans danger de blessure ou de cheute il renuersera par terre tout ce qu'il rencontrera deuant soy. Quand il porte le muffle allongé, pour le moindre despit qu'on luy face il se pourra dresser & leuer tout droit, ce qu'il ne pourra si aisement faire s'il s'embride & va ferir du front. Quand il porte le muffle allongé, si d'auenture il tombe en courant mal aisement se pourra-il releuer: & si par sa grande force & allegresse naturelle il tasche de se releuer, ce ne sera pas sans grande difficulté, mais s'il s'embride & tient le muffle retiré dessous & va ferir du front, à peine tombera-il iamais, & neantmoins si ce malheur luy aduenoit par quelque iuste empeschement ou encombre qu'il rencontreroit, combien qu'il fust foible & pesant, si ne seroit pas pourtant la cheute si dangereuse, & plus aisément se releueroit.

Quand il porte ainsi le muffle aduancé, iamais il ne se pourra asséurer ny du tout adiufter, ne de bouche ne de col, ne de reste, mais s'il s'embride, & le muffle retiré pour aller ferir du front, il n'en sera pas seulement plus ferme de bouche, mais aussi il tiendra son col ferme & dur avec vne merueilleuse mesure, & la teste iuste & seure, iamais ne la mouuant hors de son lieu, & avec vn doux appuy s'accompagnera & agencera de sorte la bouche avec la bride, la maschant tousiours qu'il semblera qu'elle y soit miraculeusement née: & tant plus on le trauuillera, tant plus croistra sa vertu, & de quelque qualité qu'il soit ou bonne ou mauuaise il se monstrea en ceste façon tousiours gaillard & galland avec vne grande apparence de perfection.

Le vous diray maintenant que la main de la bride se doit porter en l'vne de ces trois façons. La premiere, est de la porter basse aupres du garrot dessus le bord de la couuerture. La 2. est de la tenir vn peu plus haut vers le milieu de l'arson. La 3. est de la tenir plus haute enuiron l'orlet & le bord d'en haut de l'arson, & quelques fois vn peu plus esleuee. La premiere, est pour corriger. La 2. pour l'entretenir. La 3. est pour le manier & pour le monstrea. Toutesfois il faut cōsiderer la qualité des cheuaux, si le cheual estoit dur à tirer le muffle vers la poitrine, lors il vous faudroit vser de la premiere façon: mais s'il estoit prompt & aisé, iusques à ce qu'il fust bien accoustumé en ceste vertu, il luy faudroit vser de la seconde, & puis apres de la troisieme: laquelle troisieme est encore propre au cheual qui est naturellement Ombrian, ou enclin à porter sa teste en son lieu conuenable, & aussi quand il sera du tout asséuré en sa bonté. Et pour ce qu'à l'auenture vous n'entendez pas que c'est à dire le cheual Ombrian, ie vous declare que le cheual Ombrian est celuy qui va la teste baissée tousiours regardant à bas son ombre: combien qu'aujourd'huy ce mot soit corrompu, & dit on communément Moriau: finalement vous vserez de chacune de ces façons avecques moindre ou plus grande libonté de main selon ce que vous en verrez estre besoing.

Mais



Mais notez que pour le mieux il vous faudra tousiours tenir le petit doigt entre les deux resnes de sorte que le mont de Venus avecques la partie de la ligne vitale qui est ioignant, regarde vers l'arçon, & le poulce passant dessus les deux resnes sera tourné vers le costé droit.

Toutesfois prenez garde que tât plus vous tournerez le poing, plus le petit doigt aille dessous, tellement que le poulce ira lors plustost par dessus vers le col que deuers l'arçon, & en ceste façon le cheual en sera plus subiet: mais cela ne vient pas tousiours à propos, ains se fera plus ou moins selon la qualité du cheual, & selon que la necessité vous y contraindra.

Et me semble encore bien à propos de vous dire que cheuauchant avec les faulces resnes, faudra lors que vostre petit doigt sorte hors des resnes, & en son lieu vous ferez passer par le milieu d'icelles le doigt suiuant, qui est le doigt annulaire: car par ce moyen avec plus grande aisance & plus grande efficace les reines seront secouruës, aydees & supportees par les faulces resnes.

Encore ne vous vueil-je taire, que la premiere chose que vous devez faire auant que monter à cheual, c'est de voir si la gourmette est en son point, & si elle est accrochee en la maille où elle doit estre, & puis apres vous faut regarder si les fangles sont bien liees. Semblablement incontinent que vous serez monté dessus, vous faudra aiuster les resnes en la main gauche de la façon que vous cognoistrez plus propre à la qualité du cheual: & puis apres vous faudra accommoder & accoustre vos accoustrements, & vous arrester vne espace de temps apres que vous serez accoustre de la façon que ie vous ay dit parauant.

Les raisons pour lesquelles la main de la bride ne se doit point porter haulte, sont infinies: & entre les autres qui sont en grand nombre, pour vous satisfaire, & aux autres qui n'ont pas la capacité, pour briueté ie vous en diray seulement quelques vnes.

Chacun sçait que portant la main de la bride hault en l'air outre ce que le bras de la main qui la tient, se lassera aisement & qu'au besoing on ne pourra pas la tenant faire au cheual telle force qu'on voudroit, encore l'escuyer ou le cheualier ne paroistront pas avec si bõne grace.

Chacun sçait aussi que portant la main de la bride haulte, on pourroit en combattant bien aisement couper les resnes: & d'auantage le cheualier n'ira pas si iuste, si vny, ne si estroit, comme il feroit de la maniere que ie vous ay dict, ce qui est neantmoins bien necessaire.

Chacun sçait aussi qu'en combattant, si vous portez la main de la bride haulte vous ne perdez pas seulement la commodité de la plus grãde deffense de l'espee que vous puissiez auoir, mais encore ne pouvez pas si aisement offencer les ennemis qui vous seront à main gauche, & si leur estes tousiours descouuert.

Chacun sçait aussi que portant la main haulte, vous dõnez au cheual occasion de prendre plus grande liberté, de sorte que peu à peu il vous



desfrobera la main, & si ne pourrez pas si aisement vous aduifer de sa faute: ains sera bien difficile qu'en ceste façon il se puisse chastier de sorte qu'il se rende subiet à vous, & combien que quelque cheual conduit de ceste façon vous semble au commencement bien aller, si sera-il bien mal aisé qu'au long aller il ne face quelque desordre.

Chacun sçait aussi que portant la main de la bride haulte, le cheual n'aura point d'arrest ou bien il puisse appuyer sa bouche: car il n'y a doute que la main haute branle quasi tousiours, tellement qu'il est bien mal aisé de manier le cheual avec la mesure conuenable. Donques ne laissez point la vraye doctrine, par le moyen de laquelle il se rendra tant ferme & tant iuste que puis apres de quelque façon, ou haulte ou basse que vous portiez la main de la bride, il vous obeira & respondra diuinement, ains qui plus est non seulement en portant les resnes de la main gauche, mais encores que vous le portiez avecques les dents, il ne laissera pas à bien faire, & pour quelque (*suffrenade*) tour de bride que vous luy donniez, il ne fera aucun mouuement de teste.

Or ceste coustume de porter la main de la bride haute se pratique fort en Numidie & aux enuiron où sont les Arabes & autres telles nations de gens, lesquelles ne sont pas capables de la vraye discipline de la cheualerie: dont la cognoissance est propre au vaillant & vertueux Gentilhomme. Et ceste façon leur est bien seante, pource qu'ils cheuauchent trop court, & avecques selles pleines & fort retirées en arriere, & leurs cheuaux sont gaillards, libres & accoustumez à la liberté, la pluspart desquels vont sans frein, mais il les arrestent & tournent avec vn certain maniement de la lance: & partant ne valent ils rien pour combattre à cheual corps à corps, comme il est requis selon la vraye discipline militaire, qui est le vray fondement de toute cheualerie.

Et pource que telle maniere de gens ne sçauent pas l'art ne l'ordre qu'il faut tenir pour donner aux cheuaux force & haleine, outre ce qu'il les font courir continuellement, quand les cheuaux ont enuiron deux ans, ils leur mettent sur le dos vn sac plein de fable, contrepoincté par dessous avec de la laine, ainsi qu'un panneau, & les font demeurer debout ainsi chargez vne grâde partie du iour dedâs l'estable, & peu à peu tous les iours ils leur renforçēt & augmētent leur charge, iusques à ce qu'il leur semble qu'elle soit du poix d'un homme pesant & armé.

Mais pour reuenir à nostre propos d'enseigner bien vn cheual de nostre climat, ie vous dy que vous pourrez commencer à luy apprendre tous les maniements & les vertus dont ie vous ay parlé, quâd il aura attainit les trois ans, ou les trois ans & demy: cōbien que vous pourriez bien aussi commencer à cheuaucher le ieune cheual depuis qu'il auroit passé les deux ans: toutesfois l'aage de trois ans & vn peu au dessus est plus forte pour porter le trauail, & pour entretenir le cheual avec plus grande seureté gaillard & allaire, sain, & entier de corps, de



bras & de iambes. Et partant l'Empereur Federic ne vouloit point que lon cheuauchast les cheuaux de son haras qu'ils n'eussent quatre ans: mais quand vous commencerez à les cheuaucher & à les manier, ne faudra point que vous changiez de lieu à la campagne, si la necessité ne vous y contrainct: car si le cheual va bien & fait bien son deuoir au lieu qu'il a accoustumé, toutes les fois qu'il y arriuera il se souuiendra des ordres qu'on luy aura apprins, tousiours allant de bien en mieux, & ne faudra à auoir memoire de tous les chastiemés qu'on luy aura donnez pour le corriger de ses fautes, tellement qu'il deuiendra subiet & obeissant, seur & ferme en toute bonté: toutesfois en aucun cas particulier, comme d'une grande crainte, en changeant de lieu il seroit bien plus-tost vaincu & dompté. Faudra aussi tous les iours sans intermission au matin auant que luy donner son auoine le manier & solliciter & ne cesser iamais iusques à ce qu'il entéde les tours, & les autres vertus que ie vous ay dit: & quand il vous semblera qu'il aura pris haleine & qu'il entendra parfaictement toutes ses leçons, lors sera assez de le cheuaucher de trois en trois iours & puis apres suffira de le manier deux fois la sepmaine: mais aussi quand vous cognoistrez que le cheual (à raison de ce repos) deuiendra poltron & s'oubliera de quelque chose qu'il aura apprise, lors vous faudra retourner à le cheuaucher tous les iours plus ou moins d'une heure selon qu'il pourra resister & le manier selon l'ordre que ie vous ay dit en le corrigeant de ses fautes. Et vous aduise qu'il n'y a cheual, lequel continuant les reigles & les ordonnances que ie vous ay declarees par le menu dedans quatre ou six mois au plus, ne soit instruit en tous les maniemens que ie vous ay parauant deduits & declarez, & en tout ce qu'il est possible de luy apprendre.

Il est vray qu'il y a des cheuaux de quelque race qui sont tardifs lesquels plustost qu'ils ayent la bouche faicte, & les membres pleins & charnuz enuiron l'age de cinq ou six ans, combien qu'ils entendent & sçachent bien toutes les reigles & ordonnances, toutesfois ils ne feront demonstration ne de force, ne de valeur, ne de leur bonté.

Et pource que quelque gentilhomme pourroit bien estre curieux de sçauoir quelle sera la disposition & l'age du cheual plus propre au combat & à la bataille.

Partant ie vous dy pour cest effect que plus le cheual est de grande taille & mieux vault, pour ce que toute espece d'animaux, fors que l'homme le plus petit craint le plus grand que luy. Et depuis six ans iusques à quinze le cheual sera generalemét parfait en toute chose, & encore s'il est bien gourné, & non excessiuement trauaillé sans oppression de coups ne de maladies, il durera tousiours esgal en sa bôté iusques à l'age de vingt ans. A ce propos ie vo<sup>us</sup> pourrais biē reciter plusieurs beaux exemples, mais pour ne vous ennuyer, ie vous diray seulement ceux-cy.

Le Roy Charles huietiésme retournant de Naples avecques cinq



cens hommes d'armes que cheualiers, eut rencontre de l'armee du Duc de Milan qui s'estoit couplé avecques les Venitiens, & avecques le Ferrarois & le Mantouan, & ne fust plustost arriué à Fornoue, qu'il n'entendist que ses ennemis fussent plus forts & plus gaillards que luy, ains iusques au nombre de mille cinq cens hommes d'armes. Et toutesfois le Roy de France se fiait au bon cœur, en la vaillance, & la prudence de ses hommes & cheualiers, & du seigneur Iean Iaques Triouise, gentilhomme Milannois son lieutenant general, combien qu'ils luy dissent tous qu'ils luy feroient bien chemin pour sauuer sa personne, voulut le iour suiuant donner la bataille, & montant dessus vn cheual moreau vilain d'Espagne le quel estoit borgne d'un œil, & auoit vingt & quatre ans, enuoya son carriage deuant: contre lequel la pluspart de l'armee Italienne avecques grand desordre s'aduança sous espoir du butin: & le Roy cependant commença à combattre & donner dessus si courageusement & vaillamment qu'il passa à trauers de ses ennemis suiuant son voyage: entre lesquels se trouuerent, que morts que prins, dix-sept capitaines des principaux de l'armee.

Mais le cheual sur lequel le Roy estoit monté combattit de tel cœur & de telle force que le Roy maintefois, puis apres disoit aussi que ce cheual auoit esté occasion de sa victoire. De fait il le fist conduire iusques à Moulins, & là cherement & curieusement traicter tant qu'il peust viure, sans le plus trauailler en aucune maniere: & depuis qu'il fut mort, par le commandement de Madame de Bourbon (parante du Roy) il fut treshonorablement & brauement enterré.

Pareillement lors que le grand capitaine vint à l'entreprise du Royaume de Naples se trouuant au camp à la Cerignole, il aduint qu'estant venu le lieutenant general du Roy de France, avec bonne compagnie de Barons & grands Seigneurs à l'encontre de l'armee d'Espagne, & voulant combattre le iour suiuant, il arriua au camp vn cheualier Napolitain qui auoit nom maistre Iaques Guindazzo, & pource qu'il n'auoit pas sa ses cheuaux, il s'en alla vers le seigneur Troyan Caracciol Prince de Melfes, & le pria qu'il luy pleust luy prester vn cheual seulement pour ceste iournee.

Le Prince genereux & gracieux luy bailla le choix du meilleur que le Guindazzo trouueroit en son Escuirie, où il alla, & entre les autres print vn cheual bay de grande taille, le quel ceste annee estoit venu du haras de faillir les iumens, & auoit bien vingt & sept ans: & combien que le Prince l'admonestast d'en prendre vn plus ieune, le Guindazzo cheualier expert en cheuaux, & qui cognoissoit bié ce vieil cheual, n'en voulut iemais prendre d'autre: tellement que le iour suiuant en la bataille, le cheual eut plusieurs coups, toutesfois il fist si bien son deuoir, comme aussi fist le cheualier qui estoit dessus, que chacun en fut esmerueillé, & à la fin par la vaillance du cheual fut sauuee la vertu du che-



ualier, & l'un & l'autre dignes que leurs noms soyent aujourdhuy memorables parmy le monde, & iusques à la cinquiesme sphere.


Ie feray icy la fin de mon Escuirie, & des reigles & ordonnances de la vraye discipline de cheualerie. Et combien qu'il y ait beaucoup d'autres secrets à vous dire, toutesfois craignant vous confondre, i'ay mieux aymé les vous taire, de peur que les vous disant vous n'oubliez les vns pour les autres.

Ie vous diray seulement pour ceste heure que pour estre accompli & parfaict cheualier, il faut premierement que la nature vous ait fait naistre en telle constellation, qu'elle vous induise & quasi vous force à tousiours suyure la vraye escole de Mars & tousiours penser à elle: & puis apres avec la longue pratique, ayant le commencement que ie vous ay dit, de vous mesmes vous decouuriez beaucoup de choses qui sont accessoires aux principales que ie vous ay declarees, & desquelles ie me ray maintenant, esperant qu'elles vous seront esclarcies par la bonté de ce grand Dieu, qui faict cognoistre ses graces à tous ceux qui les cherchent & demandent: combien que ceste vertu soit telle qu'elle est octroyee à peu de personnes, pource qu'en toutes autres facultez & sciences, il y a nombre infiny de sçauans & experts docteurs: mais cest art est tant difficile que combien que plusieurs se trauaillent de l'apprendre, si n'y en aura-il iamais qu'un seul qui puisse paruenir au vray but de son absoluë & accomplie perfection.

#### FIN DE L'ECVIRIE.

**P**OURCE qu'avec le temps se changent non seulement les noms des moindres choses, mais aussi des grandes & plus anciennes citez, & qui plus est les noms & les faits vertueux de plusieurs d'icelles sont aujourdhuy estains & enseuelis sous oubliance eternelle: il m'a semblé meilleur pour le profit de la posterité de ne me fier tant aux noms des mors de cheual, dont par cy deuant i'ay faict mention, & qui pourront aisement changer, que pour plus aisee intelligence, ie ne vous figurasse icy chacun d'iceux, selon l'ordre que i'en ay parlé. Et vous ay pour cest effect bien voulu représenter par les figures suyuant les chacune petites particularitez de tous ces mors de bride, l'une apres l'autre, toutes telles qu'elles peuuent estre, assésuré que par le moyen de la vraye & naifue figure d'iceux, on ne pourra pour temps qui vienne, faillir à en recognoistre la vraye forme: ie ne diray en cest endroit toutesfois entierement à quelle nature & sorte de cheual chacū desdits mors pourra estre propre, pource que ie l'ay par cy deuant déclaré à suffisance, neantmoins ie vous en ay bien voulu faire quelque legere declaration sous chacun mors pour vous soulager aucunement de peine, esperant que vous aurez tousiours vostre recours à l'œuvre.






Le premier mors qu'on doit bailler au cheual, soit de bonne ou mauuaise  
bouche.




(Seace) Mors à hotte.



Pour cheual qui monstre auoir la bouche quelque peu dure.



Melon doux & poly, & tant ceux cy comme ceux qui suyent, se pour-  
ront faire plus minces ressemblant à oliues.




Pour cheual qui n'a grande bouche, toute fois delicate & autrement  
bonne.

Melon




Melon vn peu plus rond avec vn anneau ou rouelle par dehors , & encores'y pourra mettre en vn autre anneau ou patenostre de chacun costé, pres du neud.



Pour cheuaux qui sont de bonne nature, ou qui ne sont de trop mauuaise volonté, & qui sont vn peu de (*chiomax uoles*) c'est à dire qui se deffendent avec les leures, & ne se posent sur les emboucheures comme ils doyuent, mais se les renferment dedans la bouche, de telle sorte qu'ils s'appuyent sur icelles, & vous forcent merueilleusement.




Melon avecques deux anneaux ou annelets de chacun costé, pres du  
neud.



Autre à mesme effect que ce dernier precedent.



Mors à poire.




Autre à mesme effect que ce dernier precedent.

T ij




Poire avecques vn anneau ou rouelle par dehors.



Autre à mesme effect que ces deux derniers precedens, & encore plus  
puissant pour faire son effect dedans la bouche du cheual.



Poire avecques deux ou trois annelets ou patenostres pres du nœud.




Autre à mesme effect que ce dernier precedent.

T iij




Campanelle (col rempaigno à volta) à cul de bassin.



Pour chevaux qui sont de bonne nature, ou qui ne sont de trop mauvaise volonté, & qui sont (*chioma Luoles.*)




Campanelle (col tempagno piano) à cul plat.



Autre à mesme effect que ce dernier precedent.



Campanelle avecques l'anneau ou rouëlle par dehors.




Autre à mesme effect que ces deux derniers precedens & encore plus  
puissant pour faire son effect dedans la bouche du cheual.

Campanelle



Campanelle avecques deux annelets ou patenostres pres du neud.




Autre à mesme effect que ce dernier precedent.

V




(*Scace*) mors à hotte avecques vn bouton ou balotte entaillée,  
qui se peut tourner de chacun costé.



Autre à mesme effect & plus propre que les neuf derniers precedens.




(*Scace*) mors à hotte avecques vn bouton ou balotte entaillée, & avecques deux ou trois annelets ou patenostres pres du neud.



Autre à mesme effect que ce dernier precedent, & fort propre à cheual qui porte la langue hors la bouche.




Poires doubles.



Autre pour (*chiomaquoles.*) mais non si propre que les precedens, & y trouue l'on aucunesfois peu d'aduancement & amendement.



Campanelles doubles.




Autre à mesme effect que ce dernier precedent.

(V - ii)




Bas tonnes avec les boutons ou balottes entaillées qui se tournent.



Autre à mesme effect que ces deux derniers precedents, mais le plus souvent on y trouue encor moins d'aduanement & amendement.




Demy canon ( *suonato* ) coudé & ouuert à col d'oye , lié & repris à  
( *perno* ) clou ou pomette.



Pour cheual qui est delicat d'emboucheure, & engorge sa langue.



Demy canon (*suenato*) coudé & ouuert à col d'oye, lié & repris  
à (*chiappo*) crochet ou couplet.




Autre à mesme effect & meilleur que ce dernier precedent.

Demy




Demy canon (*suenaro*) coudé & ouuert, à pied de char,  
lié & repris à (*perno*) clou ou pommette.



Autre à mesme effect, mais en partie non si fort que les deux derniers  
precedents, & ne rend le cheual si libre de langue, & si subiet de  
bouche.



Demy canon (*suenato*) coudé & ouuert à pied de char,  
lié & repris à (*chiappo*) crochet ou couplet.



Autre à mesme effect que ce dernier precedent.



Demy canon (*suenato*) coudé & ouuert, à col d'oye avecques  
la piecette.




Autre à mesme effect que les quatre derniers precedents, mais il rend  
la bouche du cheual encore plus subiete & plus libre de langue.

X ij



Demy canon (*suonato*) coudé & ouuert à pied de chat,  
auecques la piecette.



Autre à mesme effect que ce deruier precedent, mais  
non du tout si bon ny si fort.



Canon (*suenato*) coudé & ouuert, entier.




Pour cheual qui n'est point delicat d'emboucheure, &  
qui s'engorge la langue.

X iij




Canon (*suenato*) coudé & ouuert, entier avecques  
la piecette.



Autre à mesme effect que ce dernier precedent, mais il rend la bouche  
du cheual plus subiecte avec plus grande liberté de langue.




Canon (*suenata*) coudé & ouuert, avec les bracelets, ou filets, au lieu de la Siciliane ou trenchefille.



Autre pour cheual qui se boit la bride.



Demy (*face*) mors à hotte (*faciata*) coudé & ouuert à cold'oyc,  
lié & repris à (*perno*) clou ou pommette.




Pour cheual qui n'est point delicat d'emboucheure, & qui  
engorge sa langue.

Demy



Demy (*seace*) mors à hotte (*suenato*) coudé & ouuert à col d'oye,  
lié & repris à (*chiappa*) crochet ou coupler.




Autre à mesme effect que ce dernier precedent.

Y




Demy ( *Seace* ) mors à hotte ( *suenata* ) coudé & ouuert à pied de chat, lié & repris à ( *perno* ) clou ou pomette.



Autre à mesme effect que les deux derniers precedens , mais en partie non si fort.




Demy ( *face* ) mors à hotte ( *suenata* ) coudé & ouuert à pied de chat lié & repris à ( *chiappe* ) crochet ou coupler.



Autre à mesme effect que ce dernier precedent , toutesfois qu'il nous semble qu'au commencement du tiers liure il nous déffend vsr des mors faicts à faces.




Demy (*Sesce*) mors à hotte (*suenata*) coudé & ouuert à col d'oye,  
avec la piecette.



Autre à mesme effect que les quatre derniers precedens, mais il rend  
la bouche du cheual plus subiecte & plus libre de langue.




Demy (*face*) mors à hotte (*facnata*) coudé & ouuert, à pied de char,  
auecques la piecette.



Autre à mesme effect que ce dernier precedent, mais non du tout si fort.




(*Scace*) mors à hotte (*suenata*) coudé & ouuert, entier.



Pour cheual qui est dur d'emboucheure & engorge sa langue.




(*Scace*) mors à hotte (*fenata*) coudé & ouuert, avec la piecette.



Autre à mesme effect que ce dernier precedent, mais il rend la bouche  
du cheual plus subiecte & plus libre de langue.




(*Scace*) mors à horte (*senata*) coudé & ouuert, avec le pourfil d'auantage & avec la moitié icy peinte à l'enuers à fin qu'on puisse voir où, & comment doit estre assis son pourfil.



(*Scace*)




(*Scace*) mors à hotte (*suenata*) coudé & ouuert, avec les bracelets, ou filers, au lieu de la Siciliane ou trancheville.



Autre pour cheval qui se boit la bride.




(*chiappon*) pas d'asne, avec les oliues.& generalement il corrige & dresse mieux le cheual que le (*chiappon*) pas d'asne avecques le melon doux.



Autre pour cheual qui est fort dur d'emboucheure.




(*Seace*) mors à hotte (*Chiappon*) pas d'afne.



Pour cheual qui a grande bouche, & est dur d'emboucheure.




Poire à ( *chiappon* ) pas d'afne.



Autre pour cheval qui est dur de bouche, & se deffend fort  
avec les ( *chiomaxuoles* ).



Campanelle à (*chiappon*) pas d'afne, & se pourra faire (*col rem-  
pagno piano*) à cul de plat, & avec vn aunelet ou rouelle de  
chacun costé par dehors.




Autre à mesme effect que le dernier precedent.

Z iij




(*Seace*) mors à hotte à (*chiappon*) pas d'asne, avecques les bracelets ou filets au trous de la Siciliane, ou trenchefille.



Autre à mesme effect que les deux derniers precedens, toutesfois se doit bailler seulement à cheuaux qui sont de fort mauuaise nature, chargez de maschoires, durs d'emboucheures & de bouche, ou bien qui boiuent le mors.




Poire à (*Chiappon*) pas d'afne, avecques ces bracelets ou filets aux trous de la Siciliane ou trenchefille.



Autre à mesme effect que ce dernier precedent.



Campanelle à (*Chiappon*) pas d'asne, avec semblables  
bracelets ou filets.




Autre à mesme effect que les deux derniers precedens.

(*Chiappon*)



( *Chiappon* ) pas d'asne , avec les oliues , & avec semblables bracelets ou filets , & aulieu de ces oliues on y pourra mettre des melons.




Autre à mesme effect que les trois derniers precedens.

Aa




Dont pied de chat, avec les oliues, & au lieu d'icelles on y pourra  
mettre deux melons doux & polis.



Pour cheual qui a la bouche seiche & sans saueur, & n'est fort dur  
d'emboucheure, & neantmoins va avec la teste basse, & aussi  
s'il faisoit (*chiomaxiales*).



Pied de chat avec les oliues, & se pourra faire avec les melons doux  
& polis.




Pour cheval qui a petite bouche, & est dur d'emboucheure.

Aa ij




Demy pied de chat à poires.



Pour cheual qui a la bouche seiche & sans saueur , & n'est fort dur  
 d'emboucheure , & neantmoins va avec la teste baissée , & aussi  
 s'il faisoit (*chiomax voles.*)



Pied de chat avecques ses poires.




Pour cheval qui a la bouche grande, & est dur d'emboucheure.

Aa iij




## Demy pied de chat à Campanelle.



Pour cheual qui a la bouche seiche & sans faueur, & n'est fort dur d'em-  
boucheure, & neantmoins va avec la teste baiffée, & aussi s'il faisoit  
( *chioma* & *voles.* )




Pied de chat à campanelle.



Pour cheval qui a la bouche grande, & est dur d'emboucheure.





Aucuns en vsent pour asseurer la teste du cheual & le faire plus leger du deuant, & aux poses, & pour le faire aller avecques l'eschine gaillarde & assemblé en toute la force, toutesfois le S. Federic Grison ne l'approuue du tout.



**C**ES pieds de chat ( autrement appelez quarrez [ *o chiapponi  
spezati* ] ou pas d'asne reprins & reioints ) se peuuent ioindre &  
attacher non seulement à ( *chiappo* ) couplet comme ils sont prins:  
mais aussi à ( *perno* ) clou: toutesfois ie les pense meilleurs attachez à  
couplet. Et encore les peut on tourner, ou en forme de pied de chat,  
ou en forme de col d'oye, ainsi qu'il plaira au cheualier. Mais ie ne les  
ay point voulu figurer à part, à fin de ne représenter plusieurs fois vne  
mesme chose: & pource que ie me suis asseuré que vous pourrez aisé-  
ment de vous-mesmes discerner les vns des autres, & les accommoder  
à profit, lisant ce que j'en ay escrit parlant des mors de bride, & voyans  
les desseins que ie vous en ay représenté sur ceste fin. Et combien que  
tous ces mors, tant ceux qui sont clos avec les gardes droictes, comme  
ceux qui sont ouuerts avec les gardes tournees, se puissent faire avec  
gardes auancees ou plus retirees, & pareillement avec les yeux plus bas  
ou plus hauts ainsi que la necessité & qualité du cheual en fait demon-  
stration: toutesfois pour garder l'ordre ie les ay seulement fait peindre  
en vne forme de droictes, vne forme de tournees, & vne forme d'yeux  
abbaissez. Et tout ainsi que les mors ouuerts qui ont les gardes tour-  
nees se peuuent faire avec les gardes droictes: aussi les mors clos avec  
les gardes droictes se peuuent bien faire avec les gardes tournees. Ce  
que vous pourrez apprendre du troisieme liure, auquel ie vous ay de-  
claré en parlant des mors de bride, lequel est le plus gentil, & que le plus  
lourd, que si par faute de la plume, ou par quelque autre inaduertance il  
estoit aduenü qu'aucun de ces desseins ne fust représenté si esgal, iuste &  
proportionné comme il doit estre, non des gardes seulement, mais aussi  
del'emboucheure, l'esperonnier pourra aisément amender telles fautes,  
en voyant seulement la forme. Au surplus ie conseille à toute personne  
qu'il ne prenne la peine de faire vne table ou repertoire à ce liure: car  
on peut croire que si j'eusse cognu le profit des lecteurs s'auancer le  
moins du monde d'une table, j'eusse aussi tost prins la moindre peine,  
comme j'ay fait la plus grande: mais ie m'en suis expres deporté, sça-  
chant que tant plus souuent & diligemment on lira & reliera ces ordon-  
nances, ( lesquelles consistent plus en la pratique de tout l'art, qu'en la  
theorique de quelque particulier enseignement ) tant plus parfaite de-  
uiendra la cognoissance de la chose qu'on y recherche.

F I N.

B b



LA FIGURE ET DISCOVERS DV CHEVAL.





# LES MALADIES QUI PEU- VENT SURVENIR A VN CHE- ual avec les remedes.

**1** Prenez vn peu de souffre, d'encens masse, nitre, tartre, escorce de fresne, vitriol, vert de gris, de l'elebore blac & noir, aristoloche ronde broyez & pilez tout ensemble avec des mayeux d'œufs & huile commune, & le tout bouilly ensemble, engraissez en le mal.

**2** Prenez des meures non meures, de l'orge de cheual, avec racine de meurier, faites bouillir ensemble, & en lauez le mal: & si le mal vient à s'ouuir, prenez sang de Dragon, ius de poreau, sel, poix, huile, & vieil oing, & en faites emplastres.

**3** Prenez vne grande peau, & si longue qu'elle couure les reins de la beste, mais tout premier faut raser le poil de la partie dolente: puis faut piler ensemble du boliarmeni, de la consolte grande, galbanum, sel armoniac, sang de Dragon & sang de cheual frais ou sec, de la poix grecque, du mastic, oliban egallement, & en le pilant faut incorporer avec aubin d'œufs, & de la farine de froment, & appliquez sur le mal.

**4** Prenez vne couleure & luy coupez la teste & la queue, & du reste faites des morceaux, & les faites rostir à la broche tant que la graisse commence à distiller, & l'appliquez sur le mal.

**5** Prenez les trois pars de fiente de mouton, & vne de fleur de farine de bled, ou bien de seigle, & seichez la fleur, & la meslez bien, & faites cuire moyennement, puis l'appliquez tiede sur le mal.

**6** Pilez des choux sauuaiges ou domestiques verds, avec vieil oing, & mettez le tout sur le mal, mótez sur la beste, & la cheuauchez moyennement, à fin que la medecine entre dedans, & en peu de iours il guerira.

**7** Avec vn fer taillant faut inciser & arracher la chair morte, puis faire vne estoupade avec blanc d'œuf, & le lauez avec vin tiede & l'oindre de tel soif que voudrez.

**8** Prenez vn fer chaut & pointu comme vne aléne, & persez la chair tout de son long, & trauezsez ioignant le corps d'vn costé & d'autre le col en cinq endroits, & entre l'vn & l'autre des pertuis qu'il y ait trois bons doigts de distance, & laissez y en chacun vn seron quinze iours durant.

**9** Dés que verrez croistre les estranguilons, piquez le sous la gorge, & de matin, puis couurirez de la teste d'vne couuerture de lin, & frotterez souuent de beurre frais toute la gorge, spécialement le mal.

**10** Avec la lancette faut couper du lóg les auieres, les arracher de fait, puis prenez du drapeau de lin baigné en blanc d'œuf, & laissez les reposer trois iours, puis les pensez comme sera dict du ver.



## LES MALADIES DV CHEVAL.

- 11 Faudra enleuer cest ongle avec vne menue aguille d'iuoire & la couper du tout avec ciseaux ou autre taillant. Autrement. Faut rediger en poudre vn lefard verd, & avec la poudre d'arsenic l'appliquerez sur le mal, car cela ronge fort.
- 12 Prenez des os de seche, du tartre, du sel gemme, autât d'un que d'autre, & le tout puluerisé, avec vn tuyau de plume le soufflerez dans l'œil, & ferez cela deux ou trois fois le iour, & plus si voulez.
- 13 Attachez estroictement au bout d'un petit baston vne piece de drapau bien trempé & oingt de saumon de Barbarie, & les fourrez dans les naseaux le plus soupplemēt que pourrez, & aussi habillēmēt l'en retirez.
- 14 Prenez de l'orpin & du souffre, & les iertez sur des charbons ardans, & que la fumee entre dans les naseaux du cheual, à fin que les humeurs congelees au cerueau se fondent & coulent dehors.
- 15 Prenez vne once de fenugrec, & le laissez bouillir en eau tant qu'il se creue, puis en la decoction meslez vne ou deux liures de farine de froment, & donnez à boire au cheual deux fois le iour, & ne luy donnez autre chose.
- 16 Tirez luy du sang des veines accoustumees des temples, puis luy ayant appliqué vn cautere bien profond sous la gorge mettez y des tentes, & par dessus vne estoupade trempee en blanc d'œuf, & ainsi le faut laisser reposer par trois iours à l'estable, & là boire & manger.
- 17 Avec vne bistorie courbe bien pointue & ardante faut ouurir l'enflure de l'ordre des dens de deuant, & en tirer tant de chair que la bistorie en pourra comprendre, & si la maladie est nouuelle avec peu d'enflure, faudra avec la lancette tirer du sang du tiers rang d'entre les dets de deuant.
- 18 Il faut bien frotter & nettoyer le palais, puis l'oindre de miel bouilly en ciboules & fromages brulé. Autre remede. Faut avec vn fer biē subtil decharner le palais, tant que l'humeur gros sorte aisément dehors & faudra estre pourueu de remedes.
- 19 Prenez du miel rouge & de la molle de porc salé, de la chaux viue, & autant de poyure pilé, faites le tout bouillir ensemble, le remuant tant qu'il soit reduit en vnguent, duquel vous mettrez sur la playe deux fois le iour.
- 20 S'il n'est besoing de faire incision, faudra guerir le mal avec miel rouge, molle de porc salé autant de l'un que de l'autre, avec vn peu de chaux, & autant de poiure pilé, & le faut tout faire bouillir ensemble pour le mettre sur le mal.
- 21 Avec vn fer bien aigu & tout chaut, faut tirer du creux du palais les barbes, puis le couper tout bellement avec les ciseaux ric à ric du palais.
- 22 Luy faut tirer du sang des veines accoustumees des deux arcs de



## LES MALADIES

deuant, puis sous la poitrine luy faut mettre des tentes suffisantes & bien propres les changeant deux fois le iour, & les portera quinze iours entiers comme il a esté dit du ver.

23 Faites ce qui se doit dire des esperuains, ou bien prenez les iettons d'aluine, d'âche, apparitoire & branque-vrsine, pilez le tout ensemble, en y entremellant autant de vieil sain, faites le tout cuire ensemble, & le mettez sur le mal.

24 Coupez le cuir tout du long du poil, & de la quantité de la courbe, puis appliquez le long vne presse de lin trempé en vin chaut, & y poudrez du vert de gris par dessus, & ainsi continuerez tant qu'il soit guery. Aussi le remede des Iauars y est propre.

25 Faut cauteriser ceste partie, & y mettre le feu conuenablement selon l'exigence du mal de long & de trauers, puis le guerirez comme dirons des Iauars, & sçachez que le feu porte remede à toutes infirmités.

26 Faut tenir bonne piece le cheual de soir & matin dans l'eau froide & courante iusqu'aux genoux, tant que les galles se resserrent, puis faudra faire ioignant les iointures conuenable cautere, tant de long que de trauers, puis le traiter comme Iauars.

27 Les faut cauteriser par cinq fois avec vn fer large de tous les deux costez: mais le faudra ouurir de trauers vne fois seulement, s'il faut besongner sous le genouil de la partie anterieure de iambe, puis le guerir comme les autres brusleures ou cauterés.

28 Coupe foudain le poil & rase le tout autour du mal, sur lequel iette de la chaux viue puluerisee, & en faire autant tous les iours: mais cependant ne doit entrer en l'eau, ny auoir le pied mouillé, ny endurer le feu: car ceste partie est bien peureuse.

29 pren du poiure, des aulx, feuilles de chou, vieil oing, incorpore cela & le mets sur le mal, & en peu de iours mourra le mal ou mourira ce que i'ay esprouué souuent estre veritable.

30 Faut descouurir l'enclouure iusqu'au vif, & lauer avec du vinaigre, & faire bouillir du sel menu, & quatre fois autant de terebentine, puis la mettez toute chaude dâs l'ouuerture, & ceste infusion refroidie, y faudra mettre du souffre puluerisé, dissout en vin, & l'enveloper d'estoupes.

31 Prenez racine de guimaue, de lis, de bouillon blanc, & les pile ensemble avec de vieil oing assez pour le tout faire cuire ensemble, puis mettre ceste decoction sur le mal en mode d'emplastres le changeant souuent, mais premier il faut tenir le lien bien raz.

32 Fais vn tortis de laine grasse, & la trépe en vinaigre, & suif de mouton bouillis ensemble, tant que le tout soit espais que mettez sur le pasturon le long de l'écheuestrure bien lié: mais chagez deux fois le iour.

33 Il ne faut point tirer du sang, mais medeciner le mal avec vn vnguent fait de figes de Barbarie & chaux viue, & du vieil oing, de chacun vne



liure, avec quatre onces de fleurs d'hissope & le mettez sus.

34 Il faut dessoler la corne, & tailler au tour de l'enclouure, laquelle emplirez d'estoupes trempées en blanc d'œuf, puis la guerirez avec sel menu & fort vinaigre, ou poudre de noix de galle, ou meurte, ou lantifique.

35 Enleuez la peau, puis mettez dessus de la farine bien meslée & cuicte avec vieil oing, & ferez ainsi par deux iours entiers en changeant deux fois le iour, puis y appliquez de la chaux viue, sauo & suif par trois iours en changeant deux fois le iours, puis lauerez la playe avec vinaigre chaud & y mettez dessus de la caprinelle tant que tout soit guery.

36 Faut couper la corne par les extremitez tout au tour, & arracher la sole, & laisser saigner l'ongle à plaisir, puis mettre vne estoupade d'aubins d'œufs, & environner & lier le pied d'une bande, & les deux iours passez faut lauer le mal de fort vinaigre vn peu chaud, & l'emplir de sel menu & tartre pilez ensemble, & l'envelopper d'estoupes trempées en fort vinaigre.

37 Faut avec le fer cauer les extremitez de la corne par dehors, & la veine maistrale se rompe, & en laisser aller tout le sang, puis emplissez la playe de sel menu, d'estoupes trempées en vinaigre, & les liez en sorte qu'elles ne tombent.

38 Faut tailler la corne si auant qu'il se face espace conuenable entre la sole du pied & la figue, mettez y de l'esponge, & le liez bien fort, de sorte que le reste de la figue soit mangé iusques au tuyau.

39 Faut couper la corne iusqu'au vif, & mettre dessus de la poudre d'Asphodilles pour mortifier la chair, puis faut cuire ensemble poudre d'oliban, mastic, suif de mouton & cire, autant d'un que d'autre: & en faire vnguent pour oindre le mal deux fois le iour iusqu'aux pasturons.

40 Luez le pied, & tenez l'entour du mal bien raz, & en touchant avec le doigt vous sçaurez s'il tient à apostume: lors l'ouurez avec vne pointe de fer pour en tirer la bouë: puis prenez de la fiente de cheual ou d'oye, du vin, du sel & vinaigre, de quoy ferez vne emplastre qui enveloppera le mal, & au tiers iours le deslierez, & prendrez garde qu'il ne soit demeuré au fond quelque cas estrange.

41 Tirez luy du sang des pieds, & piquez la veine de la iambe de dehors & de dedans, & non du lieu où sort l'ongle, puis lauerez la partie avec du vin, & d'estrempez du ius de prunelle avec poudre & eau claire de galles, & avec ceste liqueur pilez du vieil oing & poix liquide en sorte que le tout soit comme miel, & oignez de cela le mal.

42 Rasez le lieu enflé, & prenez des plus tendres fueilles d'absynthe, d'apparitoire, de blanc vrsine, également pilez cela avec du plus vieil oing, & le faites bouillir en vn pot, où y mettez du miel, de l'huile de lin, & farine de bled, & le tout remuez tant qu'il soit



## LES MALADIES

bien cuit & le mettez sur le mal.

43 Faut peler le lieu puis le lauer avec vne decoction de mauues, souffre & suif de mouton, & leur marc soit mis entre deux linges & bien attaché du soir iusques au matin : & le tout osté faut oindre le lieu avec vnguent fait de vinaigre, suif de mouton, gomme de sapin, cire neufue racine egallement, le tout bouilly ensemble, & oindrez les grapes de cest vnguent avec vne plume deux fois le iour.

44 Il faut arracher la loupe & trancher tout l'entour, à fin que du reste ne suruienne putrefaction, puis faites comme a esté dict du mal du poulmon.

45 Prenez du fort vinaigre, de la craye blanche bien pilee, & par continuell mouuement faites en paste, en y meslant force sel bien broyé, & avec ceste paste oindrez les couillons deux ou trois fois le iour.

46 Prenez racine de guimaue avec l'escorce bien pilee & cuicte, soit mise sur le lieu deux, trois, ou quatre fois, puis description faut piler de la racine de mauue crue, avec semence de moustarde, le tout meslé avec poudre de fiente de bœuf cuicte en vinaigre, & le tout appliqué sur le mal.

47 Prenez du sel bien pilé, & en saupoudrez l'intestin, & en mettez moyennement dans le mal, puis prenez vn lardon fait en façon de suppositoire & le mettez dedans, & dessus y appliquez des mauues bien cuictes tant qu'il soit sain.

48 Aussi tost que verrez le nerf qui commence à la teste du iarrer, & va ioignant la couronne du pied, estre blessé, donnez le feu à ceste enflure de nerf, tant de long qu'obliquement, avec plusieurs & conuenables lignes qui suivent le poil, & puis faites ce que j'ay dit au Iauart, en mettant dessus de la fiente de bœuf par trois iours, & puis l'oindrez d'huyle bien chaud, y mettant apres de la cendre chaude.

49 Dilatez la fistule, & luy donnez le feu, & la bruslez avec le medicament qui se fait de chaux viue, tant qu'il en tombe escharre: car si tost qu'elle est mondifiée, s'emplit de chair, & si elle estoit fort creuse, aidez-vous de ferremens bien longs, puis la medicamentez.

50 Prenez sept once de ius de racine d'asphodile, avec deux de chaux viue, & deux d'arsenic puluerisé, puis le tout broyé ensemble mettez dans vn pot neuf bien couuert, & le faites si bien cuire que tout deuienne en cendre, que vous mettez sur le mal deux fois le iour, mais deuant lauer le de fort vinaigre.

51 Prenez cinq once de suye, trois de vert de gris, & vne d'orpin, & broyez bien tout, puis y adioustez du miel autant que du reste, & ferez le tout cuire, y meslant de la chaux viue, en le remuant souuent, tant qu'il soit bien cuit & espais, & de cela oindre deux ou trois fois le iour les creuasses.



52 Quand le Iauart est au iarred, faut cauteriser le milieu de l'enfleure du long & du trauers, cela faict prenez siente de bœuf bien fraische, & la meslez sur le feu avec huile, & en mettez vne fois dessus, & non plus, & faites apres comme aux Suros.

53 Incorporez vne once de cendre chaude, autant de chaux viue avec du vin & du miel, & premier qu'elles endureissent, mettez tout sur le mal, & ainsi continuerez si le mal & recent: mais s'il est enuieilly dōnez luy le feu, & puis penser la bruslure comme les autres.

54 Prenez vn fer bien rond & chaud & luy donnez le feu vers l'extremité, vous asseurant que par ceste bruslure les creuasses n'augmēteront point, ains diminueront.

55 Quand l'enfleure apparoistra en la partie du dedans le iarred, faut remonant la cuisse en haut lier la veine fontanelle, & y donner vn coup de lancette, & laissez sortir du sang tant qu'il n'en sorte plus, puis mettez le feu sur l'esperuain de long & de trauers, & guerissez la brusleure comme le Iauart.

56 Le poil osté lauez les de decoction de mauues avec du soulfre & graisse de mouton, puis prendrez le marc & le lierez sur lescdites grapes soir & matin, puis faites vn vnguent de cire neuue, de terebentine, comme arabe, esgalement meslez, & avec ledit vnguent faut couvrir le mal estant le marc osté, & ne le faut mener en l'eau.

57 Coupez le cuir au milieu & sous le mal, pourueu qu'il y ait grosse enfleure, & faut esmouuoir les humeurs qui sont dans le cuir avec vne brochette pour les desrompre, & les presser si fort qu'elles sortent: puis coupez le cuir sous l'enfleure & mettez en la concauité de la courle vn fer chaud de sept en sept iours, & gardés de brusler le cuir.

58 Faut raire le mal, & y mettre sus racines de guimauues avec l'escorce, le tout cuit & pilé trois ou quatre fois, puis prenés semence de moustarde pilee avec racines de mauues, & de la siente de bœuf, le tout cuit ensemble, & meslé avec vinaigre, emplastrés-en le mal trois ou quatre fois.

59 Prenés lexiue bien forte, & y trempez estoupes pour les mettre sur le mal, & les remouillez quand seront seches, & en continuant cela trois ou quatre fois le iour guerirés vostre beste.

60 Fendés la queue au bout vers les fesses iusques au quatriesme nœud, & tirés dehors avec vn fer l'os nommé Bariuole, puis emplissés la fente de sel, & d'un fer chaud trempé en saumure, & bruslés en diuers lieux la queue.



Om melandere & andere vnghegoden en beden  
prijden te cunten

Mispet, Sels, mostaet, & de milt verhefvenet, & dit al  
hant onder de andere gemengelt & is salwe dars  
ver gemaect, & de melandere dars mede gheset.

18 L'Escrive du S. Federic Grison, Gentilhomme  
Napolitain. En laquelle est monstré l'ordre &  
l'art de choysir, donter, piquer, dresser, et manier les  
cheuaux, tant pour l'vsage de la guerre, qu'autre  
commodité de l'homme. Auec figures de diuerses  
sortes de mors de bride. Nagueres traduite  
d'Italien en François & nouuellement reueuë &  
augmentee. Chez Adrian Perier rue Saint  
Iacques. 1610.

51 plates of bits ; plate of a manege ride ; and figure  
of a horse, with the nomenclature of the several parts.







3. qualitez d'un cheuf, a scauoir { la tefte  
le poil  
la criftefte

3. qualitez d'un boeuf a scauoir { les yeulx  
le ventre  
les jonctures

3. qualitez d'un cheual a scauoir { les aureilles  
le trot  
la queue

3. qualitez d'un mulet, a scauoir { le genoir  
une raze au long du dos  
la corne

3. qualtez d'une femme, a scauoir { le crin  
la poitrine large  
bonne monture



